



Александр ЛЫЮРОВ

ВУНОДЛЫТОМ
СЕРПАСЪЯС

ШКОЛЬНИКЛОН  БИБЛИОТЕКА



ШКОЛЬНИКЛОН  БИБЛИОТЕКА

**АЛЕКСАНДР
ЛЮРОВ**

**ВУНОДЛЫТОМ
СЕРПАСЪЯС**

**ПОВЕСТЬЯС
ДА ВИСТЬЯС**



Сыктывкар
Коми книжной издательство
1988

АЛЕКСАНДР
ЛЫЮРОВ

ВАННӨДЛЫТӨМ
СЕРПАСЬЯС

Лыюров А. А.

И : Вунөдлытөм серпасьяс: Повестьяс да висьтъяс.—
Сыктывкар: Коми книжнөй издательство, 1988.—
176 л. б. ISBN 5-7555-0030-4

Пер.: 60 к. 2500 экз.

Александр Лыюровлөн выль книгаө пыртөма «Югд лун» повесть, көнi петкөдлөма челядь синьяс водзын коми сиктын мунысь коллективизация да ёсь классөвöй тыш. А сiдзжө позяс лыддыны писатель-фронтовиклысь война йылысь гижөм «Менам другьяс йылысь повесть» да «Фронтөвöй оломьсь» висьтъяс.

84 Ко—4

Л 4803010200—007 38—88 м
М 128(03)—88

ISBN 5-7555-0030-4

© Коми книжнөй издательство, 1988.

Югыд лунъяс

Повесть

— Тіян поколениелы ковмис нуны ас вывтійс унатор: и войнабдзся съёкыд олём, и война, и киссьём овмёс бёр лэптём. Мый отсаліс тіяны венны та гырся съёкыдлунъяссө?— тшөкыда юавлөны том йёз.

Тайё юалём вылас дженъыда он вочавидз. Ме чайта, мыйкө мында, гашкө, висьталас миян йылысь тайё неыджыд гижёдыс.

МЕНАМ МИШЕЛЬ ДРУГ

Вөлі тайё комынөд воясө. Ме сэки котралі школаб. Пукалі өти парта сайын аслам тьозкакөд — псаломщик пикөд. Сөмын нимтісны сійөс семьяс мыйлакө Мишельөн, а эз Мишаөн. Керкаясным миян сулалісны школасянь неылын, джуджыд кыр йылын. Унаысь чөсмөдлывліс Мишель менө и мукөдөс: гусьөн петкөдлывліс гортсыс изюма көлөбьяс, еджыд булкияс. Ми өд сэки ид нянь кындзи немтор эг төдлөй, весиг рудзөт нянь шөрөм кажитчывліс чөсмасянторйөн.

Мишельяс ордө ме некор эг пыравлы: полі псаломщикысь. Быть пов: менам бать сійөс нөйтлөма да. Вөлөма тайё во дас сайын. Батьөй воөма гражданскөй война вылысь. Сиктса зонъяс ни нывьяс рытйысьны оз лысьтны петны: пөгибө воштөма найөс кузь юрсиа псаломщик. Абача кодь ён, сьыліс гөрд. Кыдзи нө татшөм дядьөсыс он пов! Эз өд йёз моз окопьясын пукав. Батьөй, а сійө сэки зон на жө вөлөма, сетас псаломщиклы морөспань улас, кор кузь

юрснайд мѳдас вѳйсѳдлыны рытѳысянѳны нывьясѳс. Сѳдз сетас кос кабырнас, мый мѳдыд никтылас, усьлѳ пѳдзѳс вылас. Но псаломщѳкыд абу энѳвтчылѳма лѳка ышмѳмсьыд. Торѳйн нин сура праздникьяс дырѳи дурлѳма. Быдѳнѳс пѳ нѳйтѳ.

Кѳлѳ шуны, мый праздникьяс дырѳиыд ышмывлѳс эз сѳмын том псаломщѳк, но и кыз гѳлѳса дякѳн Иван да и ачыс попыс — отеч Степан. Рѳштѳво луно славѳтѳгѳн сѳкт джынсѳ вуджѳм бѳрын найѳ коддзѳны нин: быд керкаын юкталѳны сурѳн, вѳнаѳн. А найѳ — ад горшьяс — бѳрынтьчасны-ѳ дарѳвѳйсьыд! Сѳкт шѳрас воѳм бѳрын коддзѳм псаломщѳк крест пыдди кѳас босьтѳ зор. А сѳкт помланьяс дякѳн Иван да отеч Степан ветлѳдлѳны кутчысьѳмѳн жѳ нин.

Пѳлѳсны попысь, ѳрѳсны сѳйѳс. Кѳдьяскѳ и эскѳсны сылы. А мыйся морт сѳйѳ — асьыс ѳд он юав.

Гражданскѳй война дырѳи бать служѳтѳма Гѳрд Армияын. Лѳдзѳмаѳсь сѳйѳс ѳтпѳскѳ. Воуйтѳма матын, Кѳтлассьянь неылын. Волас гортас, олыштас вежон да сэки кывсяс: еджыдьяс пѳ босьтѳмаѳсь Час сѳкт, кайѳны Усть-Сысольсклань. Повзьѳмаѳсь войтырыс, полошуйтѳѳны, кодѳ лѳсьѳдчѳ пышѳыны вѳрѳ, кодѳ керка бердсьыс корсьѳ сайѳдчанѳн.

А бать мяян некытѳѳ оз вѳрзья. Сѳмын чѳйсѳ ѳшинь улас сувтѳдас: кутасны кѳ пѳ локны Вѳчкодѳр грездьянь салдатьяс, сэки юѳрт меным. А ачыс горт гѳгѳрын ноксьѳ. Оз и пов, быттьѳ немтор абу и лѳѳма. А делѳыс вѳлѳма со кызѳи. Мыйѳн кывласны сѳктса озырьяс еджыдьяслѳн локтѳм ѳылысь, чукѳртчасны да гѳжаласны кабаѳла вылѳ ставнысѳ, кодьяс налы горшаныс сатшѳмаѳсь ѳѳѳи моз. Кѳмбедса вѳвлѳм членьяслысь, активѳстьяслысь да найѳ рѳдвужлысь нимьяс-сѳ. А медводзас гѳжасны менсьым батьѳс, кызѳи ѳтпѳскын шѳйччысь гѳрд армеечѳс. Шуасны тайѳ кабаѳласѳ сетны еджыдьяслы, мыйѳн найѳ воасны сѳктѳ.

Мунасны батюшко ѳрдѳ. Вѳсьталасны ставсѳ. Отеч Степан мыччас кѳсѳ кабаѳлала. Сетасны. Зѳв сюся да дыр лыддьяс. Оз шу кыв ни джын: чуж-чаж косявлас да шыбитас пачѳ. Матыстѳѳ пѳ оз еджыд воинство, кызѳи тѳ гѳжанныд, а неыджыд банда. Сѳйѳ пѳ волас дай бѳр мунас, а ми пѳ татчѳ, сѳктса олысьяс пѳвстѳ колям. Кутшѳм синмѳн нѳ пѳ тѳ мѳданныд вѳдзѳдны асланыд суседьяс вылѳ, бур ѳѳзсѳ кѳ бандѳтьяс вѳасны?

Со мыйла миян вичко эз звонит еджыдъяс локтигөн, со мыйла татчос олысьяс пиысь эз вөрзёдлыны некодос.

Со кутшом эскытөмторъяс овлоны.

Кор заводитисны котыртсыны колхозъяс, поп-дяк, дерт, вочисны уна лектор, на пиысь откымынъяслы ковмис кыв кутны советской закон водзын. Миян сиктын вичкоыс тупкысис. Эз мод кывлыны жыннъяслон бовгом. Пöрысь йöзлы весиг гажтөм лоис: найö од вичко звон серти овлисны. А мыжаыс вöли ачыс попыс, ас вöляысь öткажитчис попавны.

Енмыд пö эз вöвлы и абу, шуас. Сийос пö лöсьöдисны, медым бöбйöдлыны велöдчытөм йöзос. Ме пö ачым эг эскыв, дай öни ог эскы ни енлы, ни лешаклы. Öткажитча пö став прихожана водзын священник нимысь. А ти пö, кодъяс он тöдö грамота, вичкоö ветлөм пыдди туйсö писъкөдöй ликбезö. Со пö менам совет.

Сэсся пöрччас пöдрасниксö да тэрмасьтөг мунас гортас. Сы бöрся вöтчасны дякөн Иван да псаломщик, менам Мишель друглөн батыс.

Та бöрын и заводитчисны менам друглөн сьöкыд лунъяс. Уджалис сöмын мамыс, сиктса учительница.

Йджыд-ö сылөн удждон? А сөйысьыс вит морт. Мишельлөн вöлины Юрий нима ыджыд вок да ичөтджык чой Аля. Псаломщик семьялы ёна отсавлис мамыслөн вокыс — Вадим дядь, кызди нимтис сийос Мишель. Тшöкыда сийö модöдлис деньга Туркестансянь, көни служитис армияын басмачьяскөд воуйтөм бöрын.

Да, вöвлөм псаломщик семьяын заводитчис тшыг олөм. Изюма көлөбьястө сэсся ми эгö нин аддзывлöй. Тöвнад Мишельос некод нин эз кыскав дадынад, сийö ачыс вöли рад гурийöдлыны любöййос нянь тор либö пöжалөм паренча вылө.

Но Мишельлөн оласногыс эз вежсьыв. Вöли важкодъыс инас öшйывтөм, сылы тшöкыда сюрлывлис кывзысьтөм вöсна. Öтчид дуриганым кык друг урок вылө сёрмим. Мишель и шуö: ог пö пырöй классас, а лэччам пö да шорысь налим куталам. Мый нö миянлы, ыджыдöсь-ö на вöлим. Сэки, буракö, витөд классын велöдчим. Шорад миян ылавсис да кык урок чöж овсис. Занятиеяс бöрын кольöдисны миянös, кык другös, классö. Ставныс мунисны, а ми пукалам партаяс сайын.

Гажтөм. Учительница весиг вөрзыны оз сет. Ачыс тшöтш пукалö пызан саяс, видлалö тетрадыяс.

Да. И со пукалам классын. Заводитім вöзйысьны учительницагысь — оз лэдз. Гажтöмысла кöть бöрд, кынöмъяс гуръявны кутісны, быттö кодкö орйöдлö. Сэки Мишель босьтіс тасмаöн кöрталöм книгагыссö, кумкам кайис партаяс вылö да мöдіс ковöдны-мунны öдзöслань. Учительница шевгöдіс киягссö, потшис туйсö Мишельлы. А сійö чеччыштіс партаяслөн мöд рад вылö, сэсянь — джоджö да уйкнитіс öдзöсö.

Мöд асывнас ме парта сайын лон öтнам. Вöлöмкö, Наталья Андреевналөн, миян велöдысьлөн верöсыс, школаса директор, вöтлöма Мишельöс гортас.

Ме эг вермы терпитны дай шуи:

— Наталья Андреевна, а ті тöданныд, мый öні вöчасны сыкöд? Батьыс ловсö босьтас...

— Рытнас ветла на ордö, сёрнита, — вочавидзис учительница, — а тэ эн суйсы, сійö öд ачыс мыжа. Тэ, пионер, а пионерлы оз позь дорйыны дисциплина торкалысьöс.

Мый шуан татчö, быть лонс ланьтны, кöть и сьöлöмöй веськыда пузыліс. Сэки öд миянöс, челядьöс, гырысьясыд ёна нöйтлісны. Нинöм абусыс весиг мукöддырйи. Сюрліс и меным. Öтчыд — торйөн нин ёна. Вежон чöж прамöйджыка парта сайын пукавны эг вермы. А нöйтісны со мыйысь.

Классын унаөн ветлöдлісны гöрд галстукьясөн. Корисны пырны пионерö и менö. Но эг лысьт, полі мамысь: сійö эскис енлы, эз терпит пионерö пырöмтö. Но öд та йылысь вожатöйыдлы он висьтав, кыпалас öмöй сьöлöмыд вузавны асьыд мамтö? Сідзи и олі, быттö кык би костын: öтарсянь чишкаліс ёртьясысь яндзим, мöдарсянь — мамысь полöм. Галстуктöг ветлöдліс и Мишель. Сэки енлы служитысьясыдлөн пияныд эз лысьтлыны и мөвпавны пионерö пырöм йылысь.

Классын öткымынөн мöдісны эльтчыны, полан пö мамысыд да он лысьт пырны пионерад. Кутшöм зонка нö сöгласитчас новлöдлыны полысь мортлысь ним! Ме лон пионерөн. Сьöлöм вылын вöлі праздник, кор меным сыліö кöрталісны галстук. Гортö воигөн сійöс пöрчывлі. Кузянад школаын велалі галстук дорад да öтчыд гортö локтігөн и вунöді пöрччынысö. Пыри гортö, серала. А мыйысь повнысö? Велöдчи бура, дерт. вильшасьысь жö вöвлі-а. Пöрччи пальтоöс, öшöді тувйö. А мамö и шуö, оз гора, а сэтшöм гөлöсөн, мый ме изми места вылö:

— Нолтö, пиук, петкöдлы, кутшöм антикрис т пас öшöдöмыд перна пыддиыд?

Матыстчис ачыс, менам кокъясöй эз кывзысыны, не-тшыштіс галстуктö да — пачö. Видліс сьылысь — пер-наыд абу. Тайö нин дзикöдз дöзмöдіс сійöс. А пöчö орччөн лөвтö:

— Велöд чадөтö, кор сійö лабич вомлөс кузя, а быдмас кö, сёр нин лоö.

Ок и сюрис сэки меным. Мам — тасмаа, пöчö — ньөръя. Гөгөрвои горөдны, мый норася батылы татшöма нөйтöмсьыд, бать эз вөрзёдлыв некодöс кинас. Повзисны норасьöмысь, дугдісны швичйöдлыны. А ме ёнджыка збойми, восьті пач пöдан, судзöді галстук, кайи гөбöч вылö.

Та бöрын некымын лун школаö эг ветлы. А нөйтöм йывсьыд классад, дерт, кывлісны. Но сэки татшöм-торьяс вылад некод эз шензъыв. Со мыйла ми, сійö воясса зонпосни, ёна мустöмтлім тасматö, бура төдлім и ньөрлысь көрсö.

Да. Вывті жаль вöлі Мишель. Öд нөйтнысö сійöс мөдас оз мамыс, менö моз, а батыс. Мужик кабыртö он öткодяв нывбабалöнкöд. Пукалам урокьяс бöрын школа дорын куим друг. Вöлі нөшта Шурик, орчча керкаысь, сöмын арөсөн ичөтджык. Мый вöчны, кыдзи мездыны Мишельöс?

Тасмаысь мыніс миян Мишельным: вошöма. Арнад водз пемдö. Ужнайтігөн локтіс Шурик. Весьöпöртіс ставнымöс: кытчөкö пö згинитöма Мишель, абу пö школаас ни гортас, ни төдсаяс ордын. Мужикьяс да бабаяс пö ветлөдлөны пöнарьясөн пывсянъясті, рынышъясті. А гашкө пö и кöиньяс сөйсны. Мам да пöч сöмын аксöны да оксöны. Бать тэрыба чеччис пызан сайысь, павкнитіс вылысас шабур да муніс. А ыджыджык чой Граня вочавидзис Шуриклы, мый öні кöиньяс оз на шөйтны, татшöм ыджыд сиктö найö весиг төвнас полöны нырсö суйны.

Став корсьысьöм лоис весь. Мөд луннас шызис и школа. Инас оз öшйыны ни миян учительница Наталья Андреевна, ни сылөн верөсыс, школаса директор. Гөгөрвоисны, таын эм и налөн мыжыс. Вошас кö Мишель, найöс юрöдыс оз малыштны. И семьяс, дерт, некод нин эз мөвпав вильшасьысь писö пөвсалöм йылысь, кевмысисны, медым сöмын сійö воис гортас лөвйөн. Майшасисны ставөн, вөвлытöмтор — зонка во-

шис школаысь гортас мунігөн, кузь кыр кайигкості. А медся ёна, дерт, Мишель вёсна тőждысим да висим сьёлмнаным ми Шуриккөд — сьлөн другьясыс. Қолис нин сутки, петіс мөд вылө. Мам жаляддза шульвліс, гашкө пө, омөльясыс кыскисны, батыс өткажитчис псаломщикалөмсьыд да. А ми, чой-вок да пөчө, ышлолалім. Сөмын бать мөвпаліс мөд ног: пов пө лөк мортысь, а сэсся тэнө некод оз вөрзөд.

А сэк кості Мишель жыкруйтис-оліс крепостынь, кыз шуасны, горе ни печаль. Сиктсянъ неылын сулаліс гажаяг. Ми, челядь котыр, вөчлім сэтчө крепость. Джуждыд пожөм вывсянь тыдаліс ставнас сиктыс. А сы улө стрөитім пача неыждыд землянка. Ёшиня и. Крепостьсө кытшалім лыскысь да пуясысь вөчөм стенөн. Вескавны сэтчө эз вөв кокни. Со тайө шоныд землянкаас, небыд вольпась вылын видзис ассыс мышсө тасмаысь Мишель. Вермисны өмөй төдны та йылысь гырысьяс? Найө эз и кывлыны крепость йывсьыс.

Миян землянкаын век вөлі кос нянь, лук, картупель, галанка да мукөдтор. А мый вылө нө ми Шуриккөд? Быд рыт катльвлім сылы сөян-юан, весиг вый да сакар, көть ставыс тайө зэв шоца вичмывліс аслыным. Со тадзи и спаситчис тасмаысь Мишель. Колө-ө виьтавы, кутшөм радөсь вөлісны и гортас, и школаын, кор Мишель бөр локтіс.

КОММУНАРҚАЯС

Регыд школаса да челядь олөмысь шөгьястө невөляысь лоис вунөдны: матыстчисны гырысьджык төждлуньяс. Вөлі октябрь пом. Қор няйт, кор кынмылас. То зэрө, то усьө слөт, то лым. Сикт лөсьөдчис пасйыны Великой Октябрь праздник. И школа тшөтш. Урокьяс бөрын рисуйтчыны кужысьяс, тшөтш и ме, бумага лентаяс вылө уна рөма краскаясөн гижалім лозунгьяс. Мукөдьяс ваялісны вөрысь ньыв пу лыс, вөчалісны гирляндаяс, веноекьяс. Наөн мичмөдім школа, изба-читальня, сиктсөвет да мукөд стрөйбаяс. А гажыс мыйта. Сэтшөм сөрөдз уджалам, мый учительяслы лөө мырдөн ыстыны миянөс школаысь.

Өти татшөм рытө вои гортө. Посводзын на кылі ыджыд зык да шум. Кылісны скөр гөлөсьяс, бөрдөм,

видчөм. Долюдлунöй быттьö эз и вöвлы, морöс куд-йöс чорыда топöдис, чеччис сьöлөмöй. Лов шыöй эз мөд ветлыны. Сувтовкери, кывзыся. Со кылис Гранялөн лэчыд гөлөсыс. А сэсся сийöс вевтгис мамлөн бөрдөмыс, и став вылас ыджыдалис батылөн мургөмыс.

— Мый бара лоөма? Пырны али абу?— мөвпышти, восьтышти öдзöс да тювкниті кухняö.

Зычитісны орчча вежöсын, весиг менсьым пырөмөс эз казавлыны. Пөрччыси гусьöник да воді паччөрö. Посни чоя-вокаöс, кодьяс вöліны сэнöсь жö нин, зыри пöлатьö да гөбöч вылө. Найö олісны чөв жö: татшөм кадад кутшөм нин дурөм да вильшасьөм. И налөн сьöлөмъясныс нюкрасисны. Вель дыр эг гөгөрво мыйын делöыс. А сэсся видчөм-горзөмъясысь гөгөрвои: Граняöс вөтлөны гортысь. Торйөн нин старайтчöны пöчö да мам. Бать кытчөкө петіс, эз вермы, тыдалö, терпитнысö да. Сылы, дерт, и нылыс жаль, и кызкө мыждыны колö. Со и шуис зычитысьясöс кольны ас кежсьыныс. Та бöрын нывбабаяслөн гөлөсьясыс ещö на ёсьмисны. Граня чукөртіс нопйö ассьыс паськөмсö. А мам да пöчö пинялісны да ёрисны избач Пономаревöс. Тайö пö ставыс сы вöсна, антикрис т вöсна. Дерт, сюрис тырмымөн видөмыс и сиктсöветса председатель Игнатовлы. Ок, ёна эз радейтны Пономаревöс пöчöяс да пöльöяс. А таысь мыйтакö и ачыс мыжа: лыйліс вичко вевт улын олысь гулюясöс. Миян бабö пöшти быд рыт казътывліс: Пономаревыд пö регыд став ен лэбачьяссö антикрис рушкуас изас. Oz öмöй нö пö ыджыд милöстя господьыслөн терпенньöыс пот, коркө пö öд накажитас жö сийöс. Но Пономарев век вöлі здоров да збодер, важ мозыс корсюрö кывліс вичко дорын лыйсьөм шы. Изба-читальняыс ськөд орчча, сөмын кильчö помас петав ружьенад.

Пономарев да Игнатов котыртöмаöсь видз-му вөдитысьяслысь коммуна, кытчö пырöмаöсь квайт-сизим семья да том йöз, медсясö комсомолецъяс. На лыдын и миян Граня.

Висьталöма та йылысь гортын. Со и кыптöма зык. Дерт, чой юасьліс, но сылы эз тшөктыны лоны коммунаркаөн, торйөн нин мам да пöч. Найö кывзыны эз вермыны сёрнисö öтувъя олөм йылысь, весьöпөрлісны коммунасыд, көні пö ставыс мөдасны овны öти керкаын, узылыны öти эшкынөн шебрасьөмөн. И быдөнлы пö пуктасны антикрис тлысь пас.

А сэк кості зык отаро оддзис, быттьо бипурйо пукталісны гөрд лыс. Пөлатьысь да гөбөч вылысь кыліс нин гусьоникон никсөм-бөрдөм. Гөрддзасис горшөй и менам. Эг од вөв ёна ыджыд чоя-вокайсь. Көсий нин лэччыны паччөрысь да кевмысьны Гранялы, мед энөвтчылас коммунасысь, позяс од и сөрөнджык мунны. А сэтчөдз, гашкө, бурмас и гырысьяслөн сьөлөмыс. Но немтор эг удит вөчны: синъяссө чышкалігтыр да сыркъялігтыр кухняю пырис нопя Иво Аннуш — Гранялөн пөдругаыс. Одзөс шыө вежөсысь петіс Граня. Скөр. Чужөмыс дон. Синъясыс кодзлалөны. Ме татшөмнас сійөс эг на аддзыв. Аннуш уськөдчис Граня морөс вылө, мөдіс ыджыд гөлөсөн ырыны-бөрдны, а чөй малаліс сылысь юрсисө, такөдіс. Мыччысны вежөсысь и пөчө да мам. Тайө серпасыс, тыдалө, вөрзьөдіс и найөс. Зыксөм да лөвтөм-бөрдөм лөнис. Сөмын кыліс Аннушлөн сыркъялөмыс.

— Эн бөрд, — шунс чөй. — Вөтлісны кө, ог пропадитөй. Коркө асьныс ставсө гөгөрвоасны. Локтасны жө коммунаю. И лөгтө на вылө, пемыд йөз вылө, оз ков кутны.

Чөй шур-шар пасьтасис, көлаліс пельпом вылас паськөм тыра нопсө, босьтіс сыркъялысь пөдругасө сойбордйөдыс. И сійө здукас пөлатьсянь да гөбөч вывөсянь кыліс зөв нора да шога кык рикөстөм-бөрддзөм. Граня тэрыба чеччыштіс приступ вылө, кутліс, окаліс синваөн көтасьөм чужөмъяссө ичөт чөй-воклысь. Мелі кинас малыштіс менө юрөд, шөпнитіс:

— Эн ныртө өшөд, Мишук, ставыс лоө бур.

Ме немтор эг вермы вочавидзны, сөмын гогнитышті юрөн. Сэсся Граня бөр кутіс сойбордөдыс пөдругасө. Кык комсомолка петісны одзөс сайө.

— Антикристъяс. Рөдитель благөслөвенньөтөг гортсьыд мунөмыд бурө оз вайөд, ыджыд милөстя господыс ставсө аддзө, — видчис пөч.

Воис гажтөм асыв. А ещө нин мустөмөн луныс лос сэк, кор керкаө пырисны коммунаөн юралысь том мужичөй — Русинов, а сиктса ног кө, Висар Мишө Васьө, өти том ныв да милиционер. Вөлөмкө, найө локтөмаөсь мөсла, нуны коммунаю. Гранялысь пайсө. Ачыс, дерт, чөй эз жө вола-а. Сьөкыд висьтавын тайө серпас йывсьыс. Мам да пөч мөдісны бөрдны, быттьө гортын поконики. Сэсся пондісны видчыны, пиньясьны, грөзитчыны. Бать өдйө пасьтасис да петіс

ывлаб. Сы бөрся — мукодыс. Картаысь гез пом йылын сійо петкодис Еджыд Юрөс. Миян вөліны кык мөс да вөв. Ешө некымын ыж. Сетис гез дом помсө Русиновлы. Нуой пө одйоджык. Висар Васью мыжа морт моз видзөдліс бать вылө, шуыштіс:

— Аттьо, Якимович, ог вунөд тайөс некор. А скөтсө босьтам быд семьяысь, кытысь пырисны коммунаб.

Но сэки мирной серпассө торкис мам. Сійо шашаритчис мөскө. Быттьо гөгөрвоис ставсө, мөс нораа баксис, нетшкысис Русинов киясысь. А пөчө кыпөдис юр весьтас няйт гөлик да зырөдис веськыда милиционер вылө:

— Антикристьяс, кум челядьсө көсьянный йөвтөг кольны! Съод Пель өд сулалө!

Сэсся бабө уськөдчис Русинов вылө... Гашкө, эськө вөрмөмыс лонс энъкаа-моня сайын да сүйсис бать, босьтіс асьыс мамсө да миянсьыным мамөс сойбордьясөдыс. Найө пыр н лантьисны, быттьо тайөс н виччысьомаось. Сөмын чышкалісны синвасө водздөраяснаныс.

А Еджыд Юр сэк кості петис нин восьталөм завор сайө да мөдис шляпиктыны няйт туй кузя волөм йөз бөрся. Сөмын корсюрө сійө бергөдчыліс да видзөдлывлис аслас рөднөй карталань, нораа дівөстлывлис да сідз прөщайтчис вөвлөм көзьяйкаыскөд, сійөс видзысьыскөд — мекөд, сылысь йөвсө радейтысьяскөд — ичөтджык чөй-воккөд.

Тадзи воис миян семьяө сійө вося Октябрьскөй праздник.

КОПЕЙНОЙ ВОЙНА

Праздникьяс бөрын кын му вылө усис лым. Сапкис да сапкис. Кок улын пыр жө лонс дзурид, төлын моз. Ывласө быттьо пелькөдөма праздникьяс кежлө, весиг йөлөга кылө. А челядьлы гажа. Отияс ас вөчөм конькиөн ислалөны йи вылын, кытчөдз оз вевтты юсө лым эшкыныс, мөдьяс дадьясөн да пөвторыясөн шыльбөдөны-мольбөдөны школадорса да грезддорса кырьяс. Ислаласны сэтчөдз, мый мылык йылө оз вермы додьөн кыпөдчыны дортөм вөв. Туйыс стеклө кодь. Быдөн ислалө ас вөчөмторйөн. Сөмын Мишельлөн вөлі бур

коньки-снегурочка. Ёна, дерт, вежавлім, да немтор он воч: магазинъясн татшомторъясд эз вовны. А котъ, шум, и вайисны, мый выло босътан? Коньки да лыжи вылад денгатов эз эськө сетны бать-мам.

А шуны кө веськыда, лавка джаджъяссыс кортом кампет, идйыс да омидзыс вочом копейсыс * кындзи, чосмасынторъяс эз вовны. Но кампетыд дона. Сы йылыс сомын мовпалім. А вот копей... Переменяяс дырйи челядълон вомъясис и бан бокъясис вөліны вижось либө мугөмось. Ром сертиис и позис гөгөрвоны, коді кутшом копей сөйөма. Челядь быд көпейка видзлісны тайө чосмасынтор вылас. Но од и көпейкаясд эз вовны быдөвлон. Та вөсна ёнджыкъяс да наян зонкаяс мырддывлісны чосмасынторсө слабджыкъяслыс. Татшомъясис сөйлісны мытсавтөдзис. Торйон нин радейтис пакөститчыны катыд помыс Прокө Ольө, коді велөдчис мян классн мод во нин. Збой, но шуны кө веськыда, Прокө Ольөлон выныс да удаллуныс вөлі ёна этшаджык яндысьтөмлунсыс, горшлунсыс да лёклунсыс.

Сэсся сы гөгөр век гартчисны зонпосни, катыд-помсаяс жө. Ставсө вөчлісны отув. А веськөдлысьнас налөн вөлі Прокө Ольө, кодөс тышкасьөмыс да посниджыкъясөс кедзөвтөмыс вөтлісны нин пионерыс. Но та вөсна, тыдалө, ёнасө эз майшась. Мөдарө, весиг ошйысис. Ми, кывтыдпомсаяс, эг вермылөй терпитны тайө котырсө: сійө медсясө кедзөвтис мукөд грездъясса челядъөс, тшөтш и кывтыдпомсаясөс. Некымыныс нин сувтлім накөд морөс на морөс. Та бөрын копейсө модісны мырдьявны мян син сайын.

Отчид ыджид перемена дырйи паныдаси орчча грездса Иракөд, коді ветлөдліс ичөтджык классө. Видзөда, нывка бөрдө. Синваис молльон-молльон лөччө. Медбөръя грөшъяс вылас пөдругаискөд ньөбөмаөсь копей, а Прокө Ольөид кыйөдөма да мырддөма.

Сьөлөмөй пузис. Уськөдчи корсьны Прокө пиөс. Аддзи амбар сайыс, буретш сөйө копейсө. Ме шашаритчи сө и здук мысти кыкнаным патурликсим муө. Бертчыштим куйлөмөн, сэсся бөр звирк сувтим кокъяс вылө. Прокө Ольөлон синъясис быттө кольчаяс. Повзьөма виччысьтөмысла. Но палялыштит, аддзис,

* *Копей* — омидзыс да сотыштом идйыс вочом юантор, кодөс заваритлісны чай пыдди.

мый меным некод оз лок отсӧг вылӧ, да ачыс нин вув-зысис. Лоис вӧчны воськов-мӧд бӧрӧ. Полі сълӧн кабыръяссы, амысь кодъ гыжъясыс, инмӧдчыласны кӧ, чужӧмсыд яйсӧ лыӧдзыс нуасны. Медбӧрын слӧймӧдчи кватитны килутшъясӧдыс да чорыда уськӧді Прокӧ Ӧльӧс. Ок, и звермыліс жӧ: ӧд нывъяс син водзын сійӧс уськӧдіс ичӧтджык велӧдчысь да нӧшта кутшӧм пелька. Лымйысь чеччӧм бӧрын бара кӧсийс уськӧдчыны, но тані вӧліны нин менам другъяс — Мишель, Шурик да кывтыдпомса мукӧд пионеръяс. Сэки жӧ зильӧбтіс звӧнок. Прокӧ Ӧльӧ лёкысла ӧдва эз бӧрд, торійӧн нин сэки, кор кыліс Иралысь тешитчан гӧлӧссӧ.

Но сълӧм вылын вӧлі долыд сысы, мый эг янав другъяс ни Ира водзын. Ӧд ме вӧлі арӧсӧн ичӧтджык Прокӧ Ӧльысь и со, верми. А вермасынысӧ менӧ велӧдіс Мишель друг. Сійӧ кайлывліс карӧ, кӧні оліс мамыслӧн чойыс семьянас. Воча вокъясыс велӧдӧмаӧсь сійӧс вермасынысӧ выль ногӧн. А Мишель — менӧ да ещӧ морт-мӧдӧс, кодъяс асьныс окотитісны. Со мыйла сямми пелька конйыштны, шыбитны вермасысьӧс пельпом вывті, песовтны кисӧ.

Урокъяс бӧрын гузыгым ывлаӧ. Сӧмын на матыстчим гортлань нуӧдысь кыр дорӧ, кызди уськӧдчисны катыдпомсаяс. А Прокӧ Ӧльӧлӧн пальто пӧлаясыс шевкнитчӧмаӧсь кырныш бордыяс моз, лёкысь видчӧ, киас радейтана оружиыс — кӧрт наконецника карандаш. Катыдпомсаяс зырӧдісны сэтшӧм ӧтвыв да ыджыд зыкӧн, мый кывтыдпомсаяс сюв-сявмунісны, мӧдісны пышйыны гортлань. Ме эг кӧсийы пышйыны, а сӧсса вӧлі нин сӧр, тувкышти тасмаӧн гартыштӧм книгаясӧс кутшӧмкӧ нывкалы да уськӧдчи Прокӧ Ӧльӧ вылӧ.

Сійӧ гӧгӧрвоис, мый бара вермас ворссыны, да падмыштіс. А меным тайӧ кивыв. Син лапнитігкості уськӧді Прокӧ Ӧльӧс.

Ог тӧд, мыйӧн эськӧ помасис делӧыс, но виччысьтӧг кыліс ӧлӧдана гӧлӧс.

Ми чуймим: челядь чукӧрын, микӧд орччӧн сулаліс избач Пономарев. Неыджыд тушаа, но зумыд, пасыкыд пельпомъяса. Руд нойысь вурӧм дженьыд пальтоа, кучикӧн клеялӧм галифеа да кром сапӧга. Тайӧ пасыкӧмыс сетіс сылы кутшӧмкӧ стрӧглун. Кучик лӧбъя тӧвся шапка увсыс чурвидзӧны неуна читкыльтчӧм сьӧд юрси пратьясыс. Гӧлӧсыс стрӧг, а синъясас — нюм.

— Пионеръяс өмөй косясьлөны?— юалис сийө.— А но-ко, висьтасьöй, мыйысь зыксянныд-косясянныд? Му-намöй коммунаö, тани кöдзыд.

Сэки менсьым синьясöс тупкисны кодлөнкө кепыся княс. Бергöдчи — сьөлөмө ылькнитис нимкодълун: вö-лөмкө, Граня. Сийö воöма Пономаревкöд тшöтш. Чой-öс аддзöм бöрын нимкодьöйла вунлис ставыс. Комму-налань чойкöд осьлалим орчöн. Воим школасьян не-ылын сулалысь ыджыд керка дорö, кöни коркө овлөма дякөн. Öнi стенас öшалис гижöд «Югыдлань» комму-наса уджалысьяслөн оланin».

Миянöс пуксьöдiсны пызан сайö. Лоис дзебтöг вись-тавны ставсö, мый вöли миян зыклөн-косьлөн помка-öн. Виктор Васильевич Пономарев чöвтлис синьясöс Граня вылö да шуис:

— Ковмас дугöдны тайö «копейнöй войнасö». И мыйла вузалöны посняслы копейсö, öд сийöс косөн сейны оз позь, вермасны висьмыны челядыс.

Сэсся Пономарев корис миянöс лоны дружнöйöн, öтувтчыны да отсасьны коммунарьяслы тышкасьны классöвöй врагкöд, кулакьяскöд.

И сэки мекöд орчöн куткырвидзысь Шурик друг юалис:

— Виктор Васильевич, а мыйла тэнад пельыд во-жалöма?

Избач шöйöвошлис татшöм виччысьтöм юалöмсьыд, видзöдлис гөгөр. Сийöс мездис Граня:

— Челядь, Виктор Васильевич ранитчылöма кулац-кöй банда бырöдигөн.

Сэсся миянöс нуöдiсны коммунаса столövöйö. Тадзи помасис «копейнöй война». Некымын лун мысти шко-лаын заводитисны луннас вердны юмов проса рокөн. А копейсö лавкаысь миянлы эз кутны сетны.

ГАЖА ТÖВ

Тайö тöлыс дыр кежлö мөрчис миян сиктса олысь-яслы паметяс. Уна интереснöйтор лоис. Первойсö ше-мöсмöдiс радио. Сийöс öшöдiсны лыддысян керка сте-нö. Арнас на сиктса мужикьяс сувтöдiсны зев джу-джыд сюрья. Сы вывсяньюжöдiсны да зэвтiсны су-туга вичко кöлөкөлняса крест подулö. Ок, мый керсис

тані, пѣчѣяс да пѣльѣяс веськыда гызылісны, локтісны
вичко да лыддысян керка дорѣ (найѣ сулалісны орчѣн)
да мѣдісны кевмысьны, медым гири-люки усис
Пономарев, коді кавшасис кѣлѣкѣльня вевт вылѣ. Не-
код эз вермы лоны веськодѣн. Весиг челядь. Ме су-
лалі Гранякѣд орчѣн, коді уджаліс коммунаса че-
лядь яслиын. Чѣй чужѣм серти позис тѣдны смел из-
бачлысь быд вѣрзѣм. Но и кузѣн кажитчис кадыс,
кѣть эскѣ Пономарев аслас отсасьсыскѣд сутугасѣ кѣр-
талісны вичко крест заводитчанинас зэв ѣдѣ. Тайѣ
сутшас чѣв усьлісны весиг пѣчѣяс. Найѣ ызѣбтісны
ѣрѣм-видчѣмнас сѣмын сэки, кор нин избач мѣдіс пель-
ка лѣчыны вевт вывсьыс. Но и удал жѣ да повтѣм
вѣлѣма сѣйѣ. Видѣны, ѣрѣны, грѣзитчѣны, а сылы
дзик веськодѣ, нинѣм оз мѣрччы, бытѣѣ кодкѣ ним
кыв лыддѣѣма.

Вичко ѣградаысь петѣм бѣрын избач паськыда нюм-
уніс да став ѣѣзсѣ корис лыддысян керкаѣ кывзыны
Москвалысь гѣлѣс. Сѣмын сэки личалісны Гранялѣн
менсьым пельпомѣс доймытѣдзыс шамыртѣм киясыс.

Пѣрысь ѣѣз пѣвстын кыптис бушков кодѣ зык. Ен-
мыс пѣ биѣн сотас антикріст киѣн вичкѣѣ везѣѣдлѣм
сутугатѣ, некутшѣм радио пѣ оз артмы, гашкѣ пѣ му-
тиясыс мѣдасны омлявны-а... А верстьѣ мужикъяс да
том ѣѣз сѣмын гѣрдлѣны-сералѣны. А мый налы шуан?

Но эз ло лѣксѣ туналысьяс ног. Сѣйѣ жѣ лунас,
лыддысян керкалѣн ыджыд залын, неыджыд сѣѣд
ящикысь мѣдіс шыавны морт гѣлѣс, сьылѣм да ворсѣм.

Пономарев вочасѣн бергѣдіс асланьыс сиктса кыз-
вын олысьяслысь сѣѣлѣмъяссѣ. Лыддысян керка рыть-
яснас тырлывліс ѣѣзѣн. Воывлісны и ылі грездъяс-
сысь. Татшѣмъяс пысьыс кодесурѣ гусьѣнник зільлісны
кыйкнитлыны аппарат пытшкас, тыдалѣ, кѣсйисны ад-
дзыны сѣні сѣрнитысьсѣ.

Медся кѣдзыдъяс дырйиыс, кор керка стенъяс пот-
ласисны пашляк лыйсѣѣмысь, сикт кузя паськаліс юѣр:
кладовщик Мишка Петра коммунаѣс рѣзѣритѣма, уджа-
лысьясыслы кѣть пѣ рушкутѣ тувѣѣ ѣшѣд, складсьыс
став сѣян запассѣ таргайтѣма. Гашкѣ пѣ и судитны ку-
тасны. Ог тѣд, мый вѣчисны Мишка Петракѣд комму-
наръяс, а суд, дерт, эз вѣв. Но «коммуна рѣзѣри-
тысь» та бѣрын мѣдіс кыскавны муяс вылѣ куйѣд. Та-
ысь Питирим пыис вылын школаын бѣрдѣдтѣдзыс се-
равлісны: кодлы абу дыш, сѣйѣ и дзайгис-корис круп-

чатка пызысь (коть асьныс эз тӧдны, мый сійӧ сэтшӧмыс) пӧжалӧм булкыяс да кӧлӧбъяс. Торйӧн нин зӱлысны Прокӧ Ӧльӧ да сълӧн другъясыс, коть эськӧ найӧ вӧліны ӧти грездысьӧсь. Мишка Петра пилы сысянь сирасис Крупчатка прӧзвище. Ёна ӧд лэчыда да чорыда сотӧ йӧзыдлӧн кывйыс.

Дерт, миян гортсаяс эз жӧ сулавны бокин. Бабӧ да мам нимкодясисны, кайтисны, мый ыджыд милӧстя да терпенньӧа енмыс кӧ босътчис, то кырӧдас нин коммуналысь подувсӧ. А бать налы:

— Ок ті, поп кадилӧ пестысьяс. Коммунаыдлы тиян ёрӧмыд — тшаква, сійӧ уль лым ёкмьыл кодь, кымын водзӧ — сымын ыдждӧ, зумыдмӧ.

Бать быттӧ ваӧ видзӧдӧма. Вӧвлӧм дякӧн керка стенись вывескасӧ регыд вежисны. «Югыдлань» коммунаса уджалысьясълӧн оланін» пыдди сэтчӧ гижисны «Югыдлань» сельхозартельлӧн правление». Сиктын котыртчис колхоз.

Тайӧ тӧлыс збыльысь вӧлі гажа. Сиктсӧветлӧн залын, кодӧс мыйлакӧ шулісны «шумӧвӧйӧн», частӧ мунлісны скодъяс. Мужичӧйяс шпуткӧны-куритӧны, выступайтысьяс сёрнитӧны-горзӧны, корӧны пыртны крестьянаӧс колхозӧ, корсьны озыръяслысь лишалысь нянь, а асьнысӧ кулакавны. Унатор йылысь вермисны эськӧ висьтавны тайӧ «шумӧвӧйыслӧн» табак тшынысь сьӧдасьӧм стенъясыс, сяммисны кӧ быттӧ сёрнитнысӧ. Ми, челядь, тӧдім жӧ, мый йылысь сәні сёрнитлісны. Мукӧддырйи рытъяснас вӧвлі не ислалӧмӧдз да дзесьясьӧмысь ворсӧмӧдз: батьяскӧд да ыджыдджык вокъяскӧд орччӧн восьлавлім скодъяс вылӧ.

Сәсся асланым синъясӧн аддзим классӧвӧй тышлысь ёсьлунсӧ. Миян керкасянь неылын сырквидзис Опонь Ваньлӧн кӧрӧмина. Кышӧма тьӧскӧн, мавтӧма колькывиж рӧма краскаӧн. Еджыд белилаӧн краситӧм куричьаса да рамаяса ӧшиньясыс быттӧ кӧсйӧны чеччыштын уличас, сэтшӧма шыбитчӧны синмад. Жӧч вевт вылас чурвидзӧ некымын труба. А керка пытшкыс! Қоркӧ пыралім бабӧкӧд могӧн, дерт, кухняӧдзис сӧмын. Джоджъясыс лӧсталӧны стеклӧ моз. Но став озырлунсӧ ми, челядь, аддзим сәки, кор кулакалӧм Опонь Ваньлысь мӧдісны нуны эмбурсӧ. Ӧшинь ув йӧрас сулалісны уна вӧла-доддя. Мыйсӧ сӧмын сэтчӧ эз сӧвтны: гырысь зеркалӧяс, стеклӧа мича шкапьяс, шӧвкӧн кышӧм диваньяс, мича бӧра улӧсьяс. А сун-

дукыс кымын! Став тайё эмбурсё видзчысьёмён лэч-чөдісны сиктсөвет дорё.

Рытьясысь өтиё ме дорё локтіс Мишель. Куткыртчим ломтысысь көрт пач дорё, заводитім чөсмасыны пөжалөм картупельён. Вундан чөлан, шляпкан доналөм пач бокё, сутш-мөд мысти банъяс-пөжасяс. Ёна жё чөскыд! Но талун менам другой мыйкё вөлі жугыль. Эз лөставны кыз синкымъяс увсянныс век долыдөн овлысь синъясыс, а нейджыд, паськыд бордъяса нырыс, код гөгөр төдчисны беринъяс, шога көрыштчөма, дженъыда шырём съдовюрси увсыс сөстөм плешсө стариклысь моз шөрыштөма джуджыд чукур. Сійё весиг шога видзөдлывліс ме вылө, тыдалө, сьөлөмсө йирисны сьөкыд мөвпяс. Картупельён чөсмасьём бөрын вөййыси гортысь ывлаө. Колө вөлі сёрнитыштны Мишелькөд гусьён. Тэрыба пасьтаси-көмаси.

Ывлаын көдзыд. Чужөмад чапкө-кутчысьө сарөгөсь веркөса кепысьнас мороз-пөль. Гөгөр еджыд: му веркөсыс, керка вевтьяс, гьөртөм стенъяс, потшөсьяс, пуяс. Забор сюръя шапкаасьөма быттьө көч куысь вурөм джуджыд папахөн. Трубаясысь вөсньыдик сюръясьөн дзик веськыда кыпөдчө тшын. Енэжас абу ни өти кымөртөр, дөвкнитчөма еджыд му весьтас лөз эшкынөн, көні посньыдик розьясті дзувъялөны-тыдалөны ярбияс. И татшөм жө би киньяс, сөмын кельыдлөзөсь, сьавкйөны кокувса лым вылын. Көдзыд. Ещө нин йирмөг лов вылад кулачитөм Опонь Вань көрөмина весьтө өшйөм галанка рөма төлысь джын вылө видзөдлөм бөрын. А мый ылнаөдз кылө кок улад дзуртысь лымлөн шыыс, он небось гусьөникөн матыстчы некод дорё. Но өні эз вөв некутшөм делө көдзыдөн дорөм мичлунөдзыс.

Друглөн шогыс вочасөн вуджис меным. Лоис пыр йирмөгджык и йирмөгджык. Вөлөмкө, корлөмаөсь Мишельлысь батьсө сиктсөветө, висьталөмаөсь, мед оз дзевлав эмбурсө. Тыдалө, лөсьөдчөны кулакавны. А налөн озырлуныс эз вөв, не кө артавны книгаяс. Быдлаын книгаяс, журналъяс, өтлаө вурлөм важ газетъяс. Торйөн нин ме радейтлі «Нива» журнал. Мый йывсысь сөмын сэтчө абу гижөма. А снимокьясыс! И японецьяскөд, и немецьяскөд воуйтөм йылысь. И став тайё озырлунсө нуасны сиктсөветдорса базар вылө.

ВАДИМ ДЯДЬ

Полёмным лоис весьшөрө: миянлы эз ковмы тор-йёдчыны радейтана книгаяскөд, журналъяскөд. Отсаліс Мишельлөн Вадим дядьыс, код йылысь ми, челядь, төдім зэв уна, көть эськө асьсө синмөн эг на аддзылөй.

Шондісьыс доналём барханъяс кузя, джуджыд гө-раясөд лэчыд сабляён киас вөтлысьө басмачьяс бөрся аслас эскадронкөд Вадим дядь. Ыджыд да ён, багатыр кодь. А кутшөм стөча кавалеристьяс лыйсьөны! Татшөм удал да повтөм конникьясысь басмачьяслы пышйынытө абу кокныд. И, дерт жө, командирьяс пиысь медся збойнас, вынанас да сяманас вөлі Вадим дядь.

И со дзик Виль во водзвылын Вадим дядь воис. Шпорыяса зеркалө моз лөсталысь сапөга. Шынельыс кузь, пөлаясыс сапөг бөрляясөдзыс. Бөрыс вожа, уна югыд кизьяса. Кучик кабурын наган. Косса да пель-помыввса тасмаясыс дзуртышталөны. Юрас ыджыд звездаа ёсь йыла шлём. Ачыс абу и багатыр кодь, ко-сіник, статя, осьлалө тэрыба. Збодер да вежөра видзөдласа.

Сөмын вот саблятөгыс воөма. Ок, ёна ми жалитім, эз удайтчы саблясө аддзывны да. Дай ачыс устөм. Чужөмас некутшөм чукур, быттө том зонлөн. Сөмын кирпич рөма. Жарсьыс пө чишкасьсөма. А синкымыс еджгов.

Вадим дядь инас эз өшйы: то вөлі сиктсөветын, то колхоз правлениеын, то почта вылын, то лыддысян керкаын.

Быдтор сылы окота төдны.

Воліс Вадим дядь и школаө. Вөлі тайө виль вося войө. Сэки ми, сиктса челядь, первойысь аддзылім ёлкатө, сійөс өнөдз некор эз вөчлыны. Дерт, рөштвө лунө сиктса озыра олысьяслөн ёлкаясыд вөвліны, но сэтчө ми вок коддьөмтө матө эз сибөдлывны.

Школаын первой ёлкасө котыртіс Анна Александровна — учительница. Сійөс дасьтігөн миянөс залас эз лэдзлывлыны, урокьяс бөрын сэні ноксисны нывьяс, кодьясөс бөрйыліс Анна Александровна. Ми эськө заводитлім жө бергавны залса өдзөс дорын, но уна-ө нө верман аддзыны томан розь пыр. А залын ноксьысь нывьяс абу уна сёрниаөсь: эн пө мешайтчөй, ёлкасө

тіянлы тшотш вочам, а кутшөма воччөдам, аддзанныд бөрыннас.

Ёна жө шемөсмөдіс миянөс ёлкаыд аслас мичлуннас, кор воссисны өдзөсьяс и пырим залө. Миян олөмын медводдза ёлка! Верман өмөй вунөдны сійөс. Куня синъясөс да өні на сувтө син водзө. Уна мича да тшап ёлкаяс аддзывлі олөм чөжөн, но на пиысь некод эз коль паметьө, а вот гөлиник да прөстөй ёлкаыс некор оз вун. Гашкө, сы вөсна, мый олөмын сійө вөлі медводдза. Гашкө, и сы вөсна, мый сэтчө воліс Мишельлөн Вадим дядьыс — гөрд командир, кодөс челядь аддзисны медводдзаысь жө.

Уна лампаөн да ёлкаыввса сисьөн югдөдөм залө Анна Александровнакөд пырис военнөй. Лөз диагональ галифеа, лөсталысь сапөгьяса, воротникас да сосьясас командирскөй пасьяс. Дженьыда шырөм да шыльыда сыналөм смоль юрсиыс лөсталыштө жө. Учительница төдмөдіс ськөд, и Вадим дядь ясыд да ён гөлөсөн чолөмаліс миянөс Выль воөн, сиис бура велөдчыны водзө. Челядь сьөлөмсяныыс аттьөалісны сійөс, а сэсся корисны висьтавыны басмачьяскөд воюйтөм йылысь.

Залын пуксис чөв-лөнь. Нывкаяс да зонкаяс вомнысө восьтөмөн кывзисны гөрд командирлысь висьталөмсө. А аддзылінныд кө эськө ті, кутшөма нимкодьясис да гөрдитчис аслас дядьөн тайө здукнас Мишель. Дыр висьтавліс Вадим дядь Гөрд Армияса боецьяслөн да командирьяслөн подвигьяс йылысь, а сэсся корис петны ёлка дорө. Ачыс кыпөдчис жө улөс вылысь, матыстчис Анна Александровна дінө да корис сійөс йөктыны. Кутшөма ладмисны миян учительница да гөрд командир, кыдзи найө лөсялісны өта-мөдныслы: томөсь, зумыдөсь, статьясь да мичаөсь. А гаж пыр паськаліс и паськаліс. Ёлка гөгөр йөктысьысь лоис пыр унджык и унджык. Ылалі, гаж вылас видзөда. И сэки друг аддзи Мишельөс. Сійө йөктіс ёлка дінын... Иракөд. Да, да, йөктіс... Дзик өтнас школаса зонпоснияс пөвстысь. Тайө вөлі дивө кодь, эз эскыссы синьяслы: велөдчысь зонка йөктіс нывкөд! И йөктіс буретш орчча грездса Иракөд, кодөс коркө ме копейнөй война дырйи мездылі Прокө Ольбысь.

«Но и Мишель! Кавалер дай сөмын. Но, а Ираыс, Ираыс!..» — довкйөдла юрөн. Ме сюсьджыка видзөдлі сы вылө да вежөй петіс, завидьта Мишельлы. «Кө-

нось бара вёлмаоьс синъясöй, татшөм дзоридзсö өнөдз эг казавлы». А Ира и збыльсь вöлі дзоридз кодь, марляысь вурөм карнавальнöй платтьöа, сьöд юрсиас еджыд шөвк банта. Чужөмыс, яндысьштöмысла, ыпъялö, а лөзоват синъясас быттö дзирдалöны ко-дзувъяс. Вöсньыдик сойыс куйліс еджыд дөрöма Ми-шельлөн пельпом вылын. Морөспань улöд быттö че-пöльтісны: «Кутшөм авъя да мича нывка вёлма Ира-ыс! А ме өнөдз на эг казавлы тайöс. Да, пöжалуй, став нывпосни пиас медся статьяс да сöстөм чужөма-ыс!»

И сөмын сэки ме гөгөрвои, мый аслам веськодьлу-нөн верма воштыны тайö нывкасö. И завидьлун, сьöд завидьлун шамьртіс став пытшкөсөс: кужи кö эськö йөктыны, дерт жö, Ира вöлі мекöд...

Сёр рытнас нин, кор Мишелькөд восьлалім горт-лань, юалі, кöні да кор сійö велөдчыліс тадзсö йөк-тыны.

— Карын. Воча чой велөдіс. Дай мам мян зэв бура йөктö, ворсö гитараөн, сьылö,— вочавидзис сійö.— Колö и тэныд велөдчыны, олөмад, другö, ста-выс сгөдитчас.

ВЫЛЬ ДРУГ

Кулакъясöс сиктысь нуөм бöрын тöлыс колис торъя лоөмторъястөг. Ми, челядь, олім важ моз дурөм да ворсөм помысь. Школаын лыддысянторйыс — некымын сё книга. Пу коньки, ас вөчөм лампа — исласян кö-луйным. Со и став гажөдчанторйыс. Та дінö содтöд: шочиника вайльвлісны немöй кинояс. Йöзыс унаөн грамотатö эз тöдны да гижөдъяссö гораа лыддис ачыс механикыс. Челядьöс скамьяяс вылад эз лэдзлыны, на-лөн местаыс джоджын, дзик экран дорас. Но и тайö места вылас некод эз элясьлы. Öд бать-мам гежöда сетльвлісны билет вылö деньга. Сэки ми кавшасьлім öшиньяс вылö, видзөдлім сэсянь — кыті аддзылам, кыті ог. Пырльвлім и гырысьяслөн кокъяс костті, кор йöзыс писькөдчисны залас ыджыд чукөрөн. Но татшөм шудыс усьліс шоча. Медасьлім отсасьны киномеханик-лы, бергөдлім динамо-машина, коді сетіс токсö ки-ноаппаратлы. Сэки öд электричествоыд эз вöv. Йö-

зыс овлісны карасина лампаясөн. Матыстчам механик дінө некымын детинка да вөзйысям бергөдлыны динамо-машинасө вежласьомөн. Со и бергөдлам мудзтөдз, пөсялам быдсөн, ньылөм шорөн лэччө. Быдөн виччысьоны сійө здуксө, кор сійөс вежас ёртыс.

Механик босьтліс отсасысьө эз быдөнөс, а сөмын ёнджыкъясөс. «Шудаяс» сетлісны шапкаяснысө механикы (мөд ногөн өд ми вермим пырны залас дай не бергөдлыны машинасө). Ме частө жө вөвлі татшөм «шудаяс» лыдас, сэк, кор зептын эз гөглясь ни өти грөш. А деньгатөм, слабджык зонкаяс завидьтылісны миянлы.

Өтчөд вайисны Зелимхан нима зэв интереснөй кино — Кавказын мунлөм война йылысь. Грездса зонпосни лэччим Вичкодорө өтчүкөрөн. Өтияс зілісны пискөдчыны залө гырысь йөз чүкөрын. Мөдъяс няргисны-вөзйысисны билеттөг. Небыд сьөлөма механик кодсюрөбөс лэдзліс кино вылө дон мынтытөг. Коймөдъяс лөсьөдчисны посйысьны өшиньяс дорө. А менам некутшөм төждлун: бать сетіс деньга. Но билетсө эг босьт, и сөмын сы вөсна, медым не торйөдчыны аслам другъясысь, отсаси налы пырны кино вылө либө адзыны кутшөмкө места, кысянь тыдаліс экраныс. И сэки адзи нывъяс чүкөрысь Ираөс. Төдчис: налөн зепьясыс кушөсь жө.

Сьөлөмөй ёкнитіс. Миянлытө, зонкаяслы, мый, а налы, нывъяслы, кутшөмджык: ни өшиньө он кавшась, ни йөз пальто пөлаяс улын он прөйдит залад. Ковмас сідзи бөр мунны гортаныс кино видзөдтөг. И сэки юрө воис мөвп: ньөбны Иралы билет. Тайө мөвпсьыс первой ыззылі, пөсявлі. Кызди нө тайө мөвпсө збыльмөдны? Вөзйыны билетсө Иралы — абу лөсьөд, мөдасны серавны, Прокө Өльө коддьөмъяс сійө и шныркйысьөны-кыйөдчөны. Мый нө вөчны? Сьөлөм эз инась местаө, тшөктіс отсавны Иралы. Сэки, гашкө, сійө бурасяс мекөд. А лөгасим ми неважөн на, рөштво вежонө, кор йөзыс гадайтчөны, кывзысьөны, войнас видзөдчөны зеркалөө, томнавлөны ведраяс, кынтөны паньын ва, пожналөны лым вылө пөим, сотөны сись водзын кабала да с. в. Коді кызди кужө, сідзи и гадайтчө. Быдөнлы окота төдны, мый ськөд лоө таво, а том йөзлөн өти мөвп — сюрас оз жөник либө невеста.

Сёр рытө веськалім орчча грездө. Көдзыд. Төлыся. Гөгөр ылөдз тыдалө. Видзөдам, кунм туйвежын

мыйкө сьод тыдало, вель ыджыд, а мортысь ляпкыд-джык, мыйкө турун юр модаа, абу ловъя лов, оз вөрөшитчы. Матыстчим, дыр видзөдiм да гөгөрвоим жө, кодi мый: кывзысьысыя лажынътчөмаоь өтчукөрө куним туйвеж шөрө, вевттьөмаоь юрнысö эшкынөн, а мышьясныс да кокьясныс ортсынынöсь. Дерт, кылöны миян кок улын лым дзуртөмсö, чайтöны, мутияс ветлөдлöны, вот-вот ваясны налы колана юөрсö. Пукалöны. Көнкө, сырмöны полöмысла. Сэки ме гусьөн матыстчи да уськөдчи нывпоснилөн вевттьөм юрьяс вылө. Кылис нывьяслөн пель чунөдана ёсь да весьөпөрөм чирөстөм. Ена повзьөмвывсьыс найö шляпкысны-пукысны места вылас. Накөд тшөтш вөлөма и Ира. Ок, скөрмис ме вылө, кор төдiс дурысьысöс. Öд ми вермим лэптыны найөс серам вылө: пионерьяс пö, а кывзысьöны, эскöны енлы да мутилы.

Сэсянь Ира эз на и пырөдчыв сёрниö, өтдортчис, дузьялис ме вылө. И со, удайтчас кө, лоас помка бурасыны. Матыстчи нывьяс дорө, мөдi дурны. Корси стрöка да юалi Иралысь:

— Киносö окота видзөдны?

— Тэныд быттьökө абу?— юалөмөн жө вочавидзис сийö.

— Эм билет, верма сетны,— быттьö эг кывлы дөж-ныштөмсö.

Ира вель дыр мөвпалис да шуыштіс:

— Видзөд нин ачыл.

— Ме и сiдз верма пырны, кута бергөдлыны динамо-машина. Сэки оз ковмы мынтыны некутшөм дон.

Ира падьялыштіс, сэсся некодөн казавтөг босьтіс билетсö.

Кино бөрас нин, кор ме сийөс виччышті туй вылын, а сэсся мөдiм өтлаын, сийö шуис:

— Сöмын эн чайт, мый тэныд воддза мыжтö пыр жө прөстита. Сэтшөма сэки повзьөдiн, төкөтьö сьөлөмөй эз пот,— а сэсся и серөктiс:— Петiм нывпосни кывзысьны, вевттьысим эшкынөн юр вывтіным, нимтөм чуњьясөн кутчысим öта-мөдкөд, куним синьясны-мөс, виччысям, кывзысям. Чөв-лөнъ. Сöмын көнкө понлөн увтыштөм кылө. Сэсся мөдiс кывны дзуртыштөм. Чайтам, мутиясыс локтöны доддьөн ли, даддьөн ли. Полам, но мутиясыс матын кылöны да эшкын шыбитны ог нин лысьтöй, кытчөдз бөр оз мунны. Топөдчыштім, пукалам, мый лоас ло. Баб висьтавліс: том

дырйныс петавлёма сёрни, мый өти грездын нывъяс пуксясны кывзысьны, шомён чертитасны кытш, куткыртчасны сы пытшкө, вевттысясны да кывзысьоны. Кывны додь сюв дзуртём шы пондас, а сэсся бөр лөняс. Восьтасны синъяссө, а на пөвстысь өти ныв вошөма. Шушун бөжыс петас гижтём кытш сайө. Со мутыс и кватитёма бөждорөдыс да вөлём йөрданө кыскө. Бур, мый чуть водзджык пөдругаясыс синъяссө удитасны восьтыны. Эжва вылын нин вөлөма мортыс, а неылын — көлуй пожъялан йөрдан... А тэ веськыда юръяс вылө чеччыштін. Вермим өмөй төдны, мый тайө ті, зонъяс, вильшасянный.

Сеті кыв, мися, водзө ог мөд тадзикөн повзьөдчыны.

— А ми сэсся ог и петөй кывзысьнытө некор, йөйталөм тайө ставыс.

Тадзи варовитігтыр прөйдитім Вичкодор кузя, воим миян грездөдз. Со и менам керкай.

«Кежны гортө али абу? Колльөдны ли абу Ираөс? Колөкө, тайө сылы оз во сьөлөм вылас?»— мөвпала ас кежысь.

Сэсся смелмөдчи да быттьө эг и казявлы гортлань кежөдысь ордымсө, воськовъясөс ньөжмөдлытөг Иракөд орччөн мөді восьлавны водзө. Ира татчө немтор жө эз шу: мунам, варовитам — кыкөннад өд гагаджык.

Кор воим Ираяс дорө, гортсаяс вөліны битөмөсь нин. Ныв зыралыштис кепыся кинас бандзибсө, нырсө да серөктис:

— Талун вывті нин дженьыд туй помыс кажитчис. Тыдалө, көдзыдысла ли мый ли... Аттьө колльөдөмсьыд, билетсьыд, аски водзөстө бөр вая.

Окота на вөлі сулалыштны Иракөд, но ныв тэрмасис пырны. Торйөдчигөн сійө мыччис кепысьтөм ки пөвсө. Ме пөрччылі жө кепысьөс, кыла: чуньясыс Иралөн неуна көдзалыштөмаось.

— Аттьө, Миша. Но мөдысь сэсся гортад кежан туйтө эн нин вунөд,— гагаа серөктис, наяна видзөдліс ме вылө да котөртис гортас.

Иракөд ми велөдчим торъя классьясын. Аддзысьлывлім сөмын переменяяс дырйи. Отчыд сійө юалис, мыйла ме ог ветлөдлы самодеятельной кружокө, ог ворс мукөдъяс моз спектаклясын. А кызди нө сылы висьталан, мый грездса зонпосни шуим не спектакась-

ны. Миян вöліны мöд пöлöс ворсöмъяс, кöні векджык нырщикаліс Мишель. Медсясö ворслывлім войнаысь, дзебсясьöмысь да. Но Иралы öд он шу, мый миянлы и спектакльтöгыс гажа да та вöсна чöv олі. Ира чайтис, мый ме яндыся да корис:

— Ми дасьтам ыджыд спектакль, но оз тырмыны зонка-артистьяс. Кор лоö дась, петкöдлам спектакльсö асланым школаын, а сэсся и изба-читальняын гырысьяслы. Сэні и йöктыны поэяс велöдчыны...

Син водзö сувтис Мишельлөн Иракöд ёлка дорын йöктöмыс. «Сідзкö, и менö велöдасны йöктыны!»— нимкодь лон и ме сöгласитчи воывлыны самодеятельность кружокö.

Урокъяс бöрын ме эг уськöдчы пасьтасьны, кызди овліс пыр, а мöді тэрмасьтöг ветлöдлыны коридорті. Ёртъяс гөгөрвотöг видзöдісны ме вылö. Висьтаси. Медводз мöдіс тільскыны-серавны Шурик. Сы бöрын кутчысис кынöмас Мишель, сэсся мöдісны гызьыны ставөн.

Аддзис тайöс учительница Анна Александровна, юалис, мый лонс. И сэки Шурик кынöмас кутчысьöмөн чилöстис да индіс ме вылö:

— Миян водзын, Анна Александровна,— артист...

Учительница öлöдіс челядьöс да висьталіс:

— Вєсьшөрö сераланныд морт вылас. Лоас-ö Миша артистөн — петкöдлас кадыс. Но и нималана артистьяс коркö петавлісны сцена вылö медводдзаысь. Сэсся кутісны радейтны театр, йитісны ськöд асьыныс олöмнысö.

Ёртъясöс эз эскöд учительницалөн тайö висьталöмыс да найö, ме вылын тешитчигтырйи, мунісны ворсны войнаысь. Ме коли падъялысь сьölöмөн.

ПАМЕТЬÖ КОЛЬÖМ МАЙ

Эг и тöдлы, кызди воис тулыс. Сулаліс мича поводдя. Лöз небесаын дзирдаліс шонді да öдйö сывдіс-сёйис лым. Виччысим вежöдöм. Радлісны тулыслы колхозникъяс. Öд öтувъя вынөн кö сёрмöдчытöг петны муяс вылö, сэки и няньыд, и картофелыд, и капустаыд лоас йöртöд тыр.

Водзджык сиктын серавлісны том коммунаръяс вылын, кодъяслөн эз на тырвыйö артмыв уджас тöлк да лад. А кор котыртчис колхоз да сэтчö пырисны и олöмаджык да тöлксö тöдысь крестьянинъяс, на вылын сера-

лысьяс эз лоны. Йӧзыс гӧгӧрвоисны дай аддзисны, мый ӧтувъя овмӧсыд зумыджык. Оз ӧд весьшӧрӧ йӧз пӧвстын шуны, мый ӧтувъя пӧртъяд рокид сукджык. Но ӧткымынъяслӧн эз гажа вӧв лов вылас: ветлӧдліс лӧк йӧзӧн паськӧдӧм сӧрни, мый колхозӧ пырӧм йӧзӧс пӧ мӧдасны клеймитны мути пасӧн, а кулӧм бӧрас пуны адса сир пӧртйын куслытӧм би вылын. Сӧрнитисны кутшӧмкӧ знаменнӧ йылысь. Горт ягысь пӧ пемыд войын тыдалӧны кутшӧмкӧ бияс. Татшӧм сӧрнияссӧ кывлӧм бӧрын полан вӧлі петны весиг пемыд посводзӧ. Мам да баб эскывлісны татшӧм сӧрниясас, а бать сӧмын серавліс да ӧвтыштліс кинас:

— Кодкӧ сӧрӧ нем абусӧ, а ті, пемыд йӧз, йӧйяс, кывзаннӧд.

А сідзсӧ вӧлі кыпид: Май праздник виччысим.

Рытъясас изба-читальняын йӧзсӧ быттьӧ шӧтісны. Мужикъяс да зонъяс пукалісны ӧшинь вывъясын: эз тырмыны лабичьяс. Баситӧм сценаыввса гӧрд матерьеӧн вевттьӧм пызан сайын пукалісны сельсӧветса председатель Педя Вась, колхоз правленияса юралысь Висар Мишӧ Васьӧ, партячейкаса секретарь — избач Пономарев. Неуна бокинджык, трибуна вылын, сӧрнитис миян Анна Александровна. Учительница вӧччӧма. Буретш сійӧ жӧ ковтаа да юбкаа, кодӧс пасьтавліс Виль вося ӧлка вылӧ.

Докладъяс бӧрын заводитчис спектакль. Ми пукалім сцена водзын, веськыда джоджас. Петкӧдлісны Нӧбдинса Витторлысь «Кыа петігӧн дзоридз косьмис» пьеса серти постановка. Ок, лӧсьыд спектакль! Торйӧн нин синмӧ шыбитчис учительница Анна Александровнаным, коді ворсіс Гриша мамлысь суседкасӧ. Помасьӧм бӧрас йӧз кыпыда сӧрнитігтырйи разӧдчисны гортаныс. Ме челядь котырын восьлалі грездӧ батькӧд. Мунигмоз сійӧ висьталіс, кызди воюйтлӧма Сӧветскӧй власть вӧсна гражданскӧй война дырйи, тышкасьлӧма белогвардеецьяскӧд. Эг и тӧдлӧй, воим гортӧ.

Мам да пӧч быттьӧ эз и кывлыны локтӧмнымӧс. Лӧгалӧны спектакасьӧмсьыд, пызан вылын нянь ни пань, а миян кынӧмъяс гурьялӧны. Пӧч гӧбӧч вылын шкоргӧмӧн узьӧ, кӧть мукӧддырйи ачыс видчывлӧ таысь. Ми батькӧд гусьӧник пӧрччысим, кыньки-каньки вайим пызан вылӧ йӧв гырнич, нянь да капуста тасьті... Видзӧда бать вылӧ, а сылӧн синъясыс нимкодъысла югыда ып-

мунлõны — пыр на мõвпнас митингõ да интереснõй спектакльõ вõйтчõма.

А войнас ме аддзи вõт... Быттьõ сõмын на помасис праздничнõй спектакль. Петим изба-читальняысь дзурс пемыд да кõдзыд ывлаõ. Кок улын шлячкакылõ няйт. Ме тувччала-тувччала, а водзõсõ ог во. Со изба-читальняысь медбõрын петõм йõзыс нин ордйõдисны менõ. Ылынõсь нин и Мишель да Шурик... А ме век быттьõ õти места вылын. Мый нõ тайõ? Ог-õ нин бõрлань мун: кыр йылын сулалысь миян грездса биясыс тай нõ мõдисны ылыстчыны... Морõсõй кõдзалис, юрсйõй сувтис повзõмла. Зэвта медбõрря вынъясõс, заводита восьлавны тэрыбджыка, а век õти местаын. Повзõмла кõсйи нин чукõстны батьõс, да сэки кодкõ небыдика босьтис сойбордйõд. Видзõда: Ира.

— Кытысь тэ усин, спектакль вывсыс тай нõ эг аддзыв?— юалі сылысь, а аслам морõс кудйõй вочасõн ойдõ и ойдõ шоныд радлунõн.

— Эг кõ нõ вõв, кытысь веськалі татчõ?— вочавидзис Ира.

Сэсся миян костын заводитчис вен. Ме шуа, мый Ира изба-читальняын эз вõв, а сйõ шуõ вõлі пõ. Сэки кыскõ тыдовтчис Прокõ Ольõ, кузь да няйт гыжъяса киас кутõ зор. Кыдз тай равõстас:

— Тэ лысьтан вензыны Иракõд?!

Эг удит синмõн лапнитны. Прокõ Ольõ зорнас менам юрõ «бум» кучкис õтчыд, «бом» кучкис мõдысь, ырыштчис коймõдысь... И ме садьми, пõсявсьõма быдсõн.

Бом!.. Бом!.. Бом!..— брунгõ вичко жыннян. Ошиньясõ швачкõ-кучкõ гõрд югõр, ойдõдõ керка пытшкõснымõс. Оз тыдавны мам ни бать, а пõчõ сулалõ õбразьяс водзын, чõвтало пернапас да мыйкõ гораа шõпкõдõ.

«Сотчõ мыйкõ Вичкодорын»,— вирдыштіс юрын. Тэрыба павги вылысõ пальто, сапõгаси, кватиті шапкаõс да чепõсйи ывлаõ.

Миян керка динõдз кылõ сотчысь керъяслõн трачкõдчõмыс, билõн ыргысь шыыс, пõжар дорын жуысь йõзлõн зыкыс. Войнас, вõлõмкõ, кымõма. Уся-чечча, котõрта чорас вывті. Сконъяси, камгыси чужõмõн ыджыд корõгõ, но дойсõ эг и кывлы...

Õзйõма колхозлõн медся ыджыд складыс. Водджык сйõ вõлі купечлõн. Сотчис õтар стеныс, но биыс кутчысьõма нин и вевтас. Воис пõжарнõй машина да кутис резны ваõн. Ваялісны васõ и ведраясõн. Мужикъяс

гырысь да кузь багыръясён разисны склад стенсё. Татысь жё адзи Мишельёс, Шурикёс да Прокё Ольёёс. Найё котёрён ваялісны ведраясён ва. Йёз зілісны шойччытёг, вынъяссё жалиттёг, нинёмён лыддысьтёг, ёд биыс вермис вуджны и олан керкаяс вылё. Кусёдчысьяслён медводдза радъясын вёлі и менам бать. Сійё индаліс кытчё колё коявны пёжарной помпаён васё. Сэссия босьтіс кузь шланг, пос кузя кавшасис вевт вылас да веськёдіс шлангысь петысь ва сюръясё кос тьёсьясё, кутчысьём би кывъяс вылё. И найё вочасён мёдісны лаймавны.

Вель дыр мысти пёжарсё удайтчис кусёдны. Сотчис сёмын складлён отар стеныс да неуна вевтыс. Бур, мый водз казялёмаёсь да вичко жыннён гёгөрвоёмаёсь садьмёдны сиктса став олысьсё. Но колхозлы, дерт, убыткаыд лоис ыджыд, коть няныс сотчис этша, сёмын стендорса йёртёдыясысь.

— Мый нё биас пыран?— асьядорыс гортё воём бёрын броткис бать вылё мам.— Аслад эмбурыс али мый? Видзёдлы пи вылад — со кутшём награда и сылы сюрёма героялёмсыс.

— Быдён кё сулалім бокин — сиктыс эз коль, а Мишалы, пёжар вылын кё лои татшём пасыс, позьё на сійён ошйысьны: страдайтис отувъя эмбур вёсна,— вочавидзис бать да содтіс:— Қодлён сёмын вот кыис кыптіс-а?..

Сёмын сэки, батьёлён кывъяс бёрын, и ме гёгөрвои: складсё кодкё ёзтёма колхозлы лёк вёчём могуьс.

Сиктсаяс тайё войё эз и водлыны, коть и вой джынсё кусёдчисны да ёна мудзисны.

Май Первой лунё асылыс сувтіс мича. Қымёръяс разалёмаёсь, енэжын ошаліс мелі нюма тувсов шонді. Гёрд флагъяс шпорёдчисны школа, изба-читальня, сельсёвет, колхоз правлениёлён контора да лавка весьтын. Дёлалісны найё и улича кузя мунысь мужикъяс, нывбабаяс да челядь княсын. Би кывъясён ворсёдчисны пионерьяслён морёсьяс вылын гёрд галстукъяс.

Краситтём тьёсысь вёчём, но кумачён мичмёдём трибуна вылын сулаліс Пономарев. Руд нойысь вурём дженьыд пальто соскыс войнас кусёдчигён тыдавмён сотчёма. Сыкёд орччён сулаліс Висар Мишё Васьё, Педя Васьё да мукёдыас.

Пономарев вына сойяснас мыджсьёма трибунаё да синсё оз вештыв гёгөр сулалысь йёз вылысь. Сёрниті-

гас сълөн кывъясыс быттьö сьöкыда усялöны йöз пöвстö.

— Миянöс оз вермыны конъявны некутшöм врагъяс, кöть найö и ыршасьöны, грöзитчöны пельöс сайсянь. Некод оз вермы торкны миянлы стрöитны выль олöм. Мед олас...

И йöз гораа да öтсöгласөн морöс тырнас горöдисны «ура». Горза тшöтш и ме, горзöны Мишель и Шурик, Граня чой и Ира, бать и Анна Александровна... Долод зыкыс гыясөн кыпöдчö праздничнöя вöччöм йöз юръяс вельтö, паськалö гөгөр.

МЕНАМ ПЕРВОЙ ВРАГ

Кулакъясöс кытчöкö ытисны сиктысь, кодi шуö вой-вылö, кодi — Сибирö. Но налөн вужъясыс кольöмаöсь на. Сэтшöмъяс писыс öти и öзтылис сельхозартельлысь складсö, кöни вöли öтувъя овмöслөн кöйдыс. Стöча арталöма, кутшöм сөн курчыны,— кöйдыстөгьд урожайтö он босьт. Лёктор вöчысьöс эз аддзыны: кисö-коксö абу кольöма, удитис лудик моз дзевсьыны кутшöмкö пазйö. А колöкö сiдз жö олö колхозникъяскöд öти сиктын.

А мудерджык озыръяс кулачиттöдзыс на пышйисны. Дзик сикт шöрас, вичкосянь неылын зымвидзис Сила Öльöксанлөн кык судта керка. Некымын öдзöса, гырысь öшиньяса. Вылыс судтаас олис семьяыс, а улысас — лавка. Вузасисны сэни быдсяма шылльö-мылльöнас. Ми, челядь, босьтавлим сэтысь резинкаяс, карандашъяс, ручка-перö, тетрадыас. Кор кутис кывсьыны, мый орчча сиктъясын озыръясöс кулакалöны да ытöны гортсьыс, петис сёрни: Сила Öльöксан көрöмина сигөр вылын пö войнас сюзь буксöма. «Дерт,— сёрнитöны,— тайö абу бур водзын». Но Сила Öльöксаныд асланьыс дошлöй морт, кöть Эжваö уськөдчылас — оз кöтась. Аскинас йöз локтасны лавкаö, а сэни купечлөн и дукыс абу, вузасьö зятъыс. Сила Öльöксантö, вөлöмкö, донтöм вугырнад он на кый. Эз и мыччысьлы сэсся, а сёрнджык вошисны и ныв гозъяыс.

Тыш мунис и йöз лов вöсна. Казытыштли нин, вичко да изба-читальнялөн кык судта стрöйбаыс, кöни водзджык вöвлöма церковно-приходскöй школа, сулалисны орччөн. Сийö воас Май Первой лунся праздник да ыджыд лун вöлины орччөнöсь жö. Мукöддырйи найö и öти лунö овлöны. Сэки вичко да изба-читальня збыльысь быттьö тышкасьöны сиктса олысьяслөн лов вöсна: öтиыс кыс-

кõ йõзõс мича звõнõн, кырлõс вылын сьылõмõн, ладан дукõн, õбразõн да крестõн, мõдыс — спектакльясõн, радио пыр юргысь музыкаõн, книгаясõн, газетьясõн. И некоднан керкаыс эз пустуйтны. Йõзлы торйõн нин воис сьõлõм выланыс спектакасьõм. Томджык мужикъясõс гõтыръясыс ыстасны вичкоõ, а найõ видзõдõны изба-читальняын спектакль. А кодї сэтчõ õтчыд волас, сийõс и мõдыс дай коймõдыс кыскас том йõзлõн ворсõмыс.

Вичкоõ ветлысьыд эз жõ вõв этша. И кыссьõны õд оз сõмын пõрысьяс, но и томъяс. Весиг медся ылыс грездъясыс, кытчõдз Вичкодорянь квайт да унджык верст. Кодсюрõ адзысьлõны тõдсаяскõд, рõдвужыскõд, верстьõ ныв-зон мусукасьõны. А зонкаяс дурасны-дурасны да весиг косьõдз õзйыласны, оз кõ водджык вõтлыны найõс пõрысь войтыр дõзмõдчõмсьыс.

Степан поп служитны õткажитчõм бõрын вичко вель дыр пустуйтис, а сесся воис ыджыд тушаа выль поп: сьылыс да чужõмыс гõрд, ус-тошас да кузь бурьсь кодь сьõд юрсиас — ни õти дзор сї. Зверь кодь мужичõй. А гõлõсыс кõлõкõльняывывса ыджыд жыннянлõн кодь. Ёна воис сьõлõм вылас сийõ енлы эскысьяслы. Миян гортын мам да баб сы йылысь медсясõ и сёрнитисны, попõс ошкисны.

Ыджыд лунсõ войдõр пасйылисны вежон чõж. Анна Александровна веськõдлõм улын тайõ кад кежлас вёлдчысьяс дасьтисны концерт, медым пõ этшаджык йõз мунисны вичкоõ. Артистьяс лыдын вõли и ме. Мыйõн мõдїс матыстчыны тайõ луныс, морõс пытшкõ поздысис майшасьõм: татшõм праздник пõраад мам да баб вермасны и не лэдзны гортысь, ёртъясõс лõõ конъялõма, Анна Александровнаõс... И ме шуи аслым: оз кõ лэдзны — пышья.

Енлы эскысьяс ёна виччысисны ыджыд лун, а ми дасьтысим Май Первой лун кежлõ. Рытсыныс на уналаын õшалисны гижõдъяса гõрд плакатъяс, кодъяс чуксалисны йõзõс изба-читальняõ, юõртисны, мый челядь петкõдласны гажа концерт. Плакатъяс отсалисны: концерт вылõ йõзыс чукõрмис вывтї уна. Õд быдõнлы окота видзõдлыны челядьлысь сьылõм-йõктõмтõ.

Сцена вывсынь видзõдлї занавес косттї. Аддзи батьõс — пукалис Граня чойкõд орччõн да мыйкõ кыпыда висьтавлис. Меным лоис ещõ нин долыд: õд ме вылõ мõдасны видзõдны чой да бать. И сәки жõ чужис не-

ыджыд полём, мед эськө ставыс артмис бура. Онөдз тай ставыс на со лючки мунё-а.

Ми нин лосьодчим восьтыны занавес. И сэки вежөсө, көні дасьтысисны артистъяс, пырисны Мишель да Шурик. Менам другъяс сьорсыныс вайёмаоьс гитара. А өд неважөн на серавлісны менё. Найё быттьо эз төдны менё, эз весиг видзөдлыны мелань, көні ми ёртъяскөд пасьталім спортивнөй майкаяс да гачьяс.

Вот вөлі шемөсыд, кор Анна Александровна висьталіс, мый Мишель да Шурик дасьтөмаоьс асьыныс номеръяс. Меным окота лои косөдны налы водзөс. Матыстчи другъяс дорё да гораа шуи:

— Пуз чужөм Шаляпинъяс!

Анна Александровна пыр жө гөгөрвоис, мый вермас кыптыны зык, стрөга видзөдліс ме вылө да грөзитыштіс чуньнас.

Концерт муніс бура. Ёна воис сьөлөм вылас видзөдысьяслы зонпосни-гимнастъяслөн номерыс.

Залын чөв усьлісны, кор сцена шөрө сувтөдөм джек вылө пуксис гитараа Мишель. Тан пукалысьяс пөвстысь этшаөн на аддзывлісны татшөм музыкальнөй инструментсө. Со и виччысисны. Менам другөй ворсіс эв бура да сійөс дыр эз лэдзны сцена вылысь, корисны ворсыштны ещө и ещө. И Мишель заводитіс ворсны да сьывны романс, кодөс сьывліс сьлөн мамыс. Гөлөсыс сідзи ладмис гитара шыяскөд, сэтшөма сөльнитчис мелодияыскөд, кссис залө дзольгысь ёль моз, шонтіс кывзысьяслысь сьөлөмсө. Весиг челядь-артистъяс петісны занавес сайысь да пельяснысө чошкөдөмөн кывзісны ёртыслысь сьылөм-ворсөмсө. «Тайё Миша Оверин али абу?»— быттьо юасисны налөн синъясыс.

А сэсся гудөк лолыштіс «Камаринскөй» да сцена вылө бырснитіс-чеччыштіс Шурик. Чужөмыс ыпьяліс, еджыд юрсиыс шавкъяліс, а кокъясыс сяркөдісны сцена джоджө. Зал шызис-гызис, йөз гораа клопайтісны кияснаныс, ышөдісны, ошкисны, чуксалисны, корисны... А Шурик йөктіс и йөктіс...

Тайё кыпид кадас, кор ставыс муніс шыльыдамольыда, лоис сійө, мыйысь менө да ещө гоз-мөд зонпосниөс бөрыннас муртса эз вөтлыны пионерысь. И өд вичко вөсна, кодөс восьтіс выль попыд.

Пионеръяслөн сбор вылө ме вои нинөм лөксө виччысьтөг. Велөдча бура, концертасьөмысь ошкыштісны. И друг — на тэныд, менө став пионеръяс водзын

видёны, янёдоны, кёсийоны вётлыны пионерысь. И медся миритчётмыс да ярыс сбор вылын вёлі Ира.

— Тайёс прёститны Гилевлы оз позь,— скёра шуалис сійё.— Янёдіс пионеръясёс.

Ме видзёдлі сы вылё: нывкалён чужёмыс вёлі кельыд, а лёзовруд синъяссё весиг эз веськёдлы мелань, видзёдіс кытчөкө өшиньё да лыддьёдліс и лыддьёдліс.

Вёлёмкө, Ира аддзылёма, кызди ме ызийёдлі зонкаясёс кайны кёлөкөльня вылё. Дерт, ме мыжа, но делёыс вёлі со кызди. Нёмөвөйся гижтём закон серти, сиктса челядь пөвстын вёлі татшөм ворсём: коді первой кавшасяс кутшөмкө вывтас местаө, сійё и кёзяин. Со и удитёмаөсь урокьяс бёрын кайны кёлөкөльня вылө катыдпомсаяс. Налён нырщикыс — Прокө Олё го-раа шыалис кёлөкөльня вылын: «Ас кар вылын медыджыд, некодысь ог пов!» А мый вөчны кывтыдпомсаяслы — унаөн сулалёны пос горулас, а кайны оз лысьтны, коть найёс ышөдісны Мишель да Шурик. Но кывтыдпомсаяс полисны катыдпомсаясысь. Эг вермы терпитны кывтыдпомсаяслысь ляблунсё: гөрд галстукёс суюи пинжак зептө, сувті ёртъяс водзё да медводдзаён уськөдчи пос кузя вывлань. Кывтыдпомсаяс бытьё тайёс и виччысьёмаөсь, котөртисны ме бөрся өти морт моз, «ура» горзёны, кёсийоны босьтны штурмөн катыдпомсаяслысь «карсё», көні некодысь повтөг ыджыдаліс Прокө Олё.

Со кызди вёлі делёыс. И ме сбор вылын соссытөг висьталі, мый эг вермы эновтны ёртъясёс, кор налы ковмис отсөг. Көритөмөн видзөдлывлі Ира вылё: «Ме тай тэнө эг вузав, кор рөштво водзвылын тэ, Ирина, аслад пөдругаясыдкөд кывзысин туйвежын. А өд сэки пионерка жө нин вөлін, а ачyd енлы да мутияслы эскан». Содтөд кыптис кыскө вежөгтөм, веськыда мөдіс нёнявны морөспань улөд: «небось Оверинёс оз удты... Эз өд весьшөрө меліав аслас гырысь синъяснас Мишельёс, кор Оверин сцена вывсянь сьыліс романс да ворсис гитараөн». Таысь дзикөдз шөгөдіс менө. Омөля нин кывзі мукөдлысь менө вөйпөмсө.

Но пионерысь эз вётлыны, весьшөрө старайтчис Ира. Дорйыштис Анна Александровна. Дай пионерьяслы воис сьёлөм вылас, мый ме сражение водзвылын эг эновт ёртъясёс, эг янёд пионеръясёс, пөрччи гал-

стукос да дзеби, мед некод оз аддзы сійос. Позьтө-минө галстуктөг кайлі.

Сбор бөрын ме муні өтнам.

Бать гортын сюся кывзис менө. Дыр чөв оліс, а сесся шуис:

— Ёртъясыд, гашкө и, правось... Но, пиук, тэ өд абу нин ичөт, кад мөвпыштлыны чорыдджыка, мый вөсна позьө и колө петкөдлыны асьтө геройөн, а мый вөсна и оз ков весиг вензынысө.

Ме көсйи мөвпыштлыны. И сэк жө ылөджык дзеби рогаткаос — оружиеос, код отсөгөн көсйи накажитны ассыым главнөй вөрөгос — попос.

БАТЬӨЛӨН СЬӨҚЫД ТУЛЫС

Тулыс — нимкодясян кад. Ывла вылыскөд садьмө став ловъя лолыс. Бытьө кыськө сөдзтысьөны выль вынъяс, кыптө олөм дінас помасьлытөм, пидөстөм муслун. Көть мед кутшөм эз вөв сьөкыд да курыд сьөлөм вылад, он вермы пөттөдзыд нимкодясьны тувсов гажөн тырөм вөльнөй светнас, кывзыны вежөдөм ывла вывлысь уна пөлос мыла горсө, шоньд синъясөн видзөдны лунысь-лун мичаджыка вөччысь тулыс-ичмонь-лөн өшкамөшка рөмъяса паськөм вылө...

Иракөд вужинь-вежинь мунөмыс татшөм каднас өдйө вунис-саймовтчис, бытьө небыд лун төв улын лөз енэжті төвзысь баля ку ыджда еджыд кымөртор. Ставыс радліс пуксьөм тулыслы.

Но сэк миян семьяө воис выль шог, ёна ыджыд-джык да курыдджык Граня чөйлөн гортысь мунөм серти: өти рытө дыр эз лок гортө бать. Мам тшөкыда петавліс ывлаө. Бабө сулаліс пидзөс вылас өбразьяс водзын да гораа шөпкөдчигтыр клөнгис-юрбитіс. Ме лөсьөдчи нин водны, көть сьөлөмөй эз инась местаө: «Көні сэтшөм сөрөдзыс ветлө бать? Татшөмторйис ме помнитігөн эз на вөвлы».

Ме кайи пөлатьө, пөрччи дөрөмөс, но сэки мам стрөга чукөстіс менө. Пасьтасигкості сійө шөпкөдчыштіс бабөкөд. Петім ывлаө, пөч колльөдіс миянөс пернапасавлігтыр кильчө помөдз.

Вөлі пемыд. Югыд войясөдз, гожөм пуксьытөдз кадыс водзын уна на. Мир туймөдарса керкаяслөн сьөд

мыгөръясыс ясыда төдчисны пемыдлөз енэжын, код-лөн рытъяладор бокас, пила пинь модаа гриба-гриба вөр стен сайо лэччөм шонди местаын, тыдаліс кольк-виж да пемыдгөрд рөмъяса рытъя кыалөн векньыдик визь.

Мишельлөн керка водзас сулалысь ыджыд льөм пулөн коръястөм на вожъясыс, быттьо мортлөн вывлань шевкнитчөм кияс, вөрөшитчисны-повзьөдчисны лэчыд төв улын. Пу дінас лосьөдөм чомсыс, чепнас зельөдчигтыр, петіс Газель понйыс. Сійо скөрысь эралыштис миян выло: коді пө войнас ветлөдлө, но төдіс менө да бөр дзевсис. Лампаөн югдөдөм өшинь занавесын тыдаліс Мишельлөн вуджөрыс, сійо рытъясын дыр лыддысьо да пыр водө сөрөн. Овериньяс эз жалитлыны карасинтө миян баб моз. Лампаыс югдөдө став керкасө да весиг зырөдө пемыдсө өшинь увсыс. Сиктын көнсюрө дзузганъяс ломалісны на жө, но унджыкөныс узисны.

Вөвлөм гөрд партизан Макар Иван керкаын эз на жө узьны. Мам сы ордө и мунө. Мам майшасис:

— А абу кө сэтөні? Кытысь сәки корсям?

Сылөн майшасьөм-төждысьөмыс вуджис и меным, повзикодь весиг, сьөлөмөй эз мөд инасьны местаас. Стен бердө инмөдчывтөг матыстчим дзузъялысь биа керка өшинь улө, ланьтөдчим пемыд стен бердас. Бур, мый Макар Иванлөн понйыс абу, оз эрдөд. Од бать кө, шуам, абу тані, а вөлі кө пон да шызьөдіс көзяиньяс-сө, сәки яналін сөмын: верстьо мужикөс пө гөтырыс ичөт пиыскөд корсьө. Ме тэрмасигад сапөгаси тшай-подөн, пинжакөс пасьталі, а дөрөмөс вунөді жө. Көдзыдысла өні босьтис сэтшөм йирмөг, мый мөдісны зяткакывны пиньясөй.

— Эн треситчы,—скөрысь шөпнитис мам.—Кывзы...

Керкаын, тыдалө, вөліны некымынөн... Первойсө сөмын нума-намакылісны, а сәсся пельөс өнджыка чошкөдөм бөрын мөді торйөдны гөлөсьяс. Макар Иван сөрнитис мургөмөн, бать — гораа да лэчыда, Макар Иван гөтыр — раминика да лөня. Кыліс и суседка дөва Өгашлөн гөлөсыс.

Төлкуйтисны колхоз йылысь. Сідзкө, бать тані, мам, вөлөмкө, босьтөма менө свидетель пыдди. Макар Иван чуксаліс чукөртчөм йөзөс пырны колхозө. Од өткөнтө овны пө артельын дорысь өна сьөкыджык. Сідзкө, колө пө пырны жө артельө. Бать миян пыксискодь,

дѡва Ӧгаш падъяліс, жалитіс медсясѡ ассыс ӧти мѡс-сѡ, кодкѡд ковмас торйѡдчыны, нуѡдны ѡтувъя картаѡ. Поліс сійѡ и йѡзѡн вѡйпсьѡмысь.

Керкаын тѡлкуйтісны, вензисны, сѣрнитісны аскна лун йылысь, кутшѡм пѡ лоѡ олѡмыс колхозас. Юалісны кѡ сѣки менсьым, ме эськѡ татшѡм сѣрниислы паныд эг сувт. Ме кѡть талун жѡ пыра колхозас, Граня чой моз жѡ эновта гортѡс, но мам да пѡчѡ и кывзыны эз кѡсйыны та йылысь сѣрнияссѡ. «А мый шуас ӧні тайѡ скод вылас бать?»— мѡвпала кывзисигмоз. Сѣки шыасис Макар Иван:

— Ми, Ӧльѡш, Сѡветъяс вѡсна вирнымѡс эг жалитѡй, а ӧні мѡдам бѡрыньтчыны али мый? Войнаыс ѡд, кѡть и гусьѡн, муно водзѡ. Миянлы бара колѡ сувтны атакаѡ мунысьяс радѡ.

— Гѡгѡрвоа,— вочавидзис бать,— но ѡд менам семья, мам...

— Граняыд колхозын нин, ме думысь, гѡгѡрвоас да оз кольччы и гѡтырыд... Кытчѡ ем, шулѡны, сѣтчѡ и сунис...

Мый вочавидзис бать, эз сет кывзыны мам. Сійѡ вешйис стен дорысь, кватитіс менѡ киѡд да бѡр шавк-сѡдіс гортѡ.

Асылыс сувтіс кѡдзыд да тѡла. Сикт весьтѡ ѡшѡдчѡ-маѡсь руд кымѡръяс, сынѡдыс быттьѡ сукмис, лоис улиса. Миян керка пытшкын быттьѡ мыйкѡ вежсьѡма: эз трачкѡдчы пачын, эз труна-тронакывны чугунъяс да гырничьяс, некод эз чуксав миянѡс юны мѡс вѡра йѡв...

Медводз талы паныд сувтіс Васька кань. Сійѡ ветлѡдліс жырйын да ыджыдалѡмпырысь авзис, корис сѣйны. Но регыд лои ѡвсьыны, дзевсьыны пач костѡ пуля моз сылань лѣбыштысь сапѡг пѡлысь, мыйѡн кѡмасигас лыйис сылы мам. Баб весиг юрбитнысѡ вунѡдіс, павкнитіс вылысас вушйѡм шойдансѡ да мамкѡд петіс ывлаѡ.

«Поп ордѡ мѡдѡдчѡмаѡсь»,— гѡгѡрвои сѣрнисьыныс.

Бать эз тыдав некѡн. Гашкѡ, Макар Иван ордас и узис, ме тай локтѡм ни ветлѡдлѡм эг кывлы-а. Колѡкѡ и водз муніс. Ичѡтджык чоя-вока чѡскыда на узисны пѡлатын. Налы, майбыр, шог ни гѡре.

Школаѡ мунны оз ков: вѡскресенньѡ. Пѡжѡм паренча да рытъя йѡв сѣйыштѡм бѡрын мѡдѡдчи другъяс

ордö. Мишель, дерт, узьö на, а Шурик чеччö водз. Вескöдчи сы ордö.

Асъядорыс ывлаас чорыда кымöма. Сапöг пöтш-ва улын камакылис изйö пöрöм няйт, көлеса туйясö чукöрмöм ваис вевттысьсöма кыз стеклö кодъ йиөн. Шалсъя-восълала Шурикъяслань и сэки зураси батькөд. Сийö локтис колхозса председатель Висар Мишö Васкөд. Быдсөн чуйми: бать быттьö эз и казьявлы менö, көть сулалі воськов кык-куим сайын, мир туй потшöс бокин. Сідзкө, сёрниис крута бергöдчöма делöö. Локтысьяс кежисны миянлань. Недыр мысти сэтчань жö тэрыба муніс и Макар Иван.

«Бать пырö колхозö?— телепит лои тöдмавны меным тайö выльторсö.— А мый шуасны мам да баб? Дерт, попыд налы бательыс сьыланкывсö оз сыв. Ок, мый бара лоас миян семьяын?»

Сулала мир туй бокин, мөвпала тадзи. И сэки аддзи Шурикöс. Сийö восълалис батыскөд кузнечалань. Шурик чукөстис и менö. Став аддзылöмыс и мөвпъясöй вунісны. Öд ми, зонпосни, радейтім во-лывлыны кузнечаö. Мыйыс сәні сөмын абу, кутшöм көрта колуйыс: и плугъяс, и пиньяс, и телегаяс, и важся гөръяс, и машина юкөнъяс... Медся нин радей-тім качайтны пушкан. Ок и любö лолі, кор Опонь дядь тшөктылис кутчысьны пушкан гез помö. Кыскыш-тан увлань — мекъяс пытшкыс пöльыштас төв, гор-йыс ырöбөн мыччысьласны би кывъяс, дон гөрдөн сотчö шом. Опонь дядь сюяс сотчыс шом пиас көрт, и не-дыр мысти сийö сэтшöма доналас, мый он вермы тор-йöдны сийöс видзöдласнад горша ыпъялыс шомыс, донöданторйыс пöрö öти рөмö ыриялыс-ломалыс шом-көд. Сэки Опонь дядь горöдас ассьяс радейтанасö: «Сад йöрын пö ныв гуляйтö...» Кватитас кузь клещиён горсьыс еждöдөм көртсö, швачкас накөвальня вылö да тоньгас ичөтик мөлөтөн, а сылы отсасьыс мужик вачкас сэтчö ыджыд кувалдаөн. Со и мөдас:

«Тінь-тонь, тінь-тонь, тінь-тонь...»

Ичөт мөлөт индалö, а ыджыд да сьökыд кувалда кызди колö куснялö, вöсньöдö либö нюжөдö көртсö колана ног. А мыйөн көдзальштас доранторйыс, Опонь дядь бара сюяс сийöс дон горйö.

— Давай, во саду ли в огороде,— и бара заводі-там гычөдны пушкансö.

Гажа оласнога Опонь дядь нималис матігөгöрса

грездьясын быдлаын, и вайисны сылы вѳчны медся колана дорѳданторьяссѳ, кѳть мукѳдлаын дорччысьяс вѳліны жѳ. Опонь дядьлысь кѳртыд кывзысис. Сійѳ мѳлѳт улын сѳмѳм кѳрт торйыд ловзьѳ мѳд нѳм кежлѳ. Ёна и нимкодясисны колхозын, кор кузнечасѳ мастер козьналіс сельхозартельлы да ачыс жѳ и мѳдіс дорччыны сѳні. Дорччысьтѳгыд ѳд киссьѳм овмѳс.

Кузнечаыс сулаліс сиктысь бокин, Эжва дорын, неылын конюшнясянь, кодкѳд орчѳн колхозникьяс кыпѳдісны ѳтувьяс мѳс карта. Водз асывсянь сѳтысь кыліс кыпыда тшупсьѳм шы.

Мастерѳс виччысис нин отсасьысьяс, Опонь дядь кодь жѳ ыджыд да ён тушаа мужичѳй — Савѳ Микул. Мастерыс кѳ вѳлі еджыд юрсиа, сѳстѳма бритѳм банйѳм чужѳма, лѳз синьяса, гаж радейтысь морт, то сылѳн отсасьысьяс мѳдарѳ — съѳд юрсиа, чѳв олысь морт. Гырысь сѳньяса, кузь кияса, кытысь эз вушйыв кѳрт сѳмыс. Сійѳ быттьѳ съѳд стеньяса кузнечаас и чужлѳма да нѳмсѳ сѳні олѳма. Со и лоѳма са рѳма. Савѳ Микулыдлысь нюмсѳ сиктсаяс ѳдвакѳ аддзывлѳмаѳсь, кѳть кузькодь нѳм нин оліс. Съѳд ус-тошкас тѳдчисны нин эзысь сѳяс. Уна челядя, гѳля олысь, кѳть и важысянь бергаліс кѳрта кѳлуй дорын да унаторйѳ велаліс, но ассъяс кузнеча лѳсьѳдлыны эз вермыв, нѳм чѳжыс вѳлі кузнечлы отсасьысьѳн. Та вѳсна эз ыджыд кѳсйѳмѳн и уджав. Но колхозын дзикѳдз вежсис: шом бусѳн пудритѳм съѳд ус-тош костсьяс тшѳкыда мыччысьлісны амысь кодь гырысь чав еджыд пиньясыс. Тадзи сійѳ нюмѳѳвтлывліс.

Кузнечаын быд лун позис кывлыны кутшѳмкѳ выльтор — быд волысь вайѳ юѳр. Тані тѳдісны, мый талун вѳчсьѳ ѳтувьяс овмѳсын, коді кытѳн да кыдзи уджалѳ, мый думайтѳны артельѳн веськѳдлысьяс вѳчны аски, кутшѳм вежсьѳмьяс лоѳмаѳсь сиктса олысьяслѳн семьясын.

Сѳк кості, кор ми Шуриkkѳд видзѳдалім кузнечаысь кѳлуй, Опонь дядь пестіс горйѳ би. А сѳсся ѳтамѳднымѳс вежлалѳмѳн ми, кык друг, босьтчим пушкыны.

Недыр мысти кузнечаѳ юрсѳ суйліс конюк, Гѳрд Митрей. Шуриклѳн батыс отсасьыськѳд петісны ывлаѳ куритчыны-сѳрнитны. А ми Шуриkkѳд кольччим жырьяс. Ме кѳть эг кывзысь ывлаын сѳрнитѳмѳ, но пельѳдз воисны конюклѳн кывьясыс:

— Вайөдіс ассыс Рыжкосö: эн пö кедзөвт. Жаль, тыдалö, вöлыс. Ог, шуа, меным öд найö аслам чуньясöй кодьöсь жö, кодöс курччан — сійö и доймö. Нэм чöж Сила Öльöксанлы казачиті, но радейтлі и сылысь вöвьяссö. Кывтöм пемöс вылад öд лөктö он пес...

— Сідзкö, Яким Öльöш пырис жö колхозö,— торкис Митрейöс Опонь дядь.— Абу кокныд, тöдöмысь, Якимöвичлы торйöдчыны аслас овмöскöд, мыйта выль видз-му вöчис, куд кодь мича керка стрöитіс. Гöльсянь шөр выя крестьянинöдз кыпöдчис. И ставсö аслас вынön. Абу кокныд сылы, абу... Сэтчö жö и мамыс да гöтырыс — прамöй зуяс, вывті нин асныраöсь...

— Мегыр пыр видзöдысь вöв кодьöсь,— кыв кöрталіс Митрей.— Но немтор, пуасны-пуасны дай вочасөн пакталасны...

Ставсö тайöс кывлөм бöрын ме уськөдчи гортлань, весиг эг бергöдчыв Шуриклөн горöдлөм вылö.

Бать йылысь сиктын сёрнитлісны бурпырысь. И мам эз жö вöвлив пöслöвича туйын. Сöмын вот, збыльысь, оласногыс сылөн... Но öд сійö эз вöв бать моз ветлөм-мунөм морт, васö, Эжваысь кындзи, некысь эз юлы. Печораöдз тай том дырйныс эськö ветлөма жö вокыскöд öтчyd, посни төварөн вузасьлөмаöсь, кока лавкаясөн вöвлөмаöсь. Но öтчyd гортсыд петалöмнад паськыд мирсö он на тöдмав.

А бать миян эз радейт йöз мывкыдөн овны, а мыйкö кö мөвпыштас — вöчас ас ногыс. Чужлөма сійö, быдмылөма, кызди шуасны, потш стына керкаын — гöль семьяын. Велöдчөм пыдди поткөдлөма да пыртлөма школаас пес, стөрöжалөма да сідзи кынөмпöтсö перйöма. А сэсся нажötкала ветлывлөма уралса заводьясö, вöчлөма пес жö. Быдмас да — армияö. Вуджлөма первой империалистической война би. Бать вөлөма тшöтш сійö тышьясас, кор роч армия генерал Брусилов веськөдлөм улын бöрыньтлөма австро-венгерской войскаöс. Веськавлөма пленö. Некомынысь пышйивлөма, но кутлөмаöсь бөр. Воöма гортас Октябрьской революция бöрын. А сэсся гражданской война. Тышкасьöма войвылын англо-французской интервентьяскöд да белогвардеецьяскöд. Ветлөма Врангелькөд тыш вылö. Вөлөма на лыдын, кодьяс сулалөмаöсь морösöдзыс Сивашлөн нюйта ваын Крымö пырысь кавалерия да артиллериялы туй индысь маякьяс пыдди.

Коркö-некоркö бать бөр воас гортас, потш стына

керкаас, көні сійөс виччысьома мамө. Олөны дзескы-да, му-видз этша, дай изгармөма нывбаба киөн вө-дитөмсьыд. А бурджык муясыс озыръяс да поп-дяк киясын. Со бать-мам и босьтчасны вөчны выль му-видз, стрөитны керка. Отсаласны мамлөн бать-мам, кодъяс овлөмаось озырджыка, сөмын мөд грездын.

— Муні тай со бать саяд...— шмонитөмөн казьтыв-ліс мам рытгорувьясын, биасьтөдз, мойдчан да нөдчан кадө.— Зэв нин гажа местаын керкаыс сулаліс. Джу-джыд кыр йылын. Кыр горувті шльвгө-визувтө пась-кыд Эжва, мөдлапөлас лыа көса сайын видзьяс, а сы сайын— пармалөн пом ни дор шевкнитчөм отыс. Видзөдла өшиньсянь сэтшөм мича да гажа вөльнөй свет вылас дай вунөда, мый лёк, важ керкаө локті овны... И ачыс— керкаса көзяиныс, батьыд— эз вөв шыбитана. Аддзи сійөс медводдзаысьсө пленсьыс воөм бөрын. А ме— том дөва, Граня кага на вөлі. Локтіс рытйысянінө, инас оз өшйы, сідзи и швыркьялө, сідзи и бергалө, а синъяссө ме вылысь оз вештыв. Том зоньяс сыысь биысь моз полөны. Дзик зимөгор кодь. Колис лун-мөд дай быттьө мутиыс тойыштіс: гыжья-пиня морт саяд ог вош... Сэсса өд том вирыд ворсөдчө и... Со и петі верөс саяс... Пөчыд тіян аслас том кад-нас өшйысьлө жө,— индіс мам тані жө пукалысь баб вылө.— Менө пө эз жө омөльтны, мичлун ради орчча керкаө и босьтлісны...

— А сідзи өд и вөлі, Настук,— дзор юрнас довк-йөдліс бабным.

— А ме верма жө өшйысьыштны,— водзө висьта-ліс мам.— Кымын ныв воліс сэки войпукад, а вот бать-ыд— Яким Өльөш бөрийс менө, Сергей Настаөс,— ка-гаа том дөваөс. Сідзи и овмөдчим. Олөмыд сэки вөлі, көть бөрд көть серав. Отчыд весиг служащөй гөтырөдз волі. Воис батьныд гражданскөй вылысь, босьтчис крестьянскөй удж бердө. Сиктсөветын сэки пукалісны озыра олысь йөз. Со и шуөмаось сетны батьыдлы вотьяс чукөртиысьлысь чин. Быд асыв кильчө помө воө корадодя вөла: батьыд петө гортысь кузь шынеля, звездаа картуза, көть ачыс весиг лыддысьынысө оз куж. Аддзылінныд кө эськө сэки сійөс: нырсө ур кый-ысь пон моз вылын кутө. Сыкөд орччөн пуксьө крас-ноармеец жө— Тимока Иван. Сійө батьыдлөн писар пыдди вөлі. Но и пыркөдісны жө кык друг налогтө, торйөн нин радейтлісны вольтыны бурджыка олысьяс

ордö... Сэки öд пемыд войтырыд полисны вожа бöжа шынеля да югыд кизьяса мортсыд.

Но недыр мем удайтчис пукавны служащöй гöтырön: асланым овмöс кутис дзикöдз эндыны да батыдлы лонс энотны портпельсö. А сытöг эз кут «пыркöдны» налогтö и Тимока Иван. Тэтöг пö, Якимович, и служак олöмыс дубыд.

Ставыс тайö выльысь волис юрö кузнечаысь гортö котöртигön. Вой да сьöкыд и висьтавны, мый сэнi вöчсис. Мам да баб бать вылö скöралиганыс ставсö путкыльтöмаöсь. Кокныдджык, тыдалö, вöли ад терпитны, чем кывзыны гортсаяслысь зыксöмсö.

Но көть кызди эз дорйысьны мам да баб, овмöс-нымöс юковтис паськыд потас, öтарас лонсны бать да Граня, мöдарас — мам да пöчö. Дыр мунис броткöдчана татшöм веныс. Вочасön семьякостса гым-чардыс сэсся лönис жö. А гöра-кöдзасянь бать эз куньлы синсö лунын ни войын. Югыднас — колхозникъяскöд радын, а ужнайтöм бöрын, мамöкöд да мекöд орчöн, ноксис асланым град йöрын. Öд колö гöрны и кöдзны, гождöмнас заптыны тöv кежлö көрым, арнас идравны урожай. Эндöдан кө овмöстö, ковмас кузь тövбыд семьяыдлы тшыгъявны. Бать, дерт, эз и думыштлы торйöдчыны миянысь. Со олöмыс и мöдис кульны сылысь кык кучик. Весиг сьöдöдис мортыд тöждысьöмысла.

Долыд жö школаысь лэдзалöм бöрад! Сэтчö жö май помын сувтис мича поводдя. Гурйив восьса öшиньöд кокныдик тöv вайис улыс веж көр, вильшасис занавесьясön, шондiлön яр югöрьясыс ворсöдчисны лöсталысь краскаа джоджын, стенин öшалысь нейджыд рөмпöштанын.

Долыда да пелька чеччышти вольпасысь да котöрти öшиньянь. Синъяс водзын воссис чуймöдана серпас: миян керка дорсянь ньывкöса лэччысь кыр улын дөв-видзис став вын-эбöснас туöм Эжвалön мöдлапöвса крут берегöдз шевкнитчöм паськыд отыс. Сийö гулькнитöма-нылыштöма баддöн тырöм мöдлапöвса лыа көсасö, аслас зумыд морöс вылас нуö быдсяма лөп-өгсö, керъяс, вужнас кырöдöм пуяс. Немтор он шу — кужöма бать бöрйыны керка местасö. Öшиньянь позьö нимкодьясьны став матигöгöрса вөр-ванас. Миян керкасянь неуна горулын тыдалöны Вичкодор, Катыд-

пом, мян школа, изба-читальня да унатор на ещö.

Тайö асылас меным вöлі вывті нимкодь. Гортись мунöмаоь ставöн да менö первой каникул лунö кольöмаоь пöттöдз узьны. Но узьсяс öмöй татшöм шонди луннас. Небыд ид көвдумöн юи пöжöм йöв да здук мысти вöлі нин ывлаын, эз небось ковмы сёйны-юны тшöктöм ни тэрмöдлöм, кыдзи овывлө мукöд асывьясö школаö мунöм водзвылын. Ас коланінад небось ставсö удитан вöчны.

А тайö гожöмö мянöс, зонпосниöс, вичысьö серьёйджык удж. Ог нин кутöй пинёвтны да вöлөн юр кыскавны, а ковмас верстьö йöзкöд нöсилкаясөн кыскавны турун, му вылысь гумла дорö вöла телегаясөн ваявны вундöм нянь кольтаяс. Кутасны велöдны и ытшкыны, батьöлөн со косасö лöсьöдöма нин, сöмын кольöма тöчитны. Таво ковмас и меным, кыдзи и сиктса мукöд зонкаяслы, сой выньясöс зэвтлыны. Колис велöдчыны школаын ещö öти во, а сэсся ми, бордьясьöм пöткаяс моз, разöдчам гортись, коді кытчö: рабфакö, техникумö либö босьтны кутшöмкö ремеслö — велöдчыны вурсьысьö, плöтникö, пач тэчысьö... Шоч морт кольччас гортас. Менам первой ёна петіс вежöй Эжва кузя пароходьяс новлöдлысь капитаньяс вылö. Зарни нашивкаа пинжакаоь, лым кодь еджыд веркөса картузаоь. Найö тшапа сулалöны палубавывса жырьяс, сёрнитöны рупорөн, тутсöны, веськöдлöны суднонас. Ок, кутшöм окота вöлі мянлы тутсыны! Буткö көлесаяснас буксирнöй либö пассажирскöй пароход, а ми көмтöг котöртам берег пöлөн да горзам:

— Паракод, подавай свисток!..

И тадзи сэтчöдз котöртам, кытчöдз жальыс петöм бöрын капитан оз вочавидз мянлы кузя тутöстöмөн. Сöмын сэки дугдам котöртны, сувтам да киясөн öвтчигтыр колльöдам пароходс сэтчöдз, кытчöдз оз саяв. Но быдмыштöм бöрын мөвпясьöй вежсисны. И тайö лоис сы бöрын, кор суседьяс ордын öти гожöм олісны таксаторьяс. Вöскресенньöбысь кындзи, найö век ветлісны вöрын. Воём йöзлы отсасисны сиктса зоньяс, кыскалісны кутшöмкö югьялысь прибор, көрт лентарулетка, гырысь мыш нопьяс. А шойччан луньясö найö висьтавлісны асланыс удж да пармаын мойдын кодь лöмторьяс йылысь. Со и чужис көсьöм — лоны таксаторён. Аслым шуи: «Сизим класс помалöм бöрын пыра лесрабфакö, а сэсся лесотехнической институтö».

Зэв нин лоис окоата пасьтасьны таксаторьяс моз, во-
лыны пармалон медся ылі пельосьяс, нюзодавны вөр-
ті прөсекаяс. Од сэки эськө ачым мөді новлөдлыны бо-
кын шлопөдчысь югьялысь кучик сумка да вөсньыдик
планшетка, көні эм карта да компас...

Татшөм югид думьясон мөдөдчи Мишель ордө, но
аддзи пывсяндорса ордымті котөрөн сорөн мунысь Ира-
өс да нимкодя ёпмуни морөспань улын. Еджыд ковтаа,
сьөд юбкаа, презент тяпиа. Век шылыда сыналөм
смольсьөд юрсиыс кытюрө лёзьмуныштөма, мугов чу-
жөмыс вөлі зумыш. Медым сійө эз казав, кытшовті
керка мөдар бокті, звиркниті-чеччышті потшөс вомөн
да таөдз быттьө эг аддзав Ираөс, мөді веськодя шла-
пиктыны нывлы воча. Некымын дас воськов мысти зу-
расим ныр на ныр. Сувтовкери. Ира көсийс кытшовт-
ны менө, но тэрыба куті сійөс киөдыс. Вөлөмкө, мунө
бабыс ордө, коді олө Вичкодорын. Но өд сэтчө бур-
джык котөртны ордымөд весьтас, воан өдйөджык, а
Ира мыйлакө веськөдчөма миян грезд пыр, вөчө ыджыд
кытшов. Телепит вөлі юавны да эг лысьт: бара лө-
гасяс. А вежөрөдз воис мөвп: «Но и йөй. Тэ вөсна,
тэ вөсна таті котөртө, тайө ордымыс муса сылы...»
Чужөмө чеччыштіс вирөй. Медым пырны сёрниө, юалі,
мыйла мөдөма Вичкодорө.

— Тэ өмөй немтор он төд?— Иралөн чужөмыс бара
лон дзугыль, синьясыс вазисны шогысла.— Суседлөн,
Назар Павеллөн, вөлыс өтнас воис гортас, орөдөм дом
повода, телегатөм. Куим сутки виччысисны Кылөгысь,
кытчө Пашөыс груз катіс орс лавкаысь. Став сикт-
кодьянас, милиционер и, вөрө мөдөдчөны корсьны. Ба-
бөс горт овны кора.

«Со, вөлөмкө, кытчө мунөмаөсь и гортасяс»,— ве-
жөрті ме.

Став тайөтор йывсьыс висьталі Мишельлы. И ми
пыр жө мөдім Пыді грездө, көні оліс Назар Павел.
Өшинь ув йөрас тырыс йөз. Откымыньяс пищалаөсь,
козьянас чераөсь, вөнь йылас бовьялөны пуртьяс.
Кодюрөлөн киас тыдалісны весиг ош кыян шыяс. Му-
жикулов бөрся вөтчим и ми, гырысь зонпосни да
верстьө зоньяс.

Рытьядорыс вөрысь, Кылөгланы катысь векньыдик
вөла туйсянь вель ылысь, аддзим тыртөм телега, гезь-
яс, мегыр. Кодьяскө өна ноксьөмаөсь телега гөгөрын,

нырöмаöсь-талялöмаöсь пув корсö, уль нитшсö, чегъя-
лöмаöсь пу вожъяссö. Сэссия неылысь аддзим пусö,
кытчö домавлöмаöсь вöвсö. Вежöра Лысан, тыдалö,
казялöма неминуча, пессьöма-пессьöма дай ордчöма.
Кучик дом поводыс со зыртöма пожöмыслысь кырсьсö
болоньöдзыс, а мусö пу гөгöрыс талялöма няйтöдз.

Тöварыс ни ачыс Назар Павелыс эз сюрны. Сöмын
туплясисны жугöдлöм некымын ящик, тыртöм вина су-
лея, консерв банка, папирос помъяс. Тыдалö, повтöг
сөйöмаöсь-юöмаöсь сьöd делö бöрас да сэссия вöлисти
кытчökö дзебöмаöсь грузсö, нуöмаöсь ли, код тöдас.
Корсьысим сёр рытöдз, но Назар Паш некытысь эз
сюр. Сьökыд вöли видзöдны сылөн пи — Öльöксан вы-
лö, том зонлөн чужöмыс чусалис-сьödöдис, скöрысла
да лöглунысла биөн öзйисны синьясыс. Öльöксанлөн
батыс дөвеч, мамыс кувсьылöма водз, öтка пиыскöд
и олис, эз весиг гöтрасьлы выльысьсö, тыдалö, ёна
радейтлöма гöтырсö, а сэссия сийö радейтöмыс вуджöма
öтка пиыс вылö.

Но кодлөн кыптис кныс татшöм бур сьölöма да шань
мужичöй вылас, вочавидзны сьökыд. Чöv олис и ми-
лиционер Жижев. А мый тайö лёк йöзлөн киподтуй —
лои гөгöрвоана ставлы.

— Тешкодь,— друг шунис милиционер Жижев.— Ве-
сиг черыс телегаас. Абу, тыдалö, виччысьöма, мый
тадзи ставыс помасьяс. Тöдса дорö чеччöма телега-
сьыс... Черсö кө босьтис — видлы татшöм дядьбыдкөд!

Мöд луннас вайисны Назар Пашлысь шойсö: бытш-
калöмаöсь уналати, сүйöмаöсь вужля улö да вевттьö-
маöсь нитшкөн. Аслас поннас Назар Пашöс аддзöма
пиыс. Виöм мортлөн веськöдны позьтöм кабырьясас
измöма му сора нитш... Буретш тайö и ёна шензьöдис
сиктсаясöс: «Черыс вöv доддяс, а со мый выйöдз абу
лöсялöмаöсь... Артмö, ылöдлöмөн виöмаöсь... Сидзкö,
винысьыс вöлисны тöдса йöз, кодьясысь Назар Паш эз
куж и видзчысьнысö?»

Тайö унаöс шемöсмöдис. Уськөдчисны кө тöдтöм йöз,
вöли эськö вира тыш.

Регыд вövьяс вылын воисны верзьöма военнöйяс —
ОГПУ-ын уджалысьяс. Звездаа картузаöсь, дзуртысь
тасмаясаöсь, косканыс югъялысь кыз кучик кобураясын
тыдалисны наганъяс. Найö шызьöдисны став сиктсö,
но мыжаясöс эз аддзыны.

Гуалисны Назар Павелöс мича лунö, колльöдис клад-

бище вылө ставнас сиктыс. Гортсö эжöма гöрд кума-чöн. Крест пыдди — неыджыд пирамида. Сы йылын югъялис кöрт звезда, кодöс дорис Шуриклöн батыс, Опонь дядь. Телегаа вöла мунис тыртöг: ён мужикъяс лэптисны гортсö пельпом выланис да эз лэдзлыны кладбище вылө вотöдз, кöть сэтчöдз и эз вöв матын. Горт водзвылын мунисны некымын гудöкасысь, на бöрысь — комсомолецъяс, том мужикъяс нуисны лыскысь вöчöм венökъяс. Найö сылисны революционнöй сыланкыв «Вы жертвою пали в борьбе роковой». Сыланкывйис, сылөн шог, но вына мелодияыс вöрзёдис быдөнöс: чыш-калисны синьяснысö чышъян помъяснас весиг ылынокдь бöрын мунысь пöрысь нывбабаяс да пöчöяс, кöть эськö и кывьяснас вöйписны йöзсö Назар Павелöс сылөдтöг гуалöмысь.

Со тыдовтчис шойналөн дзирья. И сэки шоныдысла сукмöм сынöдсö видзчысьтöг поткöдис вичко жыннянлөн нор, поконицкъясöс колльöдан горыс:

— Дон!.. Дон!.. Дон!..

Кыськö тай тöдлöма немöй Пека, звöнитö, колльöдö медбöрря туйö Назар Павелöс, кöть эськö сылы тайöс вöчнысö некод эз тшöктыв.

Гу вомлöс нюжөдöм кык потш вылө гортсö пунктöм бöрын восьтисны митинг. Сёрнитис парторг Пономарев. Стрöгмöм чужöма, сулалис сийö му чукöр вылын. Полувоеннöй виж кителя, лöсталысь сапöгъяса, лея галифе гача. Сьöd юрси чыкыльясыс пöсялёмсыс сибдöмаöсь гожъявтöм кымöс вылас. Гөлöсыс абу гора, но чорыд. Сиктса парторг тöдчöдис:

— Классöвöй враглөн киясөн миян радъясысь кадысь водз нетшыштöм боец-коммунист, сиктын медводдза колхозник Павел Назарович Распутин местаö сувтасны выльяс да нуödасны сылысь делöсö водзö.

Сэсса сёрнитис Макар Иван, гораа да корсюрö мык-талігтыр. Водз кушмыны заводитöм юр вывсьыс пашкыр юрсисö да парусинöвöй военнöй дөрёмсыс абутöм чукыръяссö тасма увсьыс лöсьöдлігтыр, висътавліс, кыдзи сийö öтилаын партизанавлöма Павел Распутинкөд. Йöзлы сьölöм вылө воана сёрнисö Макар Иван помалис кызкö видзчысьтöг. Сийö кыпöдис гожъялөм кабырсö да мый вынсьыс горöдис ён гөлöснас:

— Ми аддзам тэнсьыд лов босьтысьястö, дона ёрт! Помнитлöй быдөн!..

Ещё морт-мөд сёрнитöм бöрын Назар Павеллысь

гортео кутисны лэдзны гуо. И гудокъяслон нора ворсом-код бара отлаасис вичко жыннан шы.

— Дон!.. Дон!.. Дон!..

А кор кутисны тыртны гусо, Пека заводитис ыджыд сямон няркодны-звонитны став шоркод да посни жын-нянъяснас оттшотш.

Борынджык кывсис, мый поп ена и кротитома-ви-дома ассыс кывтом пемос код звонарсо, одва абу тодмышкалома-вотлома коллокольня вывсыс. Адзомыд по, кодос коллодны — антикрестос, кодлон местаыс модар югыдас сир портийн, адын. Абу вермома терпит-ны поп татшомторсо.

Тайо рыто ужнайтом борын бать чигарка гартигроз шуыштит:

— Тайон оз на помась, рам понийд по гусон пуро. Первой озтылисны склад, они бур мортлысь ловсо бось-тисны.

— Енмыс накажитис, — пернапасасис почо. — Сарство тэныд, Назар Паш, небесной. Мед быдлао нырто эн суй дай. Олин ко бур йозыс моз, шыч ни рач, эсько дыр на таладор светас красуйтчин... Вуджин кодъяслысько туй-со, со и... Пом...

— Тэ эсько, энка! — первойсы сылы паныд сувтис мам. — Тани абу енлон киподтуйыс. Кык кока коинъяс-лон...

— Бандитъяслон шу, сточджыка лоо! — водзо нуодис мамлысь мовпсо бать да содтис: — Бур йоз повсто дзес-сьом коинъяслон, кодъяс тодисны Распутинлысь быд воськов да югыдлань сетчомсо тшотш!

Мем лонс нимкод сысы, мый мам да бать воисны оти кывйо, сидко, семьяын потасыс регыд топалас, бур-дас. Нянь амбар сотчом да бур, пыдди пуктана мортлон юр вошомыс отувтис сиктса став уджалысь йозос. Назар Павелос виомыс эз повзьод найос. Кымынко семья бара пырисны колхозо. А мян семьяын ропкис сомын баб:

— Няньыс сылон, код жытникын сийо куйло. Назар Павел бур йозсо куштомысь и воштит юрсо. Йозлысь добра кыскалігад и сылы, тодомысь, мыйсуро вичмыв-лис. Ваын сулалысьыд по косон оз овлы...

— Мам, тэ соригад кывъясто борйы, — чорыда вома-лис сийос бать. — Озыръяс тшогмоаось, а выль лесопунк-тас баракъяссо строятсыяс пыкталоны тшыгысла. Колло оз налы сеян-юаныс? Колло! А коди сэтчо сеянсо

нуас? Назар Паш! Омөлик эбөсалы да полысь-родысь-лы сәни вөчнысө немтор. Мунис коммунист, повтөм морт. Сийө вөчис өтувъя колана делө. Назар Паш аслас пост вылас салдат моз и уси. Махновецъясыд кыйөдөмаөсь, виөмаөсь.

Батылы Гөрд Армияын усылөма пай вөтлысьны Украинаын Махнолөн банда бөрся, аддзывлыны, мый найө вөчөмаөсь, да махновец кывйыс сылөн өні ыджыд видчанторийөн вөлі.

— Өні колө быдөнлы лоны сюсьөн, медым и балябөжас тшөтш вөлі синмыс: гөрд петук кө өд лэдзасны, сиктыд тшын йыв каяс.

Мам сөмын гөгөрвоана видзөдлывліс верөсыс вылө.

КАНИКУЛЪЯС, КАНИКУЛЪЯС

Бөрладорө нюзөдчөм муяс да картофель гуяс сайын вежөдіс Гажа яг. Ляпкыдик, но кыз да пашкыр пожөмъяс заводитчылісны пыр жө, потшөс сайын, сулалісны стенөн. Вожъясыс шевкнитчөмаөсь паськыда, кызөсь, ёнөсь, на вылын лыдтөм чальяс, кодъяс эжсьөмаөсь чөскыд сир көра кузь веж лыс емъясөн. Тулысын гөрд коляозйыс мыйта! Гырысьөсь, юмов көраөсь, челядь чөс-масьлөны горшнысө сирөдтөдз. Тайө мичсө — веж Гажа ягсө — видзисны-дөзьөритісны том и пөрысь. Сийө вель ыджыд, паськөдчөма Серө шорөдз. Көрт кодь ён, кыз да джужыд вужъяс вывтис, кодъяс кыптөмаөсь пөим рөма му, кос нитш да еджыд яла весьтө, эз прөйдитлы телегаа ни өти вөла, эз вөвны тані и ордымъяс. Му бердсянныс сьөдөдөм джуджыд потасъяса кыз кырсьсө абу дойдалөма чер ни пурт. Тані некод эз лиасьлы, көть эськө сийө кыз бурня кодь пожөмъясад лиыс ок юмов да кыз. Қымын ылөджык сиктсянь, кымын матөджык Серө шорлань, коді босьтө васө ылыс Ыджыд нюрысь, сымын пожөмъясыс лооны статьясьджык, веськыдөсь-джык, пыр ёнджыка нюзөдчөны вывлань, быттө ыргөн сисьяс. Татысь коляозтө сөйсьөма: веж шапка кодь туган йылыскөд зэра лунъясө өтвесьтөд төвзьөны кымөръяс. Но сэтысь позьө нин вотны сьөдгөрд шапкаа, кыз кока дона гобъяс.

Яг дорышас эмөсь гажа кушинъяс, кодъясөс быттө венөкъясөн гөгөртөдөма чуткасысь лыска ляпкыдик

тусяпуясон, алөйгөрд рөмагырысь дзоридзьяса лежнөг кустьясон.

Шойччан луньясысь өтиө татшөм кушинө чукөртчисны нывьяс да зоньяс. Найө пукалисны лы кодь ён кырсьөм керьяс вылын. Том йөзөс гажөдис гудөк. Гудөк шыкөд сорласисны ҚИМ значока комсомолецьяслөн гөлөсьяс:

**На деревне без затей
Дуня учит всех детей...**

А сэсся ставөн өти лов шыөн гримөбтасны, вевттысны весиг гудөккльсь горсө:

**Э-э, Дуня, Дуня-а,
Комсомолочка моя.**

Гажыс, быттьө яра ломзьясь бипур. Со нин заводитисны йөктыны, пукталисны чукөрө пила-черсө да. Сэки тыдовтчисны менам чой Граня да Назар Паш Ольөксан, кодьяс веськөдлөны комсомоллөн ячейкаөн. Гранялөн гөрд көсынка увсьяс муртса тыдыштө дженьыда шырөм пемыдгөрд юрсиыс, сөстөм чужөмыс гожьялөма, сьөдов синлысьясыс весиг едждөдыштөмаөсь. Неыджыд пельк туша вылас мичаа пукалис паськыд тасмаөн зөлөдөм гимнастөрка, морөс вылас өмидз тусь моз гөрдөдис значок. Кызкодь кокчөрьяссө зэвтөмаөсь лөсталысь сапөг гөлөньяс. Кысь сөмын судзөдөма татшөм мича паськөмсө? Сыкөд орччөн сулалысь Назар Паш Ольөксанлөн синьясыс, батьсө виөм бөрсяныыс на, быттьө койисны би, вөліны сувтсаөсь. Чужөмыс век на нюрсмунөма, бан бокьясас артмөмаөсь гураньяс. Дженьыда шырөм руд юрсиыс сулалис тшөтка моз, оз ков, майбыр, сынан ни зу, кыдзи меным. Ольөксан лөсьөдыштіс-кыскыштіс гырдызаяснас вывлань тасматөм треко гачсө, пелька чивкнитіс-чеччыштіс сьөд камашияса кокьяснас неыджыд кер бунт-вылө.

— Ми Гилева ёрткөд,— шуис сійө неуна пөдыштөм гөлөснас,— ячейкаса секретаркөд, сөмын на Пономарев ордсянь. Ошкис миянөс. И зэв бур — ставөн нин чукөртчөмыдөсь да. Пуджөй сосьястө и делөб босьтчөй, бөлөгөмнад рокыд оз пусы...

Видзөдліс Граня вылө, коді сійө здукас кыпөдис юрвьстас ичөтик кабыра кисө.

— Аддза татысь не сөмын комсомолецьясөс. Молодчьяс жө ті: локтінныд отсасьны шойччан лунө. Ась-

ныд жö кутанныд гажъявны, ичöтджык чой-вокныд да. Вöчам, ёртъяс, ставсö кызди колö, медым дыр кезлö коляс мян киподтуйным!

Сьöлöм вылын лоис шоныд. «Со кутшöм, зонмö, менам чойöй,— гордöя көсöйтчылi Мишельлань.— Не век тэныд ошйысьны Вадим дядьнад». Мишель да Шурик веськыда сёйисны синъяснас Граняёс, кодöс ещö на ми-чаджыкөн да шаньон вöчис выль юнгштурмовкаыс.

— Даёшь!— юрöбтисны яг весьтын ён гөлöсьяс. И заводитчис. Найöс уджавныд оз коввелöдны. Тулыснас, гожöмнас да арнас том коммунаръяс-колхозникъяс кысь эз усьлы гөр вороп, коса, куран, лэбын пу, чап... А арнас, зэр да слöt дырйи, тöвнас, морöсöдзыс лымйын, найö муркөдiсны-лэдзисны сортовка. Зонъяслөн кырымъясыс эз веськавлыны чер пу да пила вороп кутöмысь, а нывъяслөн эз сывлыны гын сапöгъясыс дялянкаысь ылыс катище вылö вöвъясөн керъяс кыскалöмысь. Сёяныд жö — чорыд сьöд нянь, вежсьывтöм сола треска юква да проса рок. И тадзикөн кузь ар да тövбыд, кытчöдз оз орны куш муöд нин кыскасигөн додь сывъяс. Сидзкө, тайö шойччан лунся уджыд налы ворсöм кодь. Зэвтöм струна моз вöсна жвуньгисны пилаяс, ворсiсны черъяс, котшкөдчисны-йöктисны стамескаяс, няркисны-сыылисны стружъяс. Сынöдыс тыри öтувъя зильöмлөн кыпыд горөн. Сюрис удж и мянлы.

— Ноко, кум мушкетёр,— кылис Гранялөн гөлöс,— локтöй татчö!

Дерт, мöдысь корöм эг виччысьöй.

— Аскиа комсомолецъяс...

— Менö оз примитны сэтчö,— öдва кывмөн нускыш-тiс Мишель, папöй öд лишенец...*

— Век али мый чайтан сидз лоö?— стрöга видзöдлiс мян вылö гырысь карöй синъяснас Граня.— Ёртъясыд примитасны. Тэ зонкаыс — кутшöм и колö мянлы. Кымынлы сетлiн мам-бать библиотекасыд книгагастö! Ме öд Дюматö тiянлысь жö лыдди. Тэ ваян Мишкалы, а войнас — книгагд ме ордын...

Мишель быдсөн долыдмис, зэв окотапырысь босьтчис уджö. Но Шуриклы, көзйяственнöй мужиклы, лоис жаль ыджыд чугуныс, көть и сiйö вöли потöма. Юалис, мый-ла пö колö жуглыны добрасö, вермас на пö сгöдитчыны.

* Лишенец — гражданство правоыс лишитöм морт, кодлы оз вöли позь бöрйысьны, гөлöсуйтны скодъяс, собранияс вылын да с. в.

— Кузнеч пи кодъ и эм,— серöктіс чой.— Батьдылысь кок туйсö таялан. Но, Шурик, öнi боевöй задача — чирсны сійöс, торпыригъяссö тувъялам качай сюръя подулас...

— Мыйла?— паськöдiс вомсö Шурик.

— Медым эз мörччы пиньыс ни гыжйыс классöвöй враглөн!— вочавидзис Мишель.— Пила да чер нальсьöны чугун да кöрт торъясö, со и тувъялöны найöс качай сюръя подулас, медым некутшöм лёк морт эз вермы пöрöдны.

— Вернö öд и эм...— сöмын и кужис шуны Шурик.— Локтасны, шуам, войнас врагъяс пила-черөн качай пöрöдны, а сöмын пиласö да черсö и тшыкöдасны.

Пажынöдз качай сюръяяс, пыкöдъяс, перекладина да мукöдтор лоины дасьöсь. Кодйöма и гуяс. Сувтöднысö шуисны нуръясьыштöм бöрын. Гажаа трачкöдчысь бипур вылын жваркйис-пуис картупель, сэнi жö мöтыр йылын руалис ыджыд чайник. Бипур дорын пусис чойлөн пöдругаыс — Ивö Аннуш, кодöс коммунаö пырöм бöрын вöтлісны жö гортсьыс. Комсомолецъяс пövстын ташöмъясыс эз вöвны этшаөн. Öнi эськö бать-мамыс радöсь бöр босьтны чадöяссö асланыс борд улö, но том йöз велалисны овны ас кежысь дякөнлөн вöвлöм ыджыд керкаын да эз окотитны воштыны вöлясö.

Но и чöскыд жö ывлаын пуöм да неуна вардыштöм картупельыд! Торйөн нин солö тшукöдлöм бöрын. Вичмис мянлы, куим мушкетёрлы, и нянь. Граня да Ивö Аннуш мыччисны некымын рудзöг шөрöм. Сэссия рушку польдчытöдз юим чайникысь идйысь пуöм копей. Майбырöй, олөмöй! Рушку тырис да мянöс босьтiс ониш, мöдiс вугрöдлыны. А Шурик, мыйөн нюжөдчис радөн пукталöм кер помъяс вылö, пыр и унмовсис. Мудзис, дерт. Чугунтö жуглöмыд да понöल्याс бертöм-перъялöмыд öд абу бать кузнечаас пушкан качайтöмыд.

А нывъяс да зонъяс, пусигкості, сьылісны да кадриялисны. Уси дум вылö крепостным, кодi тасянь эз и ылын вöv. Висьталі та йылысь Мишельы да Шуриклы. Сёрнитыштiм да шуим йöз шойччигкостаыс ветлыны да видзöдлыны крепостнымöс. Öд сы дыра нин сэтчö эг волöй.

Ягöд мунiм сьёрсьөн-бёрсьөн, öта-мөдлөн кок туйö тувччалөмөн. Водзын муніс Оверин. Сійö лыддьöма Фенимор Куперлысь уна книга да вөрöд ветлөдлігөн шуис асьсö индеецъяслөн вождьөн, а мянöс индеец-

ясөн. Кепкаяс да фуражкаяс улö, вöньяс костö сюялим кыз росъяс, эжөр турун. Шурик кыин летъялис рогатка, Мишель восьлалис складника. Öтарас — лэчыд пурт, мöдарас — ёсь йыла шыла. Меным сюри шмака пома ён кыз палич. Мишель дөвöльпырысь видзöдлис мян вылö:

— Индеецъяс дай сöмын и эм.

Кымын пыдöджык пырим, сымын сукмис да гырсялис вөр. Кок улын муткырасис кыз яла, юр весьтын сулалисны бронза кырся статя джуджыд пожöмъяс. Ягсö быттьö весалöма кодкö, понöль ни лöп, сöмын корсюрö паныдасьлöны гырысьысь-гырысь кодзувкоткаръяс да косьмöм бöрас кондаö пöрöм пуяс. Яг шыалис кыпыда. Олöмыс сэни мунис-пуис некымын судтаён: му вылын асланыс ордымъясöд жуисны кузь уска мудз тöдтöм кодзувкотъяс, вывтас местаясын да мыръяс вылын шонтысисны визув дзодзувъяс, нитш, яла вужъяс да кырсяс вылын жуис-жöдзис быдсяма гагйыс, пуяскостса сибдög вез пельöсьясын виччысисны-кыйöдисны асьыныс жертваяссö чераньяс, пуяслөн вожъяс да чальяс вылын чеччалисны би кодь гöрд пася уръяс, көнсюрö торкөдчисны-дорччисны ён ныра сизьяс, корсюрö визьöбмунлисны визордаяс; а медся вылын, кымöръяс улын, дзользисны колипкайяс. А ми некодлы мешайттög вуджöръяс моз восьлалим на вывти и мянлы вöли нимкодь, мый ягса став ловъя лолыслөн олöмыс вöли син водзын.

Со и крепость. Видза-олаң, вöрса чомийöй! Сьölöм вөрзьöдысь кымын здук кольöма тани, а кутшöм кыпыдлунөн ми ворслывлим татчö волигъясö! Век на важ кодь крепостным, сöмын тай косьмöмаöсь-гöрдöдöмаöсь стеньсыс лысьясыс. Ковмас вежны найöс. А пышкас ставыс важ кодъыс: ас местаас землянкаводзвывса пызан, потшъясысь жö вöчöм векныдик лабичьяс, бипур места, таган весьтын пöрт. И землянкаын, кöни коркö видзис асьыс мышсö бать тасмаысь Мишель, нинöм абу вежсьöма: кос нитшкысь небыд вольпась, ичөтик көрт пач, пызантор, öшинь пыдди стеклöалöм розь. Ми пукыштим вольпась вылын, босьтим пельöсысь чер да мöдiм кыр горулö, Серö шор бокö, кералыштни чуткасысь тусяпу, медым вежны крепость стеньсыс гöрд лыска пуяссö, кодъяс эрдöдисны мянлысь крепостнымöс. Удж помасьöм бöрын, кор став косьмöм пуяссö лэччöдiм шорö да вöчим наысь мöдар берегас вуджан пос, сьökыд лоис торийöдны вöрсыс крепостьлысь веж стеньсö. Сийöс

казялан сѡмын сѣки, кор зурасян сутшкасьысь понѡль
вожъясѡ да чальясѡ. Шурик ветліс шорѡ вала, а Мишель
босьтчис пестыны би. Ошѡдім пѡртсѡ ѡзтѡм бипур весь-
тѡ таган вылѡ.

Ертъяс, кодкѡ тані вѡлѡма,— друг гораа шѡпни-
тіс сійѡ.— Видзѡдлѡй, бипур местаас кѡтасьлытѡм пѡим,
выль гѡлѡвня торъяс...

Лоис шуштѡм, кажитчис, быттѡ пуяс сайсянь ми
бѡрся кыйѡдчисны.

Бипур эг и ѡзтылѡй. Ѳдйѡ босьталім ассьыным кѡ-
луй да гырысь воськовъясѡн мѡдім Мишель бѡрся
гортлань.

Кор воим том йѡз дорѡ, сѣні став уджыс вѡлі нин
эштѡма. Выль дзуртысь гезъяса качай тыр йѡзѡн, сы
бѡрѡ вѡчѡм турник вылын петкѡдлісны ассьыныс сям-
нысѡ физкультура радейтысьяс, сѣні жѡ вѡчѡмаѡсь ку-
зя ног и джуджда ног чеччаланінъяс. Унаѡн ворсісны
лаптаѡн, кучкасны сьѡд резина мачѡ да сійѡ сьнѡ-
дас вошлѡ. Гѡгѡр серам, шмонь, гаж. Номъяс, дерт,
мешайтчисны рытъявылыд. Но та вылѡ некод эз ви-
дзѡд. Гажѡдчаніѡ локтѡма и Пономарев. Сійѡ су-
лаліс йѡз кытшын да мыйкѡ висътавліс. Вѡлѡмкѡ, ком-
сомолецьяскѡд тѡлкуйтѡ бѡръя лоѡмторъяс йылысь, пар-
тийнѡй ячейкаса секретарь тѡдчѡдіс, мый ѡні колѡ ло-
ны сюсьѡн, медым классѡвѡй враглы сѣсся эз удайтчы
вѡчны некутшѡм лѡктор, мый тайѡ делѡас колѡ босьт-
чыны ѡтув коммунистьяслы и комсомолецьяслы, акти-
вистьяслы и став том йѡзлы. Бѡрас нин шуис менам
бать кывъясѡн: «Синмыд мед вѡлі водзад и бѡрад». Телепит
мем лоис висътавны, мый миян крепостьѡ кодкѡ волѡма.
А сійѡ ѡд сиктсынь матын, вѡчасны лѡктор да бѡр пышъясны.
Но восьтыны гусятѡр эз позь: ми сѣні, крепостын, сетім ѡта-мѡдлы кыв.

Пономарев мунѡм бѡрын чукѡртчим грездса зон-
посни, сѣрнитыштім да тѡдмалім, мый лым сьлѡм
бѡрын крепостьѡ на пѡвстысь некод на абу волѡма.
Сідзкѡ, миян таган вылын чайсѡ пузьѡдѡмаѡсь бѡкѡ-
вѡйяс, гашкѡ и, шышъяс.

— Ми кутам найѡс,— стрѡга шуис Мишель гортѡ
мунігѡн.

— Рогаткаѡн али мый?— серѡктіс Шурик.

— Миян эм централка,— серам вылѡ зѡв збыльысь
вочавидзис тѡзѡ.

— Этша тэнад мыштід батыдлөн тасмаыс гуляйтис,— бара шмонитыштис Шурик.

— Мунас Гөгрөс тыё чери кыйны лун-мөд кежлө да оз и төдлы,— кыв көрталіс Мишель.

— Миян эськө вөлі жө нель зарада берданка, но ме чөв олі.

Лунъяс сулалісны мичаёсь. Сикт лөсьөдчис турун пуктан страда кежлө. Батькөд миритчөм бөрын мам пырис жө колхозө. Гортын зык ни шум, гөгөр лад. Гозъя кыкнанныс быттьө томмыштисны быдсөн, батылөн чужөмыс лоис воддза кодь югыд, синьясас өзйис нюм. Мен гажаджыкөн жө кутіс кажитчыны вөльной светыс, сөстөмджыкөн быттьө лоис лөз енежыс.

Өні миян, зонпоснилөн, кадыс вөлі. Тувсов көдза помасис, а видз вылө петны водз на. Лудө лэдзөм вөвъяс овмөсын эз ковны. Найө йирсисны вөля вылын. Мужичөйяс стрөитісны өтувъя мөс карта, картофель да капуста видзанін, кодийсны силос гу, дзоньталісны ытшкан машинаяс, телегаяс, өднөколкаяс, пуалісны коса-гөрбушъяс, лэбынъяс, вөчалісны куранъяс, дөмлісны да сиралісны пыжъяс — вөчисны страда кежлө ставсө, мый колө.

Тырмис уджыс и нывбабаяслы. Найө сылігтырйи артельөн мудйисны-косялісны муяс торйөдысь нэмөвөйся боръяс. Налөн еджыд чышъяна юръясыс чаввидзисны Эжвалань бана керөс пасьта. Мөд во сэні лөө өтпомся, коллективнөй му.

Өти асылө ме дорө локтісны Мишель да Шурик. Мишельлөн пельпом вылас — централка. Сідзкө, сылөн батыс мунөма Гөгрөс тыё кыйны чери. Патрон-ташаси и ме да босьті матичаө өшөдөм берданка да кык ид нянь. Картаяс сайті ми сэсся веськөдчим Гажа яглань.

Качай сулаліс местаас, сюръяяссө надёжнөя видзисны миян киясөн чирсөм чугун торъяс. Көсийм эськө качайтчыштны, да гезсө лэччөдөмаёсь комсомолецъяс сьөрсысы, медым сійөс эз орлөдлыны.

Крепостьө некод абу волөма, дзирьяө вөчөм гуся пассө некод абу вөрзөдлөма. Неуна ыркөдчыштөм бөрын лэччим Серө шор дорө, коді писькөдчис джуджыд вөрүвса посныд козъяс да кустъяс пөвстті. Чөскыд да көдзыд ваыс мысьсөдіс и пөттөдз юктөдіс. Шорыс абу ёна паськыд, мукөдлатыс пөшти вошлө кусть-

яс пѳвстѳ, но сѳні эмѳсь гѳгрѳс джуджыд джумъяс, кѳні ворсѳмысь ньылѳдѳм бѳрын ми ыркѳдчылім-купайтчылім.

Воим шор дорѳ да Шуриклы пыр и усис дум вылас ѳмутыд, мѳдіс нуѳдчыны купайтчыштны.

— А коді кутас кыйѳдчыны?— скѳрмис Мишель.

— Лун шѳра лунѳ кодкѳ локтас, а ми — йѳйяс вом паськѳдѳмѳн пукалам...

— Мун, купайтчы ѳтнад!— дзикѳдз пузис Мишель.— Мыйлакѳ тай босьтчис жѳ тѳнѳ...

Неылын мянсянь гора китшнитіс катша, сѳсся лѳбзис мѳд козйѳ да бара мѳдіс китшкыны. Вензьясыяс ланьтісны, кутісны кывзысьны. А менам юрын кыптіс сѳтшѳм мѳвп, быттьѳ кодлѳнкѳ лѳгѳн ѳзйысь кодзыд да лѳк синъясыс кыйѳдчисны мян бѳрся. Чорыдджыка шамырті вутш вылын куйлысь берданкаѳс. Сѳкі пельясѳс чунѳдіс шковгѳм-луйѳм. Берданка дѳтшмуні-чеччыштіс бѳрвыв да мыні киись. Неылын, шорбокса коз пуяс да кустьяс пѳвстын, кодкѳ весьѳпѳрѳмѳн горѳдіс. Қынмим места выланым, Шуриклѳн кельдѳдіс чужѳмыс. Мишель пыр жѳ сувтіс, кыпѳдіс централка прикладсѳ пельпом весьтас да горѳдіс:

— Коді сѳні? Шыась!..

Ме гольсниті жѳ затворѳн, стволѳ суйн выль патрон. Сьѳлѳм вылын эз вѳв лѳсьыд: вунѳдчѳмѳн пезьдѳдсьѳма октѳм берданкалысь курѳксѳ. Авѳстысь кокъяс улын рутшка-ратшкакылісны увъяс, шурѳдчисны-шарѳдчисны кустьяс. Кодкѳ бокѳ пышйѳм пыдди веськыда варкѳдіс-локтіс мянлань, сѳсся шутѳвтіс-котѳртіс дзик орччѳн, но централкаысь мѳдысь луйѳм бѳрын пластнитчис-уси коз понѳль улѳ.

Матыстчим. Миян водзын синъяссѳ куньѳмѳн куйліс Бѳбыль ѳньѳ, кодѳс грездын и сиктын нимтісны «сылѳн ѳкмысдас ѳкмыс». Сійѳ оліс грезд помын, дзик вѳр дорас, ичѳтик юрпѳла керкаын. Қага ни баля. Но мѳстѳ век видзис: зѳв нин ѳна радейтіс рысь да нѳк. Ваяс турун додтьѳ, сюяс веськыда сарай ыджда картаас, мѳскыд сы гѳгѳр ветлѳ-сѳйѳ мыйта колѳ: сѳѳдны, майбыр, оз ков. А юктавнысѳ быд лун лѳччѳдлѳ тайтѳсѳ юѳдз, йѳрданѳдз, кѳть мед кодзыдыс тратшкакылѳ. Қывтѳм пемѳсыд пѳ мортысь сѳстѳм, сылы пѳ колѳ чистѳй ва.

Воас тулыс, сідз-тадз вердчигад кѳрымыд водз бырѳ. Вѳрас кѳ пу гѳгѳръясысь лымйыс сылѳ, Бѳбыль

Онъ нуодō нин мōссō сэтчō: ачуд пō од бур турунсō сēйин, ачуд пō и мыжа, эн куж видзтыны сийōс вержōдтōдз да. Со кутшōм вōлї тайō мужикыс. Гожōм-нас каяс керка вылас вевтсō лōсьōдыштны либō тру-басō весавны, пуксяс сигōр ѳклучень вылас, гартыштас да ѳзтас чигарка, а куш кокъяссō бовйōдлō сынōдас.

— Лэччы, Онъō, калечитчан!— горзō суседыс. А мōдыс вочавидзō:

— Ог кō калечитчы-а...

Мōдлапōлō страда дырїи вуджигōн либō сэтысь лок-тигōн кыптас тōв ныр либō бушков, полан Эжва вылас видзōдлыны. А Бōбыль Онъō пуксьō аслас дзибыр вет-киō...

— Эн вудж, Ондрей, вōян!— ѳлōдōны сийōс сусель-ясыс.

— Ог кō вōй-а...— шуас сōмын да мōдас зїля сынны кык лопта пелысōн.

Шуōны, сийō вōзїйсьлōма жō колхозō, кōсїйōма видзны-дōзьѳритны артельнōй мōсьясōс. Велōдны сийōс таō оз ков, сиктын быд гожōм-ар медасьліс пастукō: сēян-юан дась, дай сьōмтор на чуктыштлō. Ми эг тōдōй сōмын, колхозас босьтōмабсь абу.

И со, тōрытья Бōбыль, а колкō талунья колхоз-ник куйліс гатшōн, енэжлань чурвидзис зыр пасьта сьōд тошкыс, кодї быдмōма дзик синъясōдзыс да ѳт-лаасьōма кōсичаас юрсиньскōд. Сук да кузь, кытсюрō неуна читкыльѳсь тош письыс чурвидзис сōмын ыджыд гōрба нырыс. Ми ёна повзим. Мися, виим мортсō. Но со Бōбыль Онъōлōн мōдїсны нъѳжїѳникōн воссьыны синъясыс. Сайкалōм бōрас сийō кыпōдчис, пыркнитїс кыз пыш дōра гачсō, лōсьōдыштїс сера дōрōмлысь зэвтчōм юрїывсō да шуис, быттьō грымѳбтїс:

— Тайкō виасны, зырым бедьяс, пуляыс пель дор-тї шутѳвтїс...

— Патронас дрōб, Онъ дядь,— серѳктїс Мишель,— дай лыйи небесаас.

— Эн кō небесаас-а... Восьѳпōртїнныд: ѳдва ош ви-сьōм эз кватит...

Юасим, мый сийō танї вōчō, но Бōбыль Онъ долис асьыс:

— Восьѳпōртїнныд, весьō... Эн кō небесаас-а...

— Быттьō йѳй, век асланьыс синō,— шуис Шурик.— Тэнсьыд юалōны, мый танї вōчан? Йѳзыс муяс вы-лынōсь, а тэ шѳйтан вōрын. Кодї ыстїс?

— Эг кө уяв-а... Тэ, кузнеч пи, ачyd шышкалан, повзёдчан... Швырк бергёдчис да мёдіс сэтчө, кысянь локтіс. Здук мысти саяліс сылөн пёсялөмысла сьёдөдөм дөрөма пач кодь паськыд мышкыс. Ми кыйёдчигмоз мөдім жө, кыйёдчам кустьяс сайсянь, сы бөрся видзөдчам. Бөбыль Онь гөгралыштіс өти куест гөгөр, кыпөдіс паськыд дора лэчyd черсө, кодөс, тыдалө, уськөдлөма кисьыс нем виччысьтөм первой лыйөмсө орччөн кылөм бөрын.

— Тайкө вошта, мыйөн сэсся ньөрсө эськө керала. Потшсыны өд ковмас...

Ньөр кералысь мунөм бөрын локтім чер воштылөминө, гөгралім кустьясті. Оти лудысь аддзим ыджыд кузов, а сы пытшкын куйліс тыртөм мешөк. Дыр мөвпалім-вензим, кодлөн найө. Бөбыль Ондрейлөн кө, мыйла энөвтіс, збыльысь өмөй сэтшөма повзис, мый вунөдіс. Колө төдмавны аддзөмторйыслысь көзяинсө. Мыйла вайисны татчө кузовсө? Оні өд абу на тшак ни вотөс. Но водзө кыйөдчыны вөлі весьшөрө. Шурикөс сэтчө жө ёна курччалісны номъяс да сійө кутіс нуөдчыны гортө.

— Татшөм зык бөрад өдвакө кодкө волас татчө,— сувті ме Шурик дор.— Дай пищальяснымөс колө бөр пуктыны важ местаас: чорыда вермас сюрны. Сюмөд дозмуксө нуам Бөбыль Оньлы, сылөн кө — босьтас.

БӨБЫЛЬД АБУ НА БӨБ

Рытнас, кор локтім Бөбыль Оньлөн юрпөла воймөм керка дорө, коді пөшти вошөма нин ляпкыдик вөр пөвстө, көзяиныс петіс паныд дзиръя дорас. Могнымөс төдмалөм бөрын Бөбыль Онь көмтөм кокнас ниртыштіс мөдсө, нырыштіс сэтысь польдчөм номйөс, вель дыр гыжъяліс голяува тошсө да бронөбтіс:

— Эг кө вунөд-а...

Сэсся дыр мөвпаліс, очсыштіс да водзө нуөдіс:

— Вайид эськө и ньөр чукөрсө, падъян да кузовнад потшөс майөгтө он ньөръяв. А ті сюмөд дозмуксө, некодлы кө оз ков, кольөй: туяс пач ломзёдны, сартас пескөй абу жө-а...

— Чайтім, мый дядьөыс абу тыр сусь, а Бөбыль Ондрейыд асланьыс абу на йөй вөлөма. Люки-буки

сідзи и мунім бөр. Вөлі мыйысь жуглыны юръяснымос.

— Ертъяс,— ышөдіс мянөс Мишель,— эн шогсьой, коть мед мый, а гөрөдсө разям!

— А төданныд,— вель ылө мунөм бөрын друг сувтовкерис Шурик.— Бөбыль, Бөбыль, а кыськө сюрыштөма, самөкур дукөн өвтө, дзик ныр улас сулалі.

— Кысь сылы аскурыс?— эз эскыссы меным.— Няныс абу, турун изө либө паренча да картофель вылын олө, а деньгатөгыд аскуртө өдвакө кодкө сетас.

— Аддзысьөма лышкыд морт, тыдалө,— вензис Шурик.— Сиктад өд оз быдөн жуг сора көвдум сөйны...

— Бара нөдкыв...— сөмын и шуис Мишель.— Збыль өд, дон мынтытөг Бөбыльөс некод, тыдалө, оз гөститөд.

— Сө кристос!— пөся эскөдіс Шурик.— Менам нырысы бур. Кывтыдпомын кө шаньга пөжалөны — кильчө вывсянь кыла нин. Юыштөма Бөбыль Оньөйс.

Нинөм йылысь прамөя сөрниттөг и мунім ныв да зонпосни ворсан да гажөдчанінө. Төлка мөвп, мый вөчны водзө, некодлы юрө эз во.

Грездшөрсә кушинын унаөн нин мачасисны. Ыркъялысь сьөлөмөн ылысянь на синъясөн корси төдса мыгөр, но, тыдалө, сійө грездсьыс ныв-зон абу воөмаөсь. Видзөда да, вошис нимкодьлуныс и Мишельлөн. Сөмын Шурик, тшапа чатөртөм кепка лэбъя, өдсө чинтытөг котөртис ворсанінө. Сылы дзик веськодь, кодьяс да кытысь воөмаөсь татчө ворснысө.

— Ме, пөжалуй, ветла гортө,— дышпырысь шуис Мишель,— гашкө, еді пражитисны, пап Гөгрөс тыысь воис да.

А мян пызан вылын татшөм чөсмасянтөрийыд эз озлы. Дерт, сирпи да ляпа чериняныд, жаритөм мыкыд да кельчиыд, йөрш да ёкыш юкваыд пызан ылө воывлөны жө. Вуграсьнытө сямма да тшөкыда тувсов да гожся войяссө коллявла Эжваө усысь Ыджыд шор вом дорын, но ылө ог ветывлы: пыж оз сетны, воштан пө. А сикт увсьыд едітө да сынтө он кый. Чөскыд чериыдлөн юрыс пыдын. А бать чери кыйөмтө лыддис весьшөрө кад воштөмөн, сійө пырджык ноксьыліс муяс да видзьяс вылын, скөт дорын.

— Вуграсьөм помсьыд семьяыдлы рушкутө ковмас тувйө өшөдны,— шуывліс сійө. Со и эз пукты пыдди шатинөн ва дорын кад коллялысьястө, бурджык пө нин — вотчөй, век нин төв кежлө кутшөмкө да вом көр вежантор лоө.

Дурысь зонпосни дорё матыстчём бёрын бара кылім шензьёдана выльтор. Мёс вётлан улича бокусь нывъяс аддзёмаёсь колхозной конюшняысь медся вына вёвлысь, Чуприклысь, шойсё. Кодкё, тыдалё, ёна повзьёдома, ош ли, сан ли, вёркань ли. Қоиныд гожёмнад пиньтём-а. Но и чепёсьясны вёвъясыд гортлань, уличаыс векныд, дзескыд, праслөясыс чурвидзёны кузь да ёсь потшъяс. Оти чукулыын Чуприкыд морёснас зурасёма татшём пика вылас, косялёма морёс кудсё сёлёмөдзыс.

И тайё абу на ставыс. Лудё лэдзём табунысь вошёма мөд ён мерин — Ермак. Лун-мөд мысти страдуйтны колё петны, а ытшкан машина кыскалысь медьён вёвъясыс бырысны. Корсьёны эськё Ермакёс да, вёрыс паськыд. Рыжөй Митрей пё абу на волёма гортас, шуёма: ачыс пё Ермак табунысь эз торйөдчы, тайё врагьяслөн киподтуйыс, дугдём пё пернапасавны скөттө да.

— ...Да... Со и лэдз лудад вёвъястё,— кыв көрталіс Шурик,— со и шойччөд страда водзвылад. Кужёмаёсь небось бөрийнытө, медбур машинной вёвъястё аддзёмаёсь. Вот и ытшкы сэсся.

Зонпосни жугыльмысны, сёлём доймытөдзныс жаль вёвъясыс да. Эз өд өтчюд найёс лэччөдлыны юктавны, гөняйтлісны Чуприклөн да Ермаклөн паччөр кодь паськыд да шоныд мыш вылын, чөсмөдлывлісны небыд няньён.

— Милиционер эськё корсьысё да,— сетіс кодкё надея, мый мыж вөчысё кутасны.

— Жижев помсыд... Сыөдз кө воан,— эштас олөмыд. Онөдз на со корсьё Назар Павеллысь ловсё босьтысьясёс,— эскытёма өвтыштіс кинас Шурик да Мишель моз жё содтіс:— Аслыным колё разны гөрөдсө!

— Сёрныс вёвъяс йылысь,— эз гөгөрво кодкё,— а тэ кутшөмкө гөрөд йылысь баитан.

— Юрыд нөш кодь, а вежөрыд — көнтусь ыджда,— серөктіс Шурик,— ме өд Ермакё корсьны и чуксала.

Бур вёвъяс вошөм-кулөм йылысь юөр кывлөм бёрын сёлём вылын эз ло лөсьыд.

Жаль, Мишель абу тані, колё эськё сөветуйтчыны сыкөд. Быдторйыс вермас лоны, Шурик чукөстөм серти кө пыр жё босьтчыны корсьны Ермакёс. Ми кыйөдчим-кыйөдчим да кутім Бөбыль Онёс, коді некодлы некор эз вөчлы пакөстьсө. А артельной конюшня-

ысь кык вѳв бырѳма. Да, мян помысь лѳк вѳчысьтѳ, тыдалѳ, кутсьѳма,— мѳвпала ме. А Шурик водзѳ нуѳдѳс ассьыс висьталѳмсѳ.

— Ёртъяс, тайѳс сѳдз оз позь кольны. Ми ѳд пионеръяс, коркѳ лоам комсомолецъясѳн, сѳдзкѳ, ѳнѳсянь сувтам паныд лѳкыслы. Котыртам отряд... Босьтам сѳтчѳ сѳмын найѳс, кодъяс оз повны бать-мам тасмаысь да леторосысь. Босьтѳй, кодлѳн кутшѳм эм оружие, чукѳртчам пемдыштѳм бѳрас...

— ѳнѳ ѳд оз пемдыв. Сѳдзкѳ, виччысьлам нин арсѳ,— шуис кодкѳ Шуриклы паныд.

Но Шуриклы стрѳка сюри да вывтѳ нин окота лои нырщикавны, петкѳдлыны асьсѳ командирѳн.

— Кыа кусѳм бѳрас татчѳ. Гѳгѳрвоанныд? И ме нуѳда тѳянѳс!

Эз вѳв сьѳлѳм серти Шуриклѳн заводѳтѳмторѳйыс: ѳна нин мудзим лунтырнад дай кынѳмъяс гуръялѳны. Мишель кѳнкѳ чѳскыда ужнайтѳм бѳрын стынитѳ-узьѳ ыркыд вонѳын. Нывпосни разѳдчѳмаѳсь жѳ нин гортаныс, кусны кутѳс и кыа.

— Луннас на ѳдва эн пышѳйы вѳрсьыс, а войнад тѳнѳ номъясыд вильѳдасны нин. Бара пышъян да кодѳ нѳ сѳки кутас нырщикавны?— кѳрѳтыштѳ Шурикѳс.

— Не век тѳянлы ѳксыавны.— скѳрмис другѳй.— Чайтан, тѳянтѳг немтор оз артмы? Артмас. Кутам лѳк вѳчысьсѳ. Аддзылѳн, кыдзи зонъяс ѳзѳйсны?

Ме немтор эг вочавидз да чѳла мѳдѳдчи гортѳ...

Аскинас вѳлѳс Макар Иван — колхознѳй бригадаѳн веськѳдлысь — да ставнымѳс ыстѳс силосуйтчыны. Батьѳс — ытшкыны Ватла борѳйѳ, кѳнѳ пѳ туруныс пѳдзѳсѳдзыд нин, мамѳс — сы бѳрысь куртны, а менѳ — кыскавны веж турунсѳ вѳлѳн виль силос гу дорѳ. Мыйся дивѳ тайѳ силосыс, кыдзи сѳйѳс вѳчѳны? Бать эськѳ висьтавлѳс, но окота аддзывны ставсѳ ас синмѳн.

Миян доддясиг да первой телега веж турун вайѳгкоста виль срубъя ыджыд да джуджыд гу дорѳ чукѳрмѳмаѳсь уна нывбаба да ныв. Ставыс вѳччѳмаѳсь — сѳстѳм еджыд чышьянаѳсь, мича ковтааѳсь, дзоридзьяса платтѳбаѳсь да гѳрда-еджыда сера шушунаѳсь. Страдатѳ век виччысьлѳсны праздникѳс моз, дасьтылѳсны сѳк кежлѳ и паськѳм, и сѳян-юан. Няньсѳ водзвыв пѳжавлѳсны вежон кежлѳ, медым сѳсся кѳзѳйѳка эз манитчыв поснитѳръяснас. Горш веськѳдны вѳчлѳсны чѳскыд ырѳш либѳ шоммѳдлѳсны парѳнча ва.

Мыйон ми, зонпосни, ректім телегаясысь турунсö, сийос пыр жö лэдзисны гуö, чöскыд көра веж турунлөн кыз слöй вылö лэччалісны талялысьяс, веж турунсö топöдысь-трамбуитысьяс. Сиктса агроном турун вылас кисталіс ведраясөн шомйöv. Со, вöлөмкө, кызди вöчöны выль көрымтö, кодос ми эг на аддзылöй. Гу дорö öтарö воалісны чукийон сөвтөм телегаяс, вежöдыс дугдывтөг киссис сийос топöдысьяс кок улö. Талялысьяс сойбордьясас öта-мöдыслы кутчысьömөн стенаөн ветлөдлісны водзö да бөрö. Недыр мысти воис гудöкасысь да мөдіс няръявны-ворсны. А нывбабаяслы да нывьяслы тайö и колö, кокьясыс асьныс кыпавлöны радейтана гудок шы улö. Кыпыд горыс öтарö содіс, гуса веж турун вылö чеччалісны посни челядь, отсасисны. Пöдругаясыскöд гырысьяскöд радын уджаліс и Ира. Сийö разöдіс талялысьяс кок улö турунсö. Вежöдсö лэдзалысь челядь вильшасисны-дурисны, зілісны веськавны ёкмыльнас гуын сулалысьяслы мышкас. Телепит лоис дурыштны и меным. Ме босьті вила тыр ыджыд пласт да шыбиті мича платтьöа Иралы пельпомъяс вылас. Сийö тырліс туруннас, но эз дöзмы, а паськыда нюмдіс да грöзитыштіс меным чуньнас. Но тайö сöмын водзö ышмөдіс менö. Друг кодкө йөткыштіс менö мышсянь да эг и төдлы, кызди турбыльтчи гуö. Вöлөмкө, тойыштöма Шурик, коді сулаліс ректытөм на öднöколка дорас, да гораа гигзис-сераліс. Но ме эг скөрмы сы вылö, öд лои Иракöд орччөн. Гуын дурыштөм бöрын ныв кватитчис да шуис:

— Весась, мый шуасны йöзыс!

Кыскасигөн көсий варовитыштны Шуриkköд төрытьяс делöяс йывсьыс, но сийö сöмын швачкас-кучкас вöv мышкас вöжжи помнас да телеганас гораа таркөдчиг ылыстчас ме дінысь. Сідзи лунтыр эз и удайтчы варовитыштны.

А рытьядорыс мудзи да эз ло Шурикöдз. Мудзан, дерт, кузь лунтыр уль сьöкыд турунсö лэптавны вилаөн телега вылö. Ёнтыны мөдісны кокъяс да кияс. А кырымьяс вила воропөн кузя вөдитчöмысь гаддялісны, веськыда сотчисны. Сöмын и лолыштан вöльнөйджыка сэки, кор пуксьылан öднöколкаö.

Буретш тыртөм телегаөн детинкаясöс гургөдігөн и төдмалі, мыйла оз сёрнит аслас төрытьяс делöяс йывсьыс Шурик.

Вöлөмкө, зонпосни зіля разöдчасны öружиела, а

бӱрсӱ воасны кыкӱн, ӱтныслысь, тыдалӱ, ныр увсӱ
мамыс на чышкалӱ. Кытчӱ мунап накӱд. Некуйтчӱ абу
и ветлӱмаӱсь кыйӱдчыны-корсьысьнысь.

Миян пыдди водзӱ туясьӱма-корсьысьӱма Оверинъ-
яслӱн понйыс. Та йылысь тӱдмалӱ конюшняӱ рытнас
вӱлӱс нуӱм бӱрын, кор аддзыси чери кыянинысь кай-
ысь Мишелькӱд. Сылӱн ичӱтджык чойыс, Аляыс, лун-
нас коляс ӱтнас да лӱдзас понсӱ чеп йывсьыс. Мӱдыс
мездмас дом йывсьыс да утыштас вӱрӱ. Лун шӱр
бӱрын кыскӱма аслас чом дорас джынвыйӱ йирӱм
вӱв кок. Мишель буретш лӱсялӱма гортас, мырддӱма
Газель вомысь вӱв коксӱ.

Воим Мишель ордӱ. Ёртӱй кыскис киссьӱм кӱзӱд
гуысь понйыслысь вайӱмторсӱ. Да, тайӱ вӱлӱ вӱвлӱн
водз кок пӱлыс. Пидзӱс выяыс керыштӱмаӱсь, гыж
лек дорас кольӱма на куыс да тшӱткна гӱныс. Ове-
рин сюся видзӱдлӱс синъясьӱ, быттьӱ кӱсийс юавны:
«Тӱдӱн, кутшӱм вӱвлӱн кокыс?»

— Ермаклӱн!— юавтӱг висьталӱ ме.

— Гашкӱ, ветлам поннас сӱтчӱ, кытысь сийӱ вайис
тайӱ коксӱ?— юалӱс Оверин.

Ме гогнитӱ юрӱн. Мишель петкӱдӱс гортсьыс нянь
гӱрбуш.

— Сӱй,— шуис, а ачыс понйыслы сьылӱас кӱрталӱс
кучик повод и ми веськӱдчим ордым вылӱ, кытӱ лок-
тӱма сюрӱмторнас Газель.

— Корсь, Газель, корсь,— шуышталӱс Мишель.

Пон гӱгӱрвоана синъясьӱн видзӱдлывлӱс кӱзяин вылас
да ӱвтчис бӱжнас.

— Корсь, Газель, корсь!

Мӱдыс сӱмын летыштас бӱжсӱ да бара чургӱдас
бедь моз.

Ызи-базӱ вуджим паськыдкодинтӱ Серӱ шор.

— Корсь, Газель, корсь!

Пон мӱдӱс чукльӱдлыны-мукльӱдлыны шорпӱлӱнса
понӱльяс косттӱ, Оверин мыччис меным централкасӱ да
шуис:

— Резьӱбтан кӱ бара. Смотри, менам!

— Эн пов, коркӱя мозыд ӱнӱ оз ло, видзчысьны
кута.

Пыр водзлань, пыр пыдӱджык пырам вӱрӱ. Регыд
воас миян больтӱкасян ӱмутным. Син водзын воссис
неуджыд кушин, а сӱсся и ачыс ӱмутыс.

Пон исасъыштис да зэлѳдіс дом поводсѳ, неылѳ котѳртыштѳм бѳрын мѳдіс никсыны джуджыдкодь сук сус пу куст дорын, а сѳсся терпитны вермытѳмысла увтыштис. Ме чорыджыка шамырті ружьеѳс, а Мишель заводитис гурйысьны кустас. И кыскис мѳд вѳв кок, бѳрьясѳ, кучика и быдсѳн. Недыр гѳгралыштѳм бѳрын аддзим мѳд кустысь и дом гез, мыйѳн, тыдалѳ, вайѳдѳмаѳсь татчѳ вѳвсѳ.

Ставыс лоис гѳгѳрвоана: Ермак эз вош, а сійѳс начкѳмаѳсь. Тайѳ жѳ шуис Опонь дядь, кор ми вайим вѳв коксѳ гортѳ.

— Подковыс и кѳрт тувйыс менам,— ышловзис сійѳ, сѳѳкыд кѳртѳн вѳдитчѳмла быттьѳ нюжалыштѳм сойяса гырысь кияснас вѳв коксѳ видлалыштѳм бѳрын.— Пуктывлі сійѳс купеч Сила Ѳльѳксанлѳн Ермаклы. Абу на и вѳрзъылѳма, а во-мѳд нин сѳксянь колис. Пропадитис... жаль, сѳтшѳм ѳн вѳлі вѳлыс, да мый сѳсся керан. Ок-ок-ок! Шурик,— друг бергѳдчис сійѳ пиислань,— тѳнад нырысид бур, тѳдмав, кодлѳн ѳшинь улас яй кѳр кылѳ, сѳні и пурскѳны-сѳйѳны свежинасѳ, ѳні ѳд, гѳжѳмнад, прамѳй кѳзяин ассыс быдтѳм скѳттѳ оз начкы, гашкѳ, сѳмын страда дырйи. А ті,— шуис сійѳ кильчѳ помсыс кыпѳдчигмоз,— понтѳ вѳрѳсѳсся эн лѳдзѳй, ѳні сѳні став ловъяыс рѳдмѳ, понйыд вермас пакѳсть вѳчны, вѳр-васѳ кутас рѳзѳритны, ѳні прамѳй кѳзяинлѳн понйыд иган сайын либѳ дом йылын.

— Опонь дядь, Газель пукалѳ чеп йылын. Сѳмын талун чѳйѳй лѳдзлѳма.

— Но, ті кольччылѳй, а ме ветла бригадир дорѳ. Қазяланныд кѳ мыйкѳ, котѳртѳй ме ордѳ.

Дерт, ми, торйѳн нин Мишель, асьнымѳс кутім кывны верстьѳджыкѳн, кор аддзим Ермаклысь да Чуприклысь туй помсѳ. Ѳні вѳвъясѳс виысьяслы не мынны. Юръяснымѳс вылын кутігтыр вѳсьлалім грезд кузя, а водзын торѳдѳ-котѳртѳ, бѳдь кодь вѳсни бѳжсѳ бѳрлань чургѳдѳмѳн, Газель, код вылѳ дѳвѳльпырысь видзѳдлывліс Мишель. Понйыс ѳд катѳдіс вѳрас и эз кытшлѳдлы, а вайѳдіс стѳч коланаинѳ. Туй бокрын сулалысь жытник сайсянь миянѳс яра атакуйтисны «ура» горзысь да кианыс ньѳръяса-сабляяса посныдджык зонпосни. На водзын тѳвзис верстьѳджык зонка, баръѳв кока командирыс — батыслѳн тѳвся шапка вылас бумагаысь вѳчѳм ыджыд гѳрд звезда, сьыліас бурка пыдди бабыслѳн важ шаль, киас — кузь пу шашка.

Газель первой тшөтъясыліс, но кор казяліс, мый челядь ворсоны, меліа летыштіс бөжнас.

Сералігтыр өдва мынтөдчим миянөс пленө босьтны зільысь «чапаевецъясысь». Колө шуны, зонпосни «висьмисны» «Чапаев» йылысь висьталөмъяс кывлөм бөрын. Асьнысө нимтөны «чапаевецъясөн», нывпосни отрядъясын лоисны Анка-пулемётчицаясөн. Быдөн көс-йисны лоны Чапаевөн либө Петькаён.

Тайө жө рытас кузнечкөд сёрнитчөм бөрын Макар Иван мунас нарадитны бригадасысь йөзсө аски кежлө. Пыралас тшөтш и Бөбыль Онь ордө: сійө аскиа колхозник, шыөдчөм сетөма правлениеас.

Макар Иван дыр коряс Бөбыль Оньөс да аддзас көзяинсө керкадорса куст сайысь, вөлөмкө, ош висьөм сійөс босьтөма, чукрасьө-мучитчө. Свежөй яй пө мератөг сөйи, со пө и страдайта.

— Мөстө начкин?— чуймис Макар Иван.— Көзөдыд абу да тшыкас.

— Оз кө-а,— ружтыштіс Онь.— Солышті өд...

— Мөстө али мый мися начкин? Сэсся өд тэнад некутшөм живөтина каньсыд өприч.

Сэсся Оньыд дыр кежлө ланьтліс, ружтіс-ружтіс дай содтіс:

— Гөрданысь йөрын. А тэ, Иван, мыйсюрөсө эн лөсьөдлы. Прамөй көзяин өмөй өні начкыяс? Оз кө пөди-а... А ме өмөй абу көзяин? Керка и, мөс и, кань и...

Пырасны гортас, залавкасысь Онь кыскас ыджыд пу тасьті пыдөсө кольыштөм яйсө.

— Видлы свежинасө. Кывтө нылыштан. Войбыд кыскалі Серө шор дорысь. Йөра яй...

— Оңд্রেюшко, йөраыд өд сикт дінад матө оз лок.

— Енмыс сетіс, енмыс. Төдө, лов сайын грек абу, кумөй тыртөм, шыръяс весиг пышйисны...

— А яйыс, Оңд্রেюшко, рөмнас дзик вөвлөн кодь...

— Абу кө-а. Тэ, партизан, велалөмыд сөрны. Кывзы, бур мортө... Муні Серө шор сөртасө — сәні өд и коз понөлыд тырмө потшсян ньөръяс дасьтыны. Сапқа-керася, а кодкө быттө и тойыштіс васөдінас кодйөм гу дінө. Вевттьөма нитшкөн, лыскөн. Вешталышті сайөдсө да аддзи туша джын яй. Бөрладорсө нуөмабсь нин. Но меным, мися, шогмас и водзладорыс, кульөмабсь и быдтор: кок ни юр. Яйыс госьсла рысь кодь еджыд. Вердаса вөлөма йөраыс! Көтөрөн

ветлі чуманла, кузовла да дзугисны эсійö вöрсаясыс.

Онъ сэсся казътыштöма мянкöд паныдасьöмнымöс, сöмын кыв ни джын абу висьталöма мян лыйсьöм йылысь. Көть и шуоны, мый сылөн юрас абу став винтыс, но асланьысынö, оз ков, майбыр, велöдны.

— Кыскалі сэсся войбыд,— висьталас Онъö.— Колöкö, нуышт.

— Конюшняысь вожтöм гыжъя свежинаыд меным оз ков. Тэ нин чöсмась, Öндреюшко, сöмын вывтёнасö эн жö горшась, бара висьман, аски ытшкыны пет.

— Ог кө-а.— Öндрей кыпöдiс дөрöм подолсö, мала-лыштіс нюрсмунöм кынöмсö, мигнитіс.— Лекарство сэтысь вайышті, гуас ыджыд банка тыр аскур вина дзёбöмаось, сöмын неуна и видлыштöмаось, а сэсся меным, Бöбыльлы, енмыс, тыдалö, тшöктöма да кольöмаось. Сё пасибö налы, сё пасибö!

Öндрей ваяс пач костсыс топыд пробкаа ыджыд жöч бидон, мыйын кодсюрö видзöны карасин, кисьтас чашкаö:

— Видлы, ме талун эг на удит карта сайö котралі-гад.

Чашкаас, вöлөмкö, збыльысь ёнысь-ён самöкур. Öзтан — лөз биөн ломалö, быттьö спирт. Сідзи асылөдз и бурдöдчöма Онъö бригадиркöд, кодi абу повзёма вожтöм гыжъя яйөн пежасьöмысь.

Асывнас Макар Иван локтас силосуйтчанинас гажа юрөн на. Казяласны йöз, казялас артельса председатель. Öдва оз вештыны бригадирсьыд, öвсысны сöмын сэк, кор тöрытьясö висьталас. Шуасны, мырддыны Öндрейлысь яйсö да пыр жö нуöдны милиционер дорö, мед сәні прамöйджыка висьтасяс, кысь да кызди яйсö судзöдiс.

Öткымын нывбабаяс жö öлөдны заводитласны колхозникъясöс: мед пö, енмыс сетöма да, сёяс, коньöрыс. А колö шуны, мый öткөн олысь нывбабаяс пысь унаөн кыссисны-синсисны төв ув бадьяс моз ён тушаа-рожаа, здоровеа, жыннан моз бронгысь гөлөса Öндрей дорö, эз видзөдны, мый сійö бöбыль.

МЕДБӨРҮЯ ЗВӨН

Шурик быттьо вао видзөдөма: милиционер Жижев-лөн төлкыс тырмис кыскавны сельсөветө допрос вылө сөмын мянөс — куим другөс. Дерт, бөрас ошкыштіс жө-а. Не кө ми, чайтісны эськө, мый Ермак кытчө-кө ачыс воши лы ни ку. Эз сет Жижев спокой и Бө-быль Өньлы, пуксьөдіс чижовкаө. Нывбабаяс жаляд-дза чөскыд пөжас, нөк да рысь ваялісны решётка сай-ын пукалысьлы. Лысьтісны-дөзбөритісны мөссө, йөлөн чөсмөдлісны каньсө, весиг мыськисны да пелькөдісны керкасө, джодж вольөсьяс да вольпась бура пыркө-дісны. Жырьясыс югдісны, кыпидмисны.

Вичмыштіс Жижевсянь и Макар Иванлы, но эз Өнь-лы мыйта. Вөвлөм партизанөс чижовкаө йөршитөм йы-лысь милиционер и мөвпыштынсө эз лысьт. Сійө кор-сьысис быттьо тыртөм кумын: мыжаяссө сідзи и эз аддзы. Йөзыс ропкисны Жижев да сылөн районса на-чальникьяс вылө. А ми, куим друг, дзебим вермас лоны медся главнөйторсө. Эг висьталөй, мый кодкө узьлөма тулыснас крепостьса землянкаын: ми ас кос-тын шуим, мый делөсө вайөдам помөдз асьным.

Өдйө прөйдитіс тулыс, важөн ыджыдалө гожөм, заводитчис страда. Ми бать-мамкөд вуджавлім мөдла-пөвса видзьяс вылө, кадья да вутшкаиннысь потшьяс вылын кыскалім турун юрьяс, ытшким, отсасим чөв-тысьяслы, кералім пыкөдьяс, ньөр, ваялім найөс зор-рөд дорө. Луньяс кывтісны Серө шорө веськалөм кос корьяс моз.

Весиг өні, страдауйтігөн, выль качай дорын гажыс эз кусыв сөр войөдз. Видз вылысь воөм бөрын муртса сөйыштам да котөртам сэтчө. Сэні качайтчам, мача-сям, карьясям, «кольөдам поп», ёнмөдам сөнъяс-нымөс да мускулъяснымөс турник вылын, вермасям өта-мөдкөд. Ёртьяскөд аддзысьөм бөрын, дерт жө, вет-ывлім и асланым крепостьө. А бөрья кадө, торйөн нин рытьяснас пемдыштөм бөрын, заводитім мойдчы-ны. Мудзам ворсны, пуксялам крепость дорө өзтөм би-пур гөгөр да заводитам нөдчыны-мойдчыны. Медся кужысьөн вөлі Мишель. Быдөн сылы видзөдісны во-мас да вермисны эськө пукавны шонді петтөдз, но Ове-рин мойдчөмсө орөдліс медся интереснөйинас.

— Ставсө өтпырйө көсьянынды? — серавліс сійө. — Аски рыт кежлас нө мый кольө?

Дерт, Мишельлы мойднытö вöлі кокныд: сійö ас ногыс висьтавліс гортса библиотекасыс лыддьöм книга-яс. Уна книга веськавліс, дерт, и ме киö, но мукöд зонкаяс найöс эз лыддьывлыны.

— Миян бипур вылын чай пузьöдлысьыд, тыдалö, вежöма ассьыс шойччан местасö,— кор колим ас кежын куим друг, шуис Оверин.— Повзис, тыдалö, миянысь. Коді узьліс, оліс тані, миян землянкаын, öні, тыдалö, жыкруйтö сиктын...

— А кызди тэ öтнад узьлін сэкитö вöрса землянка-ас?— век на шензис Шурик.— Страксьыс эн и пов? Ме эськö эг лысьт, сё кристос, мед көть батьöй кулис кучикöс... Страк... Кызди мөвпышта: вой, шуштöм вөр, быдсяма шыясыс. А тэ сэні öтнад...

Оверин немтор эз вочавидз, но чужöм сертиыс тöдчис, мый сэки öдвакö куньлöма войяснас синьяссö. Көть мед кызди сэки эз пов войяснас крепостьын Оверин, а ми и öні видзöдлывлім сы вылö герой вылö моз. Мый сёрнитны челюскинецъяс йылысь, найö миянсянь ылынöсь, а вот асланым геройным орччөн, поэö инмөдчывны сы дінö киөн, варовитны.

Сикт узис. Рöмыдас öдва тöдчисны воймöм пу керкаяслөн мыгөръясыс, сöмын грезд кыр улын, шорсайса нейджыд мыльк вылын, еждöдiс вичко. Сылөн купольяс костын друг дзувмунісны бияс.

— Паракод лэччö,— шуис Шурик.

— Судноясыс оз ветлыны косінті,— серöктіс Оверин.

Биясыс эз вöвны пароходлөн кодь, найö дзувъялісны-вешъялісны öтарö-мöдарö ягдорса идралöм нин видз весьтын. Пемыд, лөнъ, небесаын—зэвтчöм руд кымөръяс, оз пöлышт төвру. Ми кунмөн джыджвидзам потшöс вылын, кытысянь тыдалö войлөн шуштöмкодь серпасыс. Кажитчö, быттö кодкö матыстчис да видзöдö и видзöдö миян мышкö кодзыд бугыльяссö лапниттöг. Сэки ещö мөдiс востымасьны небесаыс, лун да рывтадорын вöсни кымөръяс пöвстті ыпмунліс быттö чусыд чардыштöм, югдыштліс и сиктыс, и юыс, и сы сайса ягыс. Востымасис поводнöй дыр. Ми вөрзьöдчытöг видзöдiм руд небесаын ыпъялысь би вылö. Ог тöд, кызди другъяслы, а меным лоис збыльысь шуштöм.

— Ме пöжалуй, муна гортö,— шöпнитіс Шурик.— Кынöмöй висьмис.

— Шурик, ёртõй,— торкис другсõ Оверин.— Оз ков сетчыны страклы. Ноко, ме бõрся!

Здук мысти ми вõлим нин Вичкодорынõсь. Пономарев патераын биа на. Сийõ сюся кывзис Оверинõс, ошкыштіс мянõс, плавгис пельпом вылас френчсõ да петіс картасайса амбаръяс дорõ, кытысянь тыдалісны мõдлапõвса видз да яг. Но сәні нинõм нин эз вõв, а ывлаас пемыдыс ещõ на сукмис.

— Аттьõ тиянлы!— шуис Пономарев.— Бара заводитчõ, тыдалõ. Ми кыйõдчыштам, а ті — гортад!

Аскинас сикт кузя, ваõ шыбитõм из бõрын артмõм гыяс моз, паськалісны сёрнияс: войнас пõ вõлõма знамение, пемдõм мысти святõй бияс петкõдлõмаõсь места, кытчõ небесаыс воссьылõм бõрын усьõма енлõн письмõ. Сийõ письмõсõ вайõмаõсь мõдлапõлысь да õні пõ ветлõ кийсь киõ. Гижõма гырысь печатнõй букваясõн, медым вермис лыддыны пõрысь и том.

Письмõыс пõ тшõктõ петны колхозысь став веритысьяслы, а коді оз кывзысь, мõдар югыдас мõдас сотчыны сир биа адын. Небеса воссьылігас пõ Гортъяг чуркйõ усьõма ыджыд из, код вылын зарни крестõ гижõма тайõ кывъяссõ жõ.

Страда эз на помась, медся пõсь кадас сикт бара шызис. Колхозысь петысьяс кõtь õні и эз лоны, но кымынкõ семья век жõ мунісны овны карõ, кõtь и зарни креста ыджыд изсõ эз аддзы некод.

Сиктсаясõс тайõ жõ пõраõ чуймõдіс звõнар Пекалõн, кодлõн керка мõд джынъяс оліс выль поп, друг кувсьõмыс.

А вõлі со кызди. Карысь воисны некымын ён мужик да сыркйõдлісны-лэдзалисны кõлõкõльняысь жыннянъяссõ, колісны сõмын õтиõс — ичõтикõс, мед шызьõдны йõзõс, лоас кõ пõжар. Та водзвылын немõй Пека, коді, вõлõмкõ, бура кылõ, сõмын сёрнитнысõ оз вермы, корõма медбõръяысь гажõдыштны прихожанаõс. Звõнсõ помалõма Пека «Камаринскõй» кодъ шыяс улõ да тайõс вель дыр казтылісны.

Сәсся Пека прõститчас аслас жыннянъяскõд, быдõнõс окалас: найõ õд нәм чõжыс вердісны-удісны, кõмõдісны-пасьтõдісны, гажõдісны и шогсьõдісны. Қаяс гортас, рытнас ужнайтас да водас, асывнас видзõдласны — кын.

Да, кымынõс аслас нәм чõжõн колльõдіс Пека бõрря туйõ, а вот асьсõ нуисны погост вылõ звõнтõг.

ВЫЛЬ НОГА СВАДЬБА

Знамение йылысь сёрнияс да енсянь юөръяс эз лоны выль попос арестуйтом бõрын. Нуисны сийос турун пунктõм бõрын, кор заводитисны идравны урожай. Муяс вылын шаркисны чарлаяс, таргисны лобогрейкаяс, сярõдчис сõмын на вайõм жнейка, код бõрысь йиасисны нывъяс да бабаяс. А косьмõм сусланъясысь кольтаяссõ ваялисны õтувъя ыджыд гумла дорõ, сёрõмалисны. Тьос вевт улын кузнеч Опонь лõсьõдис вõвъясõн вартан машина, кодõс вайисны неважõн жõ. Окота вõли видзõдлыны, кыдзи кутас уджавны татшõм дивõйс, õнõдз гумла дорын ставсõ вõчлисны ки помысь. Войдõр арся асылõ сикт садьмывлис вартõм гажа шыысь:

— Чупи-чапи, чупи-чапи, чупи-чап...

Чапъясõн топõдõмысла пу кодъ гумла вылын резисны рынышын косьтом-шупõдõм кольтаяссыс сясõ. А таво оз ков ни шупõдчыны, ни гумлаяс весавны — вартас колхозлысь став няньсõ машина. А урожай артельын озыр, õтка олысыяс вежалисны сы вылõ. Абу дивõ: коллективлы сетисны ыстõм кулакъяслысь, купечлысь, поп-дяклысь вына муяссõ.

Колхозной муяс вылын сярвидзисны чумалияс. Ми, зонпосни, кыскалим кольтаяссõ гумла дорõ, аддзим бур урожайсõ ас синмõн да радлим. Õднõколкаõ дõддялõм вõвъяс кысян станса челнокъяс моз жõ котралисны муяс вывсянь гумла дорõ да гумла дорсянь му вылõ. Туйяс вылын кыпõдчõмаõсь бус сюръяяс. Кольта кыскалысыяс, гождялõмысла беспиян кодъ сьõд зонпосни, сõмын горõдлисны õта-мõдыскõд паныдасигõн:

— Кымын суслан нин, Васька?

Некод эз кõсйы кольччыны, быдõн зилис кыскыны унджык, та вõсна дõддясьлисны водз, лõдзасьлисны шондõ лõччõм бõрын. Но некод эз элясьлы сьõкыд удж либõ мудз вылõ, миян сõмын чорыдджыкõсь лонны мускулъясным, ёнмис-сõвмис вир-яй, зумыдджыкõсь лоисны сõнъяс. А бõръя кадõ рыгъяснас учительница Анна Александровна бара мõдис чукõртлыны матыс грездъясса велõдчысыясõс репетицияяс вылõ. Дасьтим интересной программа, лõсьõдчим велõдчан во заводитчõм да «Урожай» праздник кежлõ. Ичõтджык арлыда пионеръяс ветлõдлисны школадорса кушинтõ стройõн да колип моз сьылисны:

Когда война-метелица
придет опять,—
должны уметь мы целиться,
уметь стрелять.

А сэсся юрөбтө уна ёсь гөлөс:

Ша-гай круче!
Цель-ся луч-ше!

Мишель тшөтш ветлөдліс репетицияс ылө, но ми казялім, мый сійө төдө кутшөмкө гусятор. Көть кызди эг зильөй ылөдны, мед висьталас асьыс гусяторсө, сійө шуліс сөмын:

— Быдторлы — аслас кад.

Ми төдім, мый Оверинлөн кывйыс чорыд томан сайын.

И со карысь воём милиционерьяс арестуйтөмаёсь попөс. Юөрыс өти здукөн паськаліс сиктын. Сельсөвет дорө чукөртчисны йөз, көть луныс вөлі букыд да корсюрө зэрышталіс. Найө пукалісны сельсөвет кильчө ылын, пөжарнөй сарайдорса потшөс тырис чавканьяс моз гөлчитысь челядьөн. Пөчөяс да пөльөяс сулалісны корсюрө сьвкнитлысь зэр улын, чөла чөвталісны пернапас. Туй дорын, завор сайын мурчкис-йирис моски бокысь дженьыд турунсө телегаө доддялөм вөв.

Мужикьяс гартісны нин нельөд либө витөд чигарка. Виччысисны. И со воссис еджыд краскаөн мавтөм өдзөс да тыдовтчис югьялысь шпеня тасмаөн сьөд шынельсө коскөдыс зэвтөм молодеч кодь морт. Ставыс төдісны Жижевөс. Сійө пунктіс кисө наган кабур ылас, тешкодя вежыньтліс беринөсь чужөмсө да стрөга шуис:

— Эн мешайтчөй, гражданы! Сетөй туйсө, граждане!

Сэсся пемыдсьыс мыччысисны пөлян гум кодь гөгрөс сапөг гөленьяс, кузь пөдрасник да сы ылын паськыд руд шляпа. Сы улысь тыдовтчис сьөд тош. Сьөд тош ылас водзлань зымвидзис мусюр ыджадыр. Тайө вөлі мян сиктса ыль попным. Сы бөрысь, киас винтовкаа, петісны брезент плаща кык милиционер. Батюшкоөс да сійөс колльөдысьясөс аддзөм бөрын рикөстис-горөдіс кутшөмкө пөч, кылісны лыддьөдлөм-бөр-

дёмъяс, скорысь шуасьомъяс. Йоз юр весьтөд юрөб-
тисны молитвалон кывъяс. Пөчояс, нывбабаяс стенон
мөдисны водзө, кажитчис — вот-вот мырддясны свя-
щенникос милиционеръяслысь. Ми голяясос нюзөдө-
мон виччым, мый лоө водзө. Но сэки петкөдлис ас-
сысь сямсө Жижев. Сийө кыпөдис рыжөй гона ыджыд
кырымсө йозлань, быттө мыджис сийон найос, сувтө-
дис матыстчысь стенсө, да лёкысь кырыштіс чукөртчөм
йозос синнас:

— Гражданы! Сулалөй места вылад! Сетөй туйсө,
гражданы-ы! Эн мешайтөй нуны служба, гражданы-ы!
Со наганыс, зарада!— шлопнитис шуйга кинас весь-
кыд бокас.

Тайө ланьтөдис ыззылөмсө, йоз вешйыштісны, се-
тісны туй. Сэки поп сувтовкерис. Сы бөрын мунысь
милиционеръяс зурасисны поп мышкө. Поп тайос эз
пукты пыдди. Паськыд сосьяснас мовкйөдлөмон сийө
пернапасалис йозос да гым кодь гора гөлөснас горө-
дис:

— Кристос терпитис и мянлы тшөктис! Терпитөй!
Севышнөйыс ставсө аддзө. Мөдар югыдас судыс: ко-
зы — налево, овцы — направо.— Сэсся паськыда шевк-
нитис подрасник пөлаяснас, чөв усис да пуксис телегаө.
Отар-мөдарас пуксисны милиционеръяс. Кодкө ба-
тющколы мыччис гортса пөжаса ноптор, кодкө зэрысь
вевттис сийос шоныд шальон.

Попос вузалөма Прокө Ольө, катыдпомса первой
гусясысысь. Ошйысьөма кодлыкө тшөтшьяяс пиысь,
мый батысь тшөктөма гижны печатнөй буквайсон «Ен-
сянь письмөяс», а сылон пө ыджыджык вокыс немөй
Пекакөд унаысь вуджавлөмаөсь пемыд рытьясө мөдла-
пөлө да дзувьялөмаөсь Гортъяг дорын пөнарьясон.

Со кодъяс, вөлөмкө, вөчоны знамениетө. А Про-
кө Ольөлон батысь, Тьөсар Прокө,— вичко старөста,
поплон веськыд киыс. Озыра олысьясыд гөльтө старө-
станад оз бөрийны. Прокө Ольөлон керка-көрөмина-
ыс уна жырья, чардака да весиг ыджыд балкона. Стен-
сө кышөма тьөскөн, краситөма. Вевтыс жөсьтысь. Тьө-
сар Прокөлы сетлісны выль ним — подкулачник. Но
мыйлакө ни сийос, ни ыджыджык писө — Витеньос ми-
лиционеръяс эз босьтны. Тыдалө, гыжныс оз мөрччы. А
вот поплы мездысьны эз удайтчы. Тадзи төлкуйтисны
мужикъяс.

А Прокө Ольө эз петкөдчыв вежон кык: сэтшөма

«велөдöма» ассыыс радейтана чадöсö вичко старöста. Тöкөтö пö ки-коксö абу чегъялöма, бур, мый мамыс дитясö мездöма-мырддöма звермöм верöс кисыс.

Вичко пöдласис. А локтан төвнас нин сэтчö восьтисны кылöдчысыяслы да пурьясысыяслы сёянн — столöвöй.

Бара сиктын лөнис, эз шöпкөдчыны ас костаныс бабаяс, эз вöйпны некодöс. Жижев сикт кузя ветлөдлис тшапа, беринöсь чужöма гöгрöс сяр кодь юрсö кутис вылын. Онi сийö воуйтис самöкур пуысыяскöд, исасис-корсыысис, кодсюрöлысь мырддялис аппаратьяссö, жуглис найöс сельсöвет дорын. Аскурөн вузасысыясöс штрапуйталис. Пионерьяс отсасисны жö милиционерлы туясыны.

Нимкодьторйөн лонс машинаөн вартны заводитöм. Қвайт ён вöв бергөдлисны привод, кодлөн ыджыд чугун көлесаясыянь нюжалис паськыд брезент тасма машиналөн барабан шкивöдз. Содтöд векныдик тасмаяс бергөдлисны и мукöд көлесаяс. Вартанінын öшалис пель чунöдан журган гор. Öта-мöдыдлы лоö горзыны пеляд. Машина дорын уджалысыяс вевттысыöмаöсь кыз идзас бусөн. А вундöм йиа кольтаяссö барабанö сюялысь Опонь дядьлөн син ни пель оз тыдав, сöмын югъялö консерв банкаысь вöчöм синьяссö видзан ыджыд öчкиыс.

— Жу-унь... жиу-у-унь... жи-и-и-уны!..— йöз видзöдöны дивö машина вылö, кодi кольтаяссö пöртö идзасö, кыдйö да зарни сюö. А Опонь дядь оз вевъяв бокö видзöдлыны, непöштö сувтлыны шойччыштны, öд он кө удит ас кадö мыччыны барабан горшö пазыйöм кольта, машина тшыг көин моз сикт тырнас омлөвтö, а кор гырк пытшкөсыс тыр, сэки мургö пöt кань моз: вот пö тадзи и колö. И сэки Опонь дядьлөн нимкодьысла горöдсылö:

— Сад йöрын пö ныв гуляйтö, сэтчö зон воывлö..

— Добра-а тайö машинаыд, сöмын няръялö-вартö сёрөмсыыд няньсö,— ошкöны бабаяс да шензьöны пöчöяс.

Некод оз прöйдит тати мунигөн вартаніно кежавлытöг.

— Но и юр мортыдлөн, татшöм дивö вермöма лөсьöдны,— дивуйтчöны йöз.— Му вылысь да машинаö, оз ков, майбыр, рыныш ни пес. Орччөн жö и төлөдчан

машина. Оз ков лунтыр сой ортөдзыд шыблавны зыр-
йөн жугъя сюсө, весавны төв вылын. Зарни рөма гум-
ла вылысь сюсө сөмын ну колхозной складө, идзассө
стөгйышт, а жугсө чукөрт пузьөдчыны төв кежлө. Нем-
тор оз шыбитчы, ставыс мунө шомөсө-ворйө.

Кыпид уджөн тырөм өти татшөм лунө гумла вылө
локтис Вадим дядь, а ськөд — Мишель. Кыкнанныслөн
чужөмъясас нимкодь чукуръяс. И йөзлы лоис нимкодь.
Гөрд Армияса настоящөй командирыд абу тшөкыда
волысь морт. Вадим дядь кытшовтис гумла вывти ма-
шина гөгөр. Чолөмасис быдөнкөд киөн. Машиналөн
жуныгөм ори, йөз чукөртчисны кывзыштны гөрд ко-
мандирөс. Пуксялісны эжа вылө. Локтисны татчө и
сөрөм тэчысьяс да кольта кыскалысьяс.

Август помланьын поводдяе сулаліс мича, енежыс
вөлі гожея моз джуджыд да сөстөм. И шондыс пө-
жис поводноя на. Пөсялөм йөз пыркөдчыштісны, пель-
көдчыштісны, а Вадим дядь сөрнитігөн йөзыс синсө
эз вештывны сы вылысь, торйөн нин ичмоньяс да
нывьяс, кодъяслы зэв ёна воис сьөлөм вылас и мортыс,
и сылөн мича формаыс. Унаөн зілісны гөститөдны Ва-
дим дядьсө гортса пөжасөн, көдзыд ырөшөн. Мөдыс
нинөмысь эз өтдортчы, сөйис и юис яндысьтөг, пөся
аттьөаліс гөститөдөмысь, йөзкөд гажөдчис, гылыда се-
раліс. А вот мужикъяс — мөдарө: дзикөдз рөзөритіс-
ны Вадим дядьсө, кодлөн ыджыд папирос пачкаыс вет-
лөдліс кыысь киө вөвлөм салдатъяс пөвстын, а бөрсө
командир киө воис тыртөг нин. Но сійө эз дөзмы та-
ысь, гартыштіс орччөн пукалысь Макар көшельса ас
быдтөм табакусь чигарка. Тшынасигмоз и муніс сөр-
ниыс. Гөрд командир висьтавліс, мый вөчсьө мирын,
странаын, а ачыс юасис да кывзіс сиктын олөм-вылөм,
колхозной делөяс йылысь висьталөмъяс. Йөз торъя
төждөн юасисны, мый вөчсьө Дальной Востокын гра-
ница ёнмөдөм могысь.

Мишель, көть пукаліс зонпосни пөвстын, эз веш-
тив синьяссө радейтана дядьыслөн чужөм да вом вы-
лысь, гогийөдліс весиг юрнас, быттө ачыс аддзылөма.
мый йылысь висьтавліс дядьыс. Сэсся мудера видзөд-
ліс миян вылө да шуис, мый Анна Александровна та-
рыт бара нуөдө репетиция, медым петкөдлыны нин кон-
цертсө локтан шойччан лунө. Ми весиг эг эскөй:

— Рөгыд на дасьтысим да?— чуйми ме.— Яналам!

— Вєсьшөрө вензянныд,— өлөдіс миянөс Оверин,

быттё сёрнитчёма нин учительницакод.— Кыдзи шуи — сідзи и лоё. Вот аддзыланныд. Тшөтш и шензёдантор на кывланныд...

Нөдкывйён Мишельён сёрнитөмыс лои гөгөрвоанаён сөмын некымын лун мысти, кор сиктын паськаліс юөр: Вадим дядь пё ыстылөма Анна Александровна ордө корасьысьясөс. Тайё мянлы вөлі төв шөр төлын гымыштөм кодь жө. Со, вөлөмкө, мый Овериныд дзебөма мянысь. Но и Мишель! Эз өд и висьтавлы та йылысь весиг аслас медся матысса другьясыслы — ни меным, ни Шуриклы. Первойсө өбидитчылім быдсөн, а сэсся кутім весиг ошкыны — Мишель абу Прокө Ольё, кывтө пинь саяс сяммө кутны.

Сы пыдди нывкаяс тайё юөрсө кузь бөжа катшаяс моз разөдісны быд пельөдз. Вадим дядь пё локтөма сөмын сы вөсна, медым нуөдны Анна Александровнаөс, но мөдыс пыксёма, тшөктөма, мед пё лоас ставыс бур йөзыслөн моз жө, сөмын пё сэки ме лоа тэнад гөтырөн.

Өтчыд репетиция бөрын ме кольөді гортас Ира Полинаөс. Гожөмбыднад пөшти өтилаын мырсиг-уджалігад дугдім дузьявны өта-мөд вылө. Восьлалам орччөн паськыд бор кузя Ира грездлань.

— Шуда жө мян учительницаным, военнөй сайё, командир сайё петө,— сувтыштис Ира да пөсь кырымнас чабыртіс менсьым киөс, а сэсся гораа шөпнитис, лов шыс воис чужөмбанөдз:— А тэ өд военнөйөн жө лоан... командирөн.

Ме сөмын шемөсмөмөн видзөдлі ныв чужөмө.

— Вунөдін? Анкетаад тай вөлі гижлөмыд кольөм во... Көсья пө лоны военнөйөн, велөдча командирөдз.

Збыльысь, вөлі татшөмторйыс, кор ми классын гижим сочинение «Кодөн ме лоа» тема вылө.

— Сідзкө, тэ ногөн Оверин — аскиа писатель... Помнитсьө, Мишель тадзи гижліс,— серөкті ме.

— Ог төд,— ышловзис Ира.— Артист, пөжалуй, артмас-а... Но меным сьөлөм вылө вооны военнөйяс.

— Ира, а ме өд и таксаторөн көсья лоны?— казтышти, кыдзи завидьтылі командировкаө волысь таксаторьяслы.

Но Ира өлөдіс менө некымын кывйөн:

— Коланторьяс! Вөрсаө пөран найө уджысь. Ме бара на коддьөм вылад ог и видзөдлы. Аддзөмыд, кодьяслы вежавны! А ме, Миша, лоа врачөн... Лоа тэкөд

орччөн, тэ военной, а ме — тиян частьса врач... Ой, Миша, этійо нō кодъяс?..— ныв индіс сусланъяс костті мянлань матыстчысь кык вуджөр вылō.

Ме первойсō чайті, мый тайō Мишель да Шурик. Мися, кыйкъялōны мян бōрся, но мыгōръясыс, кōть и пемдō нин вōлі, тōдчис — верстьō йōзлōн. Ме тэрыба плавги нывлōн еджыд ковта вылō ассьым пинжакōс да кыскышті сійōс ки пōлōдыс суслан сайō. Недыр мысти вуджōръяс матыстчисны. Найō быттьō мыйкō корсисны сусланъяс пōвстысь.

— ... Тувсов кōч моз еджыд паськōмсō вежис. Сюрис кō эськō,— скōраліс тōдтōм дядьō.

Мōдыс мисьтōма ёрччыштіс:

— Сёр нин, бурджык мунам да пōкмелитчам.

Мōд гōлōссō ме кыськō кывлі, а кодлōн — тōдны эг вермы.

«Колō эськō кыйōдчыштны тайō йōз бōрсяяс, тōдмавны, кодōс найō корсьōны, да тайōс од Иракōд он вōч... Шурик либō Мишель кō эськō вōліны оні сы местаын»,— ас кежысь мōвпышті ме.

Ира керка кильчō помын сёрнитчим некодлы не висьтавны та йылысь.

Падъялі и ачым: «Юōртны-ō та йылысьгырысьяслы? Од вермас лоны, тайō ылыс грездса зонъяс мунісны гортас... Да этша омой йōз ветлōдлō сэтчō-татчō... Лёк вōчōм тай бōръя кадō эз кывсьыв». Но ачымōс такōдōмысь сьлōмōй эз лōнь, телепит лои висьтавныгырысьяслы. И ме пыралі бригадир, вōвлōм партизан Макар Иван ордō.

— Та йылысь некодлы кыв ни джын,— олōдіс бригадир.— Миянлы колō быдторсьяс видзчысьны... Гумла да амбар видзны ковмас ыстыны крепыдджык йōзōс, понъясōн,— Макар Иван тōждысьōмōн гыжйыштіс юрсō да шуис:— Батъд мед кежалас ме дінō.

Матыстчис школаō мунан лун да тшōтш и сійō рытыс, кор мянлы ковмас петкōдлыны выль концерт. Клубын ставыс нин вōлі дась. Ыджыд праздник водзвылын моз залсō дай мукōд вежōсьяссō мичмōдім ныв лыскōн, венокъясōн, уна рōма бумага флагъясōн. А кутшōма вежсис Анна Александровна, лōма быттьō авъяджык, мичаджык. Сы гōгōр бобувъяс моз гартчисны нывъяс, вомас и видзōдісны, оз-ō мыйкō тшōкты

вöчны нöшта, мед клуб лоис мичаджык. Сöмын тай неуна жугыль лоис ставнымлы: миян наставничаным велöднысö сэсся тани оз кут, свадьба бöрын найö му- нöны Вадим дядь служитаниö — Дальной Востокö.

Свадьба... Гажаа сийö мунлис сиктад. Быдса ве- жон чöж кыссьö кöлысьыс: первой корасьöны, бöрдöд- чöны, а сэсся воасны и медся гажа лунъясыс — свадь- ба да пир, киссьö сур да вина, а пызанъяс чегöны чöскыд пöжасысь, жаритöм да пражитöм, солалöм да юммöдöмторъясысь. Сэки чöскыд вöлогасысь мыйсюрö вичмылис и челядь пай вылö. Но ми, ныв да зонпосни, медсясö радейтлим сийö здуксö, кор локтöны жöник да невеста. Локтысьяс оз на тыдавын, а зыкыс кылö нин: няръялö гудöк, юралöны-сьылöны том гөлöсьяс, зель- гöны-зильгöны, тильгöны-тельгöны, триньгöны-тронь- гöны мегыръясö öшлöм уна сикас көлököльчикъяс, дö- лалöны лентаяс, ылысянь тыдалö дружка пельпом вы- лысь мича кузьчышъян. Ён да статья вöвъяслөн бу- рысьясыс да бöжъясыс летйысьöны тöv йылын, краси- тöм да баситöм телегаа кора додьясын — вöччöм нывъ- яс да зоньяс. И друг тайö свадьбаыслы потшöны туйсö, оз лэдзны мунны вичкөө. Туй потшысьяс корöны не- веста вылö дон. Донъясьöм бöрын дружка сетö туй потшысьяслы водзвыв лöсьöдöм ыргөн да эзысь денъя, и свадьба бара тövзьö водзö. Эк, свадьба, свадьба, кутшöма тэнö радейтлисны йöz, тшötш и сиктса че- лядь! А позьö öмой шуны Вадим дядьлысь миян на- ставнича вылö гётрасьöмсö свадьбаөн, кодös ми сэтшöма виччысим? Ветлисны сельсöветö, гижсисны. Сэсся на- йös нывпосни тыртисны боръясысь чукöртöм дзоридзьяс- öн. Бöрынджык Анна Александровна кöзйайка ордын юисны чай. Вöлины сэни Вадим дядьлөн рöдвужыс, сы- лөн тшötшъяясыс, суседъяс, учительницаяс, комсомо- лецьяс, том йöz, Пономарев да дерт жö и ми, челядь.

А рытнас клубын, кытчö öдва тöрисны йöзыс, ми петкөдлим гажа концерт, кодös сиим и велöдчан во за- водитчöмлы, и колхозлөн гожся-арся уджъяс топалöм- лы, и выль семьялы. Тадзи мунис медводдза выль нога свадьба, тадзи лои торйöдчыны радейтана учительница Анна Александровнакөд.

БЫД ГЕЗЛӨН ЭМ ПОМ

Аски школаө. Талун медбөръя лун олам ас кежысь. Вот поводдяыс лёк, оз лэдз прамöя ни ворсны, ни ма-часны, ни качайтчыны. Енэжті лёзь турун пластъяс кодъ төвзысь кымөръясысь тшөкыда резыштлө зэр. Сійö нильзёдіс туйяс, муяс да падмөдіс картупель керсьясөс, кодъяслы отсасим и ми. Тарыт изба-читаль-ня өдзöсын öшалö томан, избачыслөн шойччан лун. Он кывзышт радио ни он лыдды газетъяс да журналъяс. И мойдчынытö некөн. Та ыджда араватö оз лэдз весиг Бөбыль Öнь. Ывлаын дыр он жö ов: кöдзыд и зэрö. Зонпосни дзугыльмисны, оз тöдны, кöні колльöдны прöст рытсö.

— Кай варыштъяс!— кызди и пыр овлө, воис отсөг вылө тöлка, но кузя мөвпалысь Шурик.— Тöрыт Мити-перлөн рынышыс ломтысис, а талун налөн вартсис нин. Мунамöй сэтчö.

Челядь котыр öта-мөднымкөд ордйысьмөн гузыгим-котöртм сэтчö.

Сён бокин куткырвидзис тшын көра стрöйба. Кавшасим нильөг туруна бокшаті гумла вылө, восьтім рынышö кольтаяс сюялан розьсö да öта-мөд бөрся өдзöс дінас матыстчывтөг öшиньöдыс и дзумгысим шоньд рыныш пытшкө вылыс судтаас да пуксялім джоджас. Сынöдыс кос, шоньд, абу на весиг удитöма кöдзавны тöрыт лунтыр да войбыд ломтöм горйыс. Зэр да кöдзыд бöрад — веськыд рай.

Заводитны мойдчыны корисны Мишельöс. Сійö эз ыргянит, но шуис:

— Чур, сöмын öтиöс. А сэсся мед кодкө мөд...

И Мишель мөдіс ас ногыс вежлалөмөн висътавны «Айвенго» роман. Ок, лөсьыд татшöминад мойдчыны-тö, са кодъ шоньд пемыдас немтор оз тыдав, сöмын кылө Оверинлөн гөлөсыс да кодсюрөлөн видзчысьмөн пошиктöмыс. Кывзан Мишельöс да быттьö сувтöны син водзö ловъя серпасъяс, аддзан повтөг тышкасьыс геройясөс. А Мишельлөн висъталөмъясыс нуөдöны пыр водзö и водзö, тöдмөдöны зэв важ кадö овлөм восьса сьöлөмъяса войтыр-племялөн обычайяскөд.

Кор помасис висъталөмыс, мөдісны корны Овери-нөс мойдны мыйкө нöшта, но сійö ассыс кывсö эз вудж. Гортö мунны вöлі водз на. Пөвйөн пöдлыштöм рыныш розьті сиктын тыдалісны на бияс.

— Кай варышгъяс, видла инось ме,— вöзйысис Шурик.— Но менам лоö оз мойд, а збыльтор, вöвлöмтор, кодöс висьтавліс пöчö...

— Но и мед, медтыкö интереснöй вöлі,— кыв кöрталісны пельсö чошкöдöмөн рынышын пукалысьяс.

— Повзьöдланаджык да,— содтіс сэтчö вöсни гöлöс.

— Но кывзöй инö,— кызöктыштіс да заводитіс Шурик:— Öти сиктын шор бокын сулалöма зэв важ пывсян. Весиг кöзьяинсö оз помнитны коді вöлöма. Сійөн оз и разьны... Коді нö йöз стрöйбаö кутчысяс да ешö и жугöдны босьтчас... Да сійö пывсянас пö каститчö, войяснас пö петук чукöстытöдз сэнi гажöдчö мутивöй. Коді пö оз мун пемдöм бöрас шорбокса пывсян дорті, сылы пö и шыбитö мутивöйыс кос корöсьөн. Да... Йöз пемдöм бöрын ылі кытшлалöны гажтöм местасö. Кöс-йöмаöсь нин попöс корны, мед вежöдас, да оз-ö эновт стрöйбасö мутиыс, но сьöмнас абу артмöмаöсь. Батюшкоыд, тöдöмысь, повзяс, оз эскы ен кылыдлөн вынлы да сы вöсна чегас мынтыны вермытöм дон.

Пемыдас кодкö мöдiс тiльскыны-серавны:

— Сюсь вöлöма батюшкоыс.

— Да... а сиктас овлöма зэв ён зимöгор Ёгор. Матича кер шöрöдыс босьтлöма да кыпöдпывлöма. Кывлас йöз сёрниастö. Мыйөн пемдас, мöдöдчас шорбокса öтка пывсян дорад. Да... воас сэтчö. Пемыд, сьöд пывсяныс öдва тöдчö. Сэтшöм багатырöс и то стракыс дорас, бöрö ни водзö оз лысьт вöрзьяны, быттьö измас места вылас... Да... И сэки дзуркнитас-воссияс пывсянлөн бубуля кодь сьöдасьöм öдзöсыс...

Менам öдва эз пот сьöлöмöй: буретш сэки збыльысь гораа дзуркнитіс-воссис улыс судтасьыс рыныш öдзöс, кöні вöлі горйыс, пес да мукöдтор. Зонпосни весьöпöрисны.

— Нöрöвитыштам. Сиктыс мед лөнныштас, биясыс кусöны,— кыліс мужичöй гöлöс.

Тайö мортыслысь гöлöссö ме и кывлі неважөн, кор колльöді Ираöс гортас.

— Бура артмис,— водзö баткöдчис тöдса гöлöсасыс.— Оз мöд йöзсö полошуйтны, ставсö артельö кыскыны... Пом!

— Коліс эськö и Гранясö да эз веськав миян ки улö...

Сёрнитісны улыс судтаын, но кöть джодж пыр, гöлöсыс кыліс ясыда и ме тöді öти сёрнитысьсö — вичко

старөсталөн ыджыд пиыс — Прокө Витень. «А мөдыс, мөдыс коді, гөлөсыс тай төдтөм?» — зіли төдмавны мөд мортө ме.

— А ми тэкөд, Камбалов, чорыда солалім кодсюрө-лысь сатөкинсө. Нюжмасыны некор, вермасны аддзыны татысь, менам Дарьюшлөн пывсян джоджувса гусьыс босьтам гоз-мөд бидон аскур да усыйсям...

Синъясөй быттө воссисны: мөд бандитыс вөлі Сила Ольөксан купечлөн зятъыс — Камбалов, коді пыш-йытөдзыс вузасьліс тестыс лавкаас.

— Кытчө өні сетчам? — недыр мысти юаліс Камбалов.

— Ме нуөда. Миянөс корсыны Жижевыдлөн табакыс дубалө, — ошыйсис старөста пи. — Босьтам аскур запас и — Серө шордорса землянкаө. Көні тай тестыдлысь артельөн мырддьөм Каркосө чергөдім.

— Йөзасьөм местаас?

— Йөй! Яйсө көть и нуыштисны, важөн нин сөйисны некодлы висьтавтөг-эрдөдлытөг. Өні сэтчө весиг челядь оз мунны, арнад, — вензис Прокө Витень, — көть кодкө и кыйөдчис, өвсисны, гожөмбыд сэтчө эг волөй. Гөгөрвооны и: көин өти местаас кык во дорыв оз поздысь. А ми поздысям. Бөбөдам Жижев коддьөмөс.. Узям, а аски — туйө...

— Мунам, сідзкө, — кывйө, кылө, сетчис Камбалов. — Бур эськө сөрөмас гөрд петук лэдзны...

— Йөй! — вомаліс сійөс Прокө Витень. — Кык мужик, кывлі, видзөны, понъясөн. Видлы сибөдчыны, юрид кө абу жаль... Сэсся, шуи тай, Дарьюш пывсянө на колө пыравны... Запастөг ог вөрзөй.

Здук мысти бандитъяс петисны ывлаө да шы ни төв, шышьяс моз кыйкъялігтыр, йөръяс вомөн мөдөдчисны сиктлань. А весьөпөртөдзыс повзылөм зонкаяс өдйө тай усыйсисны рынышысь кольта шөтан розьөдыс, весиг вунөдісны пөдлавыны сійөс да разі-пели уськөдчисны гортаныс. Кутшөм нин мойдчөм, бур мый ловйөн мынісны тайө страксыс.

Ми, гырысьджык зонпосни, ичөтъясысь кольччим, шуим кыпөдны Вадим дядьөс, Пономаревөс, Жижевөс, Макар Иванөс, менсьым да Шуриклысь батыясымөс. А меным да Оверинлы зонъяс тшөктісны кыйөдчыны бандитъяс бөрся, не кольччыны наысь ни өти воськов. Мунім шытөг, видзчысьөмөн. Восьлалім өта-мөд бөрся вуджөръяс моз. Дерт, жалитім, мый эг

босьтöй пищаль да мянкөд эз вөв Газель пон. Воим бандит Витеньлөн пөдруга дөва Кирө Дарья пывсян дорө, сөмын удитим лажынтчыны потшөс бокө, кыдзи сэтысь петисны Камбалов да Витень.

— Менам Дарьюшyd пыр запаса,— ошйысис Витень.— Тайө мянлы дыр тырмас. Гашкө, юыштам, шонтысьыштам туй вылө.

— Кок йылад өшъян на?— скөрмис Камбалов.— Тэ, гашкө, шома юрнад да гудыр синнад сэсся менө Жижев ордас нуөдан да?

— Шуан жө!— дөзмис, тыдалө, и Витень.— Мөдим, сідзкө, өдйөджык, воам да места вылас юыштам. Пономаревөс казтышта, кыдзи ме сылысь плешсө розьөді.

«Сідзкө, Прокө Витень лыйөма Пономаревлы!— рынышын да өні кывлөм сёрниыс өтлаасисны менам вежөрын.— Тайө ичөтик да омөлик Витеньыс, кыдз шуасны, курөглы бөж улөдз, порсьлы лекйөдз немортыс!

Камбалов, дерт, еджыд кисө эз няйтчөд, сөмын командуитис. Тайөясөс оз позь лэдзны син улысь, кежасны туйсьыныс, оз узьмөдчыны мян землянкаө — дзикөдз воштысясны да сэки Жижевыдлөн и збыльысь корссьөма.»

Шөпниті та йылысь Мишельлы. Сійө гогнитис юрнас. Мөдөдчим бандитъяс бөрся. Дзебсясьөмысь да кысьясьөмысь брөд көтасим. Со водзын сьөдөдны мөдіс вөр. Бандитъяс эз мөдны веськыда вөртыс, полисны, тыдалө, вошөмысь, лэччисны шор сөнө да вуджисны Гажа яглань. Тайө и мянлы кивыв, муним гежөд вөра кос местаті, кылім водзын мунысьяслысь кок шысө.

Друг водзын мунысьяслөн кок шыясыс лөнисны. Мишель, сюсь пеля өртөй, кватитис менө пельпомөд: сулав пө. «Қазялісны мянөс, либө ас костаныс сёрнитчөны?»— вирдыштіс юрын мөвп.

Сэсся бара кылісны воськовъяс. Қодкө матыстчис мянлань.

Мишель босьтіс менө киөд да гусьөн-гусьөн кежыштім сөн бокланьыс. Ланьтөдчим. Лов шы кутөмөн виччысям, мый лоас водзө.

— Бур көзяин татшөмнад понсө оз лэдз гортсьыс,— нурбыльтис Витень мян весьтті увлань прөйдитигөн.— Қодкө мөдас кыйөдчыны? Жижев небось стынитө пөлатяс. Но и көч жө Камбаловыс.

Витень съвзис да бөр мөдөдчис шор йывлань, кōні
виччысис сійөс Сила Ольоксанлөн вөвлөм зятыыс.

Миян крепость динө матөкодь воөм бөрын бан-
дитьяс дыр пукалісны да кывзысисны, сэсся ышка-
пошка кыпөдчисны крут кыркөтш вылө. Недыр мысти
и ми тивксьөдїм-кайим сэтчө. Лыс стенө вөчөм гуся
розьөд видзөдлім крепостьпытшса му чомлань. Сьөлөм
быдсөн личмуніс, кор весът пасьта өшиньөд пемыд ыв-
лаө кучкис би югөр, кусліс, тыдалө, өзтылісны истөг
тув, бара өзйис да сэсся эз нин кус: ломзьөдісны лам-
па. Ещө недыр мысти вөсньыдик жөсьт трубаысь пур-
книтіс тшын, шочиника лэбзисны би киньяс.

— Гортас моз овмөдчисны миян чомйө,— вашмуніс
Мишель.— Мед шонтысьөны, косьтысьөны, сөйөны-
юөны. Могнымөс пөртїм олөмө. Лэччам сиктө, а аски
лөз югыднас Жижев мужикьяскөд пальөдас уннысө.

Гырысьясөс аддзим качай дорысь. Матыстчим на
динө, висьталім, мый бандитьяс узьмөдчисны миян
чомйө.

Тані вөліны ставөн, кодлы зоньяс юөртисны бан-
дитьяслөн сиктө локтөм йылысь. Сөмын Бөбыль Онь
веськалөма кортөг, волөма куритчыштны Макар Иван
ордө. Сэк жө сэтчө и пырас Шурик да висьталас
бандитьяс йылысь. Со Оньөйд и көвьясьөма тшөтш,
өруддьө на босьтөма — паськыд дора лэчыд чер. Оні
качай дорын гымаліс сылөн вына гөлөсыс: «Тшөтшкөр-
та ме шышьясыдлысь ки-коксө. На вөсна Жижев чи-
жовкаын менө мыйта мөритіс. Висьтав пө, кодьяс
вөвсө виинныд?»

Бать меліа малыштіс менө пельпомьясөд, плавгис
көтасьөм пинжак вылө шоньд шабурсө.

А рытнас вөлөма со мый. Пономарев ордө локтас-
ны төлкуйтны делөяс йылысь миян Граня да Назар
Паш Ольоксан, пуксясны пызан сайө. Недыр мысти
косьыштасны-лыясны занавесыввса вуджөр сертиыс По-
номаревө, чайтасны, мый гортас сійө өтнас. Ранитас-
ны пельпомас. Усйыясны, дерт. Сэки Ольоксан өдйө
вайөдас Рыжөй Митрейөс, тшөктас доддявны медся
тэрыб вөвсө да миян Гранякөд төвзьөдасны-нуасны
парторгөс кылөдчан рейдса больничаө. Артельса му-
жичөйяслы бандитьяс йылысь юөрсө ваясны челядь.
Со, ставсө, кодөс колө, чукөртөмаөсь.

Шуисны, югдөмсө не виччысьны. Места вылө воөм бөрын Вадим дядь сувтөдис мужикъясөс крепость гө-гөр, медым некоднан бандитыслы эз удайтчы пышйыны, а ачыс Жижевкөд, кианыс наганъяса, веськөдчисны му чом дорө. Милиционер гусьөник видзөдліс ичөтик югзьөдөм өшиньө, а сэсся вынысь тракнитіс өдзөс пыдди өшөдөм дөрасө...

Но сэтысь кыліс шкоргөм шы.

Весьөпөрөм бандитъясөс шобигөн Прокө Витень зептысь аддзисны зептын новлан чепта эзысь часі. Петкөдлыны кө сійөс, төдіс эськө став сиктыс. Тайө часісө новліс коркө Назар Павел. Лои гөгөрвоана, кодъяс виисны Назар Павелөс. Пыр жө төдіс часісө и Павеллөн пиыс Ольөксан. Сійө кельдөдіс, уськөдчис Прокө Витень вылө да вына кабырнас косьөбтіс сылы пель бокас.

— Нн-а тэныд, вир юысь гад!— скөрысь горөдіс Ольөксан.— Н-на тэныд! Понлы — понлөн смерть!

Код төдас, мый эськө вөчис бандиткөд скөрмөм зон, но сійөс зырөдыштіс Вадим дядь.

— Сайкав, Павлөвич, тэ өд комсомолец. Оз позь тадз, ас судөн,— өлөдіс Вадим дядь, а сэсся лөгпырысь видзөдліс көрталөм кияса бандитъяс вылө да, быттьө керыштіс, шуис:— Народлөн суд сетас бандитъяслы сійөс, мый найө корсисны...

Аскинас ми восьлалім школаө. Поводдяыс бөр мичаммөма. Арся енэжын кыпыда ворсөдчис шонді. Пуксьө югыд, мича лун.

Менам другъяс йылысь повесть

Сиа Зеленец сиктса менам тиётшъяслөн да ёртъяслөн — Анатолий да Алексей Лыюровъяслөн, Александр Аврамовлөн, Иван Конаковлөн, Василий Потолицынлөн, Александр Распутинлөн югыд паметьлы.

ЗЭР ШЫ УЛЫН

Пемыд. Пёшти кок улын кисьмём өмидз рёма көрт пач. Сы вомысь усъысь би югөръясыс востымасьёны-ворсёны палатка өдзёслөн лапөд вылын. Ымралё шоныд, а кокъяслы, кодъяс нюжөдчөмаёсь көрт пач дорё, жар.

Лёнь. Сёмын корсюрө кывлө орчча нарвывсаяслөн вөтын сёрнитём, горөдчылём, ымзём либө нырөн шкоркнитлём. Палатка стенъясө быттьё лыйлёны уна тысяча рогаткаысь. Тайё зэр. Сылөн өтмоза шарөдчөмыс быттьё баййөдлө: кывзан-кывзан, а сэсся төдлытөг унмовсян. Зэрыс заводитчис лун шөр гөгөр. А өні уна-ө кадыс? Ме кыпөда киёс, медым өдзёс лапөдын ворсысь би югөръяслөн вуджөрыс усис часі циферблат вылө. Водз на. Куим час. Сідзкө, асыв. Сідзкө, тайё зэрыс баййөдлө нин менө 15 час чөж.

Кос. Шоныд. Куйла плащ-палаткаён вевттьём коз лапъяс вылын. Ок кутшөм лөсьыд, быттьё гөн вольпась улысад. А кутшөмджык менам ёртъяслы, кодъяс коланы сэтчө?

Ме заводита мөвпавны ёртъяс йылысь. Син водзө өти бөрся мөд сувтёны налөн чужөмъясыс. Но зэр баййөдлө н баййөдлө. Съөктаммёны син лапъяс, став тущай быттьё кокняммө, чинө, а сэсся палаткаө пырө мам, пуксьө нар вылө орччөн, сылөн чорыд киясыс небыда инмөдчөны юрө...

И друг кодкө тракнитіс менсьым нарийёс.
Дрын!

Унзіль быттьö эз и вöвлы. Час куим, сідзкö, ойбырт-ссылöма. Тайö зарядкасö найö век заводитöны квайт час асылын, öти здук сёрмытöг. Кокъяслы кöдзыд. Пач кусöма, а лöдсавны некодлы. Палаткаын рöмыд: асья югыдыс писькöдчö неуна калькалöм öдзöс лапöд костті, вевтö вöчöм нейджыд розьті. Орчча наръяс вылын заводитісны вөрöшитчыны жö. Кыліс мурöстöм:

— Лöдсалöй пачсö, коді матынджык!

— Коді медся том,— веськöдіс пач дорын куйлысь. Тайö инмис меным. Но дыш чеччыны шоныд шынель улысь, ог на вөрззы, быттьöкö узя, весиг шкоркнитла.

— Минута-мöд мысти сідз лöдсыштас, мый миян торпыригным оз коль,— шыасис кодкö.

— Эн урсась,— вомалісны сійöс.

— Ог и урсась. Тэ, пехота, немтор он гөгөрво, а ме артиллерист... Öшыбитчыштас кö, шуам, немецкöй наводчикыс, сэк «Берта»* мөдöдас ассъыс «чемодансö» буретш миян палатка вылö.

— Эн кырлы сьöлöмöс! Передöвöйын ловъяöсь колим, а тані кувныд некодлы абу окота. Öдйöджык кöть мед мөдöдісны тылö. И кутшöм лешак лöсьöдöма госпитальсö кöрт туй станцияыскöд орччөн.

Быттьöкö тайö кывъяссö вынсьöдöм могысь, көнкö станцияладорын бара усис снаряд.

Дрын!

Йиркмунісны наръяс, палаткалөн стенъясыс сырмыштісны. И сэк жö миян дінö пырис санитар, вайис пöртъясын рок, термосын чай. Сійö вöлі кыв-вортöм олöма мужик. Пилоткаыс, быттьöкö кымыньтöм пыж, сэтшöм ыджыд, суйöма пельясöдзыс, ватнöй куртка вылас лöз халат, а обмоткиөн гартöм вöсньыдик кокчөръясыс некыз эз лöсавны кузь американскöй ботинкиясыскöд. Санитарлөн мыгöрыс и збыльысь муніс жель йылö пысалöм паренча вылö, кызди шмонитліс гажа оласнога артиллерист. Но санитар тайöс эз пукты пыдди. Мый босьтан «висьысьясысь». Найö öд кага кодьöсь, радейтöны кампужитчыны. Ачыс санитарыс, гашкö, вежон-мөд сайын на жö вöлі миян кодь «висьысьөн».

— Эй тэ, «нянька»!— кыліс гажа артиллеристлөн гөлöс:— Яйсö бара ачыл сёйин, а меным сöмын рок? Он весьшөрö, видзöда да, лунысь-лун кыз.

— Дугды,— вомаліс артиллеристöс орччөн куйлысь-

* «Берта» — ылöдз лыйлысь немецкöй орудие.

ыс.— Яйсö сöмын öбед дырйи сетлывлöны. Мортыс вер-
мас лөгасыны.

— А мем кутшöм мог сэтчöдз?— шыасис артилле-
рист.— Татшöм «шрапнельды» оз кылав. «Нянька» оз
жö гөгөрво вайны наркомовскöй сё граммсö.

И сэк друг санитар восьтис вомсö:

— Мöдлаын кутан юны наркомовскöйсö. Завтрак
бöрын тiянöс — ылыс тылö.

Гажа лои палаткаын. Кодсюрö весиг вунöдисны сё-
йöм йылысь. Мем вöли гөгөрвоана налөн радлуныс: ра-
нитчöм бöрын окопъясысь мынöм йöзлы окота öдйöджык
бурдны. А медым бурдны, такöдны ассьыд парсасьöм лов-
тö, личöдыштны сутуга моз зэвтчöм нервъястö,— колö лö-
нин. А верман öмöй вöчны тайöс сэни, кöни тэнад юр весы-
ти быд дас кык минут мысти лэбöны «Берталөн» пудъя
снарядъяс?

Санитар ноксьö кос пескөн. Недыр мысти пачын за-
водитö гажая трачкöдчыны би. Палаткаын содтöд югыд.

Дрын!

Бара сыркмунисны наръяс, шлопнитис палатка вевт,
кодкö быттö нетшыштлис сийöс да лэдзис бөр.

— Вот лешак! Вытьöй дзикöдз воши. Кöть эськö
öдйöджык нин поездö...

— Мыччы, сiдзкö, «шрапнельтö» меным,— серöктис
артиллерист,— а ме поездсьыс ассьым местаöс тэныд
лишöда. Ме кольчча: летучкатö öд век сетöны луннас.
Ачыл тöдан...

— Талун воас водзджык,— шыасис санитар.— Пе-
мыднас на. Öдйöджык завтракайтö.

Сийö заводитис кисътавны чай. Кузь да вöсньыдик
ускыс тököтьö эз кöтась киссьысь чайнас. Чукырöсь
да щöть кодь тошка чужöмыс зэв стрög: зильö, медым
ни öти чай войт эз веськав кружкаясысь бокö.

А со и сестра. Сийö муртса эз пөрöд пач дорö ла-
жыньтчöм санитарöс: сэтшöм тэрыба пырис.

— Ставөн сёйинныд? Мыйөн помаяс налёт, кутам
грузитчыны. Эн нюжмасьöй. Ти ставныд «кокабсь», са-
нитаръяс оз ковны?

— Оз. Ставнымöс эвакуируйтанныд?

— Рöд вылас колям жö,— нюмъялö сестра да индö
ме вылö:— Со этийöс, зөлöта писö. Видзам сэтчöдз, кыт-
чöдз сылөн ус-тошкыс оз мыччысь. Татшöм зонкасьыд
немечыд оз жö повзы-а...

Палатка стенъяс сырмöны серамысь. Бур, мый абу

сэтшөм югид да оз тӧдчы менам гӧрдӧдӧмӧй. Окота водзӧс мынтыны сестралы, но ог ышты: ме ӧд тайӧ армейскӧй госпиталяс сӧмын на сутки. А сестра, быттьӧ нарошнӧ, оз и думайт ӧвсьыны:

— Кызди сӧмын немечыслӧн кыптӧма кыс та вылӧ, зӧлӧта пи вылас?

Бара ызӧбтис серам. Ме лӧгысь видзӧдлӧ сестра вылӧ... и пыр жӧ воши став скӧрлунӧй. Сийӧ вӧли ме кодь кымын жӧ арлыда. Плац капюшон увсьыс тыдалис гӧгрӧсӧник чужӧм, код вылын тӧдчисны гырысь синъяс. Рӧмыдысла сӧмын оз вот тыдавын, кутшӧм рӧмаӧсь. Но ме зӧв бура аддзи медся главнӧйсӧ: найӧ эз серавны ни дӧльӧдны, быттьӧ вӧлины мӧд мортлӧн.

— Эн скӧрмы. Тадзи колӧ,— небыдика шуис сестра да видлис бинтуйтӧм пельпомӧс:— Ёнтӧ? Сӧйыштан да — пыр жӧ операционнӧй палатаӧ. Санитарыс индас.

Мыйӧн сестра петис палаткаысь, орччӧн куйлысь сусед тувкис меным бокӧ, бара заводитис дзайгыны, но сӧдз, медым некод эз кывлы:

— Мый тӧд сысь? Ус ни тош на абу. А меным эськӧ кутшӧма сгӧдитчис.

Мыйлакӧ вӧли зывӧк видзӧдны суседлӧн кос тшак кодь чукурӧсь чужӧм вылӧ, кӧнӧ прамӧй быдмӧгыс, не кӧ артавын некымын кузь сӧ ныр увсьыс, эз жӧ вӧв. Но ещӧ на ёна эз воны сӧлӧм вылӧ синъясыс. Ичӧтикӧсь, пыдӧ вӧйӧмаӧсь, оз видзӧдны веськыда, а век кыйкъялӧны ӧтарӧ-мӧдарӧ, быттьӧ корсьӧны мыйкӧ сӧтыштны.

— Тэнад чужӧмыд ладенечлӧн кодь жӧ,— бытшки ме.

Кор ме ранитчи, тылӧ колльӧдӧгӧн ӧртъяс козьналисны трофейнӧй бритва, кӧть эськӧ сийӧ колӧ вӧли меным сӧдз жӧ, кызди, шуам, му ошлы ӧчки. Безопаснӧй бритва зӧв мича чехол пытшкын. И кор тайӧ пӧдаркисӧ казяс менам виль сусед, воштис весиг унсӧ. Быд здукӧ долис сы йылысь. И ӧнӧ со бара.

— Мый нӧ сэтшӧма жалитан?— шӧпкӧдис сийӧ.— Тӧ том, омӧля на ранитчӧмыд. Бара коркӧ трофейясыдла ветлан. А менӧ, гашкӧ, демобилизуйтасны. Воа гортӧ — и некутшӧм трофей. Юр яндзим...

— Колис гоз-мӧдысь атакаӧ ветлыны,— скӧрми ме.— Сӧэки эськӧ немецкӧй окопӧ колин кодсӧкӧ: юртӧ либӧ яндзимтӧ. Гӧгӧрвоин? Чӧртыс мед тӧнӧ босътас! Гӧгӧрво: пӧдарки.

И збыльсь, не кӧ тайӧ, гашкӧ, и сетӧ бритвасӧ. Мый мем сысь?

Матыстчис санитар:

— Мөдiм, пиук, операционнойё.

Ме тайёс некыдз нин эг вермы терпитны. Өтитор — сестра, томиник, гашкё, мекөд тшөтшья ныв, и дзик мөдтор — радөвөй санитар, кодёс сiдз нин нимтёны жель йылын паренчаөн.

Некытчө туйтөм асыв! А луннас ещө мый вермас лоны?

Чеччышти нар вылысь, горөдi гөлөс ортөдз:

— Кутшөм пиук? Тiян водзын гвардияса сержант! Ясно?

Бара ызөбтiс серам. Но санитар зэв збыльысь веськөдiс, кыдзи вермис, ассыс мышкыртчөм мыгөрсө, колснитiс американскөй ботинки коклябөрнас:

— Ясно, гвардияса сержант ёрт!

Бөрынджык чорыда ковмис каитчыны таысь. Оз весьшөрө шуны: «Кывйыд абу пышкай, лэдзин кө, он кут».

Водзвылын катласис-восьлалiс санитар. Ме лөгысь видзөдi сылөн ваткыльтөм вылө, пельясөдзыс вөйөм пилотка, сартас кодь вөснъыдик кокьяс вылас. Ещө өд салатөн шусьö!

И сэки жө кажитчис, быттьөкө ветласногыс зэв төдса. Өд менам бать ветлөдлө дзик жө тадзи, өтарө-мөдарө неуна катласигтыр, быттьө сэки кокныдджык шыблавны водзө пöрысьмыштөм кокьяссө. Окота лои юавны, кымын арөс санитарлы, кытысь сiйө, дыр-ө нин тани. Но вермис өмөй вөчны тайёс гвардияса сержант, кодi сөмын на здук-мөд сайын чиршөдлiс водзвылын восьлалысь мортсө?!

Чатөртi юрөс. Кобөма. Кыптөм төв чашйис кымөрьяс, вөтлiс налысь лестукьяссө рытыввывлань. Шувгис вөр. Пуяс увтi мунигөн лысваыс көтөдiс мянөс.

— Мед көть эз коб лун шөр гөгөрөдзыс,— шога ышловзис санитар да ме моз жө чатөртчылис небесалань.— Сэзьмө... Вескыд мат. Енмыс вунөдiс, буракө, мянөс.

— Окота ньөдздыны зэр улас,— дөзмөмөн шуи ме.— Вескавлин мед татшөм сiсь поводдянас передөвөйё...

— Вернө, пиук, гвардияса сержант ёрт. Но өд быдөнлөн, кыдз шуасны, аслас дөрөмыс яй бердас матынджык. Миян тани делөясыс мөд пөлөсөсь. Колө раненөйясөс тылө мөдөдны...

— Зэрыс отсалас али мый?— серөктi ме.

Но санитар сөмын дөзмөмөн өвтыштитiс кинас, быт-

тѣкѣ кѣйсн ылѣджык вештыштны мешайтчысь син-
тѣм кычипиѣс.

* * *

Операционнѣй палата — брезентысь вѣчѣм ыджыд шалаш — дзѣбсьѣма пожѣм пуяс улѣ. Сѣні весиг эмѣсь ичѣтик ѣшиньяс. Кѣрт трубаысь вералѣмѣн кайѣ югыд тшын: ваймѣдѣны пачсѣ. Ломтѣны сѣмын войын. Санитар вошис палатка ѣдзѣс сайѣ, эг кольччы сысь и ме. Порог воськовтѣм бѣрын веськалі ичѣтик вежѣсѣ, кѣні пукаліс-ны некымын ранитчѣм боец.

Пѣтѣлѣкас ѣшалысь неыджыд электричѣскѣй лампа дышпырысь югдѣдіс вежѣссѣ, кѣні нинѣм эз вѣв, скамья, юан ва тыра бачок да кружка кындзи. Став «висысь-яслѣн», тадзи шуѣны ранитчѣм быд мортѣс госпиталын, видзѣдласьясысь веськѣдчисны ме вылѣ. Здравыйтчи, пукси тшѣтш.

— Кѣні кокыштисны? — юаліс орччѣн пукалысь. —
Перевязка вылѣ? Виччысьыштны ковмас: аддзан, ѣче-
редь.

Ме эг удит вочавидзны: пыдысь петіс санитар, сы бѣрся сестра, но эз сійѣ, коді воліс мян палаткаѣ. Тайѣ вѣлі стрѣг чужѣма олѣма нывбаба. Косіник кузь тушаа, гырысь кияса. Синкымьясыс еджыдѣсь, кызѣсь. Нырыс ѣсь да кузь. Вом дорьясыс вѣснийѣсь, кельыдѣсь, сѣні эз тѣдчы весиг вир чут. Син гураньясыс лѣзѣсь. Сійѣ видзѣдліс пукалысьяс вылѣ, чукѣстіс:

— Зарубин, ме бѣрся!

Пыри пемыд вежѣсѣ. Сійѣ вѣлі ѣна ыджыдджык вод-
дзасыс. Ныртѣ веськыда косяліс йодоформлѣн, эфир-
лѣн да карболкалѣн ѣтсора дук. Шѣрас сулаліс клеѣн-
каѣн вевтѣѣм кузь пызан. Сыкѣд пѣшти орччѣн ещѣ ѣти,
сѣмын ичѣтджык. Мыйыс сѣмын сѣні эз вѣв: клещияс,
веськыд и чуля шыраньяс, пилаяс, пуртяс, весиг ста-
меска. И ставныс найѣ кѣдзыда лѣсталісны электричѣс-
кѣй лампалѣн югѣр улын. Синьясѣс эг вермы вештыны
на вылысь. Ѧд ставсѣ тайѣс лѣсьѣдѣма меным. Кѣнкѣ
вежѣрын чужис полѣм, коді пыр чорыдджыка и чорыд-
джыка шымыртіс менѣ, весиг кок кусыньясѣй слабитіс-
ны. Усины дум вылѣ мян палаткаса артиллеристьяс-
лѣн кывьясыс: «Докторыдлы мый? Видзѣдлас писькѣ-
дѣм сой вылад, кватитас пила, жик — и, видзѣдан да,
ловья сойыд тазыйн нин туплясьѣ. Ѧз ков ноксыны-
лечитны. Дай налы практика. Ѧні ѣд госпиталяд мѣдѣ-

доны кутшөмкө студентос, а ми сійос докторон ыдждод-лам...»

Полігтыр видзөдлі гөгөр. Но некөн вундалом ки ни кок эз вөвны. Сөмын эмалированной тазыын тыдалисны вирөсь вата лестукьяс.

Морөсын ставыс кутіс гудрасьны, сьөлөмөн уси.

— Мыйла менө первой? Сэні өд өчередь...

— Гвардияса сержантьяслы некутшөм өчередь,— шмонитыштіс еджыд халата да сэтшөм жө шапкаа олөма мужичөй. Ме эг вермы кольны паметьө сылысь чужөмсө, помнита сөмын шоныд видзөдлас, мудзөм нюм да небыд, но ён чуњьяс. А сэк кості сестра, кыв ни джын шутөг, вөчис ассьыс уджсө: пөрччөдіс ме вылысь гимнастёрка, заводитіс разявны вирөн йиджтысьөм да косьмөм бинтьяс. Кымын вөсняліс рана весьтсьыс бинт слөйыс, сымын лоис сьөкыдджык меным. А сестралы веськодь. Разьө и разьө. Со нин бинтыс кутіс сибдавын, быд сибдалігөн ёнтыштө сьөлөм. Вежсьывны кө ськөд местаөн, ок эськө ме и кульышті жө сестра сойысь бинттө! Одвакө эмөсь этийө кос воблаыслөн нервьясыд, сылысь көть ки пөвсө со эсійө югьялысь пиланас дзижгы — оз ружөктыв.

Помасис бинт. Со нин колис сөмын тампон. Бергөдчи мөдарө, медым не адззывны нетшыштөмсө.

И друг... пемдіс син водзын. А кор бөр югдіс, ме водзын сулаліс нин врач. Сійө видлаліс пельпомысь дойсө.

— Вот тадз. Қовмас перйыны көрт торсө.

Сідзкө, бара мучитчыны. Бинт разьөмсө өдва терпиті, а өні, гашкө, кутасны пєславны лыясөс со эсійө клещинас.

— Оз ков, доктор, мед сэні олас. Қыз шуасны, казьтылөм вылө. Сійө нөти оз мешайт.

— Вот-вот, казьтылөм вылад и ковмас перйыны. Нуан гортад, быдөнлы кутан петкөдлыны. Менө тшөтш, гашкө, казьтыштан. Сөмын вот сетны абу наркозсө? Терпитан?

И доктор сюся видзөдліс синьясө.

— Кытыны киөс ог сет. Некутшөм наркоз оз ков. Төда ме тіянос: кынтанныд, а сэсья пилаөн — жик!

Доктор гылыда серөктіс, эз вермы кутчысьны нюмъёвтөмысь и сестра. Сөмын ме пукалі йөрш моз щөтьөс лэптөмөн.

— Но мый нө, мед лоас тэ ног,— ышловзис доктор.— Сөмын пукав лөня, эн видзөд татчө.

Сэсся дзик мѳд гѳлѳсѳн шуис:

— Фиксация.

Пыр жѳ кодкѳ чорыда шамыртис сойѳс, мѳд морт кутис мышсянь. Здук мысти ставыс эштис, весиг эг удитлы ойѳстны. Доктор вайлис дзик ныр улѳ пинцетѳн топѳдѳм ичѳтик пуля, кодлѳн нырыс вѳли неуна нальсьыштѳма.

— Тэнад, гвардияса сержант,— нюммунис доктор,— почѳтнѳй рана — пулевѳй. Немецкѳй автоматысь. Матын вѳлид насянь?

— Орчѳн. А абу ѳмѳй быд рана ѳткодъ?— чуйми ме.

— Быдсямаыс овлѳ.

Сэки ме эг пыдди пукты тайѳ кывъяссѳ. Сѳрнитигкоста менѳ тѳбисны бинтѳн, доймѳм киѳс кѳрталисны кынѳм бердѳ да кышѳдисны гимнастѳркаѳс. Кодкѳ пельпом вылѳ плавкнитис шынель. Доктор кисѳ мыськигмоз шуис:

— Кык сутки чѳж куйлыны. Сестра Огнѳва, колльѳдѳй зонсѳ: сийѳ заслужитис тайѳс.

Ме и ѳтнам верми зѳв бура мунны. Гусьѳникѳн чѳвтлі видзѳдласѳс менѳ мучитысь сестра вылѳ. Гашкѳ, чайтѳны, мый зѳв нимкодъ меным восьлавны этийѳ воблаыскѳд орчѳн? Сэки кодкѳ инмѳдчис дзоньвидза сойѳ. Бергѳдчи. Вѳлѳмкѳ, дзик мѳд сестра. Буретш сийѳ, кодѳ асывнас волис мян палаткаѳ. Долодджык лон.

А ывлаыс прамѳя нин югдѳма. Асыввылын ѳзйис кыа. Ещѳ недыр и петас шондѳ, заводитас ворсѳдчыны пожѳм йывъясын, малавны енѳжтѳ тѳвзъысь еджыд кымѳръяс.

А сынѳдыс! Ыркыд, збодер, ѳвтѳ пожѳм сирѳн, бакамач дукѳн. Тайѳ ягас, дерт, тшакыд абу этша. Эмѳсь, тѳдѳмысь, и дона гѳбъяс, кодъясѳс ме радейтлі ѳктыны Эжва бердса гулыд ягъясысь.

Кытчѳ кольѳма сийѳ кадыс? Коркѳ бара сюрлас оз нин, коми ягъясѳй, восьлавны тѳян кыз яла вывтѳ, юны ѳльясысь сѳдз васѳ, лѳптавны комъясѳс вѳр юысь? Ок и муса жѳ тѳ, чужан муѳй! Тѳнѳ некод оз вермы вежны, тѳ ѳтнад век дум вылын. Со и ѳнѳ — восьлала палаткаяс костѳд чуκληлысь ордымтѳ, а мѳвпъясѳй ылынѳсь, Эжва дорынѳсь.

Водзвылын тотшсьѳдѳ кирзѳвѳй сапѳгъяса, шынеля да еджыд кѳсынkaa ныв. И кор сюсьджыка видзѳдлан сы вылѳ, то поэѳ веськыда шуны: тайѳ ныв

вѳснаыс косьмѳ сьѳлѳмыс оз ѳти зонлѳн. Позьѳ ѳмѳй вунѳдны этатшѳм сѳстѳм чужѳмсѳ, лѳсьыдѳник нырсѳ, а медсясѳ нин этатшѳм синъяссѳ? ѳні ме казялі налысь рѳмсѳ: руд нисьѳ лѳзоватѳсь, абу зѳв ѳсьѳсь ни абу рамѳсь. Донъявны кѳ менам мам ногѳн: «Лы пырыс вемыс тыдалѳ». А гашкѳ, и ылалѳ. Дай, веськыда кѳ шуны, мый меным наысь? Эжва бердса ѳти сиктын олѳ ныв, сьлѳн синъясыс...

Терпитны вермытѳм дой орѳдіс мѳвпалѳмѳс. Тѳбѳм пельпомѳй заводитѳс. сотчыны пыр ѳнджыка и ѳнджыка. Быттѳкѳ кулисны сѳтысь кучиксѳ да пуктѳсны горчичник. Ме сувтовкери.

— Прѳйдитас,— кыліс сестралѳн гѳлѳсыс.— Операція дырйныд тѳнад нервьясыд вѳліны зѳвтѳм струна кодьѳсь, налы не доймѳмѳдз вѳлі. А ѳні ланьтыштѳсны. Терпитышт.

Мыйла сійѳ кыліс менсьым дойсѳ? Гашкѳ, кельдѳді. Бара серавлыны кутасны. Но палаткаын некод эз вѳв. Тыдалѳ, ставныс нин мунѳмаѳсь санитарнѳй летучка вылѳ. Мурч курччи пиньясѳс, пукси вольпась вылѳ. А ывласянь ныв гѳлѳс:

— Эн гажтѳмтчы! Рѳгыд воас пополнение. Кутас кѳ ѳна висьны сойыд, воы перевязочнѳйѳ. Туйсѳ тѳдан...

Ме горша кывзі, но сьѳлѳм шонтысь гѳлѳс воши, сѳмын кылісны тѳрыб кок шыяс, а сѳсся и найѳ сьлісны-разалѳсны чѳв-лѳняс.

Гижны гортсаяслы письмѳ? Нюзѳді здоров киѳс вѳщѳвѳй мешѳклань, но сійѳ эз вѳв местаас. Эз тыдав ни ныр улын, ни ывлаын. Вот лешакыд! Тайѳ суседлѳн киподтуй. Чѳрту трофейнѳй бритваыс! Но сѳні вѳліны дона йѳзлѳн фотокарточкаяс, еджыд бумага, кодлы доныс танѳ абу. Гашкѳ, летучкаыс эз на мун, гашкѳ, удайтчас аддзыны суседѳс?

ГОЛОВЯШКИН

Неыджыд ордым петкѳдіс вѳрысь эрд вылѳ, ѳма туй моз кутѳс чуклявны-муклявны бадь кустьяс пѳвстѳті. Сѳсся гежаммисны и найѳ. А со и вагоньяс. Найѳс торйѳдіс меысь неыджыд веж кушин, кодѳс

серөдөмөсү уна лыда гөгрөс тыяс. Өтиясын ваыс гөрд нуйт рөма, мөдьясын синва кодь, кытчө видзөдчөны шочиника төвзъыс кымөръяс.

Сөмын бөрынджык гөгөрвои, мый тайө югыд тыясыс «Берта» снаряжьясыс артмөм воронкаяс.

Кавшаси неыджыд насып вылө, матыстчи вагонлань, кодлөн осьса өдзөс дорын сулалисны некымын раненөй да сюся дзоргисны небесаө.

— Головяшкин эм абу?— юалі ме.

Некод эз вочавидз.

Локті мөд вагон дорө:

— Тіянкөд оз мун Головяшкин?

Кокас сьөкыда ранитчөм боец скөрыс горөдіс:

— Регыд ставөн гөлөвняяс лоам!

Кымын матыстчи состав шөрлань, сымын төждысысдьжыкөс лоины ранитчөм салдатьяслөн чужөмьясыс, көрт тув моз ёся видзөдісны синьясыс. Ёрччигсор шуасисны:

— Нарошнө лун шөрсө виччысьөны.

— Сэки өд лөсьыдджык лоө мянөс пызйыны...

— Ветламөй станцияса комендант дорас, сьовсө каттам...

— Ёртьяс, спокойнө!— горзіс вагоньяс пөлөн көрттыс еджыд халата нывбаба.— Туйыс пөчинитөма нин, регыд вөрзям.

— Головяшкин! Тіянкөд абу Головяшкин?— горөдлі ме да өддзөді оськовьясөс: состав юрын пошкыс паровозөдз вөлі ылын на. Код төдас, гашкө, сійө медводдза вагонас.

И сэки жө менсьым гөлөсөс вевттис уна дас воысь горөдөм:

— Со найө!

Здук мысти насыпыс тырис вагоньясыс чеччалыс йөзөн. Өтияс кыкисны ас выланыс сьөкыда ранитчөмьясөс, мөдьяс катликтисны асьныс, коймөдьяс кысисны бауөн, быгыльтчисны насып вывсянь матөджык кустьяслань, вөрлань. Вагон өдзөсьяс дорын пьяна курөгьяс моз өтарө-мөдарө чепсасисны санитарьяс, сестраяс:

— Ёртьяс, спокойнөя; состав санитарнөй, вылісянь бура тыдалөны гөрд крестьяс...

— Төдам ми найөс, сестра, абу первойыс. Бурджык кувны вөльнөй свет вылас.

И сөмын сэки ме кылі моторьяслыс омлялөмсө.

Шонділадорсянь, вёлём, матыстчоны «юнкерсьяс» да первойсö эз тыдавы. Первойяыс на пиысь усис син улö сöмын сэки, кор юр вежөрö воис бомбалөн сёлөмтö йиөн дорысь шутөвтöмыс. Öти... Мөд... И пыр жö чечыштліс муыс, быттьö көсйис тойыштны сы бердö топөдчөм йөзөс небесаын гуляйтись смертылы воча. Но тані вöліны опытной йөз. Со мыйла найö топыдджыка ляскысьлісны му бердö.

Гырысь калибра немецкөй пулемөтъяслөн увтчөмкөд да бомбаяс потласьөм шыкөд сорлассис «дегтяревлөн» сөстөм гора гөлөсыс. Бөръя вагонлөн тормозной площадка вывсянь лыйсисны поезд видзысь боецьяс. Дзик эшелон весьтти төвзыштіс «юнкерс», и сэк вагон стенъясысь резыштчисны весьт кузя ёсь чагыяс. «Дегтярев» ланьтіс. Но здук мысти насыпь боксянь чепөсйисны некымын мыгөр. Тормозной площадка вылын тыдовтчисны бинтөн төбөм вöснаыс чалмаа кодь юра матрос да улыс дөрөма салдат. «Дегтярев» бара сетіс асьыс гөлөссö.

Вöрас пуясыс абу өткодьөсь, а кысь нин йөзды. Эз быдөн вермыны кутны асьнысö и öні. Шөйөвошөмъяс пиысь өткымынъяс эз кывзысьны өртъясныслысь, уськөдчисны неылын тыдалысь вөрлань, чайтісны спаситчыны сэні, но пыр жö веськалісны «юнкерсьясянь» киссьысь свинеч шер улö.

Öти пышйысьөс ме удиті кутны кок пөлөдыс. Сійö шмоткысис-усис, ёрчыштіс, а кор пуляясыс орччөн кутісны окавны мусö, ланьтіс. Но ме аддзи, мый ловъя. Бомбалөн быд вель взрыв дырйи сійö гартыштчыліс öти комөкө, а бöрас, кор прөйдитіс пөсь сынөдлөн гыс, малаліс-видлаліс юрсö, кокъяссö, месаасөсь-ö найö.

Кор «юнкерсьяс» мунісны, ме сувті да видзөдлі бурджыка орччөн куйлысь вылө. Заводитлі сувтөдны кок йылас. Но сійö эз көсйи торйөдчыны муыскөд, сөмын ымзис да гораа сыркъяліс. Муртса эг горөд шемөсмөмла: корси-корси, а со кысь аддзи! Тайö вöлі Головяшкин, мышкас кык вецөвөй мешөка. Öтиыс — менам.

— Головяшкин, чеччы! — кватиті шошаөдыс.

Палаткаса вөвлөм суседлөн мисьтөм чужөм вывсянь видзөдісны төлктөм синъяс, вомсьыс петіс оръясяна киргөм:

— Аддзылі ме ас синмөн: вагон стен пырыс яйыс

резсьо... Бомбаыс прöйдитіс вагон пырыс. Господьöй!
Мыджсис юрнас шпалас, а сэсся — би...

— Головяшкин! Вай менсьым мешöксö!

— Кутшöм мешöк? О господьöй!

Киöй лудіс чорыда, но терпиті. Сöмын нетшышти ассьым мешöкöс. Головяшкин сьöкыда чеччис, лöгысь вежыньтіс вомсö:

— Тыдалö, тэнад мешöк вöсна и накажитіс менö енмыс. Этатшöм страк...

Ме сьöвзи да вешйи.

* * *

Ог нин помнит бура, кызди вон полевöй госпитальö, асланым палатка дорö. Сэні некод на эз вöв. Тані, гырысь пожöмьяс улын, вöлі лöнь, весиг эз кыв лыс лапьяслөн кышкöмыс, кöть найö и вöрисны. Лои мыйлакö öбиднö: верст джын сайын сöмын на помасис вира драма, а татчöс олысьяслы быттö веськодь.

Но збыльсьсö, дерт, эз вöв тадз. Сулаліс ылöг чöвлун: бомба потласьöм горö велалöм пельяс сьöкыда на кыйисны пыр кадся олöмлысь шыяссö. Прöйдитіс ещö неуна кад, и менам вежөрöдз вöлисти воис пуяслөн шога шувгöмыс. Öд и найö эз вермыны веськодя видзöдны нöсилкаясөн вайöм вирсермунöм йöз ылö, кодъяслөн öти кокыс вöлі нин ылыс тылса госпитальын... И со на пиысь уналы бөр ковмис бергöдчыны палаткаясö, медым пырысь-пыр жö бара водны клеёнкаөн вевттöм пызан ылö, кытысь öткымыньяс, гашкö, оз и кыпöдчывны... Коді мыжа таысь? Коді?

Ме эг нин öтчыд веськавлы бомбёжка улö. Но сэні вöлі передöвöй, и эз сэтшöма шемöсмöдлы вежөртö, эз мучит ловтö.

Бура помнита первойя бомбитöм.

Тöлысь кык сайын миянös, военно-пулемётнöй училищеса курсантьясöс, вайисны фронт ылö. Таödз фашистскöй самолётьяслысь силуэтьяссö аддзывлім сöмын училищеса стендяс ылысь. И вот передöвöйö вотödз на миян колонна ылö тöдлытöг вуззысисны сьöd крестьяса кырнышьяс. Бöрыннас миян пиысь унаөн интересөн видзöдалісны сöмын на артмöм гырысь воронкаяс, кытчö йиджтысис-сöдзтысис

трунда нюйтс, видлалісны туплясьсыс кӧрт торпы-
ригъяс, кодъяс вӧліны на пӧсьӧсь.

А кутшӧм збодера ми видзӧдлывлім ӧта-мӧд вы-
лӧ, быттьӧ кӧсйим ошйысьыштны: «Ньӧти абу страш-
нӧ вӧлӧма». И збыльсыс, сійӧ здукас ми ньӧти эг
полӧй: вежӧрӧдз эз на во лоӧмторйыс. Ӧд ми ад-
дзылім салдатъяслыс кулалӧмсӧ сӧмын кинокарти-
наяс вылыс.

И вот сэки синъяс зурасисны нӧсилка вылӧ, кодӧс
нуисны нель курсант. Нӧсилкаыс чурвидзис вирӧс-
сьӧм бинтӧн тӧбӧм килутш, корсюрӧ воліс пельӧдз
коньӧр гӧлӧс:

— Юыштны... Юны... Вокъяс, юыштны...

И мыйлакӧ тыра фляга мыччӧм пыдди ми сӧмын
шӧйӧвошӧмӧн видзӧдім сы вылӧ.

Мӧд нӧсилка вывсянь видзӧдісны гырдемӧм синъ-
яс, а курсантлӧн зэв тӧдса вижӧдем чужӧмыс дуг-
дывтӧг тешкодя нюкрасис. Кадыс кадӧ сійӧ ӧвтышт-
ліс кинас да гораа киргис:

— Зонъяс, менам воуйтсис...

И эз позь гӧгӧрвоны, радліс али каитчис сійӧ.
И ещӧ шемӧсмӧдіс миянӧс, мый воуйтсис училищеса
медбур запевала Ильинлӧн, кодлы сӧмын на тырис
дас ӧкмыс арӧс. Ӧд сійӧ эз на волы весиг передӧвӧ-
йӧдзыс.

— Сайкав, Зарубин!— кодкӧ ньӧжйӧник пуктіс
сьӧкыд кисӧ пельпом вылӧ.

Видзӧдлі: миян санитарным пукалӧ палатка бо-
кын, мекӧд орччӧн. Дзормыштӧм кыз синкымъяс ув-
сянь стрӧг видзӧдлас:

— Вӧлін станцияс? Ӧні вунӧдлы сы йылыс!
Водзӧссӧ косӧдны удитан на. Тадзтӧ он бурд: чужӧ-
мад вирсер абу. Повзи: ӧтнад гораа сӧрнитан... Вой-
на вылад, пнукӧй, быдтор овлӧ, торйӧн нин сэки,
кор тэнад вӧрӧгыд фашист. Пыр палаткаад, шӧйч-
чышт...

Лоис яндзим. Коді эськӧ менам ӧртъяс пиыс ку-
жис мӧвпыштны, мый гвардияса сержант Юра За-
рубин вермас пӧрны ветьӧкӧ?

БАРА АДДЫСИСНЫ

Палаткаын мекөд өтилайн олісны выль йөз нин. Өтияс на пиысь лөсьөдчисны ылыс тылса госпитальясө, мөдьяс ме моз жө лечитчисны тані, медым регыдджык бөр веськавны асланыс частьясө. Найө дугдывтөг висьтавлісны, кызди да көні ранитчөмаөсь, кутшөм бойясө петавлөмаөсь. Вөлі гөгөрвоана, мый тайө йөзыс сэтшөм частьясысьөсь, кодьяс вөлөмаөсь мянкөд орччөн августовскөй наступлениын. Вөлі гөгөрвоана и сійө, мый мян фронтлөн водзө мунөмыс лаймалөма-кусөма да весиг торья частьясөс вөрөг кытшалөма.

— Эзджык тырмы вынним,— гаралис олөма салдат.— Кылө нин вөлі Ленинградскөй фронтлөн шыыс. Ещө кө эськө неуна и...

— Зато сталинградсясла отсалим,— дорйыштчис есь гөлөса сержант.— Кымын дивизия сійө татчө вайис сэтысь! Не кө тайө выль выныс, эськө дзик өтлаасим Ленинградскөй фронтыдкөд да.

— Көркө, гашкө, Сталинград дорйысьяс казътыштасны мянөс бур кылөн...

А палатка мөд пельөсын висьтавлісны салдатскөй анекдотьяс:

— ...Скөрысла докторыд ку пиас оз төр. Коді пө оз во передөвөйысь, сійө пө и киас либө кокас ранитчөма... А өти салдат сылы и вочавидзө: «Менө, военврач өрт, ордйөдіс зон — киняулас орөм юрсө топөдөма. Эз шыөдчыв тиян дінө?»

— Тайөтө мый, вот мян старшина...

Но мый налөн старшинаныс вөчөма, ме эг көсйы кывзыны, петі Бойцовкөд гуляйтышты. Бойцов — мекөд тшөтшья салдат, кыськө Ярославскөй областысь. Ранитчөма киас жө. Ми ськөд пыр и төдмасим: том йөзтө тай пырджык кыскө өта-мөд дінас.

Бойцов — неыджыд тушаа, зумыд тэчаса зон. Пөшти на быгавтөм турунвиж пилотка увсьыс чурвидзө зу кодь чорыд да смоль сьөд юрси. Синьясыс тэрыбөсь, сьөдөсь жө. И чужөмыс мугов. Чиган пи дай ставыс. Сөмын нырыс ярославскөй — чангыля, көть шынельтө өшөд.

Бойцов — гажа оласнога, варов зон. Веськыда висьтала: сылысь рөдвужсө, керка пытшкөссө, весиг сьөлөм косьтысьсө ме төдмалі кымынкө рытөн.

А медся интереснӧя сійӧ висътавліс аслас воюйтӧм йылысь:

— Мыйӧн воис мян маршевӧй ротаным фронт вылӧ, взводнӧй меным шуӧ: «Красноармеец Бойцов, лоан менам ординарецӧн. Тӧдан, мый сійӧ лоӧ?» А ме сылы: «Лейтенант ёрт, Петька тожӧ вӧлі Чапаевлӧн ординарецӧн». «Вот-вот,— шуӧ,— сэтшӧмӧн и лоан». Недыр мысти пемдіс. Немечьяс орччӧнӧсь. Взводнӧй шуӧ, колӧ пӧ видзчысьны. А ме и сідзи видзчыся. Пукала ляпкыдик гуранторйын сыкӧд орччӧн, а мыйӧн немечладорсянь кутасны лӧбны би кинь кодъ пуляяс, пыр и лажгӧдча, весиг взводнӧйлы окопас местаыс оз коль. Войнас, кыла, вайисны походнӧй кухня. Взводнӧй шуӧ: «Ветлы супла!» Мый вӧчан, ординарецлы быть тӧждысь командир вӧснайд, кӧть эськӧ окопсыд петныд и абу зэв окота да. Босьті кык котелок, кыпӧдчи бруствер вылӧ... Кыдзи тай швачкысис орччӧн мина... Сэсся мӧд... Ог помнит, кыдзи веськалі бӧр окопӧ. Неуна сайкалі, кыла: кодкӧ ме улын вӧрӧшитчӧ. Сэсся тай кыдзи равӧстас взводнӧй: «Он аддзы али мый? Ӧдва сьылідзирийӧс эн бергӧд». А ме сылы: «Сы вылӧ и ординарец, лейтенант ёрт, медым ас тушанас командирӧс смертысь видзны». Серӧктіс сӧмын, но супыдла бара ыстіс. Кӧсйи босьтны пӧртъяс, а ӧти кийӧ оз нин уджав: мина торйыс веськалӧма. Коді бара менам взводнӧйлы ӧні ординарецалӧ-а?

Частӧ корлісны Бойцовӧс висътавны аслас воюйтӧм йылысь. И палаткаын быд пӧрийӧ сералисны кынӧм висъмытӧдзис. А Бойцовлы тайӧ воліс сьӧлӧм вылас.

Вӧлі сентябрь шӧр. Зэръяс бӧрын сувтіс мича поводдя. Буретш вотчан кад. Лӧсьыд татшӧм каднас вӧрын, торйӧн нин расъясын. Видзӧдан коръя пуяс вылӧ и кутшӧм сӧмын рӧм он аддзыв. Зарни ар.

Ми восьлалім ордым кузя неыджыд юлань, кытысь Бойцов кӧсйис кыйны комьясӧс. Сійӧ удитӧма нин судзӧдны вугыр. А сунисыд ӧд быд салдатлӧн пилоткаас.

— Ок и юква лоас!— нимкодясис Бойцов.— А то пыр рок. Локтігӧн тшак вотыштам и. Жаритам. Кывтӧ нылыштан.

— А сӧ грамм йывсьыс вунӧдін? Пыр и тыдалӧ — тӧрытъя колхозник...

— Босьтöй тшöтш!— шыасис мянлы воча чотликасьыс морт.— Ме вуграсьнытö кужа жö.

— Воанныд кө йир дорöдзыс,— вочавидзис Бойцов.— Сійö öд госпитальной пывсян сайын на.

— Менам вöлöй ён,— петкöдліс асьыс сера бөдсьö тöдтöм раненöй.— Сы отсöгөн луннас станцияöдз куим рейс вöчла.

Паныдасьыс морт вöлі лётчик формаа. Петлицаясас нель треугольник. Но тасмаыс командирскöй, портупеяа. Лöсталыс хромöвöй сапöгъяса. Та вöсна сылөн вöсньыдик, но винёв тушаыс кажитчис ещö нин лададжыкөн, синмö шыбитчанаён. Пемыдлöз пилоткасьö лэдзöма пöшти веськыд пель йылас, тыдöдöма шуйгаладорсьыс чав еджыд юрсисö. Синъясыс быттьö турунвиж рöмаöсь, вежöраöсь, но корсьурö наянöсь. Кысь ме аддзылі тайö синъяссö? И гөрба нырыс тöдса.

— Гена? Тэ?

— Эк, воканöй!— уськöдчис мелань лётчик старшина...— Чайті, мый вунöдöмыд нин.

Ми вель дыр сулалім шы ни тöv. Гена сöмын паськыда нюмъяліс, и тайö нюмыс шонтіс менсьым морöсöс, вөрзьöдіс сьöлөмöс. Абу вежсьöма, век на важкодъыс. Но мыйла юрсиыс татшөм? Дзик еджыд? Краситöма али мый?

Бойцов восьлаліс водзын. Ми вöтчим сы бөрся. Гена ордым кузя, ме сыкөд орччөн. Гена тувччаліс бөдь вылас чорыда мыджсьöмөн, медым вештыштны тушаыслыс сьöктасö ранитчөм шуйга кок вывсьыс. Дугдывтöг юасис менсьым чужан сикт йылысь, тöдсаяс йылысь, батыс йылысь, Сыктывкар йылысь. Ме гусьöник видзöдлывлі сылөн юрси вылö да сьöлөм топавмөн виччыси, юалас оз Валя йылысь. Но Гена, тыдалö, вунöдöма тайö нимсö, ньöтчыд эз гарыштлы. Гашкö, аслым заводитны? Абу лөсьыд. Колкö, на костті котöртіс сьöд кань. Öд гортыс мунөм бöрын колис нин во джын.

А со и ю, сійö писькöдчö гырысь бадь кустьяс да ловпуяс костöд, ворсöдчигмоз нуö налысь уна рöма коръяссö. Ваыс сöдз. Визувинас тыдалöны нюйтөн эжсьыштөм колодаяс, изъяс. Кор видзöдан, ваыс кажитчö гөрдöватөн, а гумовтан сöддзад — кöдзыд эзысьөн исковтö чуньяс косттіыд.

Ю сайын видзьяс. Найö коркö, дерт, гажаа шывав-

лёмаось. А öни оз тыдав некön покос туй. Пöрысьмöм кузь туруныс ляскысьöма му бердö. Сöмын кönсюрö тыдалöны арся дзоридзьяс да васöдиньясын вежöдö толич-эжөр. Нора сулалысь воймöм да нёрласьöм зорöд пиньяс казьтылöны, мый коркö тан пуктысьлöмаось жö.

— Ок-ок-ок!— ышловзис вуграсьысь Бойцов.— Гажтöмтчö виддзис, бöрдö кыз синваөн... Но öд кöзьяныс абу мыжа...

Бойцовлөн съöd синъясас тöдчис съөлöмтö чепöльтысь шог. Тыдалö, мөвпъясыс сьлөн вöлины ылынöсь — лэбалісны чужан сиктса видзьяс да ыбьяс весьтын.

— Тани неылын эм сикт,— быттö аслыс висьталіс сійö.— Йöзыс сәні зэв этша кольöма. Эвакуируйтчылöмаось. Быть: немеч Тихвинöдз воліс. Но и бöрсö абу на ставыс чукөрмöмаось. Сёрниті öти пöлькөд. Гөститöдіс менö сахарнöй свеклöөн. Дивö, гөгөр вөр да нюр, а сахарнöй свеклö быдмö... Ме чайтлі, мый вöдитöны сійöс сöмын Украинаын. Быдтор жö чужö да быдмö мян мати-му вылын! Сы вöсна и горшасьöны сы вылö. А горш мортыд век виньдывлö. Тадз жö и пöльыд меным шуис: помнитлы пö, пиук, ковмас и Гитлерыдлы бөр усйысьны Наполеонлы моз. Ме и чутки пöльöлы: «А он полöй? Колöкө бара ковмас усйысьны тась: немечыд орчча». А пöльыд скөрмис быдөн: «Воис немечыд Волга дорöдз, а ми сійöс Синявиноса нюръясын нöшалим. Сідзкө, эм на мян вынным. А тэ ешö шуан мыйкө!» Ок и видіс жö менö! Но век жö синва петмөн жаль: мыйта добра весьшөрö вошö-прöпадайтö... А коді мыжа таысь?

Бойцов чөв усис да неуна руассьöм синъяснас кутіс видзöдны таб вылö. И лоис кызкө зэв нелöсьыд съөлöм выланым, кöть эськө небесаянь дзоргис шонді да гөгөр шыалісны лэбачьяс.

Эз дэбөд. Бойцов чөвтліс вугырсьö өтилаö, мөдлаö, ветліс орчча йирөдз, но чери некön эз видлы.

— Старшина ёрт!— шыасис друг Бойцов Гена дінö.— Позьö юавны öтитор?

— Мый?

— Помнитанныд, вöвлі войнаөдзис мян кинофильм? Уськөдчисны сән мян вылö фашистьяс. А ми тай кызды нырыштім найбс! И танкьяс, и самолётъ-

яс — мыйыс сөмын миян абу. И өти боец эз усь весиг миян...

— Сійө фантазия...

— Фантазия?— скөрмис Бойцов.— Мыйла йөзсө ылөдлыны? Оні со ставыс мөдарө. Фашистскөй лётчик юртө оз лэдз кыпөдны, а миян ни өти самолёт. И танкьяс оз тыдавы. Обиднө.

Гена зілис кежөдны сёрнисө мөдарө, та могыс юалис ярославльса зонлыс, кутшөмджык участокын воуйтис, но мөдыс, тыдалө, дзикөдз дөзмис:

— Участок! Кутшөмкө тай нюрын келалим-а, нырөн трундасө гөрим. Ме эськө, гашкө, эг на мун сэтыс, да лейтенант ыстис. Пөсь вывсьыд пө оз доймы, а бөрынджык пө пөгибө воан. Но и муні. Чайті, сэтшөм пөрадокыс. А, вөлөмкө, позьө и доймөм йөзлы тышкасьны...

— Эз өмөй висьтавыны та йылыс запаснөй полкад?— чуймис Гена.

— Сэні төлыссьө эг олөй. Сөмын өтчыд нуөдлісны стрельбище ылө, а граната весиг киө эз сетлыны...

— Бойцов, тэыс лоө бур боец,— стрөга шуис Гена.— Кыдзи тэнө шуөны?

— Алексей.

— Алексей, ёнасө эн шыблассь кывьяснад: кадыс абу сэтшөм. Гөгөрвоан?

— Дерт.

— А коді мыжа ставсьыс, төдмалам роксө панялөм бөрын. Интереснө, мыйла тэнө та дырасө армияс эз босьтны? Тэ өд миянкөд тшөтшья.

— Бронь. Бригадиралі колхозын. А сэсса вөзйыси: ветла, мися, да төдмала, мыйла лэдзисны фашистөс Волга дорөдз, лөсьода пөрадок, а то и миян сиктөдз воас. Ок-ок-ок... Кыдзи бара өні сэні метөг олөны-а?

Гена паськыда нюмдіс. Бойцов сюся видзөдліс старшина ылө, юалис:

— Тешкодь. Синкымьясыд тиян сьөдөсь, а юрсиныд еджыд...

Гена эз вочавидз, чатөртчис небесалань.

Здук мысти пельөдз воис моторьяслөн шы, а сэсса тыдовтчисны и самолөтьяс... Муніс воздушнөй бой. Сунласиг да гөгралігтыр, миянлань локтісны

куим самолёт. Но эз на позь гөгөрвоны, кодъяс мян,
а кодъяс налөн.

— «Харрикейнös»* кокалöны кык «мессер»,— дрöж-
житан гөлöсөн медводз шыасис Гена.— Ак, стерво-
яс!

Öнi бура нин тыдалисны куимнан самолётыс, не-
бесаын быттьö косявлисны дöра — кылис пулемётъ-
ясысь лыйсьöм шы, тыдалисны трассирующöй пуля-
яслөн туйясыс. Кык «мессершмитт» чишъялисны сьö-
кыда лэбалысь «харрикейн» гөгөр, кокалисны сийöс
быд боксянь.

И мыйла сийö оз усь? Öд «харрикейныс», дерт
нин, лоис пож кодъ.

Бойцовлөн калькнитöм вома чужöм вывтис ви-
зувтис пöсь, быттьökö сийö ачыс пукалис «харрикейн»
кабинаын, а Гена весиг вунöдис ранитчöм кок йыв-
сьыс, сулалис бедь вылас мыджсьытöг, сöмын кор-
сюрö пыркмунлисны сылөн пельпомъясыс.

— Пилотыс опытной, — шуалис Гена, — а то эськö
важөн нин «мессеръяслы» вöчныс вöли нинöм. Вокö,
кутчысь! Öтиыс бöрсяньыд матыстчö...

«Харрикейнын» пукалысь лётчик быттьökö кылис
тайöс, крута шыбитис самолётсö бокö, «мессер-
шмитт» живкнитис сы динти, а сэсся, öтарö-мöдарö
тешкодя шыбласигтыр, бергöдчис рытыввывлань да
неокотапырысь кутис лэччыны пыр увлань и увлань.

— Молодеч, воканö, — горзис Гена. — Öтик эм!
Видзчысь мöдсьысь!..

Но öнi, тыдалö, лётчик эз кыв муыввса корректи-
ровщиклысь кывъяссö, эз удит вöчны некутшöм ма-
невр, и мöд «мессершмиттыс» пöшти динсяныс лый-
лис сийöс. Гөрд звездаа машина быттьö шöйöвошлi,
сэсся веськöдчис мулань, лёк ног омлялысь мото-
рысь тыдовтчис тшын, сэсся би... И сэк жö самолё-
тысь торъялис неыдждыд ёкмыль.

— Ловъя! — горöдис Гена. — Эк, воканö, чеччышт
затяжнöйөн, а то кокалас...

«Мессершмитт» и збыльысь эновтис ыпъялысь
«харрикейнös» да уськöдчис лётчик бöрся, кодi из моз
усис мулань. Недыр мысти восьтöм парашют саялис
вөр сайö.

* Английскöй истребитель. Найös вайлисны Отечественнöй вой-
налөн первой воясö Англияысь. Тайö машинаысыс вöлины ёна нёж-
мыдджыкöсь да укшалъось «мессершмиттыяс» серти.

— Оз вермы лоны, медым тайо сөкөлыс пөгиб-
нитис,— кыв көрталіс Гена.— Ас. «Харрикейн» вылын
кык «мессерлы» воча.

— Да ещө өтисө уськөдіс,— радпырысь содтіс
Бойцов.

— Фашист вермас на и вуджны фронт вомөн.
Став сертиыс төдчө, мый сійө сьөкыда ранитчис,—
веськөдіс Гена.— Ветлам. Юыслөн эсійө чукуыль саяс
усис лётчыкыс...

Медводзын котөрөн сорөн муніс Бойцов. Ми вось-
лалім Генакөд орччөн, кыв ни джын шутөг. Со Бой-
цов воис ю чукуыльө, сувтовкерис, сэссия кутіс өв-
чыны кинас.

Ю чукуыльө воём бөрын, сэтысь, көні сулаліс гос-
питальлөн пывсяныс, аддзим йөз чукөр.

Ме некор на эг аддзыв асөс. Дерт, көнкө, тайо
лётчыкыс өбликнас Чкалов либө Бабушкин кодь ён,
ыджыд тушаа, дзормыны заводитөм юрсиа, морөс
тырыс орденъяс. А кутшөма петіс менам дивөйө, кор
йөз кытшти писькөдчөм бөрын аддзи парашют купол-
лөн шөвк вылын куйлысь комбинезона том мортөс.
Русов юрси пратьясыс кольчаясөн лясөмаөсь гождь-
явтөмысла еджыд плешкас, ныр улас өдва төдчыштө
ус модаа гөн, неуна лөзөдыштөм син лапъясыс пөд-
саөсь.

Йөз сулалісны чөв, эз вештывны синъяссө зонлөн
быгыд чужөм вылысь, мөвпнас тэрмөдлісны пидзөс-
чаньөн ноксысьс врачөс, сестраөс, кодъяс удитөмаөсь
нин воны госпитальысь.

— Куим рана,— быттьө аслыс моз шуис врач.—
И ставыс зэв серьёзнойөсь. Дивө, кызди вермис шы-
битчыны кабинасыс...

— И дзик му бердас восьтыны парашют,— содтіс
Гена.

Лётчиклөн син лапъясыс друг воссисны. Пер-
войсө артмисны неыджыд потасъяс, кытысь тыдовт-
чисны чусыда югъялысь син аканьяс, сэссия миян
вылө видзөдлісны дзик чөдлач кодь раминик синъ-
яс.

Кыліс чукөрөн ышловзьөм.

Лётчик зіліс мыйкө висьтавыны, но гөлөсыс вөлі
сэтшөм лөнь, мый сестралы ковмис копыртчыны сы
вом весьтө.

— Мый висьталіс?— терпитны вермытөг юаліс Гена.

— Колө пө юөртны частьө, мый ставыс пөра-
докын.

Да. Тані вөлі кутшөмкө тайна, кодөс том лётчик
поліс нуны аскөдыс, но и эз көсйи висьтавыны ми-
янлы.

— А-а... мать твою!— друг горөдіс лётчик да ку-
тіс пессыны, чужөмыс ещө на кельдөдіс, шармунөм
синьясыс лёкыс кодзлалісны.— Колька, веськыдла-
дорад «мессер»... Колька, кылан, «мессер»... Сөт,
Колька, сөт! Ой, мамө!..

Врач индіс госпитальлань. Здук мысти лигышму-
нөм лётчикөс санитарьяс видзчысьөмөн нуисны нин
нөсилка вылын.

Пывсыны өчередь виччысьыс раненөйяс вель
дыр пукалісны шемөс.

— Татшөмьясыдлы кө дөверитан техникатө ре-
гыд нинөмтөг колям,— кыліс кодлөнкө дзуртан гө-
лөс. Ме видзөдлі гөгөр, и пыр жө усис син улө кос
тшак моз вежыньмунөм чужөма менам вөвлөм су-
седөй, Головяшкин. Көсйи нин вомавыны сійөс, но орө-
діс Гена:

— А Уралыс мый вылө? Тэ, дядя, чайтан, мый тэ
сөмын воуйтан? Тылсаяслы ёнджыка вичмө: прамөя
сөйтөг ни узьтөг мырсьөны.

— Вернө,— шыасис гырысь сьөд усьяса да бин-
төн төбөм юра олөма боец,— мем гортысь письмө
воис... Сьөкыд өні... Сэні и тані. Техникаыд оз
тырмы и. Морьякьясөс пехотаө ыстөны. Миянкөд орч-
чөн воуйтіс бригада, ставныс морьякьяс.

— Ме пехотаын жө ранитчи,— шыасис Гена.— А
коркө этійө зонмыс моз жө лэбавлі...

— И сы моз жө гылавлін?— бара дзуртыштіс Го-
ловяшкин.— Мамтө чуксавлін... Воякаяс!

Мыйла колө вөлі висьтавыны тадзисө? Гашкө, Го-
ловяшкин көсйис шмонитыштны том салдатьяс вы-
лын, чайтіс, мый тані унджыкыс олөма йөз да лооны
сы дор жө. Но өд лөсявтөминад шуөм кывйыд дойдө
орсысь на ёна. Сідзи и лоис. Геналөн быгаліс чужө-
мыс, сійө кыпөдіс бедьсө:

— А тэ, сволочь, лэбавлін «харрикейн» вылас?

Ме куті Генаөс, но сійө мынтөдчис да өжгис бедь-
нас Головяшкинлы.

— Эн тышкась!— чирөстис мөдыс.— Он лысьт, көть и старшина! Фронт вылад небось «мамө» на горзін...

Ме көсін нин уськөдчыны Головяшкин вылө, но менө пановтіс бинтуйтөм юра съод усьяса олөма салдат:

— А тэ аддзылін, кызди Мга дорын «мамө» горзьясыс ветлісны атакаө? Эн?..

Тайө кывьяс бөрас менам вөвлөм суседөй тутис муас. А олөма боец бергөдчис йөзлань, чышкыштіс веськыд кисө гимнастөрка бөждорас, копыртчыліс:

— Прөститөй, ёртьяс! Судитөй, коді тані мыжа...

— Эз-ө нин кув трофейникыд,— серөктис Бойцов да уськөдчис век на мыр бокун куйлысь дінө.— Но-о... видзөдтө, мешөкыс потөма.

Головяшкин звирк сувтіс кок йылас. Тайө и вузаліс сійөс. Ёсь мырйө крукасьлөм бөрын орөм мешөксыс сывкмуніны часіяс, компасьяс, бритвенной приборьяс, карті колодаяс.

Тані вөліны и немецкөй штамповкаяс, и Кировскөй заводлөн, и «Павел-буре» маркаа часіяс. Но медся нин зывөкөн вөліны веж турун вылын туплясысь трофейной пеж открыткаяс да карточкаяс.

Головяшкин сулаліс кулөм нисьө ловья. Төдчис, кызди вочасөн вижөдө чужөмыс, ёсьмө нырсы.

— Со вөлөм мыйла оз торйөдчыв мешөкыскөд!

— Мародер!

— Кодлы война, а кодлы...

Раненөйяс колөкө и косявлісны Головяшкинөс, но дорйис бара жө съод уска боецыс:

— Менө прөститід? Прөститөй и сійөс! Видзөдлам, мый шуас трибунал.

— Кысь сылы та мында часіыс? Ме лыдди— кызь гөгөр,— шензис Бойцов.— И мый шуас сылы, старшина ёрт, трибуналыс?

— А шуас со мый: на тэныд өкмыс грамм дай ло сэтшөмөн жө, кодьяс мешөкысь босьталін тайө добрасө,— вочавидзис Гена.

АБУ ÖД БЫДÖН ÖТКОДЬ

Полевөй госпитальса йөз пөшти эз вешйывны палатка дорысь, көні вөліс операционной. Но немтор эз отсав,— том лётчик-истребитель куліс, кызд шуасны,

хирурглөн пурт улын. Сійö жö лунас Головяшкинöс судитис трибунал. И медся лöсвятöмөн кажитчис сійö, мый найö вöлöмаöсь землякяс — кыкнанныс Вологодскöй областысь, лётчик Жуков — Усть-Ужнаысь, Головяшкин — Грязовецысь.

Салдат унаысь аддзывлö кулöмтö, сы вылö сійö и воин. Но тайö кык пöлöс смертыс веськыда пузувтисны ловсö госпитальса быд олысьлысь.

— Абу весьшöрö шулöмаöсь миян пöльяс: вöрын и пуяс абу öткодöсь,— такöдис миянöс палаткаса санитар, кодöс вöлöмкö ыдждöдлöны Кузьмичөн.

— Ветлöдлисны öти земля-мати вывти, лолалисны öти сынöдөн. И на тэныд. Öтиыс ассыс том сьö-лöмсö сетис народнöй делö вöсна, сувтис кувлытöмъяс радö. Святöй морт. А мöдыс? Порсьыд няйттö век нин аддзас. Куйлы лёк пон моз пемыд гуын — вевттьöд ни тупйöд, некодсянь некор бур кыв, рöдняыд весиг öткажитчас...

— Кузьмич, а мыйла Головяшкиныс сэки эз эвакуируйтчы?— юалі ме.

— Коли пö эшелонсыс. Комиссар водзын нидзув моз кысьясис, но и прöститисны. Öнiя йöз кöть и стрöгöсь да льöгöсердöсь, а оз тай со век удайтчыв ваö моз видзöдлынытö. Менö пöрысь понйöс тшöтш ылöдлис.

Кузьмич ланьтис. Сылөн чужöмыс кажитчис ещö нин пöрысьджыкөн. Эз веськодя вермы видзöдны и сійö госпитальын бөръя лöмтор вылас.

Вöлі шойччан час, öбед бөр. Кузьмич, Бойцов да ме пукалім пывсянсянь неылын тшынөн ломалысь неыджыд бипур дорын, код весьтын öшаліс пöрт. Сэни пусис тшак, кодöс ми Бойцовкөд чукöртім орча верöтя вылысь.

— Вөр-ваас сы мында озырлун, а пöльзуйтчыны некодлы,— ышловзис каллянсö öгырөн öзтиг Кузьмич.— Сёйöй-юй, öзьян синъясöй, менам пиянöй, чöсмасьöй öти кока порсь яйөн. Регыд öд ковмас торйöдчыны. Ти мунанныд, а ме... Тöрыт Семёнович (госпитальса главнöй врач) сидз и тадз видлаліс менö: öтлаын пö нин ковмас тэа-меалы война кустöдзыс служитны. Позьö, дерт, и пышйыны, да ог тöд, көнöсь миян сапёръясным. Тыдалö, фронтлөн мöд частокö вуджöдöмаöсь. А веськалан кутшöмкö стрöг

командир дорö — янöдас да бöр мöдöдас. А сэсся öд тані кодлыкö уджавнысö колö жö: том йöзöс он сувтöд.

— Госпитальсьыс öмöй пышъялöны жö?— чуймис Бойцов.

— А тэныд, боец Бойцов,— стрöга шуис Кузьмич,— кымынысь индылöма: эн лукйысь. Лудö — сідзкö, бурдö.

Йöзасьöм Бойцов нетшыштис здоровöй кисö бинт увсьыс, нурбыльтис:

— Видлы тэ терпитны! Быттö сё той.

— А пышйылöны и татысь,— водзö нуöдис помав-тöм мöвпсö Кузьмич.— Неважөн на öти старшина вурьштис, а ранаясыс сöзасьтöмөсь на вöліны. Тöрыт сысянь воис письмö: воюита пö важ ёртъяскöд öт-лаын. Эмөсь и сэтшöмъяс, кодъяс муноны тöлкөн-ладөн, но мырдөн вöзйысьöны. Öнi со сестраныд тiян, Огнева, инас оз öшйы — вöзйысьö жö передöвöйö. Комиссарöс пöгибö воштіс. Кок шонтысьыс Надяыслөн сэнi али мый?

— Ми нö тані либö мыйла бовъялам?— скöрмис Бойцов.— Нывъяс и то...

— Бур вöвлөн доныс оз усь...— мелiа видзöдліс сы вылö Кузьмич.— Тiян, боец Бойцов, гвардияса сержант ёрткöд ранаясыд абу прöстöйöсь, пуляыс льястö тшöтш горснитöма... Лечитчыны ковмас, вын-эбöс чукöртны. А передöвöйыд тiянысь оз на пышйы.

Кывсö паръяс костас топöдöмөн Бойцов босьталіс булькйысь пöртйысь шактарсö. Паньыс сылөн — быдөнлөн вежыс петас. Алюминийысь вöчöма, паськыд лопта, колскан кö öшлы плешкас, и то сюр каяс. Ташöм жö пань сійö козыналіс меным. Визув оласнога, ичöтсяныыс быдтор вöчны велалöм тайö зонмыс эз вермы овны весь. Менö тшöтш новлöдліс муяс вывті, гöститöдис пöжалöм картофелён, сахарнöй свеклö-ысь да турипувйысь пуом рокөн.

А кор ми ветлім усьöм «харрикейн» дорö, сэсь Бойцов чукöртіс быд ногыс пергылясьöм алюминий торъяс.

— Мыйла?— юалі ме.

— Аддзан регыд,— нюммуніс сійö.

А рытнас Бойцов козыналіс меным пань. Вөлöм-кö, инас öшйывтöм мортыд лөсьöдöма госпиталь пыв-

сян дорё лу* да вöчало паньяссö сывдöм алюми-
нийысь.

Миян да орча палаткаясса раненöйяс зэв пыдди
пуктисны сылысь козиньяссö. Но öнi фабрикаыс сы-
лөн сулалiс: эз вöв сырьё. И Бойцов ас кежас, тöдö-
мысь, кевмис, мед уськöдiсны ещö öти самолёт, сö-
мын, дерт, эз миянлысь, а фашистьяслысь. Сэки эськö
став госпитальыс пондiс сёйны сылөн паньясөн. И
сöмын öти мортлы эз ло сёлöм сертиыс сылөн ко-
зиныс.

Медбөрьяён вöчöм паньсö Бойцов вöзйис менам
земляклы — старшина Юранёвлы. Гена видлалiс сийöс
гөгөрбок, весиг заводитлiс суйны вомас, сэсся наяна
видзöдлiс мастерлөн радысла ыргөн таз моз лöсталысь
чужöм вылö да шуис:

— И татшöм добрасö вöчин тэ, ки пöла инвалид?
Бойцов эз гөгөрво, ошкö али сералö сийöс стар-
шина, но сёлöмыс мортыдлөн топавлыштiс:

— Мем отсасисны банщикьяс...

— А-а... Но вот мый, танi эмöсь танкистьяс, налы
и сет. Лётчиклы татшöм груз босьтны сёрсьыс оз
позь: самолётыс оз вермы кыпöдчыны мусьыс. А тан-
кистьяслы сгöдитчас кувалда пыдди.

Та бöрын миян мастер эз на матыстчыв Гена
дiнö.

— Коз пуувса яй пусис!— гораа серöктiс öнi Бой-
цов да босьтiс пöртсö мöтыр йылысь. Öвтыштiс
сэтшöм чöскыд кöрөн, мый öдва верми кутны дуль-
ваöс. Да мый и дзевнысö: миянлы, том йöзлы, эз вöв,
тырмымөн госпитальса паёк. Та вöсна жö и жövъяв-
лывлiм ми Бойцовкöд муяс вывтi.

Терпитны вермытöг видзöдiм Кузьмич вылö, кодi
кыкис гач зепсьыс рузумён гартыштöм нянь тор.
Гожъялöмысла сьöд, бадь кырсь рöма кыз чуньяснас
сийö видзчысьмөн юкис нянь торсö куим пельö.
Сэсся перйис обмотки увсьыс Бойцовлысь бур ко-
зинсö.

— Добра!— сорвасö паньыштöм бöрын нюлыш-
тiс вом дорьяссö да ошкис Кузьмич.

— Обмоткиыс?— быттьö эз гөгөрво, юалис серам
пыр Бойцов.

* Лу — лыя ящикö вöчöм форма, кытчö кисьтöны металлсö сыв-
дöм бöрас.

— А мый көть и обмоткиныс?— дөзмис Кузьмич.— Гражданскöй дырйи ветлим нинкөмөн. Обмоткиа ботинкинд сэки, пиукöй, вöли веж петкөдлан торйөн...

— Шуан жö!— эз öвсыы Бойцов.— Видлы асывнас ки пöвнад гартны. Тьфу! А тревога кө? Юралы лöсьыд: шурснитас сапöгтö— и ставыс. Сы ыджда страна, а салдатлы сапöг оз вермыны сетны.

— Ныр увсыыд тöд!— вомаліс сійöс Кузьмич.— Кöсьян гвардиякөд рөдвужасыны. Гвардияса сержант ёрт— юнкер, öнйя ног курсант. Сылөн со и петлицаясы зарни кантясаöсь...

Ме, дерт, гөгөрвои, мыйын делöйс. Санитар ко-сöдіс «водзöс». И öнй меным лон яндзим Кузьмич вылын неважөн ыджыдалöмысь.

— Разь обмоткиастö,— шуи Бойцовлы да не-тшыштй кокъясысь еджыд дөра кодьöдз вушйöм гөлөньяса кирза сапöгъясöс.— На, новлы!

Коньөр Бойцовлөн паньыс кысыс муртса эз усь, тшакваыс киссис гимнастёрка морöс вылас.

«Эк тэ, Алёшка, Алёшка, сöстөм лов!»— окота вöли горөдны сылы, но кутчыси.

— Тöv воас да кватитчан, Алексей,— гарыштйс Кузьмич.— Видлы сапöгнад кысыыны, тырыс лым пырас. А öнй? Веськалан нюрö, нүйтсö тырыс жö гумовтан. А көтасьöм кока салдатыд, ачыд төдан, абу нин боец. Обмоткинад жö, майбыр: кокыд век кос да кокныдджык. Сöмын тй, гвардияса сержант ёрт, бөр сапөгасьöй.

Сэки ме мөвпыштй, мый Кузьмич, буракö, тöдö нин курсантъяслөн бойö ветлөм йылысь. Мирыдлысь öд вомсö он тупкы. Весиг сёйны эз кут ковны, небыд шондйа луныс кутйс кажитчыны сьöдөн.

— Кузьмич, водзö кежлö вунöдöй менсьым кузь титулöс. Ми танй ставным висьысыяс,— шуи и эг тöд асьым гөлөсöс. Сійö петйс быттьö кыскö гу пытшкысь.

Санитар стрöга видзөдліс ме вылö сук синкымъяс увсяныыс, пунктйс паньсö му вылö да перйис тасмаас öшөдөм салдатскöй фляга, кодкөд сійö некор эз торйөдчыв.

— Та вöсна, пиукъяс, абу грек и этййöс видлыны.

Разис вевтсö, солькйöдлыштис флягасö да кись-талис сэтысь кружкаясö, сэссия неуна сöдзöдыштис фляга вевтас да видзöдöмөн пуктис муас.

— Сорлавтöм. Но сийö миянлы бурджык на, а немечлы лёк, кызд Пётр Великий шулöма.

Друг муыс миян улысь быттö вөрзыштлис, сэсся кутис сырмыны, ёна сёрöнджык нин пельясöдз воис быттö ылын гымалöм шы.

— Инас оз öшйы. Бара со бомбитö станция: полö выль вын вайöмысь. Давай, пиукöй, юам сы вöсна, медым водзö вылö тиян пияныд да внукъясыд кывлисны сöмын сэтшöм гым, кодi вайö быдöнлы колана зэр. Ми регыд торйöдчам. Помнитöй, пиукъяс: лёк слава смертысь омöльджык.

Бөрья тостыс кучкис меным сёлöмö, но Кузьмич синъяс серти немтор эз позь гөгөрвоны, и ме босьти тшöтш ассым кружкаöс.

— А эсийöс кодi юас?— Бойцов индис фляга вевт вылö.

— Роч му вылын эм обычай,— Кузьмичлөн тöдчымөн вежсис гөлöсыс, синъясыс быттö руалисны.— Казытыштам паметьсö Жуковлысь — миян сöкöллысь...

И пыр жö син водзö сувтис ляк баддя нюр, кытчö колисны нэм кежлас унаöн училищеса менам ёртъяс пиысь. И ме эг коль кружкаö ни öти войт.

— А, тöданныд, лёк славаыд абу буртор,— друг заводитис Бойцов.— Тэнад землякыд, Юра, командир-пилаыд, вöвлöм лётчикыд висьталис миян сестралы — Надялы: миянöс пö ныр вылö усьтöдз муртса эз сконъявны суседъяс. А ещö пö гвардеецъяс. Мöдiм пö жмитны-дзескöдны немецöс рытыввывлань, а кватитчим да, суседным — гвардейскöй батальон — сылöма. Вöлöмкö, гвардеецъясыд повзöмаöсь да коклябөрнысö фашистлы петкöдлöмаöсь. Та вöсна командир-пилаыд аслас йöзыскöд öдва абу пленö шедöма... Ха-ха-ха...

Менам морöс пытшкын быттö мыйкö орис. Öд делöыс эз вöв сiдз, эз вöв сiдз... «А тэ, Алексей, эскан быд сөрöмыслы да сералан... Сералан? Код вылын? Сметанин вылын? Вагин вылын? Ротаса командир Костенко вылын? На тэныд!» Быттö кокныда и öвтышти, а Алексей нюзöдчис бипур бокö.

Ас выйö вои Кузьмичлөн клещи кодь чабырын,

видзодлі Бойцов вылө: сійö пукаліс нин да нййтөсь кулакнас чышкаліс синвасö.

— Эн лысьт серавны на вылын, он кө төд, кызди вöлі!— горөді ме.

— А кызди збыльысьсö вöлі?— Кузьмич меліа видзөдіс синьясö.— Восьты, пиук, сьöлөмтö, юксьы шогнад. Қокньодас. Измöма тэнад сьöлөмыд, пиук...

Тайö кывьясыс дзикөдз лигышмунөдісны менö, но ме верми на кутчысьны, медым не бөрддзыны кокниа петысь синваён.

— Кызди вöлі збыльысьсö? Тайö заводитчис сійö лунас... Ті, Кузьмич, асьныд төдад. Стөчджыка кө шуны, тавося, 1942-өд вося, август 28-өд луно, кор ми, волховчана, первойсыс видлім ордны Ленинград гөгөр блокадасö. И медводдза радьясын мунісны курсантскöй батальоньяс. Налы усис шуд йирны немецьяслысь, кызди гижöны газетьясын, джуджыда эшелонируйтөм да бура крепитөм оборонасö. И курсантьяс вöчисны тайöс. А висьтавны кө став йывсьыс, кызди вöлі делöйс...

— Но мый нö, пиук, ми кывзам,— шуыштіс Кузьмич.

БОЙВОДЗВЫВСА ВОИ

(Зарубинлөн первой висьт)

Землянкаын гөвкьялө табак тшын. Нарьяс вылын куйлöны öта-мөд дінас топөдчөмөн, пукалöны, коді кытчö веськалöма,— боецьяс. Көть найö и мудзөсь, но узьöны этшаён. Қылö лөня варгөм, коді кадысь кадö орлö серамөн. Пызан сайын, көні лампа пыдди сотчö телефон кабель, кодсюрö гижöны письмöяс.

Қысь нö узьсяс, кор дивизия сутки саяс нин вөтлөдзескөдö немецьясöс рытиввывлань, а мянлы эз на сюрлы ни öтчыдысь лыйны. Ми — мөд эшелонынöсь. Чайтам, мый аския луныс ваяс вежсьөмьяс. Виччысям сійöс, сьöлөм оз инась местаö...

Окота лоис петавны йвлаө, лолыштны сөстөм сынөдөн. Чеччи нар вылысь, кокьяс пыр жö веськалісны нарьяс улö йиджтысьөм ваö. Весиг пöрадок радейтысь немецьяс абу вермөмаөсь мынтөдчыны тайö нүйт кодь

трунда васьыс. Сöмын на некымын час сайын тайö жö
землянкаыс вöлі налөн юр сюянінөн.

Ыркыд войся сынöдыс кажитчис торйөн нин чöскы-
дөн, лöсьыда пальöдіс юр. Орчча землянкаын, кöні вöлі
мöд взвод, бриньöдчис-ворсіс гитара. Кодлөнкö него-
ра гөлöсыс отсасис сылы:

В полдневный жар в долине Дагестана
С свинцом в груди лежал недвижим я,
Глубокая еще дымилась рана,
По капле кровь сочилась моя.

Романслөн шог кывъясыс паськалісны да вошисны
сьöкыда вугралысь пуяс пöвстö, чужтісны шог мöвпъяс,
кодъяс чеплялöны сьöлөмтö, гудралöны ловтö. И, ты-
далö, буретш та вöсна романсыс воис кодсюрöлы сьö-
лөм вылас. Со öтка гөлöс дінö öтлаасис мöд, коймöд, сьы-
лөм гораммис:

И снился мне сияющий огнями
Вечерний пир в родимой стороне.
Меж юных жен, увенчанных цветами,
Шел разговор веселый обо мне.

Сьылөмсö вевттис кыз гөлöс:

— Дугдöй! Бара сентиментсö заводитісны... Мещан-
ство!

Сьылөм кусі, гитара бриньгөм шы улö кодкö збодера
вочавидзис:

— Кысь тэныд торйөдны классикасö мещанствоысь!
Тайö — Лермонтов.

— Сійö татшöм нярганторъястö эз гижлы,— падъяліс
кыз гөлöса.— «Белеет парус», «Прощай, немытая Рос-
сия», «Кинжал»...

— Ок и солдафон!— гажаа серöктіс воддза гөлöсыс.—
Колö тöдмасьны сьлөн став творчествоөн, а сэсся вöли-
ти ныртö сюйны.

Ме вешйи землянка дорысь Лермонтовöс радейтысь
гөлöсьяс шы улын:

И снилась ей долина Дагестана...

Неылын кодъяскö нума-намакылісны. Сэсся яр ко-
дзув моз öзйыліс би, кöть, тыдалö, кодкö и куритчис
чигаркасö соскас дзебөмөн.

— Код сәні дурө?— стрөга юалі.

— Тайө ме, Юра,— кыліс Сметанинлөн гөлөсы.— Вунөдчи. Ылын на немечөдзыд, оз аддзы. Дай быд чигарка би вылад минаыд оз вичмы, көть эськө сійө став Европасө грабитіс.

Сергей Сметанин — менам земляк. Эжва бокса орча сиктысь. Училищеын ськөд вөлім өти взводынөсь жө. Сметанин нейджыд тушаа, көлөб кодь гөгрөс да сөстөм чужөма, дженьыда шырөм еджыд юрсиа. Веськалөма училищеө веськыда гортсяныс, среднёй школа помалөм мысти, бөръя, тувсов призыв дырйи. Ме пукси сы дорө. Сән жө куйліс Вагин — баръёв кокъяса, тэрыб вөраса да зэв варов зон. Сійө эз вөв миян училищеысь, а, буракө, Куйбышевскөйысь либө Пуховическөйысь. Но тайө кык зонмыс куим сутки чөжөн, дивизияө воөм бөрын нин, лоисны быттьө вокъясөн. Ме весиг неуна вежөкті Сметанинөс. Найө водзө нуөдісны ассьыныс орлөм сёрнисө.

— А өні миян идралөны урожай,— шуис Сметанин.

— И миян тшөтш,— содтіс Вагин.

— Кольөм во,— водзө нуөдіс Сергей,— ме ытшки няньсө машинаөн. Ок и мудзан лунтырнад! А рытнас мыссян, вежсян, нуръясыштан — и гуляйтны. Асьядорнас воан гортад, сутшкысян вольпасьө...

— ...А асывнас чеччынытө!— содтіс Вагин.— Кымыныськө чуксавласны жө.. Быдөн скөрмылан мам вылад.

— Да,— ышловзис Сергей.— Öні кө эськө...

Миянсянь верст сайын кымын то сәні, то тані, сап пемыдсө поткөдлігтыр, небесаө качлісны ракетаяс да, быгыд югөр койиг, ньөжйөнник лэччылісны увлань. Быттьө сьөд войсьыс повзьөм пон, эрыштчас немецкөй пулемёт, трассирующөй пуляяс би киньяс моз визьнитлөны, сэсся сылөны-вошөны. Сәні передөвөй. Миян дивизияса орча полк, немецъяслысь оборонасө пузь-пазь вөчөм бөрын, өдйө зырис найөс луннас рытиввылө, өні шойччө муө кодйысьөмөн, медым югдөм бөрын писькөдчыны водзө. Сәні миян кодь жө том зоньяс, төдөмысь, мөвпалөны аскиа лун йывсьыс.. Öнөдз делөыс муніс бура. Враг эз виччысь татшөм чорыда кучкөмсө да, ассьыс дойяссө нюліг, лөкысь ыршасиг да эргиг, кояліс рубеж бөрся рубеж. Ни артиллериялөн би, ни дугдывтөг дзуртысь «ишакъяс»*, ни небесаын өшалысь «мессеръяс» да

* Немецъяслөн квайт ствола миномөтъяс.

«юнкерсьяс» эз вермыны сувтöдны гвардейскöй значокъ-
яса том зонъясöс, кодъяс воисны татчö страналöн пöш-
ти быд пельöсьяссянь öти мöвпöн: ордны Ленинград
голя вылысь вөрöглысь джаггөрöдсö.

Зонъяс мунисны пыр водзö и водзö, быттьö эз казья-
лыны ни асьыныс дойяснысö, ни мудзöмсö, ни ёртъяс-
ыслысь, кодъяскöд неважöн на панясныс öти пöртйысь,
вошöмсö. А найö, бөръяясыс, аддзываетм мыджöдö кру-
касьöм бöрын, сунлисны-усьлисны, шымыртлисны трунда
сора тайö курыд мусö, кодi эз нин вöв сэтшöм лышкы-
дöн да мелiөн, но кодi налы вöли сэтшöм жö донаөн, ко-
ланаөн да мусаөн, кызди и чужан сиктгөгöрса муясыс
да видзьясыс. Шымыртлисны и ланьтлисны рытыввывлань
юрөн, быттьö тайö вöли налы медся бур козинөн, кодöс
дасьтлис олöмыс. Найö куйлисны вөрзёдчывтöг, лоом-
тор вылас некодлы норасьтöг, веж рöма паськөмнас ньö-
ти жö эз шыбитчыны синмö, кызди лёк бушколөн не-
тшыштöм да луд вылö шыблалöм коръяс, кодъяс недыр
мысти лоасны муөн жö...

Медым вöтлыны тайö шог мöвпъяссö, заводитi кыв-
зысьны ёртъяслөн сёрниö.

— Лёкторъяд бара оз ков велöдны,— надзöник бат-
йöдлис кывъяссö Сметанин.— Со кöть этийö табаксö бось-
гам. Восьмина öдва тырмö лун кежлö.

— А ме сöмын на велöдча,— вочавидзис Вагин.—
Кöть талун жö шыбита. Да табаксö жалита: старшина
сетö, а кытчö воштан?

— Тшынася сизимöд во,— ошйысьöмөн моз шуис
Сметанин.— Видлы шыбитны, кор став сювъясад нин
йиджöма. А велöдлис менö суседлөн пиыс. Ок, и шыш
вöвлis... Батыслысь табаксö гусявлis, да сэтшöм сюся!
Емөн писькөдас пыдöссö да быд восьминаысь неуна
босьтö.

Ме быдми батытöг. Йöзыдлысь век куритны яндзим.
Со и босьта вöли гусьöник мамлысь деньгасö. Но сылөн
öd быд көпейка лыддьöма. Ок, и сюрлывлis жö меным!
Сийөн и юрсийö шоч, тыдалö.

Локта школаысь либö вурсанинысь, сэки мамö ме-
ным: «Восьтыв вомтö!» Восьта, ог лысьт весиг лолышт-
ны. А сийö: «Мыйла чеснөксö сейин? Чайтан, ог гөгөр-
во. Пызан сайын сийöс рöd вомад он босьтлы-а...» И за-
водитчас! Сэся, быдмыштi да, эновтчис. Сэсянь и тшы-
нася. Но мам син водзын — енемöй видз. Вöли локтасны
другъяс, куритöны гортын, а ме ог. Мам дырйи чигар-

ка öзтылі сöмын армияö мунігөн, да и то гажа юрөн. Со неважөн училищеö гортысь воис посылка. Ичöтик сэтшöм ящик, гартыштöма дöраөн... И мый, чайтан, сэні вöлі?

Сметанин сувтовкерліс, виччысис, мый шуас Вагин, но мöдыс чöв оліс.

— Махорка. Дас пачка. Видзöдтö, ме гижлі тöдсаялы, мый училищын вердöны бура, но табак кузя делöыс збыльысь табак. Со и гөгөрво сэсся найöс, мамъястö...

Сметанин ланьтіс. Сійö пукаліс юрсö öшöдöмөн, вөрзъывтöг, быттьökö поліс, мый весиг нейджыд тöвру вермас разöдны сы син водзысь тайö ылыс да муса серпасъяссö.

Менам ёртъяслөн каска мыгөръясыс заводитісны тöдчыны небеса фон вылын. Сідзкö, югдандор. И збыльысь, юр весьтын öшалысь кодзувъяс лоисны пыр чусыдджыкöсь и чусыдджыкöсь. Сöмын на пиысь öти, коді вöлі дзик вöртас дорас, яра пöртмасис лöзоват рöмөн. Кор видзöдан сы вылö, мукöд кодзувъясыс быттьö сылöны-вошöны, а мыйöн видзöдластö вештыштан неуна бокö, пыр жö аддзан уна мукöдъясöс, кöть налөн югöрыс öдва-öдва писькöдчис татчöдз.

Весиг Сизима кодзувлөн кöшыс öдва чусалис, сійöс позис казавны сöмын бöжсяныыс неылын ярджыка öзйысь Войвыв кодзув серти.

Со кодзувъяс пиысь öти, ас бөрсяыс биа бöж колиг, мөдöдчис мулань и здук мысти воши. Окота тöдны, кытчö сійö тövзьö, мыйла? Сэки мем дум вылö усны пöчлөн висетьясыс. Сы ног артмыліс: быд мортлөн — аслас кодзув, коді чужö тэкöд и кусö тэнад олöмкөд тшöтш.

И эг öтчыд, арся пемыд войясö öшинь дінын пукалігөн, либö тöлын уличаын сулалігөн, ме корсьлы ассьым кодзулос. И со öні, передöвöйсянь неылын улыыс му вылын куйлігөн, челядьдырся моз жö зіля корсьны сійöс. Но тайöс вöчныс абу кокныд: кодзувъяс омöля торъялісны öта-мөдсьыс. Но öд эскыны кö пöчöлы, то сійö, менам другöй, небесаас көнкö эм жö. Гашкö, этайö менам, коді тай со неуна гөрд рöма? А, гашкö, эсійö öдва тöдчысь кодзулыс? А, колöкö, со тайö — усыысыс, бöжаыс?

— Вот эськö кыпöдчывны сэтчö,— гораа шусис менам.

— Кытчö?— чуймис Сметанин, но кор аддзис небесалань индысь киос, пыр жö водзö нуөдіс менсьым мөв-

пос:— Тэа-мэа, Юра, эг на пуксылӧй весиг самолётӧ. Но коркӧ век жӧ видзӧдлам, эм абу сэні, небесаас, ен-мыс.

— Эк, мӧвпъяс, мӧвпъяс,— ышловзис Вагин,— кытчӧ сӧмын ті онӧ вайӧдлӧй миянӧс! А кутшӧм эськӧ гажтӧм вӧлі олӧмыс, шуам, морт кӧ эз вермы мӧвпавны, ветлыны думнас мукӧд планетаяс вылӧ. Сергей, колӧкӧ, ӧні кутшӧмкӧ ылыс планета вылын, но кӧть, шуам, со эсіӧ пуйывса дзирдалысь чут вылас, татшӧм жӧ вӧрын ми моз куйлӧны куим зон да виччысьӧны аския лунсӧ, медым...

Но Сметанин вомалис ассыс ёртсӧ:

— А тэ качӧдчыв сэтчӧ. Вермас лоны, мый сэні коммунизм нин. Қольччан... А ми тані Юракӧд кутам тодышкавны фашистьясӧс.

— А мый? И качӧдчыла!— скӧрмис Вагин.

— Первой видзӧдлы ныр улад, мый сэсь аддзан. Қортӧм гӧстьясӧс! Ӑні колӧ налысь сьылідзирсӧ бергӧдны. А Вселеннӧяд коркӧ, дерт, кыпӧдчасны...

Қотӧртис асья тӧвру, шарӧдчыштіс пипу коръясӧн, гылӧдіс на вылысь лысвасӧ. Ӑти войт веськаліс киӧ, ва туй колиг визувтіс-усис муӧ.

Босьтіс йирмӧг. Ёртъяслы, буракӧ, тшӧтш ыркыд лои. Землянка ӧдзӧс дорӧ вотӧдз Вагин друг юалис:

— А гортад письмӧястӧ гижид?

— Мыйла?— вочавидзис Сергей.— Мамъяслы шогыс и миянтӧг тырмӧ. Мед чайтӧны, мый ми век на училищеынӧсь. Збыль вылас ӧд сідзи и лоӧ. Миянлы, фронт вылӧ мӧдӧдігӧн, висьталісны: пӧртанныд пӧ олӧмӧ командованиелысь заданиесӧ и бӧр воад, медым помавны училище. А заданиеыс абу нин сэтшӧм сьӧкыд, ме думысь. Со орчча полк талун орӧдіс фашистьяслысь оборонасӧ, зырӧ найӧс. Аски и ми ог кутӧ йӧз киӧн пуӧм роксӧ панявны. Сетан татчӧс адрес, а лун-мӧд мысти, гашкӧ, бӧр Архангельскын лоам. Мед нин сэтчӧ чукӧрмасны. Воам да ставсӧ ӧтпырӧй лыддыам. Сідз, Юра?

— Сергей, татшӧм делӧясад кодсюрӧ и юрсӧ воштывлӧны. Колӧ жӧ юӧртны гортад. Лӧкыс ӧд оз ло,— ме пыдди вочавидзис Вагин.

— Менам и медальӧнӧй тыртӧм. Он верит? Колӧкӧ петкӧдла. Олӧмкӧд торйӧдчыны миянлы водз на. Колӧ на со, асьныд шуанныд, видзӧдлыны, кызди олӧны-вылӧны йӧзыс мукӧд планетаяс вылын.

Тӧдіс кӧ эськӧ Сергей, мый лоас ськӧд недыр мысти...

Тайо вӱлі август 28-ӱд лунся рытӱ, кор ми кывлім, мый орчча полксяяс, некымын училищесы курсантъяс, орӱдӱмаӱсь немецкӱй обороналысь некымын визь, кодъясӱс фашистъяс, кӱнкӱ, лыддылісны жугӱдны позьтӱмӱн. А аскинас, август 29-ӱд лунӱ...

БОИ

(Зарубинлӱн мӱд висыт)

Збылысь мичаӱн кажитчӱ морт, кор сӱлӱмсӱ сылысь чукиӱн тыртӱ нимкодълун. Видзӱдан сӱтшӱм морт вылас да лӱӱ весиг кокныдджык, долыдджык лолыдлы. Татшӱмӱн аддзим первойысь батальонса комиссар старшӱй политрук Левадӱс. Сійӱ сулаліс миян водзын тыртӱм ящик вылын. Сук сӱд юрси пратъясыс лӱччисны джуджыд да паськыд кымӱс вомыныс, ковмыліс вештивны найӱс, мед эз мешайтны видзӱднысӱ.

Вӱлі шензӱдана, мый политруклӱн кельыд, весиг висысылӱн кодъ лӱзоват чужӱмыс, век овлысь стрӱг синъясыс вермӱны сӱтшӱм ӱна кыскыны ас дӱнас. Ми, курсантъяс, видзӱдӱм аस्या шондӱӱн югдӱдӱм комиссар вылӱ, и сійӱ миянлы тайӱ здукас кажитчис матысаӱн, асланым училищесаӱн.

— Ёртъяс! Боецъяс, командиръяс да политраб-
никъяс! Воис кад и миянлы. Сійӱс ми виччысим нин война заводитчӱмсянь...

Комиссарлӱн гӱлӱсыс ещӱ на чорзис, гораммис сӱтшӱма, мый ме повзи, мед эськӱ эз ор зӱвтчӱмысла.

— Да, ёртъяс, воис сійӱ луныс: талун ми первойысь мунам водзӱ. Вельмӱм враглы поводнӱя нин сюрис тӱян ёртъяссянь — орчча полксянь. Ме эска, мый и тӱ косӱданныд бур водзӱс Ленинлӱн кар вӱсна! Помнитӱй: ми не сӱмын зӱлям орӱдны блокада, но и отсалам налы, кодъяс дорӱӱны Сталинград, кӱнӱ решайтсӱ миян Рӱдиналӱн судьбаыс. Мед жӱ тӱян том да вынӱӱра киныд оз дрӱгнит, а кучкас вӱрӱглы веськыда сӱлӱмас! Ёртъяс, сӱмын водзӱ, эн жалитӱй фашистъясӱс, кодъяс мӱвпалӱны ленинградса уличаяс вылын гуляйтӱм йылысь!

Комиссарлӱн нывбабалӱн кодъ вӱснӱыдик чуныса кыыс поткӱдіс-вундіс воздухсӱ, сӱсся чабыртіс паськыд

кучик тасмасо, а синьясыс сюся видзодлісны гогор су-
лалысь йоз выло.

Здук мысти комиссар местаын сулаліс нин боец.
Миян серти оломаджык, ар комына морт. Тыдало, сійо
вөлі эз воом курсантьяс, а дивизияса красноармеецьяс
лыдысь. Та йылысь висьталісны и морос вылас вир вой-
төн ворсодчысь гвардейской значокыс, и турунвиж об-
моткиясыс. Боецлөн мышкыра да крепыд туша вылас
пелька пукаліс обмундирование, коссө топыда зэвтөма
брезент тасмаон, кытчө ошөдөма граната новлөдлан
сумкаяс. Гөлбсыс эз вөв комиссарлөн кодь мыла, петіс
быттьо кыскө пыдысь, морос пытшсыс.

— Ме Ленинградьс. Сэні вөлі семья: гөтыр, пи...

Красноармеец тшөкмуні, увлань копыртіс юрсө. Ло-
ис кызкө нелөсьыд, сьокыд сы вөсна, мый ленинградса
джөмдіс. Быдөнлөн видзөдласыс лэччис сапөг ныр вы-
лас, а ме кылі, кызди гөрдөдоны пельясөй, быттьо ящик
вылас вөліс эз төдтөм красноармеец, а ме ачым.

Но сійо ньөжйөник кыпөдіс юрсө:

— Төвнас пиөс чашнитіс снаряд, а гөтырөй куліс
тшыгысла.

И мыйлакө тайө здукас лоис кокни сьөлөм вылын.
Гашкө, сыысь, мый миян чужан местаясөдз ылын, мый
вөрөглөн кныс сэтчөдз оз судз. И сэк жө сьөлөм чепөльт-
мөн жаль лоис ящик вылын сулалысь красноармеец-
ыс, кодлысь семьясө бырөдіс война. Кусас война, лок-
тас гортас, а сэні некод... Со мыйла воисны пельөдз
ленинградсалөн бөръя кывьясыс.

— Ме нимкодяся сөмын сэк, кор аддза, кызди ловья
фашист пөрө шойө.

Ленинградсалөн дженъдык сёрниыс кыпөдіс думъ-
яс. Но век жө сьөлөмын скөрлуныс эз вөв. Тайө төдчис
и мекөд орччөн сулалысь ёртьяслөн чужөмьяс серти.

Летучөй митинг муніс водзө. Ящик выло кыпөдчыв-
лісны то өти, то мөд. Но найбс эз нин сюся кывзыны.
Первойсө кыммөм чужөма радьяс костті кокныдык төв-
ру моз котөртіс негора сёрни. Бокө тувкнитіс Сметанин:

— Чөртыс төдас... Ковмас регыд тышкасьны накөд,
а менам мыйлакө некутшөм лөг оз пет. И кинояс ад-
дзылі, и речьяс кывзылі, и газетьяс лыддылі, а...

— Таысь, Сергей, ми абу мыжаоьсь,— ышловзис Ва-
гин.— Видзөдтө, миянөс велөдлісны лоны мортөн, а не
морт виысьөн. И кызкө оз эскыссы, мый немец вер-
мас вөчны став сійөторсө, мый висьталөны сы йылысь.

Од и сійо — морт жё, коть эськё и враг миян... Интереснё ас синмён аддзывны сійос, чабыртлыны, видлыны кутшөмджык...

— И видлам!— кыв көрталіс Сметанин.— Чайтан, кутам юрөдыс малавны... Қод лешакыс корис сійос миян му вылө! А лөглуныд миян чужас на.

Воис комбат — ыджыд тушаа капитан. Ми сылысь эг на төдөй овсө: веськалім тайө батальонас некымын лун сайын. Картузыс — защитнөй рөма нойысь, морөс вылас Краснөй Знамя орден. Шуоны, нажөвитөма финскөй кампание дырйи на. Мичаа бритчөма, чав еджыд подворотничока, югъялысь гөленя сапөгъяса. Лөсьөдчөма быттө праздник кежлө. Комиссаркөд орччөн сійө восьлаліс строй водзті. Друг сувтіс өти курсант весьтө, индіс петлицаяс вылас:

— Мыйла гөрдөсь? Генерал али мый? Гашкө, окота видлыны снайперскөй пулялысь көрсө?

Но курсант эз шөйөвош:

— Ми ас му вылынөсь. Мед немец дзевсясьө.

Комбат нюмъөвтіс, сюся видзөдліс збодер зон вылө:

— Правильнө! Но петлицаястө век жө ковмас вежны. Олөмнад пудъясьны нинөмла. Старшина, пырысьтөм-пыр сет полевоёй петлицаяс!

Комбат, тыдалө, вөлі дөвөлен миянкөд паныдасълөм бөрын, гарыштіс старшөй политрук Левадалы:

— Бур боецьясөс мөдөдөмаөсь, комиссар! Татшөм зонъяссыд чөртыс повзяс! Кыдз думайтад, ёртъяс?— шыөдчис комбат батальон дінө.— Сетам ныр-вомас фашистлы?

— Сетам!— гораа вочавидзисны курсантьяс.

Летучөй митинг помасис, и ми вөрзим.

* * *

Писькөдчим сук вөр пыр, восьлалім пөрөм да нитшсялөм пуяс вомөн, кокъясөн изім трачкакылысь кос пу вожъяс. А гөгөр пуис тыш. Көнкө веськыд-вылын немецкөй снарядъяс чашйисны-нетшкисны мусө, сьөлөмтө көдзөдысь шыөн лэбисны минаяс. И сөмын кадысь кадө взрывъяс костас пельөдз өдва воліс пулемётъяслөн сяркөдчөм шыыс.

Сынөдын өшалысь немецкөй самолётъяслөн шумыс быттөкө личкис миянөс. Видзөдлывлім пуяс костті лөзалысь небесаө, корсим гөрд звездаяс машинаяс, но

найö эз тыдавы. А «юнкерсъяс» повтöг вöчисны асьыныс уджсö, дугдывтöг бомбитисны квадрат бöрся квадрат. Майбыр, налы некод оз мешайт, весиг поводдяс. Со мыйла сöдз арся небесаыс кажитчис мустöмөн...

Вöрти муним сьöрсөн-бöрсөн, восьсаинъясти вуджим котöрөн сорөн. И со бара вель ыджыд кушин. Тöдчис, мый тані неважөн на нöйтчöма-ветлöма ставсö бырöдысь кöрт гы. Кыдз цуясөн кышöм ляпкыдик траншеяын, брустверьяс вылын туплясисны чусыда лöсталысь немецкöй каскаяс, куысь вурöм ранецъяс, кыз лöжаяса тöдтöм винтовкаяс, виж рöмөн ворсöдчисны сiмны на удиттöм патронъяс да тыртöм гильзаяс, сэнi и тані тыдалисны уна пöлөс сера плащпалаткаяс, байкөвöй да ной эшкынъяс... Татi тöрыт пискöдчис водзö первойя эшелонысь орчча полк. Став сертиыс тöдчис — абу кокни вöлöма миян зонъяслы, но сюрöма пай вылас и фашистъяслы.

— Со эсылы весиг лентасö помавны абу сетöма-öсь,— шуис Сметанин.

Збылысь, восьса площадка вылын сулалис пулемёт, а сы бердын, пулемётлысь воропъяссö мынтöдтöг, куйлис немец. Бытьöкө ловъя, вот-вот восьтас би. Сöмын восьтысьсöма нин: каска увсьыс тыдалис петöм юр вемыс.

Фашистъяслөн шойяс пöвстын жö неуна вижöдыштöм гимнастёркаяса куйлисны и миян зонъяс. Сьöлöм чепöльтмөн шог вöли аддзыны найöс!

Лун шөр гөгөр батальон петис вöрысь баддьөн тырöм видз вылö. Тшöктисны кодйыны окопъяс. Ок, и мустöм удж! Мустöм сы вöсна, мый кодйысян, гашкө, весьшөрö. Сöмын перъян чехолсьыд зыртö, пиньтö мурч курччöмөн орьöдлан эжа, кызди бара нин тшöктöны мунны водзö. Сöмын и жаладдза видзöдлан весьшөрö вöчöм удж вылад.

— Чöрту!— ёрччыштис Вагин.— Ме бурджык шойчышта.

— Шойчы,— серöктис Сметанин.— Сöмын кор топöдасны бöжтö, эн суй сийöс менам ячейкаö.

— Тэ кодйысь, а эн больгы. Пырöдчы тайö мустöм трундаас му ош моз. А ме сэк коста вөр-ванас нимкодясьышта... Частö мөвпавлывла, мыйла гадьмисны киясöй. Мыйла эськө, Сергей? Мусö гудйöмысь. Кымын кубометр перйим училищеын велöдчи-

гөн! Воим татчө — бара жө муын лукйысям. Артыштны кө став армияяссө, фронтъяссө? Позис нин, гашкө, писькөдны не өти Москва — Волга канал! Но тэсө, Сергей, өни он весьшөрө тільсы: мыйөн вувзысыясны «юнкерсяс», ми дзедьям өтлаө.

Курсантъяс пиысь унаөн эз кодйысьны. Найө куйлісны неыджыд чукөръясөн, варовитісны, йирисны жмык плитаяс кодь гырысь рудзөг сукаръяс, сөйисны сола порсь гос, а медым кос вөлөгаис эз тасась горшас, юисны көдзыд ва. Өти кылөн кө, нуръяисны: өд кухняяс колісны бөрө. Эз весьшөрө вошты кадсө и Вагин. Черлыясыс сылөн веськыда ратшкакылісны.

— Куим лун кежлө сетөм «НЗ»-ыд, тыдалө, пома-сьө нин,— пөсьсө чышкаліг, чуткис Вагинлы Сергей.

— Зато тэнад вөрзөдлытөм на,— серөктіс Вагин.— Он жө өд удзөд ассыд другтө. Лөсьыд воюйтны тадзтө: нимкодясь природаөн да гыджгы сукар, не сөмын ассыд, но и другыдлысь.

Сергейкөд орччөн кодйыси ме. Но дыр мырсыны эз ковмы. Эжа пласт перйөм бөрын сөмын зыр судта и удиті кодйыны, кызди ячейкаө кутіс сөдзтысьны ва. Гөгөрбоксянь кылысь видчөм да ёрччөм серти гөгөрвои, мый и мукөдлөн делөясыс абу бурджыкөсь.

Вагин быттьөкө ваө видзөдөма: мыйөн нюждочи окопбокса эжа вылө, кыліс команда:

— Водзө!

Вагин чөвтліс миян вылө тешитчан видзөдлассө, тэрмасьтөг көрталіс вещьөвөй мешөксө, воысаліс, но сэк жө эз вунөд сүйны вомас ещө өти сукар:

— Ковмас кө трофейниклы видлыны мышкысь мешөксө, мед нин сійө лоө тыртөм.

— Эи сөр,— вомаліс другсө Сергей.— «НЗ»-тө колө видзны.

— Полан старшинаысь? Тани өд, джоджтө мыськөдны сійө оз вермы...

И со сьөлөмтө топөдысь мустөм команда:

— Воздух!

Ми бөруськөдчим муө. Шонді петөмсянь немецьяс бомбитісны орчча квадратъяс. Өни, тыдалө, воис и миян черед. Дас кымын «юнкерс» кежисны трассасыс, кыті лэбавлісны өнөдз, да мөдөдчисны миянлань. Йөз топөдчисны ляпкыдик ячейкаясө, сэтысь чурвидзисны-тыдалісны сөмын вещьөвөй мешөкъяс ли-

бө вывлань чатөртөм каскаяс. Быдөнлөн ветліс юрас мөвп: гашкө, оз казьяны, гашкө, лэбзясны водзө, гашкө, ускөттёбыс кытшовтас. Но оз тай сідзи век овлы, кызди тэныд колө. Со нин медводдза «юнкерс» включитіс сирена да варыш моз уськөдчис мулань, веськыда орчча рота вылө. Ме арталі, кымынөд «юнкерс» шыбитас асьыс «гөснечсө» миян юр вылө. Артмис витөдыс либө квайтөдыс.

Шуоны, мый позьө велавны и бомбитөм динө. Одвакө. Велавны, гашкө, и позьө, но лоны спокойнөйөн он вермы. А медясө сы вөсна, мый тэ немтор он вермы вөчны, медым водзсасыны небесаын шывьялысь смерткөд. Со и өні ми куйлім да видзөдім, кызди некодысь повтөг шыблалөны «юнкерсыяс» бомбаяссө миян ляпкыдик окопьяс вылө, кытчө весиг бурджыка дзебсыны он вермы. Мустөм лоис лөз небеса, а сэсса заводитіс петны сы вылө лөг. Окота вөлі лөкысь горөдны:

— Мыйла тэ лэдзан юкйөдлыны асьтө рытиввылысь воөм кырнышьяслы?

А збыль вылас, мый вермис вөчны небеса, кор весиг ми — специальнө велөдчөм йөз — вынтөмөсь.

И абу шензяна, мый юрө воисны татшөм мөвпьяс. Од ми вөлі велалөмаөсь аддзыны сөмын сэтшөм небеса, көні павьялөны-лэбалөны бобувьяс, дзизгөны музд төдлытөм малязияс, жбырьялөны лэбачьяс...

Матө усьөм бомбаысь пельяс чунавлісны, пөсь сынөдлөн гыс швачкис-кучкис чужөмө, сэсса сьяк-муніс вылысө сьөд няйт. Кор нө тайө помасяс? Со «юнкерсыяс» заводитісны пикируйтны мөд пөв... И сэки синьяс улө усис Вагин. Сійө пукаліс куст бокин да лыйліс патрон бөрся патрон. Гимнастөркаыс, каскаыс, орччөн куйлысь шынель скаткаыс, весиг куст вожьясыс — ставыс резсьөма трунда сора кизьөр сьөд няйтөн.

Первойя шөйөвошөм прөйдитіс, му кутіс щөтьясны винтовка да ручнөй пулемөт ствольясөн. Мөд пөрья миян вылө вувзысьысь кырнышьяслы воча качисны трассирующөй пуляяслөн визьяс. И кор кияс чабыртісны винтовка да кутісны вөчны төдса делө, лоис пыр жө кокныдджык. Но немецкөй самолөтьяслы пуляясыс эз мөрччыны, а, колөкө, тэрмасигад ми лыйлім кызд веськалө, медым сөмын ышөдны асьнымөс. Кор найө лэччылісны му бердөдзыс, асла-

ныс пулемётъясөн сяркөдчиг, ми аддзылім немецкөй пилотъяслысь мустөм ныр-вомъяссө. Матынөсь да он босът. Сөмын на вишкан, лөсьөдчан лыйны, а самолётыс мышкад нин, муөдзыс волас сөмын сыөн поткөдөм сынөдлөн гыыс.

— Воис сьөлөм вылад концертыс?— матыстчис ме діно Вагин, кор медбөръя «юнкерс» бомбаяссө шыбитөм бөрын веськөдчис рытыввывлань.— Вытьөс сөмын торкисны: сукар джынйөс кытчөкө уськөді...

Қыпөдчис аслас окопысь Сметанин. Кельыд чужөм вылас мыйкө нюм модаа, быттьөкө пинь висигөн векуштчөма. Сергей индіс юрсяныыс да кок улөдзыс няйтөсьсөм Вагин вылө:

— Вөлөгдаса тшап морттө поэю ылісянь төдны... Зато кийс эз гаддьөссы.

— Эн жерйөдлы, Сергей, пиньтө,— вочавидзис Вагин.— Не кө тайө нюрыс, өдвакө тэнө гуранторйыд мездіс. Ме өд видзөді: бомбаыс вөйө трундаас да сэн нин потө, көрт торпыриг пыдди няйтсө резө.

Збыльысь, бомбитөмыс ыджыд лөксө эз вай, не кө артавны пуляясөн дойдөм некымын мортөс. Окопъяс пөлөн тэрыба восьлаліс взводнөй — младшөй лейтенант Колесников да видчис:

— Мыйла лыйлад трассирующөй пуляясөн? Өд на серти сійө вермас казавны, көні ми куйлам...

— Дзевсясьөмысь ворсны али мый?— скөрмис кодкө курсантъяс пиысь.— Сідзкө, эз ков тшөктыны лыйлынысө, мед нырисны миянөс.

Колесников стрөга видзөдліс курсант вылө, лөсьөдыштіс асьыс быгалөм пилоткасө, коді тешкодя пукаліс быгалөм жө юрси вылас, кыпөдіс чуньсө зон ныр водзө:

— Салдатлы весь овны оз поэю. Салдат лыйлө — сідзкө, сійө салдат. А энөвтчис делөысь — пыр жө ачыс пөрө мишеньө. Гөгөрвоин? Эз өмөй висьтавлыны та йылысь училищеад?

«А өд Колесниковлөн кывъясыс — збыльысь зарни»,— мөвпалі ме олөма нин тайө мортыслысь неуна мышкыртчөм мыгөрсө синнам колльөдіг. И мыйлакө окота вөлі эскыны, мый армияө веськавтөдз сійө, дерт, вөліс учительөн. Мөд делөөн ноксысь мортлөн эз вермыны лоны татшөм төлка да быдтор казаялысь синъяс, кодъяс быттьө сідзи и писькөдчөны тэнад лов пытшкө.

Сөмын на удитім прѳйдитны водзлань некымын дас метр, кыдзи мян вылѳ вувзъысисны выль «юнкерсъяс». Кодысыны вѳлі некор нин. Йѳз водалісны, кодї кытчѳ веськаліс. Сынѳдыс бара сукмис сиренаяслѳн омлялѳмѳн, бомбаяслѳн шутьлялѳмѳн, мулѳн съѳкыда ружтѳмѳн... Виддзыс тырис съѳд фонтанъясѳн, вывлань качысь пу вожъясѳн, вужнас бертыштѳм да кытчѳсюрѳ шыблалѳм кустъясѳн. Корсюрѳ кывліс взводнѳйлѳн жебиник оръясян гѳлѳсыс:

— Фашистскѳй самолѳтъяс кузя бронбойнѳйясѳн... Лыйлѳй корпус вылѳ водзѳджык...

Кутшѳм нин сѳні корпус, кор самолѳт пыдди син водзад здук кезлѳ усьлѳ сѳмын немецкѳй пилотлѳн маска кодъ чужѳмыс. Кутшѳм нин лыйлѳм, кор тѳ синъяснад шардлан-корсян неылысь сѳмын на артмѳм воронка, кытчѳ сѳдзтысьѳ кизьѳр нуйт, да зїлян саймовтчыны сѳтчѳ. И кѳть мед гѳрд звездаа ѳти истребитель! Сынѳдас сѳмын съѳд крестъяс да маска кодъ еджыд чужѳмъяс: то векуштѳчѳмаѳсь лѳгысла, то зывѳкпырысь нюмъялѳны.

Но быдторлы овлѳ пом. Медбѳръя «юнкерс» веськѳдчѳ рытивыввлань. Ми сувталам, весиг ог пыркѳдчѳй, неуна шѳйѳвошѳмѳн видзѳдам ѳта-мѳд вылѳ, зїлям шпыньмунны: чунавлѳм пельяс нинѳм на оз кывны; нимкодясям, мый вермам чѳвтлыны видзѳдлас этайѳ мустѳм небесаас, вермам кыскыны морѳсѳ тротил кѳрѳн сорласьѳм нуйт дука сынѳдсѳ.

Сѳмын тай шудыд оз ветлы быдѳнкѳд орччѳн. Со орчча взводын, сѳмын на артмѳм воронка дорын, ноксьѳны некымын курсант, кыпѳдѳны ассьыныс виѳм ѳртнысѳ, а насянь неылын туплясьѳ некодлы нин ковтѳм чегѳм грифа гитара, кытчѳ кѳрталѳма ыджыд алѳй бант. Тыдалѳ, мянлы некор нин не кывзыны съѳлѳмтѳ югыд шоглунѳн тыртысь лермонтовскѳй романслысь шыяссѳ. Та йылысь казтылѳны оръясьѳм струная, та йылысь висьталѳ чегѳм гриф, та йылысь горзѳ няйтчѳм алѳй бант.

— Водзѳ!— кыліс команда.

Вѳрзѳдчим тѳрыба, медым ѳдйѳджык вешйыны тась, кытчѳ ми колим асланым олѳмлысь неыджыд юкѳн, а кодсюрѳ и дзоньянас олѳмсѳ. Но бара воисны «юнкерсъяс», и бара заводитчис налѳн шуштѳм сыланкывйыс.

Кор волас талы пом? Он весиг казьяв кадыслысь

визувтѳмсѳ. Буракѳ, лун шѳр нин. А заводитисны бомбитны асылын... Уна-ѳ ми прѳйдитѳм водзѳ? Верст, верст джын али этшаджык? Медводз петѳс терпение-сьыс Вагин. Сѳйѳ чеччис мусьыс да заводитѳс кулакнас грѳзитны небесаас, горзыны-видчныы, кѳть, тѳдѳмысь, и ачыс асьыс гѳлѳссѳ эз кыв.

Ми Сметанинкѳд зѳлим личкыны сѳйѳс муѳ. Но тайѳс вѳчны эз вѳв кокни: Миша быд ногыс водзсасис, бытѳѳ ми сылы лѳкѳс кѳсйим. Кор сѳйѳ сайкалыштитѳс, воис Колесников. Взводнѳй донъялис зонмѳс тѳлка видзѳдласнас, вѳсьтитѳс да мыччис флягасѳ:

— Ньылышт гоз-мѳдысь. Тянлы эськѳ оз на позь, но татшѳм исключителънѳй случай дырйи — тшѳкта.

Взводнѳй видзѳдлитѳс Вагинлѳн неуна сырмысь ки вылѳ, ѳся чурвидзысь тарган вылѳ, кодѳ юигас ветлитѳс ѳтарѳ-мѳдарѳ, но немтор эз шу. Синъясас вѳлѳ дзѳбны вермытѳм жалитѳм. Косѳник чужѳмыс тайѳ здукас ропмунѳ-чукрасис. Миян водзын сулалѳс эз младшѳй лейтенант, а олѳма опытнѳй морт, кодѳ майшасис сы вѳсна, мый эз вермы сетны миянлы кола-на сѳвет. А, гашкѳ, лыддис, мый кывъясыд татчѳ оз ковны...

— Тѳдад норма. Тайѳ бур! — нюмдѳс Колесников флягасѳ тасмаас пысалиг. — А мортыд, другъяс, винѳв, быдтор ас вылас нуѳ. Ме со, мед оз ло ошйысьѳма, коймѳд война вылын нин. Германскѳй, гражданскѳй, сѳсься со бара германскѳй. Но, кызди асьныд аддзад, ветлѳдла на му вывтѳыс. Зѳв ѳна радейта сѳйѳс. Со и видзѳ сѳйѳ менѳ мам моз.

— Тѳ учитель? — юавсис мѳнам.

Колесников гажѳаа нюмдѳс:

— Плешѳ али мый гижѳма? Гашкѳ, амуницияыс мѳс вылын седлѳ моз пукалѳ? Тадзи гижѳны литераторъяс штатскѳйяс йылысь, кодъяс нем виччысьтѳг лѳѳны кадрѳвѳй военнѳйясѳн.

Чукѳртчалѳсны курсантъяс, кывзысисны взводнѳй гѳлѳссѳ. А меным мыйлакѳ лоис вывтѳ нимкодѳ, кор кылі вѳча кыв, кутшѳмѳс и кѳсйи:

— Двойкаястѳ эг этша пуктавлы. Торйѳн нин эз радейтлыны менѳ Вагин кодъяс...

Но Мишалѳн чужѳмыс югдѳс пытшкѳсса радлунѳн:

— Прѳститѳй, гвардияса младшѳй лейтенант ѳрт.

Ме о́д радейта жо мутó, кóть эськó сийó и абу сэтшóм мелі. Лекарствосы́д аттьó. Водзó, чайта, татшóм-торйыс оз ло. Тия́нлы сетó кыв вóвлóм курсант, а óнi гвардияса радóвóй Вагин.

— Мыйла сэтшóм официальнойя? Ме э́ска.

— А век жо óбиднó,— быттьó аслыс шуыштіс Вагин.— Юртó оз лэдзлыны лэптывны, а отсóг некодсянь. Тадзтó ми ловъя фашисткóд огó и паныдасьлóй.

— Бурджык, дерт, не паныдасьлыны,— вочавидзис взводнóй.— Но сы вылó ми и танóсь, мед сетны фашистъяслы ныр-вомас да сідз, медым эз вермыны э́сся сувтны кок йылас.

Колесников бара шпыньмуни:

— Ме торйоннин «радейтлі» велóдигон сэтшóм зонкаясóс, кодьяс оз вермыны прóйдитны нывка бокті сийóс кóсаóдыс нетшышттóг. Вóвлi, да? Óнi кó эськó, пóжалуй, мóд ног вóчид, да кысь, кóсаясыд ылынóсь тасянь.

Зоньяс ордчывтóг видзóдисны Колесников вылó, вашкóдчисны. Налы окота вóлi, медым эськó помтóг кыссис тайó муса сёрниыс. На вылó быттьó койыштісны ловзбóдан ва: синъясыс гажмисны, чужóмьясыс банйисны.

— Ме рад, мый ті заводитінныд скóрмыны,— водзó нуóдис мóвпсó взводнóй.— А кор воинныд миян дивизияó, мем кажитчис, мый ті кужад лóгавны сóмын учителяс да нывкаяс вылó. Кодсюрó, гашкó, ещó дóзмóдлісны пон-каньóс.

Курсантъяс серóктисны.

— Помнитóй, медым вермыны врагóс, колó лóгавны сы вылó. Тайó ёна отсалó.

Э́сся ми бара мóдóдчим водзó. И сэк жо сынóдын тыдовтчисны «юнкерсъяс». Но óнi найó лэбисны неуна шуйгавыв.

Лои гóгóрвоана, мый немецъяс аддзóны миянлысь быд воськов, быттьó куньсьывтóм синмóн видзóдóны миян бóрся, а кодлóнкó тыдавтóм кыс дирижируйтó немецкóй авиацияон, зільó сувтóдны курсантскóй батальоньяслысь водзó мунóмсó, шочмóдны налысь радъяссó немецкóй салдатьяскóд паныдасьтóдз.

Воддза луннас на, кор орчча полк ордис враглысь оборонасó, немецкóй авиация эз вóв. А талун со оз сет юр кыпóдны. Сідзкó, кыськó сийóс вайисны,

сідзкѳ, повзисны, мый ми вермам ѳтлаасьны Ленинградскѳй фронткѳд, косявны блокада. Вот и уськѳдисны мян вылѳ авиация, а сѳсся кыськѳ ваясны танкъяс. А, гашкѳ, виччысьѳны нин мянѳс эсѳйѳ неылын тыдалысь вѳр дѳнас?

Но такѳд тшѳтш мян сьѳлѳмьясын первойсѳ заводитѳ чувавны, а сѳсся яра ѳзѳис радлун сы вѳсна, мый воча сулалысь татчѳс немецьяслѳн эз тырмы ни сямлуныс, ни удаллуныс сувтѳдны мянѳс, и налы ковмис корны кыськѳ отсѳг.

Сідзкѳ, ѳдѳйѳджык водзѳ, медым дойяссѳ нюлысь вѳрѳг эз удит чукѳртны виль вын-ѳбѳс. Но сѳки жѳ ми гѳгѳрвоим, мый батальонлѳн водзѳ мунѳмыс надзмѳ, воськовьясыс быттьѳ падьялѳны. Тайѳс эз вермыны дзѳбны ни взводнѳйяс, ни ротнѳй — лейтенант Костенко, томиник, но збодер командир, кодѳ воуйтлѳма нин. А сѳсся и рота дзикѳдз водѳс. Кустьяс сайѳ дзѳбсясиг, связнѳйяс котѳртѳсны корсьны сусѳдьясѳс — орча ротаясѳс. Кѳнѳсь найѳ? Водзынѳсь али бѳрынѳсь? Мян моз жѳ водѳсны али восьлалѳны водзѳ? Сідзкѳ, орьясьѳмаѳсь йѳтѳдьяс и сусѳдьяскѳд, и батальонса штабкѳд.

Югьялісны зырьяс, курсантьяс лоины пыр тыдавтѳмѳсьджык. Бур, мый веськалім веретяѳ. Абу сѳтшѳм васѳд. И сѳки тѳвзыштѳс салдатскѳй почталѳн сьѳлѳмтѳ нюкыртысь юѳр: батальонлѳн штаб вылѳ веськалѳма бомба.

Та йылысь меным шѳпнитѳс Сергей. Тыдалѳ, сѳки мѳнам чужѳмѳй вѳлі Сметанинлѳн кодь жѳ коньѳрник, шѳйѳвошѳм. Мыйла нѳ либѳ сѳтшѳм жалѳтѳмѳн видзѳдліс ме вылѳ сусѳдѳй — мугов чужѳма да сѳтѳр кодь синьяса казах Алим Аралбаев? Водзѳ ставыс артмис сѳтшѳм ѳдѳйѳ, мый весиг эгѳ удѳтѳй гѳгѳрвоны, кыдзи тайѳ лоис. Мян водзын, некымын дас метр ылнаын, сука быдмисны кустьяс, а на сайын тыдалѳс козья вѳр. Сѳтчѳ асмогасьны котѳртѳсны кыкѳ-куим курсант.

И пырысьтѳм-пыр жѳ чѳвсѳ поткѳдѳс гранаталѳн потѳм шы, сѳсся мѳдлѳн. Кустьяс пѳвстысь чеччыштѳс курсант:

— Вокьяс, немецьяс!.. Немецьяс!..

— Эн сѳр! — горѳдѳс сылы Колесников. — Кысь найѳ воисны? Мян водзвылын полк...

Взводнѳй эз удит помавны ассьыс видчѳмсѳ: кусть-

яссиянь сярöбтис автомат, сэссия мöд, коймöд... Миян-лань котöртысь курсант джöмдис, тешкодя öвтыштіс кияснас, быттö кöсийс кутчысьны сынöдас, сэссия ньöжйöник лэччысис муас. Сійö жö здукас кустьяс пöвстысь тыдовтчисны йöз.

И мыйлакö сэки син улö усис вөр-пуяс сайö пуксьысь шонді. Сійö вöлі мырдгöрд рöма. «Рыт нин тай,— воис юрö татшöм здукас ньöти лöсвятöм мöвп.— Кор и колис луныс?»

Пöшти орччөн пель чунöдмөн сярöбтис «максим». Сы бöрын нин кыліс взводнöйлөн гöлöсыс:

— Взвод, огонь!

Ме чöвтлі синъясöс öтарö-мöдарö, но Сметанинысь, Вагинысь да Аралбаевысь кындзи, некодöс эг аддзы. Ыркмунис сьöлөмöй. Көнөсь нö Калинин, Атяшкин, Зубров да мукöд курсантъяс? И сэки аддзи налысь мышьяссö, кодьяс вöлі нин бердöны бөрвывса посныдик пуяс да кустьяс сайö. Кодсюрö ризöдисны-котöртісны весиг скаткаястöгыс да каскаястöгыс. А неуна бокинджык, öти кокнас чотіг да пистолетнас грöзитчиг, вöтчис на бөрся ротнöй — лейтенант Костенко. Тыдалö, кöсийс сувтöдны пышйысьясöс, но ранитчöм кокнас эз вермы вöтöдны. И сійö вöчис сэссия, мый лыддис коланаөн: сувтіс, веськöдчис, быттö «смирно» команда бöрын, матыстіс пистолетсö кöсича бердас... и лизмуни-уси кузь турун пиö. Лыйöм шыыс пельöдз эз волы: орччөн лентаясысь патрон бөрся патрон сёйис «максим».

«Пышйыны кö,— кодкö быттö тойыштіс менö,— позьö на, но здук мысти лöö нин сёр...»

Видзöдлі Сметанинлань да Вагинлань. Найö тэр-масьтöг, быттö стрелбище вылын, лыйсисны орччөн кодйöм ляпкыдик окопянь. Ас вылö пузис лёкöй, лоис яндзим. Кысь вооны юрö татшöм мöвпьясыс? Врагыс кö, кыз шульвлö мам, тойлö-а? Колö кутчысьны тані, кытчöдз миян оз бергöдчыны бөр. Оз вермы лоны, медым найö эз сайкавны!

А кутшöм любö вöлі кывны орччөн «максимлысь» гажа гöлөссö. Расчөтыс тöдтöм, абу миян училищеса курсантъяс. Но ме дась вöлі ошкыштны найöс: сэтшöм тэрыба найö личкисны муас миянлань котöртысь не-мецьясöс. Фашистъяс эз удитны весиг воны усьöм курсант дінöдз. Ёртным колис ми да на костын.

— Эй, вокьяс!— шыасис сусед-пулемётчикьяс дінö

Вагин, кор кыкнанладорсяныыс ланьтис лыйсьомыс.—
Ті кытысьось? Кыдзи нимтоны тиянос?

— Куйбышевской училищесы, — кылис збой воча
кыв.— Кыкнанным Иваньяс.

— Мый но эн вотчой асланыд ертьяс борсяйд?

— Видлы татшом сярганнас котравныд. А энотныс
жалы: немецьяслы киас сюрас, ошйсыны кутасны
фюрерыслы.

А сэсса серъезной нин:

— Патронным сомын вот этша. Вайыштуй...

Немецьясладорсянь кылис куимысь тюростом: ту-
рун повстысь, вутшьяс костысь, кустьяс сайысь чеч-
чыштысны салдатьяс, лэчысь шондилон югорьяс улын
налон порт кодь джуджыд каскаясыс ыпнитисны-оз-
йисны гордоват ромон, вуджорьясыс кутисны воны
пошти миян окопьясодз. Но кык Иван пыр жо бор
водтодисны найос.

Мышкын кылис турунлон кышакылөм, вирснिति-
бергөдчи: кысысь Колесников. Дзормыштом юрси
пратьясыс петомаось быгалом пилотка увсыс, ляс-
кысьомаось посялом кымөсас, гимнастерка юрйылыс жан
восьса, чужомыс руд, няйтысла ли, порок тшынысла
ли, но синьясыс гажаось, сэни быттьо мутыас чечча-
лоны.

Сийо лэччис тыртөм окопо, коди воли ме да пуле-
метчикьяс костын. Вагинос пыр жо ыстис вала, ме-
дым позис вежны «максим» кожухысь васо, индис
пулеметчикьяслы вель позиция, тшоктис сетны налы
лишней патроньяс, кодьяскөд татшом кадө сыокыд
торйөдчыныто, проверитис, дасьтома-ө гранатаяс.

Ми кокныдика ышловзим, быттьокө веськалим
асланым бательон паськыд мыш сайо. Ещө нин до-
лыдджык лоис, кор Колесников висьталис, мый орчча
взвод места вылас. Они позьо и колө кутчысыны тани
пемдытодзыс, а сэки тыдовтчас, мый вочны.

Немецьясладорсянь кылис рочон горөдом:

— Сетчуй! Ми унаон, а ти этшаонось!

Воча кывсо налы сетис «максим». Ме чошкөди
пельясос: кысянко вель ылисянь, веськыдывы фланг-
сянь, «максимлы» кутис отсасыны миян ручной пуле-
мет.

Сметанин эз вермы терпитны да шыбитис гра-
ната. Но сийо ратшмунис-потис вель на ылын сэсянь,
көни, миян чайтом серти, колө воли лоны немець-

яслы. Колесников өлөдiс Сметаниннөс боеприпасъяс
весьшөрө видзөмысь да содтiс:

— Кывлiд? Тайö «дегтяревыс» орчча взводлөн.

Сiйö жö здукас пельөдз воис минаяслөн зывöка
омлялөмыс.

Трах! Трах! Трах!

Сэссия ещö залп, ещö и ещö... Но шуд вылө минаяс
потласисны миян дорö вотöдз.

Шондi лэччис, заводитiс öдiйö пемдыны. Чöv олим
ми. чöv олисны и немецъяс. Сэссия наладорын öзiйс
бипур. Сiйö вöли ёна ылын. Но ми бура аддзим,
кыдзи сылөн кыаыс югдöдiс матигögöрсa кустъяс, сэни
вуджрасъысь йöзöс. И со нин бипурыс ыгнитiс мый
вынсьыс: тыдалö, койыштiсны бензин.

А ми пукалим нейджыд окопъясын да чöv олим.
Бипуртö позис на терпитны, но миян сьөлөмъясным
дзикöдз пондiсны потны, кор пельясöдз воис вомөн
ворсан гудöклөн шыыс. И ворсiсны найö эз кутшөм-
кö ассыныс сьыланкыв, а буретш сiйöс, кодöс ми
сыввлывлим училищевын мудзөм бöрын стройөн вось-
лалiг, медем кокныдджык вöли муннысö. Юр вемö
биа емъясөн писькöдчисны тöдса кывъяс:

Выходила на берег Катюша,
На высокий, на берег крутой...

— Гадъяс!— мый вынсьыс горöдiс Вагин.

Сiйö жö здуко кузя эрыштчис миян «максим».
Кор лентаыс помасис, кылис немецъясладорсянь се-
рам.

— Ок, эськö миномёт кö вöли!— жаляддза шуис
Колесников.— Көть куим «огурчик»... Позьö сёйны
«НЗ»,— содтiс сэссия.

— Сiйö кузь туйсын нин,— ышловзис Вагин.

— Волöй татчö, сюрас кымынкö сукар,— вочавидзис
Колесников.

Недыр мысти Вагин да Сметанин вуджörtiсны ме
дiнтi. Кылис нума-намакылөм. Мый йылысь кö найö
вензисны. Сэссия Колесников чукöстiс и менö. Вөлөм-
кö, Сметанинлы воöма юрас мөвп: сибöдчыны миян да
немецъяс костын куйлысь курсант дiнö да кыскыны
сiйöс татчö.

— Мыйөн тэ думайтан?— скöралiс Вагин.— Юр-
над али казенной юкөннад? Сiйö небось важөн нин
мöдар югыдас.

— Ме эг ылав,— кевмысис Сергей.— Неважён на сылён лөвтöмыс кыліс. Вермасны немецъяс кыскыны.

— Сійö тэнад земляк? Вок?— эз сетчы Вагин.

Ми заводитім кывзысьны.

Немецъяс дорсянь кыліс гудökөн ворсöм, корсюрö сэн кыптывліс серам, а орчöн — мяян волжана-пулемётчикъяслөн ноксьöм шыыс. Вагин скöрысь вашнитіс налы:

— Ланьтлад ті али онöй? Юр вылад «öгурцы» шнёпкас.

Ноксьöм лөнис. Но некутшöм лөвтöм, не кö артавны менам киса часілысь тічкöмсö, эз кыв.

— Со... со, лейтенант ёрт,— шöпнитіс Сергей,— бара...

— Кажитчис, тыдалö,— вензис Вагин.

— Эн мешайтчы!— дözмис Сметанин.— Эн пов, ме öтнам ветла. Кылан?— Сергей чабыртіс менсьым пельпомöс:— Со, со бара...

Сыланьысь, кöні колö вöлі куйлыны курсантлы, збыльысь кыліс мыйкö ымзöм ли лөвтöм.

Сергей ырситіс местасьыс, но Колесников кутіс сійöс:

— Ветлöй Зарубинкöд. Срок — час джын.

— А ме?— чуть эз горöд Вагин.

— Ми кутам биён видзны найöс, ковмас кö.

Сергей муніс водзвылын. Пöшти некутшöм шытöг. Вель дыр мысти сувтовкерис, сэссия водіс, заводитіс кысьыны. Сійö вошис дьöгöдь кодь пемыдас, сöмын кыліс турунлөн шура-шаракылöмыс. Ориентируйтчим водзын öзйысь бипурлөн кустъяс вывті тыдалысь кыанас, коді ньöжйөнник коліс шуйгавыв. Кöнкö матын нин курсант. Но мыйлакö ымзöмыс эз кыв. А, гашкö, сійöс кыскисны нин. Тадзтö поэö и немецъяслы веськавны. Налөн, дерт, эмöсь секретъяс. Кутісны зöлитны кöтасьöм пидзöсьяс да гыррдзаяс. Сотчöны дай ставыс. А Сергей уйö и уйö. Со сэссия ланьтіс шура-шаракылöмыс. И ме чужöмөн зураси сылөн сапöгö.

— Юра, сійö кöнкö тані,— шöпнитіс Сметанин.— Кыссьыв шуйгавыв, а ме мöдарö. Эн ылöдз сöмын...

Немтор оз тыдав. Кöть синмад чунь сүй. Ки улын уль му, няйт, сэссия ва. Тыдалö, воронка. Кытшовта сійöс. Кöть нин мед немец лэдзис ракетасö. Ылөдз-ö нин кысси? Бергöдчыны-ö абу?

И сэки гөгөрвои, тани абу отнам. Тадзи овло, кор пемыд вежосын узьысь вөтын моз кыло кодоско боковойос, зэв ковтом мортос. Тодо — сийо орчча, сыодз позьо инмодчыны кинад, но шемосмомысла сойыс оз кыпав. Мыйко та модаа они лоис мекод.

Қынми места выло: кыско водзладорысь ясыда кыли турунлысь шура-шаракыломсо. Трачмунис куст вож. Со и модарын... Тайо абу секрет. Буракo, разведка. А, гашко, усьом курсант динo жo кысьоны? Колo борынтчыны. И ме вoча тайос. Кони Сергей? Кысь они аддзан сийос? И сэк жo шоныда овтыштис пельo гораа шoпком:

— Бытьo трактор. Лoньджыка, Юра!

Отлаасим. Менам и збыльысь тырoма лолoй. Со-мын они казяли.

— Документьяссo босьти,— содтис Сергей.— Эштoма нин...

Ме висьталi, мый матын, буракo, немецкoй разведка. Сергей чошкoдис пельяссo, юалис, казялисны эз найo менo.

— Oдвакo,— вочавидзи ме.

— Вай гoститoдам гранатаясoн!

Дыр думайттoг сидзи и шуим вoчны. Куйлим орчoн. Мыйлакo дугдис гудoкoн ворсoм. Эз нин тыдав и бипурлoн кыаыс. Буракo, немецьяс век жo мыйыскo повзисны. Лoньбысла пельын тиньгo. И друг кок шыяс. Вошлoны, сeссия бара. Вошлoны, сeссия бара. Ме тувкнити Сергейлы. Oдва кывмoн трачкoбтис лимонкалoн ударникыс, сeссия мoдлoн... Пoшти oтпырийo лыбисны кык би сюрья, грымoбтисны взрывьяс. Бытьo кино кадрын, ясыда тыдовтчылисны шoйoвошoм нель морт, сeссия кылис лeкысь чирoстoм, сы борын равoстoм. Сидзкo, веськалим. Но нимкодясьны некор. Уськoдчим ас йoзлань.

Но недыр мысти миянлысь туйнымoс потшисны би сюрьяяс. Борывсянь лeбысь виль минаяслoн омлялoмыс бытьo плетялис миянoс. Трах! Трах! Трах! Орчoн мыйкo ызмуни.

— Сергей! Тэ!

— Ме, Юра,— вочавидзис Сметанин.— Лешакыд, воронка вoлoма! А лoсьыда ми найoс oжгим!

Водзын и борын ыпнитлысь бияс eрoны синьяс, а сeссия сап пемыд. Кoть бoрд, немтор он аддзы. Трах! Трах! Трах!

— Сергей!

— Ловъя на, Юра, сѡмын тай кѡтаси. Ми тадзи жѡ коркѡ пышйивлѡм анькытш му вылысь... Юра, эн-
лыв...

Казяли: Сергей кольчѡ. Кватитѡ киѡдыс, но сѡйѡ
шнѡпкысис-усис.

— Юра, лѡдз лолыштны, ог вермы...

— Зарубин! Сметанин!— кыліс Колесниковлѡн гѡ-
лѡс.

Здук мысти мекѡд орчѡн Сергей весьтѡ копырт-
чис Вагин:

— Серѡжа, ѡтнад сѡтшѡма шумитѡн. Чеччы ѡдѡй-
джык, бѡрынтчам, а то сѡр лѡѡ.

— Энлѡй, ачым,— Сметанин заводитліс пидзѡсча-
нясьны, но бѡр лѡдзіс.— Мыйкѡ морѡсын... И кынѡм
сотчѡ.

Плащ-палаткаѡн вевттысьсѡм бѡрын Колесников
ѡзтіс электрической пѡнар. Сергейлѡн морѡсас, шуйга
нѡньсьыс неуна улынджык, тѡдчис неыджыд розь.
Быд лолыштѡг сѡтысь пычмунліс вир. Разим пакетъяс,
гартлім кыз кужим.

— Тайѡ немтор,— шуалис Сметанин,— куйлышта вот,
сѡсся чечча.

Нюжмасьны оз позь. Ме кѡшельѡдѡ Сергейѡс.
Сѡйѡ топыда кутчысис голяѡ. Вѡрзим. Водзын Аралбаев
да Колесников, сѡсся волжана-пулемѡтчикъяс, на бѡ-
рын Вагин да ми Сергейкѡд, медбѡрын — ручнѡй пу-
лемѡта кык курсант. Тувччалѡм кыв ни джын шутѡг.
Пыр ылѡджык и ылѡджык колисны небесалань кач-
лысь ракетаяс, налѡн югѡрыс лоис чусыдджык и чу-
сыдджык, а сѡсся и тыдавынѡ эз кутны.

Сѡѡкыд восьлавны, кор вылысад ранитчѡм морт.
Содтѡд лѡѡ виччысьны, мед эськѡ не дойдавын сѡйѡс.
А видлы тайѡс вѡчны, кор кокъяс улад бур туй пыдди
то вутшъяс, то мылькъяс, то ва тыра гѡпъяс, кодъяс
артмѡмаѡсь нин снаряжъясѡн да бомбаясѡн кодѡм во-
ронкаясѡ. Сергей, дерт, гѡгѡрвоис тайѡс, крепитчис,
весиг эз ѡйѡстлыв. Сѡмын корсюрѡ юавлывлѡс, ѡна-ѡ
сѡѡкыд меным.

Мунѡм нѡѡжѡйѡ, сувтлывлѡг да кывзысиг. Сергей-
ѡс нуим то ме, то Вагин. Ѳти пѡрѡйѡ, кор ми вежсим
Вагинкѡд, юалѡ ручнѡй пулемѡта курсантъяслысь,
кыз найѡ веськалісны миян дѡнѡ. И кутшѡма кутѡс
дивѡѡй, кор тѡдмалѡ, мый миянѡс веськыдыв фланг-

сянь видзёмаось сөмын найö — кыкөн. Сэні некутшөм взвод абу вөлөма. Кор курсантъяс уськөдчасны пышйыны, найös кыкөнös сөмын и удитөма сувтөдны младшөй лейтенант Колесников.

— Со и пукалім пемдытөдзис,— быттö дорйысисны найö.— А кор кутісны пемдөм бөрас кытшавны, локтім тіян дорö.

Мукөддырйи и ылөдчөмыд отсалö. Ме ньöти эг дивит таысь Колесниковös. Эз кө пөръяв, мый матын дзонь взвод миян сулалö, ми эськө, гашкө, эгö и лысьтлөй немецъясыдлы воча петавны.

— Винегрет артмис,— ышловзис мөд пулемётчикыс,— нем виччысьтөг зурасим, шөйөвошим... Тыдалö, водзын мунысь полкыд абу нин вөлөма, а ми эгö төдлөй...

— Ланьт нин!— кодкө вомаліс сійös.

Пемыд. Чөв. Сөмын болскöны кок шыяс.

Дум вылө усис Костенко, коді пышйөм дорысь лыддис бурджыкөн помавны олөмсö. Позис эз мыжавны сійös? Дерт, эз. Костенко эз вөв полысь рөдысь. Та йылысь эз өтчюд висьтавлыны дивизияса салдатъяс, кодъяс воюйтлөмаось нин ськөд. Тыдалö, тайö том да өтчаяннөй командирыс эз вермы терпитны татшөм позорсö. А кутшөм мичаа сійö сывліс! Сьөлөмтö вөрзьөдысь сыланкывъясас кыліс эновтөм чужанін вöснаыс шог, враглөн гыж улö веськалөм йөз вöсна төждлун, водзö вылө югыд надея.

...Ой, Днипро, Днипро,
Мы от тебя ушли,
Смертный бой гремел, как гроза.
Ой, Днипро, Днипро,
Ты течешь вдали,
И волна твоя, как слеза...

Немтор. Ми ещö косөдам водзös. Қолөкө волам на и тэнад Днепр дорö, мыськам чужөмысь няйтсö сылөн синва кодь ваөн, а сэссия жугыля казьтыштам Украиналысь пиянсö, кодъяс пуктісны юрнысö сысянь ылын.

Руа да ыркыд асыв суис мянös ляпкыдик пуяс улын. Ми пукалім Сергей дінын, коді вөлі садьтөм. Чужөм вылас сылөн эз төдчы вир чут. Зато Вагинлөн да менам паськөмным кормис сы вирусь.

Воронкаысь вайом ваон заводитим мысыкыны Сергей чужом вылысь няйтсө да сасө. Сэки сийö воис ас саяс, корис юны, сэсся гартыштны чигарка.

Вагин бурджыка шебраліс другсö плащ-палатка-он да ньөжйоник висьтавліс сылы коркө вөвлөмтор. Батыслон отчюд зэв ёна висьмөма кынөмыс, гортнин тшөктылөма вөчны. А сэсся аддзысьмөма доктор, коді вундөма да шыбитөма кутшөмкө сюв. И öні на батыс корт кодь ён.

— И тэ, Серёжа, менам свадьба вылө на волан,— содтіс Вагин.— Эк и гуляйтыштам сэки. А, гашкө, тэ водзджык гөтрасян. Öні өд докторьясыд, төдан, кутшөмөсь! Морттө торпыригьясысь чукөртөны, вурлөны да йитлөны. И олө. Сэтшөмъяссө ме ачым аддзылі. Тэнад кынөмыд өдийö бурдас. Сөмын колө госпитальö кызкө воөдчыны...

— Часлы, шойччышта да мөдөдчам,— өдва кывмөн вочавидзис Сметанин.

Вагин гартыштіс чигарка, медым могмөдны другыслысь корөмсө. Но Сергей эз нин удит кыскыштны чигаркасө. Сылөн бөръя кывъясыс вөліны:

— Гортө дзик пыр энө гижөй. Мед чайтөны, мый ме училищеын на...

Медводз, ичөт кага моз, рикөстіс-бөрддзис Аралбаев. Алим мый вынсыс нетшкис дженьыда шырөм смоль сьод юрсисө да мыйкө лыддьөдліс ас ногыс. Сийөс стрөга өлөдны заводитліс Вагин, но сэсся тэрыба бергөдчис мөдарө. Няйт ветөшөн чышкаліс синьяссө да öти войөн дзикөдз ропмунөм-пөрысьмөм чужөмсө Колесников. Ме бура гөгөрвон, мый йылысь мөвпалө сийө, вөвлөм учитель...

КАДЫС ОЗ ВИЧЧЫСЬ...

Ассым кузь висьтөс помалөм бөрын ме видзөдлі зумыша пукалысь Кузьмич вылө. А вомсө паськөдөм Бойцов терпитны вермытөг юаліс:

— Аддзинныд ассыныд йөзтө?

— Аддзим,— вочавидзи ме.— Найөс сувтөдөма заградительной отряд.

Менам висьталігөн бипур дзикөдз ваймөма. Но сийөс лөдсавны эг нин кутөй: колө вөлі мунны ужнайтны.

— Война вылад быдторыйс овлө, пиукъяс,— кыпөдчис Кузьмич.— Вуюйтөмыдөсь ті, Юра, абу омөля. Важъя война дырйи кө, кодсюрөлы вермисны крест өшөдны. Колесниковыдкөд мый лоис?

— Колис ротной пыдди. Сөмын менам ранитчөм бөрын йөзыс өдва взвод мында кольөма.

— Дзик весьшөрө серавлөма командир-пилаыд,— скөрмис Бойцов.— Часлы, ме аддзыла сійөс!

Сэсся друг содтіс:

— Ме төдмалі, мыйла сылөн юрсиыс сэтшөм. Вөлөмкө, сійө лэбавлөма «кукурузник» вылын. Ладожской ты вомөн вуджигөн уськөдчас «мессер». Юранёвлы ковмас дзик ва веркөсас жмитчыны, а сэсся и сунны сэтчө. А делөыс — арын... И берегыс пө некөн оз тыдав. Ладогаыд море кодъ жө. Ме ас синмөн аддзылі. Кысь нин варччөм йылысь лыстан мөвпыштыны. А медся тешкодъыс со мый. Юранёвыдлөн самолётыд оз вөй. Ачыл төдан — «кукурузникыд» фанераысь. Нырыс пө вөйө, а бөжыс ва веркөсас. Кувнытө өд, некодлы абу окота. Кутчыяс Геняыд самолёт бөжас, а сійө вөйө сыкөд тшөтш. Лэдзас — бөр кыптө. Сөмын быттьө дэльөдчө. Юранёвлөн вын-эбөсыс нин кутас бырны, но сэки гөгөрвоас да сөмын тшөканас өшөдчас самолёт бөжас. Сідзи и качайтчөма сәні, кытчөдз оз во зенитчикъяслөн катер. Бур, мый усьөмсө казавлөмаөсь. Қор ләптөмаөсь васыс, юрсиыс татшөм нин вөлөма — еджыд. Водзсө, дерт, ог төд, кутшөм вөлөма.

Бойцовлөн висьтыс, дерт, эз вермы не вөрзьөдны сьөлөмөс. Вөлөмкө, со мыйын делөыс.

— А өд ме, Алексей, ок, кутшөм бура помнита сылысь юрсисө. И не сөмын сійөс...

Ужнайтөм бөрын петі ыркөдчыны. Тайө кадсө медся ёна радейтлісны полевөй госпитальса йөз, торйөн нин кокныда ранитчөмъяс. Рөмдө. Неыджыд төв улын кышақылысь пожөмъяс весьтын — кымөръяс сора пемыдлөз небеса. Абу сэтшөм шоныд, но и оз на төдчы сентябрьской войлөн көдзыд лов шыыс. Плавкнитан кө шынель, оз ло лишной, но позьө на и сытөг гуляйтны. Палатка костъясын, то өтилаын, то мөдлаын кыліс варовитөм, серам, көнкө брунөдчис гитара, гөрд чутъясөн ыпнитлісны чигаркаяс. Позьө шойччыны асылөдз, оз ков повны ни «юнкерсъясысь», ни «Берталөн» снарядыясысь. Тайө кадас шойччө и лунтырнад дзикөдз

лигышмунõм медицинскõй персонал, дерт, дежурнõйяс кындзи.

Думнам корси Генаõс. Ми бурджыкасõ эгõ на удитлõй сёрнитны сыкõд. Оти госпитальнõсь, а быттõ тõдтõмьяс. Но Геналõн мыгõрыс некõн эз тыдав. Эз вõв сийõ и палаткаас.

Паськыд ордым петкõдис нõрыс йылõ, код сайын вольсыштчõмны пуктытõм видзяс. На шõртi чуклясис-муклясис нейджыд ю, кытысь ми неважõн Генакõд да Алексейкõд видлим кыйны чери. Танi вõли тõдчымõн югыдджык ягын серти, но сынõдыс ёна ыркыдджык. Дзик креж йылас пукалисны некымын раненõй да гораа варовитисны. Ме прõйдитi на дiнтi да веськõдчи ю катyd. Лоис нин пõшти пемыд, пуяссõ õдва позис торйõдны õта-мõдсьыс. Кõсий бергõдчыны, но сæки орчча кустьяс пиысь кылi кышõдчõм. Сæсся воис пельõдз.

— Надя, збыльысь, менам ни õти муса на эз вõвлы...

Гõлõссõ, дерт, ме тõдi. И сæk жõ ныв вочавидзис:

— Тэ кодь корасьысыд танi уна. Сæсся тэ, Гена, пõшти тшõтшъя мекõд, а быдторсõ нин аддзылõмыд, весиг юрсиыд дзормõма...

— А мый?— серõктis Гена.— Кокысь дойыс неуна бурдыштас — и шутёвтам миян частьõ. Сæки небось быдторсõ аддзылан. Позяс весиг законнõя гõтрасьны, ёна кõ нин полан...

Геналысь кывьяссõ орõдис швачнитõм шы. Сæсся кустьяс шур-шармунисны. Муртса удитi вешйыштны, кыдзи ме дiнтi шавксõдис Надя Огнёва. Недыр мысти мыччысис и Юранёв. Восьлалis бедь вылас мыджсьõмõн да шутьялялis «Риголетто» операысь герцоглысь ариясõ.

Сийõ прõйдитis дзик ме дiнтi. Но вõли зывõк мыйкõ шуны сылы, непõштõ кыпõдны киõс.

И тайõ Юранёв?! Гена, кодi не сõмын сõрõма немтор абусõ миян курсантъяс йылысь, но и вунõдõма нин Валялы сетлõм кывсõ?!

Воõдчи асланым палаткаõдз мõд ордымтi, шыбитчи вольпась вылõ, вевттысьи шынельõн. Недыр мысти воис и Бойцов, но ме лэдзчысьи узьõм улõ. Сийõ ломтis вой кежлõ пач да водis жõ, а недыр мысти нин нистис-узис. Менам эськõ вежõй петis жõ, но ун пыдди юрõ воалисны выль и выль думьяс.

...Гожся лун. Эжвалõн ыркыд да мелi сывйыс сiдзи и кыскõ тэнõ. Сэтчõ жõ, бона вывсянь вõйтõма подольникъяс, колõ найõс видлавны. Кокъясыд асьныс и котõр-

тöны ва дорлань, кодi пöшти гортыдкöд орчча. Öшинь-сянь позьö лыддыны кывтысь-катысь пароходьяслысь нимьяссö. А со и кыркöтш. Мый тайö? Oz-ö нин кодьяскö тышкасьны? Сидзи и эм. Тышкасисны чöла, горзытöг ни чирзытöг. Öтарас куимön, орчча керкаысь Егор Степан, Вылыс Грездысь Кузьма Öльöш да Катыд Помысь Митрей Паньö. На пöвстын медся ёныс — Егор Степ, кулакьясыс сылön мужиклön кодьöсь. Гыпкас кö, кок йывсьыд пöран. А тайö куим зонкаыслы воча сулалiс тöдтöм детинка. Сылön нырсыс лэччис нин вир. Тöдтöм зонкаöс куимладорсянь зырисны валань. Сийö некымынысь заводитлис ордны кытшсö, но кык кулак-лы сьöкыд венны квайтöс. Тöдтöм зонка тышкасис бура: весиг Егор Степ матыстчылис сы дiнö видзчысьöмön. А мыйön Öльöш да Паньö волiсны тöдтöм зонкакöд ныр на ныр, пыр жö чеччыштлисны бөрвыв либö зильлисны саймовтчыны Степанлön паськыд мыш сайö. Но тöдтöм зонкалы век жö лои бöрынтьчыны. Со нин сандалиа кокыс лои ваын, со и мöдыс...

Мый эськö сöветуйтны тайö смел зонкаыслы? Орччөн бона. Веськалас кö сэтчö, то позяс бöрынтьчыны ва шöрлань. Тöдтöм детинкаыд быттьö кывлöма тайö мөвпсö. Здук мысти лои бона вылын, бергöдчис да мöдiс котöртны ва шöрлань, а куим друг — сы бöрся. Паньö, медся жебиник да пельк, водзын, а медбöрас лабутнöя тапиктiс Степ. Тэрмасьны некытчö: гөгөр ва, а быд боналön овлö пом. Тöдтöм детинка, тыдалö, гөгөрвоис и Степанлысь тайö думьяссö, бырс бергöдчис да варыш моз уськöдчис вöтчысьяс вылö.

Пышйисьлысь мышсö пыдди Митрей Паньö друг аддзис векуштчöм чужöм. Повзис, зэв öдийö бергöдчис да вильдiс, тювгысис да сэтшöма зургис юрнас матыстчысь Кузьма Öльöшлы, мый найö кыкнанныс бузгысисны ваö. Степöс тайö шемöсмöдiс, сийö сувтовкерис, тапикасьыштіс да, юрсö букуша копыртöмön, мöдiс тöдтöм зонкалы воча. Веныс мунiс здук-мöд. Сэссия бона вылö некод эз коль. Тыдалiсны сöмын ваын упкысь юрьяс.

— Вот тайö да! — кылис сэки ёсь гөлöс. — Öтнас куимöс купайтiс. Мо-ло-деч!

Видзöдлі: мясянь неылын чиктылис радысла да кекöначасис вичкодорысь Валя, велöдчысь. Быд чеччыштлігөн сандали бөрьясыс усьлисны, а кор вöсньыдик черьяса гожъявтöм на кокьясыс инмылисны муас, сандали бөрьясыс шлопкысьлисны-волiсны асланыс местаас.

Гырысь сера ситеч платтьёйс няйтчёма, киясыс тшөтш, весиг кельдлөз кёсынкаяс, мыйён көртыштёма дженыда шырём шавъялысь еджыд юрсисё.

— А тэ, Юра, мый он мездысь! Воштин яндзимтё?—
Валялөн неуна водзлань былкнитчём руд синъясыс друг лонсны стрөгось.

— Кодёс дорйынысё? Ставыс со ваынёсь. Некодлы нин абу забеднё.

— Другьясыдлы, дерт, өбиднё,— видчис Валя.—
Найёс и коліс дорйыны. Ещө өд вөлі кёсьям найёс комсомолё примитны.

— А мый тані лёкыс?— нарошнө дөзмөдчи ме.—
Степ радейтө төдтөм зонсё. Ваас кутчысьёмөн весиг шыбитчисны. Қор и төдмасьёмаось. Дивё!

А сэк кості төдтөм зон воис берегё. Пызыртис гач кок помъяссё, нюмуніс Валялы.

— Мынтөй дон видзөдөмсьыд! Киносъыд тай мынты-сянныд.

Сійө вөлі ар дас вита, миянкөд тшөтшъя. Паськыд пельпомъяса, но коскыс зэв вёсни, кокъясыс кузьось, ко-сось, өти мускулъяс, сэтшөмось жө вөліны и сойясыс. Төдчис: зонмыс зэв винёв да пельк. Юрсиыс съөд, чужөмыс мугов. Синкымъясыс паськыдось, пөшти өтла-асьёмаось кузь да неуна гөрба ныр весьтас. А синъясыс сідзи и сёйисны Валяёс. Менам морёс пытшкын пыр жө чужис вежөгтөм.

— Коді тэ? Қысь татчө веськалін?— юалис Валя.

— Вои овны выль местаө школа помалөм бөрын, а тані сэтшөм «меліа» чолөмалісны.

Сэк кості локтісны миян дінө и куим друг. Но Валя дырйи, дерт, эз нин лысьтны водзө тышкасьны. Сэтчө жө куим друглы, тыдалө, воис сёлөм вылас төдтөм зонкаыс, коді ньөти эз дузьяв, а нюмъяліс, быттьө немтор абу и вөвлөма на костын.

— Ме чайта, мый эз весьшөрө тадзсё чолөмавы?— серөктіс Валя.

— Коді өд кызди гөгөрвоё,— вочавидзис зонка.—
Пыри бона вылө, видзөда: сәні подольник. Коді, думайта, лысьтө кыйны черисё менам бона вывсянь? Ме өд сплавщик. Сөмын копыртчи, кёсья лэптыны — вувзысисны этійө куим багатырыс... Но вайө төдмасымөй. Гена. Юранёв. Чайта, мый тиянкөд гожөмсө коллявын оз ло гажтөм.

Вөлөмкө, тайо зонмыс сплав участокса выль мастерлөн пи.

— А арнас кытчо?— юалис Валя.

— Лесрабфакө,— вочавидзис Юранёв.

— Ой!— швачнитис ки на ки Валя.— Ми Зарубинкөд сэтчө жө сетим шыодчөмъяснымос. Сидзкө, лоам отлаын. А öнi, зонъяс, школьнöй участокö! Отсыштöй нывъяслы нетшкыны градъяс вылысь нявда.

Валя босьтис сойбордöдыс Генаöс:

— А тэд, потомственнöй сплавщиклы, ковмас заводитны, кызд шуасны, «аз»-сянь. Лоан менам син улын. Эн думайт лытайтны!

Тадзикөн төдмасим Гена Юранёвкөд. Сийö гожөмбыд эз торйөдчыв миянкөд. Луннас уджалис видз да му вылын, а рытнас гажөдчис том йөзкөд. Сийö бура гудөкасис, сылис да йөктис. Та вöсна том зон вылө мелиа видзөдисны не сöмын тшөтшъя нывкаяс, но и гырысьяс, кодъяслы кад петны верөс сайö. Дай Геналөн тушарожаыс эз вöv шыбитана. Но медясө том йөз радейтлисны кывзыны сылысь висът-мойдъяс. Мый йылысь сöмын эз висътавлы! Генаöс кывзигөн ми лолим и лётчик-геройясөн, и ылыс миръясса олысьясөн, и испанскöй республиканецъясөн, и збой да сюсь пограничникъясөн. Эз вöv му шар вылас страна, кытчо эськө ми эгö воывлөй гожся шоныд рытъясö Эжва берегын пукалигөн. Вочасөн Гена лоис сиктса том йөзлөн нырщикөн, а меным — матысса ёртөн. Ми эгö торйөдчывлөй пöшти некор. Весиг частö узыльвлим öта-мөд ордын.

Сентябрь төлысын куимөн — Валя, Гена да ме кутим велөдчыны лесрабфакын. Төдлытөг колис кадыс. Ок, бергөдны кө эськө сийөс, да он тай вермы! Гена лоис курса старөстаөн, Валя — комсомол комитетса членөн. И кор мөдөдчывлим гуляйтны, ме частö шуткаөн юавлывлі, позьö-ö меным, радөвöй мортлы, прöйдитчыны татшөм ыджыд начальствокөд орччөн. И найö кыкнанныс радпырысь нюмъялисны.

Эг отчыд шөйтлөй ми паркса аллеяесті, кор сэни пу коръясыс вөвліны и вежөсь, и вижөсь, а сэсся гылавлісны да артмөдлісны кок шытө гусялысь небыд вольөс; эг отчыд сулавлөй Сыктыв берегын да откодявлөй юсö муса Эжвакөд, эг отчыд нимкодясьлөй мөдлапөвса да лесозаводса биясөн.

Эз вöv гажтөм и төлын. Кырув сайса Краснöй гөра

бокын кольліс этша места, кыті эськӧ эз юковтлыны миян лыжиясным.

Ми ёна велалім ӧта-мӧд дінӧ. Кажитчис, мый ог вермӧй овны ёрта-ёрттӧг ӧти здук. Но збыльысьсӧ, вӧлӧмкӧ, абу сідз. Тайӧс гӧгӧрвои ӧти лоӧмтор бӧрын.

Велӧдчим мӧдӧд курсын нин. Ӑні ни Гена, ни Валя, ни ме эг нин мунӧй сиктса ныв-зон вылӧ. Быдмим, ёнмим, вежсис и олан сямным. Оз тай шуны весьшӧрӧ: йӧз няньыд овнытӧ ӧдйӧ велӧдас. Торйӧн нин вежсис Валя. Но тайӧс ме казялі сӧмын сэки жӧ...

Вӧлі март тӧлысь. Асылын да рытын ныртӧ чеплялӧ кӧдзыд, луннас тӧпкӧ войтва. Субӧтаӧ, бӧръя перерыв дырйи, коридорын жуысь рабфаковецъяс пӧвстысь аддзи Валяӧс пӧдругаясыскӧд. Сувтӧді.

— Талун кытчӧ?

— Қино вылӧ.

— А билетъясыд?

— Закажитӧма,— серӧктіс Валя да муніс пӧдругаяс дінас.

Вонс рыт. Общежитие кильчӧ помын виччыся Геналысь петӧм, медым сӧсся ӧтлаын нуӧдны Валяӧс. Со и ачыс Валя тӧрмасьӧ нывъяслӧн общежитиесянь. Уськӧдчи воча.

— А кӧні Гена?— юаліс ныв.

— Тані,— кильчӧ вивсянь турбыльтчис Юранӧв.— Мӧдім!

— Но...— Валя кызкӧ тешкодя лӧптыліс пельпомъяссӧ.

— Юр, гӧгӧрвоан?— бара мыктыштіс Валя.

Сэки Гена тӧрыба матыстчис, босьтіс Валяӧс сойбордӧдыс:

— Миянлы орчӧнсӧ сюрис сӧмын кык билет. Эм ещӧ ӧти, но мӧд радын. На, Юра!

Ме эг вермы не босьтны сійӧс. Но кор найӧ бергӧдчисны да вӧчисны медводдза воськов, менам кокъясӧй эз вӧрзыны местасыс, эз чепӧсйыны найӧ, кызди вӧвлі войдӧр, и менӧ чукӧстӧм бӧрын.

Пыр ылысмисны и ылысмисны кык мыгӧр. Ӑтиыс ыджыд, ён, паськыд пельпомъяса, шалсий-восьлалӧ, мӧдыс неуна ичӧтджык — тотшьӧдӧ ӧдйӧ джӧмдалігтыр. Сідзи и бердісны найӧ рытъя пемыдас ньӧтчыд бӧрвыв видзӧдлытӧг. Ме сулалі кокъяс изӧймиттӧдз. Сӧсся пониторъясӧдз косявлі билетсӧ, коді быттьӧ сотіс ки пыдӧсьясӧс.

А аскинас, кор паныдасим Валякӧд рабфак коридорын, сійӧ видзаасис, сэсся кызкӧ тешкодъ гӧлӧсӧн шуис:

— Юр, прӧстит менӧ... Аддзан, кызди артмис. Тэ — зон абу шыбитана, а ме кодъд тані уна...

Первойысь быттьӧ бокӧвӧй синъясӧн видзӧдлі Валя вылӧ.

Ме водзын сулаліс эз нин косіник ки-кокъяса да дженъыда шырӧм юрсиа нывка, а ныв, кодлӧн зумыд морӧсъяс, гӧгрӧсмӧм ён черъяса кокъяс, а нейджыд юр вылас кыз кӧсаысь гӧгыль. Весиг водзлань неуна болькнитчӧм синъясыс лоӧмаӧсь быттьӧ лӧзӧсьджык.

Ассыыс «мыжсӧ» некымынысь заводитліс веськӧдны и Гена, зілис тӧдмӧдны мукӧд нывъяскӧд, но ме сэк эг на вермы вунӧдны Валяӧс.

Тулсныс миянлысь рабфакнымӧс тупкисны, сәні лоис сӧмын техникум. А гождӧмнас, кор ми вӧлім каникуляс вылын, пансис война.

Гена пыр жӧ кайис военкоматӧ. Тшӧтшъяяс пиысь сійӧ медводз, война заводитчӧм бӧрас, веськаліс армияӧ. Частӧ мӧдӧдліс письмӧяс, гижис, мый велӧдчӧ лётной школаын. Дугдывтӧг сӧветуйтіс миянлы: «Мунӧй добровольнӧ. Кадыс оз виччысь. Паччӧр сэрӧгад гыжъя-сиг коста войнаыс помасяс, немтор он и аддзылӧй».

А кутшӧм шуда синъясӧн сәки видзӧдіс мир вылас Валя! Быд кывйын, быд вӧрасын тӧдчис дзезны вермытӧм ошйысьӧм: ӧд сылӧн мусукуыс муніс добровольнӧ армияӧ да регыд лоас лётчикӧн.

Но Геналӧн кывъясыс эз збыльмыны. Со нин мӧдӧд во кыссьӧ война, и ми, сиктса тшӧтшъя зонъяс, удитім волены фронт вылӧ, а кор помасяс войнаыс, чӧртыс тӧдӧ.

* * *

Асывнас, кызди и век, миянӧс садьмӧдіс кӧрт туй станцияланьын германскӧй сьӧкыд снаряжьяслӧн потласьӧм шы. Он небось лишнойтӧ узь! Бойцов удитӧма нин ветлыны сәянла да чайла. Татчӧ воӧм бӧрын сійӧ окотапырысь босьтчис отсасыны санитарлы. Сәтшӧм нин Алексейлӧн оласногыс — уджтӧг оз вермы пукавны ӧти здук. Пӧрт мыччигӧн вашнитіс:

— Тәнӧ командир-пила корсьӧ, юаліс, кутшӧм палаткаын олан. А ачыс перевязочной палатка гӧгӧр бергалӧ. Збыльысь нӧдкыв: кодысь гажыс бырӧма, тэысь, сержант ёрт, али Надя-сестраысь?

Палаткаын кодсюрö заводитлісны серавны, но ме скöрысь вомалі найöс. Тані ме вöлі эг нин выль морт-öн, а кöзяин, коді тöдö став пöрадокъяссö да йöзсö, коді оз мöдöдчы некытчö — ни ылысса, ни матысса тылö, а лечитчö буретш тайö госпиталяс, кöні рытнас водан, а чеччан-ö ловйöн — код тöдас.

Чай юём бöрын петі корсьны Юранёвöс. Бойцов заводитліс вöтчны, но ме косöді сійöс.

Перевязочной палатка дорын сулаліс грузöвик. Сы кузовысь санитарьяс отсöгөн лэччалісны выль раненöй-яс. Тані жö вöлі и Юранёв. Ылісянь на тöді сійöс пемыд лöз пилотка да сера беды сертиыс. Юранёв нюмуніс, мыччис кисö:

— Миян «овмöсысь» некод абу. А окота эськö вöлі тöдны, кызди сэні олöны. И тиянысь, буракö, некод жö абу...

— А тэ тöдан, кутшöм частысь ме?

— Суседьяс. Сöмын ми наступайтнысö заводитім мöд луннас, кор тиян дивизияыд август 28-öд лунö орöдіс германскöй фронт. Но сэссия, кажитчö, первойя полксö вежис мöд. И вот сэки и лоис. Видзöдам да, миян суседным, курсантъяслөн батальон, ассьыс местасö сетöма немецкöй автоматчикьяслы. Öдва кытшö эг веськалöй...

— Ок, Гена, Гена,— шога артмис менам.— Мыйла колö тешитчынысö? Öд бöрынтычлісны сöмын вой кежлас, а асывнас делöыс бергöдчис мöдарö...

— Сідзкö, и тэ вöлін орчча курсантскöй батальонас?— зэв збылысь юаліс Юранёв.— Эн дивит, воканöй. Эг тöд. Лёкöсь вöліны тиян делöясыд, лёкöсь. Но и миянлы ошйысьнысö немторйöн... Унаöн пуктісны юрсö. Но век жö аттö тиянлы: чорыда дöжналід немецьясöс.

— Но, мыйла нö либö тешитчан йöз память вылас?— менам гөлöсöй, тыдалö, сэтшöма вежсис, мый Гена повзис.

— Тэ мый йылысь? Висьтав лючки.

— А мый тэ сөрöмыд тані курсантъяс йывсьыс?

Гена чабыртіс менсьым дзоньвидза киöс:

— Воканöй, öвсьы, сайкав. Ставным кö ми лоам тэ кодь букушöсь, кöть джагöдчы. Коркö öд и сералыштны колö. Тöді кö, мый тайö тэнö сэтшöма дойдас...

Тöдчис, мый Юранёв сёрнитö оз сьöлөмсянныс, зільö ланьтöдны ме пытшкысь садьмөм зверöс.

Көтү кутшөма эг кутчысь, а терпитны эг вермы:
— А чувствояснад шутитан жө? Вөлөмкө, тэныд
өнөдз на ни өти муса абу вөвлөма. Кокыд бурдыштас да
шутётвад частьö, сэни быдторсö позяс вöчны, да?

Юранёвлөн синъясыс лоисны коль кодьöсь:

— Кыйөдчин?

— Кывлі случайнö...

— Бара гартчан, конъясьлан кок улын, кызди и
рабфакын! И век жö тэ колян дьöббö. Колö кужны тэр-
масьны.

— А Валяйд?— öдва кывмөн артмис менам.

— Валя? Ха-ха-ха...— вөр тырнас серöктіс Юранёв.—
Чайтан, тöдлас? Сылы тырмымөн и письмөясыс. Вич-
чысьлас, оз кө пет верöс сайö.

Ме видзöдi и эг тöд ассьым вөвлөм другöс. Дерт,
сы вывті унатор нин муніс война заводитчөмсянь. Ве-
лөдчис лётчикö, лэбаліс, воюйтіс, воштіс ассьыс само-
лётсö, сы бöрын со мөдысь нин ранитчөма пехотаын.
Дерт, быдторйыс вөвлі. Но позьö öмөй тадзикөн шыб-
ласьны аслад чувствояснад? Көні сійö велаліс? Но шун
ме нарoшнö мөдтор:

— А тöрыт Огнёвалөн тырмис төлкыс веськыда во-
чавидзны. Оз тай, вөлөм, быд сьөлөмын сюр местаыс
тэ кодьясыслы...

— А зэв кө колö, Юра, Огнёватö верма кольны. Сö-
мын öд рабфакад моз жö кутан виччысьны, кор чикы-
шыд пуксяс ныр вылад, а сійöс колö кыйны да садöкö
йöртны. Гөгөрвоин?

Дивö! Юранёвлөн да менам олан туй визьясным
бытьö сюртсис. И рабфак, и Валя, и Огнёва... Мый
ыджда фронт! Сэни ми бытьö Эжвалөн кык лыа чир,
а колö жö бара тангысьны...

Юранёв лэчысыс матысса пожөм улö, судзöдіс вы-
шивайтөм көшель, сылөн ичөтик зепсьыс кыскис курит-
чан вöсни бумага.

— Мый видзөдан? Төдмалін? Валя мөдөдіс. И со
ещö,— гимнастёрка зепсьыс кыскис пелькиник тубрас,
разис сійöс. Сэни вөлөма шөвкись вурөм да вышивай-
төм жö носөвик. И пыр жö вөр пуяс костын мылаа
паськаліс сылөн ён гөлöсыс.

Гена синъясын вөлі сы мында шуд! И первойысь
лоис завидь, мый война вылө мунігөн некод эз гөгөрво
козьнавны меным со татшөм неыджыд чышьянторсö.

...Сколько заветных платочков
Мы сохраняем с собой!
Нежные речи, девичьи плечи
Помним в страде боевой.
За них, родных,
Желанных, любимых таких,
Строчит пулеметчик
За синий платочек,
Что был на плечах дорогих...

Гена, Валялысь чышъянсö видлалігмоз, сьыліс и сьыліс. А ме куритчи. Табаклөн лөз тшын кольчаяс сайысь аддзи неуна водзлань былкнитчөм руд синъяс, ичөтик юр вылө венеч моз гартыштөм неуна рыжой рөма көсаяс.

— А-а... Со көнөсь найö!— сувтіс мян водзö пошиктысь Бойцов.— Быдлаысь нин корси. Бытьö му пыткас вöйöмаöсь. Бур, мый сьылөмнытö кылі. Старшина ёрт, позьö тиянлысь гартыштны? Ок, көрыс кушöм! Верст джын сайсянь пакйö!

— Боец Бойцов,— юалис Юранёв,— мыйла ыстісны тиянös? Колö вöлі доложитны.

— Мыжа, старшина ёрт,— устав серти нюжөдчис Алексей.— Медсестра Огнёва тшөктис пырысь-пыр корсьны сержант ёртös.

— Ясно, боец Бойцов,— нюммунис Гена,— öні верман гартыштны да шпуткыны лөзөдтөдзыд.— Сэсся бергөдчис мелань, мудера синмалыштіс да содтіс:— Аддзан, ачыс корсьö тэнö...

Бойцов нуөдіс менö эз перевязочнойö, а операционнойкөд орчча палаткаö. Ывлаысь пырөм бöрын рөмыд палаткаын пöшти немтор эз тыдав, сөмын еджыд халата сестралөн бытьö гипсысь вөчөм мыгöрыс шыбитчис синмö.

— Сержант ёрт, здравия желаю!

Ме уськөдчи тайö гөлös вылас. И кор синъяс велалисны палатка пыткассa рөмыдас, аддзи Вагинös. Чужöмыс нюрсмунöма-омöльтчöма, бандзибъясыс вöйöмаöсь сэтшöма, мый черлыясыс чурвидзисны, та вöсна чужöмыс сьлөн кажитчис ёна паськыдджыкөн. Сійö куйліс гипсуйтөм коксö. нюжөдөмөн, заводитліс чеччыны, но ми Огнёвакөд бөр водтөдім сійös.

— Сестра висьталіс, тэ пö, сержант ёрт, тани...

Ме пукси Вагин дорö, куті кисö:

— Ёна дойдёма тэнö, другö. Кызди нин сэнi мян?

— Этшаөн колины.

— Ротнöй ловъя?

— Колесниковыд?— гажаа нюмдiс Вагин.— Коман-
дуйтö. Жаль сукöд торийöдчыны. И Аралбаев дзонь-
видза. Сержант ёрт, флягаын менам эмышт... Вай кись-
тав кружкаясö. Менö аски татысь кöсийöны мöдöдны
ыли тылö. Гашкö, сэсса огö и аддзысьлöй да...

— Вагин, тэныд уна оз позь,— шуис Огнёва.— Колö
шойчыштны операция бöрад. Вай ме ачым кисьтала
тиянлы.

Надя босьтiс фляга да быд кружкаö сэтысь сöдзö-
дыштiс неуна.

— Ёртъяс пуктiсны туй вылö. Сестра, колö ва:
тайö чистой спирт.

Бойцов уськöдчис вала. А ме заводитi восьтыны
финкаөн консерв банка, кодöс мыччис Огнёва Вагин
мешöкысь жö.

Бойцов вайис чайникын ва. Огнёва öлöдiс мянöс,
медым эгö ёна вöльничайтö, эг мешайтчöй орччөн куй-
лысь сьöкыда жö ранитчöм боецлы, да петiс палаткаысь.

— А тэ, Юра, видзöда да, шылялöмыд тани!— круж-
каяс ректöм бöрын шыасис Вагин.— Абу дивö. Пöш-
ти нин тöлысь коли сийö кадсяньыс, кор ми торъялим.

Вагин кöть эз и казътив, но казяли сълөн шогөн ты-
рöм синъяс серти — мөвпалö Сметанин йылысь.

— Да, оз тырмы ещö öти кружка,— ышловзи ме.

— Юр, гижлин та йылысь гортсаясыслы? Юөртлин?
Ме сидз жö... Воча кывйыс тай сöмын эз вола-а. Ты-
далö эз на удит. Воас частьö, а ме сэн абу нин.

Медым кеждöны сёрнисö мöдлаö, юали Вагинлысь,
кызди-мый лои менам ранитчöм бöрын.

— Эн на öд вунöд, көнкö, сэкса атакатö?— куры-
да нюмдiс Вагин.— Сийö тшаква на. Ок, и дзескöдлис
бöрас мянöс!..

Чорыда жö, тыдалö, сюрлöма ёртъяслы, сийö бойсö
кö Вагин лыддö кокныдөн.

И вöвлöм серпас сувтiс син водзö. Руд асылö, Сме-
танинöс гуалöм бöрын недыр мысти, öтлаасим асла-
ным йöзкöд. И кутшöма жö кутiс налөн дивöыс, кор
аддзисны мянöс. Лыддöмаөсь нин кулöмаясөн. Унаөн,
дерт, эз вермыны видзöдны мян синъясö: йирис сö-
вестьныс пышйöмсьыс.

— Кызди тi петинныд кытшьсысь?— юалис старшöй

политрук Левада, кодї өнї вөлі батальонса командир пыдди. Штабсьыс сійө өтнасөн спаситчөма: бомбитигас вөлөма курсантьяс пөвстын.

— Эз удитны дзикөдз кытшавны,— висьталіс Колесников.— Войыс мешайтіс. А югдытөдзыс бөрыньтчим: патронтьяс эз кольны.

Левада тшөктіс сувтны миянлы стройө. Колесниковөс артавтөг вөлім сизимөн. Ми сулалім пельпомъяснаным өта-мөднымөс кыліг, сьөдөсь, няйтөсь, оръясьөм паськөмаөсь, но сулалім юрнымөс вывлань чатөртөмөн. Курсантьяс пиысь унджыкыс эськө өнї сетісны олөм джыннысө, медым веськавны тшөтш миян пөвстө.

— Ёртъяс!— шыөдчис курсантьяс дінө Левада.— Со тайө сизим мортыс, кодъясөн командуйтіс младшөй лейтенант Колесников, төрыт сувтөдісны врагөс, эз лэдзны сійөс вөчны водзө ни өти шаг. Не кө найө, делөыс вермис артмыны лөкджыка. Эска, мый талун ті ставөн лоанныд на кодьөсь.

Оз позь вунөдны, кутшөм синъясөн видзөдісны миян вылө курсантьяс. «Ми нө омөльджыкөсь али мый?»— позис лыддыны быд чужөм вылысь.

И найө збылысь петкөдлісны, мый абу омөльджыкөсь, кор дас минут мысти заводитчис наступление. Цепь вөрзис местасьыс чөла. Курсантьяс мунісны өта-мөдсө син увсьыс воштытөг, противогазъястөг, медым немтор эз мешайт. Васөда югнитыштавлісны штыкъяс, кустъяс вылысь киссьысь лысваөн көтасьөм каскаяс. Мунісны тэрыба, но лөня. Но век жө корсюрө укшальджык мортлөн кокъяс улын трачкакывлісны увьяс. И сэки кывліс отделеннөйяслөн либө взводнөйлөн гуся гөлөс:

— Видзөд кок улад! «Найөс» колө суны сөйиг-юигас на.

Бөрө колины то нюрзөм местаяс, көні ми вөялім небыд нитш пытшкө пөшти пидзөсөдз, то кос вөр діяс, көні сука быдмисны пуяс, то баддьөн тырөм видз мөдаа неыджыд кушинъяс. Нюр, вөр, кустъяс...

— Сержант ёрт,— шыасис Аралбаев, кодї восьлаліс мекөд орччөн,— кызди тані йөзыс олөны? Колө кравны пуяссө, косьтыны нюрсө. И сэки лоас паськыд-паськыд степь. Пуксьы вөв вылө да скачит. А өнї со тувччан вылө, а воан улө, тувччан улө — воан вылө.

— А кор нө тайөс вөчам?

— Дерт, өнї некор, вот помасяс война...

Друг матын эрыштчис немецкѳй пулемѳт, сэсса кутіс тѳрмасѳмѳн помала кысътны-увтны, тыдалѳ, водзын мунысь миян разведчикѳяс зурасисны немецѳяслѳн боевѳй охранениекѳд либѳ секретѳяскѳд.

— Водзѳ!— кыліс Колесниковлѳн гѳлѳс.— Кѳтѳрѳн!

ѳні некод нин эз видзѳд кокѳяс улас, дзѳбѳсясны вѳлі весьшѳрѳ: гѳгѳр шутьялісны пуляяс да потласисны пуясѳ, кустѳясѳ зурасѳм бѳрын — немецѳяс лыйлісны разрывнѳйясѳн. Та вѳсна кажитчыліс, быттьѳ миян бѳрвылын локтѳ автоматчикѳяслѳн цепь.

— Водзѳ!

— Водзѳ!— корсюрѳ горѳбтылісны курсантѳяс ѳтамѳднысѳ ышѳдїгтырїи.

Ляпкыдик вѳр помасис, и ми аддзим «найѳс»... Некымын дас немец кѳтѳртисны неылын сулалысь мѳд вѳр ділань, зїлісны воѳдчыны сѳтчѳ, медым сайѳдчыны водзвыв лѳсьѳдѳм окопѳясѳ.

— Со найѳ!— чипѳстїс Аралбаев.

Курсантѳяс нетшыштчисны места вывсьыс. Найѳс эз сувтѳдны ни водзын, ни бѳрын потласысь минаяс, ни кысянѳкѳ шуйгавывсянѳ тѳрыба увтчысь пулемѳт. Вывтї нин ыджыд лѳглун ѳзїис морѳсьясын, окота вѳлі косѳдны водзѳс тѳрытѳя лоѳмторсьыс. Ме видзѳдлї бѳрвылѳ: кольчысьяс эз вѳвны, не кѳ артавны Колесниковѳс, кодї сѳѳкыда кѳтѳртїс аслас связнѳйыскѳд орчѳн. Кысь нѳ олѳма мортлы вѳтчыны том йѳз бѳрся!

Водзѳ ставыс артмис син лапнитмѳн моз ѳдїѳ. Немецѳяс гѳгѳрвоисны, мый налы не воны вѳр дїѳдз, кѳть эськѳ сїѳ вѳлі матын. На пысь унджыкыс бергѳдчисны миянлань чужѳмѳн, но вѳлі нин сѳр. Водзынджык кѳтѳртысь курсантѳяс сорласисны накѳд...

Тайѳ здуксянныс ставыс гудыртчис. Морѳсысь петїс курыд лов шы, а сѳѳлѳм сїдзи и чеччис. Водзвылын руд нисѳ вѳж рѳма куртѳкаа паськыд мыш. Ме гѳгѳрвоа: суѳдны ог вермы, а жаль, вывтї жаль... И сѳки уси дум вылѳ, мый кыин дас зарада винтовѳка. Со кызд, вѳлѳмкѳ, колѳ. И здук мысти нин чеччышта пласьтвидзысь-куйлысь немец вѳмѳн, кодлѳн кабырѳясыс тѳрыба шамралѳны-парсалѳны мусѳ.

А со и вѳр дї. Чеччышта вѳсни кызѳясѳн эжѳм стенѳяса кузь окопѳ, водзвылын чирзѳ Аралбаев, кяссылѳн лѳсталѳ сапѳрнѳй ичѳт зыр, а сысянѳ шаг куим ылнаын ризѳдѳ немец.

Курсантѳяс чеччалѳны окопѳяс вѳмѳн, кѳтѳртѳны во-

дзё, кытчö бöрынтьчö враг. Накöд Колесников. Сійö сувтовкерö, сьöкыда лолалö, но чужöм вылас оз тöдчы мудзлун.

— Зарубин! Весалöй тайö траншеяссö. Сэссия отсалöй артиллеристьяслы, натöг ми нинöм огö вермöй вöчны, кор матыстчам противниклөн миномётнöй позицияслань. Татысь ставыс эз пышйыны... Зэв нин виччысьтöг ми вувзысим на вылö. Но смотри! Мед пленнöйяс вöліны... Эн вунöд — ми Краснöй Армия!

Кор ми уськöдчим весавны траншеяс, öти чукыль сайсянь сяркнитис автомат, сэссия мöд. Веськыд пельпомö быттьö сötисны зорйөн. Ми лажыньтчим ляпкыдик окопö, дзевсим бруствер сайö. Вагин шыбитис лимонка. Взрыв. Чепöсйим. Чукуль сайысь шатласигтыр кыпöдчис вирöсь чужöма немец, а мöд куйлис сы кок улын, траншея пыдöсас чукöрмöм трунда сора ваас. Вагин ырыштчис штыкнас, но ме удити кватитны винтовкасö шуйга кйөн, веськыдыс лётмунис... Сэк жö Аралбаев зяткис кулакнас немецлы черлыас, сійö лездис-усис пидзöс вылас.

— Дугдöй!— равöстi ме курсантьяс вылö, кöть эськö и аслым зэв окота вöлі лöсыштны фашистлөн ныр-вомö. Но та пыдди ме отсалi немецлы сувтны кок йылас. Сылөн няйтөн резсьöм да кельдöдöм чужöм вывсянныс видзöдисны коль кодь синъяс, повзöмысла найö весиг эз лапъявны.

— Вешшöрö кутин, сержант ёрт,— мурчнитис пиньнас Вагин.

— Сійö виис Сергейöс,— чирзис Аралбаев,— а тэ жалитан... Кымынöс виисны, кымынöс калечитисны, а тэ жалитан!

Чукöстi олöма боецöс, тшöктi сылы нуöдны пленнöйöс батальонса штабö. Боец йötкыштис немецöс штыкнас, индис, кодарö мунны, но мöдыс бара лэччис пидзöс вылас да, ас ногыс мыйкö боргигтыр, кутис кыссыны мелань. Вöлі гөгөрвоана: полö лыйлöмысь, кевмысьö.

— Кор бöжтö топöдисны, камрадъясөн, небось, лоим!— век на скöралис Вагин.— Нуöдöй öдийдзык, зывök видзöднысö, а то сы вöсна ещö трибуналö веськалан.

Траншеяс да ляпкыдик блиндажъяс видлалöм бöрын сэтысь некодöс нин эг аддзöй. Мöдöдчим ар-

тиллериствяслы воча. И сэки Вагин повзёмён индїс пельпомо:

— Ставыс вир, и соскыд тшотш...

Сомын öнi ме кутi кывны пельпомысь дойсö. Пөрччи гимнастёркаос.

— Пыран туйыс эм,— чуймис Аралбаев,— а петаныс абу... Кытчö нö вошöма пуляыс?

Найö тöбисны пельпомос бинтөн, гимнастёркаодисны.

— Со и торъялам сэсса,— ышловзис Алим.— А тэ жалитін фашистсö...

— Татшöм рана вöснаыд оз на ков мунны некытчö,— зiли нюммуны ме, кöть эськö збыльысьсö эз вöв сэтчöдз. Пельпомос кутис чишкавны-сотны.

— Юра,— шога артмис Вагинлөн,— гашкö, кезан санчастьö? Пöсь вывсьыд оз доймы, а бöрынджык пöгибö воан.

Но ме эг вермы кольны найос. Колö вöли пöртны олöмö ротнöйлысь приказсö, отсавны сорокапятчикьяслы. Артиллеристьяс буретш лöсьöдчисны вуджодны асьыныс дженьыдик ствола пушканысö траншея вомён.

— Эн лэпты буссö, пехота!— нерыштіс найос Вагин.— Марш дырйныд небось тшапöсь, а дзескөдас кö: «Мезды, пехота-матушка».

— Мый сирасин?— дöзмис расчөтса командир, съöдиник юрсиа да мугов чужöма старшöй сержант.— Асьным кыскам, сомын отсыштöй траншеясö вуджны.

Котөрөн воис батальон штабса связнöй да тшöктис сувтöдны пушкасö неылын тыдалысь туй бокö, кытi вермасны уськөдчыны мян тылö немецкöй танкьяс.

Кор ми воим места вылö да заводитим артиллеристьяскöд öтвылысь тэрыба лöсьöдны огневöй позиция, локтис старшöй политрук Левада. Вөлөмкö, ыстөмаось виль комбатос, а сийö бара нин комиссаралö. Левада, тыдалö, ранитчöма: юрсö гартöма бинтөн, фуражкаыс öдва öшйöма балябöжас, муртса оз усь. Кодкö вöзйис сылы асьыс каскасö, но Левада эз босьт.

— Розя пöрттö немтор жалитны. А тэныд сийö сгöдитчас на.

Сэсса висьталіс, мый батальон муно водзö, босьтіс нин немецьяслысь миномётнöй позицияяс, матыстчö Л. посёлөклань. Но сосед кольччö. Та вöсна

фланг видзём могысь, медым таті туй кузяыс эз суйсьыны противниклөн танкъяс, ковмис сувтӧдны ПТО-лысь некымын расчѣт. Мыйӧн сусед вӧрзӧдчас водзӧ, мӧдам и ми.

Водзын гымакыліс бой. Небеса бара тырис «юнкерсьяс» да «мессерьяс» шыӧн. Но враглӧн танкъяс эз мыччысьны. Сэки Левада казяліс менӧ.

— Зарубин, шагом марш санчастьӧ!

— Гвардияса старшӧй политрук ѳрт...

— Повторит приказаниесӧ!

Ме кывзыси.

— Абу кӧ ӧпаснӧ, воан бӧр,— нюмъѳвтіс Левада.— Сӧмын, гашкӧ, сэки ми лоам неуна водзынджыкӧсь нин.

Ме очмуні Вагинлӧн инмӧдчылӧмысь.

— Юр, некутшӧм танкъяс тэ ранитчӧм бӧрын эз мыччысьлыны. Кык лун мысти сӧмын волісны. Ми сэтшӧма пыркнитім немецьясӧс, мый найӧ бӧрынтчисны ещӧ на верст сизим. Тӧкӧтьӧ эгӧ ӧтлаасьӧй ленинградецьяскӧд. Налӧн минаясыс миян дорӧ нин вӧлі усьлывлӧны. Но сэсся фашистыд вайӧдіс фронтлӧн мӧд участокысь выль частьяс, танкӧвӧй десантьяс писькӧдчисны миян мышкӧ да кытшалісны, а миян ротаясын колісны дас вит-кызь штыкӧн. Ачыл мӧвпыштлы. Сутки кык дорйысим, виччысим ӧтсӧг, а сійӧ эз во. Эз кольны патроньяс, а сёян-юан да табак йылысь немтор и казътывнысӧ.

Сэки командирьяс шуисны ӧрӧдны немецьяслысь кӧрт кытшсӧ да ӧтлаасьны ас йӧзкӧд. Дыр дасьтысисны, весиг терпением бырис. Коркӧ сэсся воис жӧ дыр виччысян час. Водз асылын ми уськӧдчим куш штыкьясӧн атакаӧ. Мунісны ставӧн: и штабнӧй писарьяс, и пӧварьяс, и ездӧвӧйяс. Атакуйтысьяс радын вӧліны и ранитчӧмьяс. Ӑти кывйӧн кӧ, ставыс, коді вермис кӧть неуна легны-вӧрны. А кодлы нӧ окота веськавны вӧрӧг киӧ? Содтӧд тӧдім, мый миянӧс, курсантьясӧс, «найӧ» пленад оз босьтны.

Кӧтӧртам атакаӧ, а бӧрвывсянь эськӧ мед кӧть ӧти сорокапятка тьявкнитіс, сетіс сьӧлӧм. Эз. Артиллеристьяс кыкисны пушкаяссӧ ас вылас миянкӧд орччӧн, видзисны синнысӧ моз медбӧрья снарядьяссӧ. А друг да уськӧдчасны танкъяс! Сьӧкыд висътавны та йылысь. Первойсӧ зырим бура, а сэсся тай кызди сетыштіс миянлы...

И автоматъясысь, и пулемётъясысь, и танкъясса пушкаясысь... Ог помнит, кызди ми мунім. Сöмын төдiм, мый кольчыны татчö оз позь. И вот сэки кыліс музыка! Смертьлөн лов шы и сьöлöмтö кыпöдысь музыка! Вöлöмкö, музыкальнöй взводса курсантъяс абу шыбитöмаöсь трубаяссö. «Интернационал» ворсiгтырйи, копрасьтöг, мöдисны враг вылö... Найö, дерт, ставныс колисны сэтчö...

Вагин пыр топыдджыка и топыдджыка шамыртiс менсьым кишс, сылөн гөлöсыс лоис пыр лöньджык да оръясянаджык.

— Найö колины, а вот мян пиысь унаöн петiсны кытшсьыс... Ранитiс менö пöшти ас йöзкöд öтлаасигөн нин. Снаряд торпыригөн.

Висьт помасис. Быдөн олісны чöv.

— Сестра, кисьтав кружкаясас,— бара шыасис Вагин.— Казьтыштам мянлысь музыкант-геройсöс.

Вöлöмкö, Огнёва танi жö. Кор сийö бöрсö пырöма, эг и казавлы. Вель дыр мövпалöм бöрын, бытьö кодлөнкö юалöм вылö, Надя вочавидзис:

— Да, ми сэнi коламджык. Колö тэрмасьны.

— Кытчö?— юалис Вагин.— Ме, например, ылі тылö, а тэ, Надя?

— Регыд кывлад,— стрöга шуис Огнёва да петiс палаткаысь.

Меным мыйлакö лоис гажтöм Надя мунöм бöрын, окота лон төдмавны, кытчö сестра тэрмасьö. Вöлі зэв жаль и сийö, мый Гена Юранёв эз кывлы менам өртъяс йылысь Вагинлысь бөръя висьтсö.

ПРÖСТИТ МЕНÖ, ВОКАНÖ!

Вагинöс пыдi тылö колльöдöм бöрын регыд мысти мунiс аслас частьö и Юранёв, а стöчджыка кö шуны— пышйис. Воддза рытнас на аддзысьлім сыкöд.

Улөдз öшйöм кымөръясысь дугдывтöг буситiс зэр. Вöрыс нора шувгис. Войнас, кор палаткаын куйліг-моз кывзысян сылөн шыясö, лолö шуштöм. Со трачнитiс көнкö кос ув. Кодi сэнi ветлöдлö? Со пельтö сьöдмöдмөн дзуртö кутшöмкö пу... Бытьöкö вöрсаыс норасьö лёк поводдя вылö, шогсьö бөрö кольöм югыд шондiа лунъяс да ыркыд сэзь войяс вöсна. А палатка вевтö сiдзи и сяргöны, сiдзи и сяргöны-жугласьöны

зэр войтъясыс. Но пытшкӧсладорсянныс палатка пӧтӧлӧкъяс и стенъяс вӧліны косось: Бойцовкӧд пессӧ эг жалитӧй. Ӧні миян киясным вермисны нин вӧрны, пессӧ вӧчим асьным, норма вылын эг пукалӧй. Палаткаын кыкӧн и олім, сьӧкыда ранитчӧмаясӧс тани недыр видзӧм бӧрын мӧдӧдісны бурджыка оборудуйтӧм госпитальясӧ, а выльяс передӧвӧйысь эз воавны: фронт сувтӧма обороная.

Татшӧм улыс лунъясас ми весиг дугдім ветлывлыны матыс сиктбердса эновтӧм муяс вылӧ картупельла да свеклӧла, мыйысь Бойцов пулывліс сэтшӧм чӧскыд рок, кӧть кывтӧ нылышт! Татшӧм рытъясысь ӧтиӧ воис Гена. Пыригмозыс на чорыда ӧрччыштіс:

— Кос сунис эз коль вылысӧ. Плащ-палаткаяс оз сетны, веськыд мат.

Чуйдіс шахматасыны. Но, тыдалӧ, аслыс вӧлӧма не ворсӧмӧдз. Сувтӧдлісны Бойцовкӧд фигураяс, некымынысь петасисны, сӧсся Гена руз-раз сорлаліс ставсӧ.

— Матӧдзыд ӧд ылын на вӧлі,— чуткис Геналы дӧзмӧм Алексей.— Мыйӧн кутан ворссыны — пыр и дзуглан.

— А тэ, боец Бойцов, командирӧс эн велӧд,— шуткаӧн вомаліс мӧдыс.— Сійӧ ачыс тӧдӧ, кор да мый вӧчны.

— Ворсігад нӧ кутшӧм тэ командир?— дзикӧдз дӧзмис Алексей.— Сэтчӧ жӧ и ранитчӧмыд. Абу ӧд стройын. Чапаев со кутшӧм вӧлі и то боецъяскӧд йӧктывліс-гажӧдчывліс.

— Тэ диалектика велӧдлін, боец Бойцов? Эн? Ставыс вежсьӧ, выльмӧ. Чапаев вӧчліс сідз, а ме тадз. Бурджык, овощнӧй рагунад чӧсмӧдышт...

— Ветлы му вылас,— воча кывъяліс Бойцов.— Пунытӧ абу дыр, со тай кызди пачыс ломтысьӧ.

Ме гӧгӧрвои, мый Юранӧв тайӧ рытӧ локтӧма миян дінӧ абу шахматъяс ни овощнӧй рагу вӧсна. Но ме эг тӧрмӧдлы. Воас кад — восьтас сьӧлӧмсӧ. Сідзи и лоис. Гена коньӧр кодъ синъясӧн видзӧдліс ме вылӧ, ышловзис:

— Юра, а мем, буракӧ, не нин качӧдчывны вӧльнӧй небесаас. Талун доктор шуис, видлаліс да. Мӧдӧдам пӧ запаснӧй полкӧ. Чӧрт! Кок вӧсна оз лэдзны. А сійӧ менам кӧрт кодъ нин...

— Мый нӧ либӧ бедтӧ он шыбит?— юалис Бойцов.
— Бедь — память пыдди. Нуа гортӧдз, тшӧкта куим томан сайӧ дзевны. Мыйкӧ ӧд колӧ жӧ кольны казты-лӧм вылӧ, а то орден ни медаль...

— Найӧс, ме думысь, бӧрынджык кутасны сетавны,— вочавидзис Бойцов.— А ӧні мыйысь? Ассыным сиктъяс да каръяс эновтӧмысь?

— Ок, и боец Бойцов! Европа мездысь! Кӧнкӧ, гимнастёркаад розьяс нин вӧчалін? Сӧмын ӧшӧд орденъястӧ. Он-ӧ чайт, мый тані туплясьӧмысь наградитасны? Йӧзыс воуйтӧны, а ми шоньд пач дорын рытйысям. Аски жӧ муна асланым частьӧ!

— Пышъян?— юалис Бойцов.

— Ог ӧд фронт вылысь, а сэтчӧ! Та мындасӧ колӧ жӧ гӧгӧрвоны.

Дзикӧдз дӧзмӧм Алексей водліс нар вылӧ, но сэсся чеччис бӧр да крапкис:

— А Надятӧ, Огнӧватӧ, тшӧтш босьтан?

Но Гена эз шӧйӧвош, кыкис зепсыс Қонаковалысь фотокарточкасӧ да мыччис Бойцовлы:

— Менам век сьӧрысь Валя, а абу Надя, боец Бойцов. Тӧдмась. А Огнӧвайд... Мӧд сылӧн коксӧ шонтысыс...

— Век кӧсьян кодӧскӧ чуймӧдны,— шусис менам, кор казялі Геналысь ме вылӧ мудера видзӧдлӧмсӧ.

— Тэ мый йылысь? Мый Валяӧс эг вунӧд?

— Госпитальсьыд пышйӧм йылысь,— кежӧді ме сёрнисӧ.

— А мый, чайтан, ылӧдча? Ог, Юра. Узя медбӧръя вой. Сьӧлӧм веськыда потны кутіс, кыскӧ ӧртъяс дінӧ. Ме гижлі Валялы, мися, ӧтлаынӧсь. Шуӧ, энӧ пӧ нин торйӧдчӧй, позьӧ кӧ. А найӧ гожӧмбыд запаньын уджалӧмаӧсь. Сьӧдкыркӧтшын. Верстьӧ мужикыс пӧ некод абу, сӧмын нывбабаяс да зонпосни. Сьӧкыд налы, сьӧкыд... Оз эськӧ гиж та йылысь, да ӧд ставыс гӧгӧрвоана... Тэныд, Юра, ыджыд копыр. Колӧкӧ, лыдды.

— Аттьӧ,— вочавидзи кызди верми веськодъджыка.

— Век жӧ ӧтлаын быдмывлід, велӧдчылід,— шога шуыштіс Гена.

Сэки кийӧ ачыс нюжӧдчис кыз бумагаысь вӧчӧм конвертлань. Тыдалӧ, Валя, клеитӧма сійӧс ачыс. Конверт вылас гырыся гижӧма полевӧй почталысь номер. Окота вӧлі адззыны сы улысь ним-вич-овсӧ эз Юранӧвлысь, а ассым, но нинӧм он вӧч. Сьӧлӧмӧн кылі: ме-

дым лоны тані шудаён, меным буретш и эз тырмыны татшом письмоясыс.

Ме бура төді Валялысь почеркё. Шыпасьясыс посьныдикось, рөвнөйось, ясыда торъялөны өта-мөдсьыс. Но со найө кутісны вевттысьыны руөн, чеччавны син водзын, а сэсся дзикөдз вошисны... Гусьоник чышкышті вазьом синьясөс и стрөг шыпасьяс сувтісны асланыс местаө, быттьө салдатьяс стройө.

Сэсся синводзө сувтісны синеч рөма йи кодь көдзыд ваа Эжва кузя нюжөдчөм бонаяс, кодьяс жмитөны береглянь лыдтөм-тшөттөм керьяссө. Бонаяс вылын зіля вөрөшитчөны багырьясөн нывьяс, зонпоснияс. Буситө зэр, валъялө Эжва. Улісянь ва и вылісянь ва. А сувтлыны оз позь ни өти здук кежлө: еджыд пөв вылө сирөн гижөм кывьяс чуксалөны: «Дона ёрт! Тайө вөрсө виччысьө фронт!» Дерт, пурьясьысыяс и асьныс бура гөгөрвоөны тайөс. Со мыйла налөн сардмөм-потласьөм киясыс смена чөж оз торйөдчывны багыр воропьяскөд.

«...А төрыт миян висьмис өти шлакуйтчысь. Ёна кынмис да. Налы өд медся сьөкыд: лунтыр лоө сой кызта снастьөн пур юрсө вурлыны. А арся ваыд, ачыд төдан, кутшөм. Но и бригадир юалө: «Коді сувтас шлакуйтчыны? Уджыс сулалө». Нывьяс чөв олөны, дзоргөны сапөг нырьяс вылас. Чөв оли и ме. А бригадирным: «Сідзкө, тадзи и кутам сулавны?» Сэки сөгласитчи ме. Жальөй петіс пөдругаяс вылө, өткымынөн на пиысь зэв нин жебиникось, лөз вез кодьось, кыз шуасны. А кысь нө гosity? Первойсө, Гена, киясөй ёна кынмисны. А сэсся быттьө велалышті. Шоныд весиг лоис. Сөмын рытнас өдва вон плашкаутөдз. Сөйны весиг оз ков. Но немтор, Гена, ме велала. Ещө лун-мөд, и кокныдджык лоө. Тадзи шуө бригадир. А ме сылы эска.

Шоныд лолө сьөлөм вылын, кор казътывлам нывьяскөд тіянөс. Гена, ми пасьялім вель уна керьяс. Колөкө найө веськаласны буретш сэтчө, көні лоан тэ. Тэ өд помнитан, кызди ме пасйысьлывлі. Блиндажтө стрөитігад видлавлы керьяссө».

Ме невөляысь нюммуни. Жерьялісны и Гена Бойцовкөд. Вөлөмкө, письмөсө менам гораа лыддысьсө.

— Но и төлк жө налөн,— шыасис Алексей.— Найө өд пурьялөны пиловочник. Сійөс татчө оз вайны. Блиндаж вылад, майбыр, вөрыс тані тырмас. Медтыкө вөлі чер да пила.

— Оз позь тадзи, Алексей,— небыда вомаліс сійөс

Гена.— Мед думайтасны, мый налөн вöрыс воö татчö. Сэки и налы лоö кокныдджык... Тадзи и гижа воча кывсö.

Ме мöвпнам аттьöалі ассым другöс. Абу нин сэ-тшöм шыбитана зон сійö.

Водзö письмöсö лыдди ас кежысь. Валя гижöма, мый Юралөн да менам гортсаяс дзоньвидзаöсь, уджалöны сплав вылын да колхозын. Юöртöма, кодъяслы воöмаöсь похороннойяс, кодъяс вошöмаöсь некутшöм юöртöг. А помланьыс пасійöма: «Сійö, Юрайд, кöнкö, век на важкодъыс кид. Но сёлöмыс сылөн небыд, Гена. Ті кызкö-мыйкö эн нин торійöдчöй. Век нин ас йöз. Верманныд отсавны öта-мöдлы сьöкыд кадö. А тэ, Гена, эн шогсы, он кö веськав авиацияд. Кодлыкö öд колö и му вылас тышкасны. Со и ставыс. Аддзысьлы-тöдз!»

А дзик помас содтöма кывъяс, кодъяс эз вермыны не вöрзöдны менсым сёлöмöс: «Ме виччыся тiянöс кыкнанныдтö. Видзöй асьнытö. Бөръя кывъяссö, чайта, гөгöрвоанныд правильнöя».

Ме дыр пукалі чöв, вöлі зэв неокота торійöдчыны тайö письмöбыскöд. Но быдторлы воывлö пом. Со нин конвертыс Гена киын, со вошис гимнастёрка зептас.

Ми ышловзим öтпырйö Бойцовкöд.

— Сьöкыд налы...

— А мянöс виччысьöны ещö на сьöкыдджыкторьяс,— шуис Гена, сэсся кызди и век бергöдiс шуткаö:— Помасяс война, пуксьöдам Валя коддьöмъясöс ен ув пельöсьясö... Асьным, дерт, орччөн...

— Помавны на колö войнасö,— гарыштіс Бойцов.

— И помалам!— öзйис Юранёв.— Тырмас тан жöвьявны. Мунам аски, Юра. Лыжнöй батальоньяс пö формируйтчöны. Сöмын эськö веськавны сэтчö. Али Огнёв-тö жаль кольны?— друг юаліс комиён.—Эн кöть бара скöрмы. Ог вермы шмониттöгыс...

Дыр на варовитім-пукалім тайö рытнас Генакöд. Сэсся сійö муніс. Сэки ещö на юаліс, кöсья ог сыкöд öтлаын пышйыны госпитальысь. Сöгласитчыны эг вермы.

— Тэ öд, Гена, век кöсьян геройөн лоны. Ог ошкы. Видзöны тані, сідзкö, колö. Чайтан, весьшöрö нянь сёям? Пышьян прамöя бурдтöг да частяд сöмын лишнöйөн лоан. А öні йöзыс тырмö: оборонаынöсь.

— Йой!— вомалис менө Гена.— Эськө өти частьö веськалім. Но прөстит менө ставсьыс, воканйй.

Ми топыда кутчысьлім. Воккөд моз прөщайтчис Гена и Бойцовкөд.

— Мыйла «прөщай»?— шуис Алексей.— Колөкө и аддзысьлам на... Ми өд лызнад ветлыны кужам жө...

— Вернө!— гажмис Гена.— Юөрта, кытчө веськала,— и воськовтіс ывлаө.

Аскинас сійөс госпитальыс эз нин аддзыны. Регыд мысти муніс матөджык передөвйлань и Огнёва. Госпитальын раненнойяс вөліны этшаөнөсь, и сійөс лэдзисны. Надя воліс и миян палаткаө. Дерт, эз өтнас, а Кузьмичкөд. Ми лөсьөдім мыйкө празник модааөс. Чусыда ломалысь телефон кабель пыдди яра өзйис карбидной лампа. Плащ-палаткаөн вевттьөм нар вылын восьтөм консерв банкаяс, картопель-печенча, салдатской пөртийын руалө Бойцовлөн овощной рагу. Сэні жө сулаліс и Кузьмичлөн миянлы төдса нин флягаыс.

Неуна гажмыштөм Надя висьтавліс аслас олөм-вылөм йылысь. Ленинградка. Война водзвылас помалөма десятилетка, сэсся велөдчөма медицинской сестраяслөн курсьяс вылын да веськалөма абу Ленинградской фронт вылө, а Ладога тылөн асыввыв берегө. Онөдз уджалө госпитальясын. А окота веськавлыны передөвййө.

— Сэні өд ми коламджык? Сідз өд, Кузьмич?— быттьө дорйисигмоз юаліс.

— Тіян, нывъяслөн, киясыд некөн абу лишнөйөсь. Сөмын, Надя, асьтө колө чередитны: сэні өд абу висьысыс...

Надялөн еджыд синкымъясыс скөра кыпавлісны вывлань, руд синъясас — өбида:

— Коді, коді, а тэ менө, Кузьмич, төдан...

— Төда, нылук. Но сэн эмөсь и сэтшөмъяс, кодьяс ыстысьоны, мый война пө лоө ставсьыс мыжа. Мустөмта ме сэтшөмьяссө, но и тэныд эськө колө сэн чорыдөн та кузя лоны.

Надя прөщайтчис миянкөд. Сылөн доршасис синваыс. Татшөмөн и коліс сійө менам паметьө: тасмаөн топыда зелөдөм гимнастёрка, код улысь чурвидзөны водзлань неыджыд, но зумыд морөсьяс, защитной рөма юбка увладорас гөгрөс черьяса кокьяс да кирзөвйй гөленя сапөгьяс. И синва сора нюм.

— Оз өмөй сюр тиян пиысь ни өти удал кавалер, кодi эськө збоймөдчис колльөдны менө?— петигас нин шунс Надя.— Ывлаас со вой. Али гвардияыс полө жө войсьыс?

Лои гөгөрвоана, мый тайө абу сөмын дэльөдчөм, тайө мыйкө мөдтор. Бойцов бергөдчис мөдарө, а Кузьмич сөмын здук видзөдлiс лыс кодь кузь да дзор-мыштөм синкымъяс увсяныыс.

— Гвардияын полысьяс абуось,— серөкти ме шы-нельөс пасьталiгмоз.

Петiм ывлаө, сувтiм ыджыд пу улө. Сэтчө зэрыс эз инмы, сөмын корсюрө лысьясас чукөрмөм ваыс гырысь войтьясөн шнөпкысьлiс миян ывлө. Но та ывлө видзөдтөг сьөлөм ылын вөли шоныд.

— Тi вөвлiд Ленинградын?— юалис Надя.

Морөсө ылькнитiс радлун: Надя оз тэрмась гор-тас. Но мыйла панө ыль сөрнисө? Аскисянь жө миян туй визьясным вожаласны. Прөйдитас кад, и вушь-ясны вежөрорысь танi коллялөм луньясыс.

— Ме Сыктывкарысь да Архангельскысь кындзи некөн на эг вөвлы.

— Тi велөдчид Сыкт-тык-варас? Кывйыд оз берт-лась. Но и ним. А мый сийө лоө рочөн?

— Сыктыв ю дорын сулалась кар.

— О, кутшөм кузь! А миян квартираным өни тыр-төм...

— Некод абу?

— Абу. Бать усис финскөй кампания дырйи, а мам кулiс таво төв. Весиг дзебнысө эг вермы вет-лыны...

Ми олыштiм чөв. Со и бара өти жугалөм олөм. Быдөн эз ло лөсьыд Надя водзын сыысь, мый менам көнкө ылын эм горт, мый сэни спокойнөя олөны да уджалөны бать-мам, чойяс.

— Помасьяс война, воы гөститны,— абутөм мы-жөс ас ылысь вештiгмоз шуи ме.— Мам-бать менам бурөсь. Нылөс моз примитасны.

— Найө өд быдөнлөн шаньөсь,— сөгласитчис На-дя.— А тиян, дерт, нин. Төлктөм бать-мамлөн пра-мөй быдтас оз овлы.

— Тайө комплимент?

— Эг велавлы висьтавлыны найөс,— вочавидзис Надя.— Тi менө, гвардияса сержант ёрт, он на тө-дөй. Ме ог куж дзебны мөвпьясөс. Мый юрын, сийө

и кыв йылын. Та вöсна весиг кодсюрö менö оз радейтны. Коді? Тэнад землякыд, например, командир-пилаыд, кызди ыдждöдлö сійöс Бойцов.

Телепит лои юавны, тöдö оз, мый ме кывлі юдорса сёрнисö, но кутчыси. Заводитіс ачыс Огнёва:

— Юранёвыд — хам. Коркö ötчыд ветлім ыркöдчыштны ю дорö. Мем окота вöлі тöдмавны, кызди передöвöйын олöны-вылöны санинструкторъяс. Но и юасьны куті, а сійö... Сöвестыс абу! А тiянлы нö мыйла некутшöм ныв оз гиж?— друг юалис.

— Эг удитлы лöсьöднысö. А госпиталяд...

— Кодъяс дыр олöны тани, велалан на дінö, быттьö ас йöз лоöны, жаль и янсöдчынытö,— водзö нуöдіс Надя.— Öткымынөн письмöяс и быдөн ыстывлöны. А ті эськö, гвардияса сержант ёрт, энö гижöй меным?

— Кытчö? Ті жö öд аски муаннныд,— шемöсми ме, а сьölöмöй радысла морöсö эз кут тёрны.

— Ёна кө көсьян, аддзан небось кытчö,— зэв збыльысь шуис ныв.— Сідзкö, он көсйöй.

— Надя!— Ме босьті сылысь васöд да небыд кияссö. Сійö эз нетшышт найöс.— Но кысь ме тöдмала тэнсьыд адрестö?

— Ме верма юёртны. Сöмын, Юра, эн чайт, мый мырдөн суйся,— сійö первойысь шуис менö нимөн.— Колöкö сэсся огö и аддзысьлöй. А помасяс война, волы Ленинградö. Кута виччысьны. Сыысь мича карыс, Юра, сэсся светас абу. Öні, дерт, ёна сійöс жуглісны-а. Но миян квартираным дзонь на. Кызди ме öтнамсö сэні кута овны? Вежа кодкөдкө. А то мам лоö век син водзын, век лоö син водзын. Волан, Юра?

— Вола,— ме кияссöс пукті нывлөн пельпомъяс вылö, кыскышти сійöс ещö матöджык.

— Честнöй пионерскöй?

— Честнöй пионерскöй! И под салютом!

— Миян нывъяс, көнкö, стынитöны, а ме тэныд узьны ог сет. Аддзылас кө эськö политрук!..

Огнёва друг кыпöдчис кок чуньяс йылас, ставнас нюжöдчис мелань да шöпнитіс:

— А öні окышт менö ёна-ёна!

Ме дзикöдз шемöсми: öд некор на эг окасьлы, а сöмын киноысь аддзывлі. Но мый лоаныс ло! Куни

синъясөс, быттё йирө чеччышта, топөді кывзысьысь нылөс ас бердө...

Көнкө тайө зэр улас шытөг сулалісны часөвөйяс, дзоргисны пемыдас секретъяс, кывзисисны полевөй караульяс, кыссисны «гөститны» вөрөг ордө разведчикъяс, ымзисны госпитальнөй койкаяс вылын сьөкыда ранитчөмъяс, тэрмасисны рытиввылө салдатъяс тыра эшелонъяс, грываकылысь-уджалысь заводъясын рабочөйяс дорисны фронтлы оружие, сиктса йөз идралісны урожай. И тайө жө зэра да пемыд небеса улас, татшөм лөсвятөм кадас, аддзисисны кык ловья лов, кодьяс лыа чирьяс моз зурасисны төдлытөг да аддзисны дженъыд шуд.

— А менө первойысь на окыштіс зон,— ордчис ме дінысь Надя.— Ок, ылөдлі. Отчюд окыштліс нин. Оти классын велөдчысь. Но эз сідзи, кызди тэ. А кызди... вок чойөс. Но, овлө тай сідзисө... Он өд вежөгты?

— Ог.

И Надя бара нюжөдчис мелань...

* * *

Ноябрьскөй празникъяс бөрын миянөс Бойцовкөд лэдзисны госпитальысь. А таөдз ковмис на мырсьыштны батальонын, көні вөліны бурдыштөм раненөйяс. Кыскалім кер, заптім пес, грузитчим-ректысим станцияын. Тайө уджыс содтіс вын-эбөс. Эз на удит воны Надысянь юөр, кызди корисны комиссия ылө.

— Сідзкө, өтлаын лоам,— радліс Алексей.— Тэ, сержант ёрт, эн вунөд босьтны менө отделениеад.

Ме, дерт, видлі вөзйысьны асланым дивизияө, но оз тай ставыс артмы сідзи, кызди көсьян. Комиссияса председатель, верстьө арлыда майор, висьталіс, мый миян дивизия өні пыді тылын, выльысь формируйтчө, и меным ковмас служитны сәні, кытчө найө индасны.

— Лыжиөн исласьлін?— юаліс сійө.— Лоан лыжнөй батальонын!

— А тіян батальонын, майор ёрт, Юранөв оз служит?

— Вөвлөм лётчик? Старшина?— майор пыдди вочавидзис старшөй лейтенант.— Тэнад земляк? Эм сәтшөмыс.

Тадзикөн ми бара аддзисим Генакөд.

Заводитчис велөдчөм. Ме ог кут висътавлыны сизмдасысь унджык верста марш-бросокъяс йылысь, трачкөдчысь көдзыдъяс да сотөм көм-паськөм йылысь: узьлім бипурьяс дінын, миянөс вежонъясөн эз лэдзлыны шонтысьны землянкаясө. А 1942-өд воясся төлыс Ленинградскөй областын вөлі вывті көдзыд. Унмовсьөм ббрад мортыд век сетчыштө бипурлань, зільө шонавны, кытчөдз оз кут тшынавны кыткө. Таысь, дерт, чорыда сюрлывліс ми воклы. Но зато ми велалім не казавны любөй мороз, бипур дорысь кыпөдчөм бөрын пөрччысьлім коскөдз да ниртчылім лымйөн. Ог помнит, медым кодкө кынтыліс кисө либө коксө, а тактическөй занятияс дырйи ковмывліс куйлыны лым вылын пемыдсянь пемыдөдз.

— Гортын кө, важөн нин водтөдісны больничаө,— шулывліс Бойцов, коді веськаліс менам отделениеө,— а тані, тыдалө, енмыс видзө...

— Организмыд ёнмө,— вочавидзліс Гена Юранёв.— Оні сійө тэнад көрт кодь на, а төлысь-мөд мысти пөрас стальё. Сэсся өд гортаным тэа-меа эг жө овлөй Ильюша Обломов моз. Со и крепыдөсь.

— Старшина ёрт, ещө на төлысь-мөд кутасны нокны миянөс?— юасьлісны боецъяс.— Қор нө бояс петама? Колө Ленинградлы отсавны, йөзые сәні тшыг нисьө пөт олөны.

И пансьывліс сёрни Ладожскөй тывывса «олөмлөн туй» йылысь, коді, көть и коставлөмөн, но век жө вердіс-удіс Ленинградөс, сійөс дорйысь боецъясөс; казътывлісны Сталинград, көні сөмын на неважөн помасисны бөрья бояс. Төлкуйтлім и асланым Волховскөй фронтлөн делөяс йылысь. Тані чөв. Салдатъяс оз лыддыны бояс пыдди артиллерийскөй да миномётнөй налөтъяс, враглөн да миян разведкаяслысь паныдасьлөмъяс либө кутшөмкө опорнөй пунктысь гарнизон жугөдөм.

Быдөн гөгөрвоисны, мый дасьтысьөны гырысьджык делөяс кежлө, мый тайө тышас ог медбөрьяөн лоөй и ми — лыжнөй батальон. Салдатлөн сюсь синмыс быдторсө аддзө. Ладожскөй тылөн лунывыв берегса вөрьяс лунысь-лун тырисны выль войскаөн. Лоис быдөн дзескыд: кытчө он мөдөдчы, зурасян төдтөм боецъяскөд либө веськалан выль артиллерийскөй позицияс вылө. И став тайө йөзые да техникаыс мырсис-уджаліс да оліс шыч ни рач. Восьшөрө гөгра-

лісны вөр весьтти «рамаяс», лэбалісны туйяс пӧлӧн: позьӧ ӧмӧй мыйкӧ казьявны кыз лымйӧн шебралӧм вӧрысь, кор сәні дзебсясьӧны асьныс пармалӧн пиян.

Частӧ воывліс мян ротаӧ и майор, кодӧ бӧрйис йӧзӧс аслас лыжнӧй батальонӧ. Овыс сьлӧн вӧлӧма Курков. Москваысь. Ачыс зэв бур лыжник. Гажа оласнога. Радейтім сылысь ӧти тырмытӧмтор: кужан кӧ бура ветлыны лыжиӧн, ставсӧ прӧститас.

— Синьястӧ моз видзӧй кокьястӧ, лыжиястӧ!— велӧдліс Курков.— Зыртис коклябӧртӧ либӧ чегис лыжиыд — тэ абу нин боец. Батальон оз кут виччысьны, а мый верман вӧчны ӧтнадӧн враг тылын?

Майор радейтлывліс здук-мӧд пукавны мян взводын. Мыйла? Висьтала. Ӑтчид сизимдас километр зэв ӧдйӧ мунӧм бӧрын юӧртисны, мый кодӧ кӧсйӧ, вермас участвуйтны кроссын. Ковмас пӧ котӧртны лыжисигтырйи содтӧд ещӧ вит верст.

Шоч лыжникьяс вермисны вӧчны тайӧс, а мян взводысь котӧртисны быдса кык отделение. Ӑні гӧгӧрвоана лои?

Майорӧс пыр жӧ кытшавлісны боецьяс, а сійӧ висьтавлывліс аслас ёртьяс-спортсменьяс йылысь, кодьяскӧд ӧтлаын тышкасьлӧма белофинньяскӧд. Ми гордитчим асланым командирӧн, нимтылім асьнымӧс курковцыясӧн.

Майор, дерт, кывліс тайӧс, но некор эз вомавлы боецьясӧс, сӧмын содтывліс:

— Петкӧдлам вот асьнымӧс ещӧ делӧын.

— Сӧмын кӧсйысьӧны, дӧзмим нин виччысьнысӧ.

— ТерпITYштӧй,— вочавидзліс броткысь боецьяслы Курков.— Чайтад, меным окота пукавны тайӧ пожӧмьяс улас? Найӧ, дерт, мичаӧсь, но лӧсьыд нимкодьясьны наӧн мӧд кадӧ...

— Гӧгӧрвоам, майор ёрт! Чукӧртыштам выннимӧс, а сәсся кыдзи сетыштам фашистьяслы нырвома — тутасны веськыда Финскӧй заливӧдз.

Радейтліс майор Генаӧс. Батальонын ӧти старшина и командуйтис взводӧн — Юранӧв. И тайӧ гӧгӧрвоана: Генакӧд вермис венласьны вынъяснас шоч лыжник. Менам друг эз радейтлы удждыны суседылысь ни вежӧрсӧ, ни збойлунсӧ.

Сылы частӧ гижліс Валя Конакова. Письмӧяссӧ лыддьывлім ӧтлаын. Важӧн нин вуніс мян госпитальын «тангысьлӧмным».

Кузьмич пыр меным удайтчис йитчыны Надякөд. Письмө сертигыс төдчис, мый ныв көнкө матын. Но көні?

— Төдан мый?— чуйдис Гена.— Шыөдчылам майор динө. Отсалас төдмавны. А сэссия выль вося празник дырйи вөйысылам. Лэдзлас. Тэа-меа пөшти медбур лыжникъяс. Помнитан кросстө?

Но Геналөн ветлытөм нин лои Надя Огнёва динө. Декабрь помын миянлысь батальоннымөс некымын лун кежлө суйисны оборонаө — передөвөйө: вежим сэтысь кутшөмкө стрелкөвөй часть, коді вешийс матысса тылө шойчыштны. Ми сулалім асланым дивизиялөн веськыдладорас. Орчча дивизиясянь первой батальонөдз костыс вөлі поводной ыджыд, гашкө, верст. Медым сэти эз пыр миян мышкө немецъяслөн разведка либө автоматчикъяслөн группа, сэні сулаліс полевөй караул. Боецъяс эз радейтлыны ветлыны сэтчө: ас йөзөдз абу матын, вувзысысны кө немецъяс, отсөг регыдөн оз во.

Ковмис ветлыны сэтчө и миян взводлы. Но Гена эз кывзысь менсым, нуөдис эз нельнан отделениесө, а сөмын кыкөс.

— Луннас вежасны миянөс. Мыйла сутки чөж став боецъяссө мөритны? Сэні өд шонтысьнытө некөн, весиг куритчыны оз позь. Вой кежлас караулса начальникнас муна ачым, а тэ кутан отсасыны.

Вензыны вөлі весьшөрө. Геналы шу көть эн. Но и мед! Онөдз кө сэні вөвлі лөнь, то мыйла тавой быть колө лоны кутшөмкө «ЧП»-лы?

И со ми караулынөсь нин. Стрелкөвөй ячейкаяс да окопъяссянь неуна бөрынджык дзот. Сийө оз и төдчы лым шапка улас. Сылөн амбразураясысь чурвидзөны кык «дегтярев», на дорын ноксөны лыжник-пулемётчикъяс. Дзотас жө шойччөны и смена вылысь воём часөвөйяс да найө, кодъяс лөсьөдчөны мунны постъяс вылө. Но некод, дерт, оз узь, лөня варовитөны.

Вөлі вой шөр бөрын час, кор ме петі видзөдлыны, эз-ө вугыртны часөвөйяс. Ставыс лючки-ладнө. Но найө зэв нин гежөда сулалөны. Кутшөм эськө вөлі бур, вайөдөма кө татчө ставнас взводсө! Мөдөдчи постлань, коді вөлі ёна водзынджык.

А войыс! Сэзь, көдзыд, кодзувъяса, сөмын төлысьтөм. Татшөм кадас эськө нывъяскөд колльөдчыны,

дурны, бускысьлыны гон кодь небыд лымйö, сэсся öта-мöдтö меліаліг, пыркöдчыны... Эк, олём, олём, ку-тшöм эськö тэ вöлін мича, не кö тайö войнаыс! Ву-нöдчи. Оз позь мөвпавны немтор йылысь: сэки кок улад дзуртö лым, шыыс кылö ылöдз. Ылісянь на и казяліс менö тайö тöдса öпаснöй пост вылас сулалысь Бойцов.

Вои сы дінö, сувті орччөн. Шöпниті пеляс, мый регыд вежам.

Сэтшöм лөнъ, сэтшöм лөнъ! Пеляд тінгö.

Ячейка водзын, метр кызь ылнаын, сулалöны гы-öртöм кустьяс, сэн жö кöдзыдысла дзикöдз гегдöм коз понöльяс. Быттö кымöма-изöймитöма став ывлаыс. Некөн ловъя лов.

Но... мый тайö? Коді нейтральнöй полосаас? Ку-тшöмкö зверь? Кысь сійö сэтчö воис? А абу кö зверь?

Алексей инмöдчыліс ме дінö, но и ме ачым гөгөр-вои ставсö. Со усис öти куст вылысь гыöрыс. Тэрыба лöсьöді ракетница, тапниті Бойцовлы пельпомас.

«Та-та-та»,— эрыштчис сылөн автоматыс. Кустьясын кыліс кодлөнкö лөвтыштöм. И пыр жö войыс ловзис. Веськыдвылын и шуйгавылын пондісны чуша-кывны лыжияс, кустьяс вылысь киссис гыöрыс. Со тыдовтчисны еджыд вуджөръяс: öти, мöд, коймöд, нельöд...

Енэжсö писькöдö турунвиж ракета. Бур эськö бö-рыньтчыны дзотлань, но вөрззыны ячейкаысь некор: колö биөн личкыны лымъяс еджыд мыгөръяссö.

— Алексей, дженъыд öчередьясөн!— горза Бойцов-лы гранатаясö запальяс сюялігмоз.— Тадзтö куйман дисктö минутөн куштан!

Немецъяс оз нин дзебсясьны, заводитöны резны свинеч шерён, шыблалöны кузь воропа гранатаяс. Став сертиыс тöдчö: тайö абу разведчикъяслөн груп-па, а быдса рота. Лыйсигтырйи котöртам Бойцовкöд бöрлань, медым öтлаасьны группакöд, кодөн коман-дуйтö Гена. Сыланьын яра эргöны «шпагиньяс», на-лысь гөлөссö кадысь кадö вевттылöны «дегтяревъ-яс», дугдывтöг потласьöны лимонкаяс.

— Зарубин!— воö пельöдз Геналөн гөлөсыс.

Траншеяö мян водзвылын бузгыльтчö-усьö ыджыд еджыд ёкмыль, сэсся мöд, но ми удитам водзджык пезьдöдны автоматъяснымöс. Котöртам немецъяслөн шойяс вывті... А со и Гена.

— Запасной позиция выло петны сёр нин,— коса шуис сийо.— Кымынко боец сомын удитисны писькодчыны кытшалом борас. Видзой Бойцовкод дзотсо борсяныс! Кытчодз дзотыс лоо миян, повны ниномысь.

Ми Бойцовкод уськодчим дзото пыран одзослань. Но сийо жо здукас син водзын сьвкнитис виж биысь артмом веер. Вежородз воис на, мый тайо немецкой гранаталон взрыв.

...Паляли чорыда тракийомысь. Син водзын Бойцовлон векыштчом чужомыс. Первойсо эг гогорво, мый вочсьо, мый йылысь сийо висьтало, а кор гогорвои, то-павлис сьоломой.

— Эн сөр! Кыдз но сетид?— городсис менам.

— Ставон погибнитисны. Менам кокьясой оз уджавны, осколокьясыс, бурако, инмомаось. А тэно контузитис. Эсько верми на да патроньясой бырисны.

Ме пыр жо веськоди синьясос сэтчо, кони некымын немец кыскисны Генаос. Сидзко, воломаось «языкла».

Пошти накод орччон ратшмуні мина, мод, коймод. Тайо миян. Отсалоны. Немецьяс водыштлісны, но сэсся бара заводитисны кыскыны. Гена эз ворзьыв: тыдало, корталомаось.

— Сийо ловья?

— Ранитчис... Но водзсасис на. Корталісны мырдон,— вочавидзис Бойцов.

Миян минометьяслон мод залпыс швачкис немецьяс борвыло. Коть эсько мед веськалісны! А кустьясыс орччонось нин, регыд немецьяс саяласны. И сэки... «Вотчыны, гашко, отнамлы? Йойялом: кыподчан траншеяысь — виасны. Кустьяс повстас, дерт, немецкой автоматчикьяс. Мый вочны? Мый вочны?»

Бойцов бытьо лыддьома мовпьясос:

— Юра, дзотас пулемёт...

Здук мысти ме воли нин сэни, вештышти виом лыжник-пулемётчикос, пукти вель диск. Амбразураод аддзи, кыдзи тэрмасисны немецьяс. Да. Спаситны Генаос оз позь. Нуасны плено. Дерт, Геналысь вомто восьтыны налы оз удайтчы. Сэтшом нин сылон оласногыс. Та йылысь ме зэв бура тоди. Но...

...Син водзо сувтис миян разведчикьяслон висьт. Немецьясон энвотом землянка, кытысь найо пышйисны, но идравнысо немтор эз удитны. Пызан вылын сёян-юан, тыртём вина бутылкаяс, стенин офицерской шынельяс. Офицерьяс пиысь оти весиг вунодома

ассыс пистолетсö. А неуна пыдынджык, пемыд пельöсын красноармеец паскöма морт шой. Сийöс рöспинайтöмаöсь пöвъясысь вöчöм крест вылö. Киясас да кокъясас тувъялöм гырысь кöрт тувъяс улысь сöдзтысьö вир...

Пызан вылын — красноармейскöй книжка да комсомольскöй билет.

«А öд Гена комсомолец жö,— визьнитис менам юрын,— содтöд взводса командир... Оз, оз удайтчы тиянлы, гадъяслы, смекайтчыны менам друг вылын, кырнышъяс моз нетшкыны-кокавны сылысь том вир-йисö...»

Прицельнöй рамкалөн прорезын тыдалысь мушка весьтö воисны немецъяс. Ме лички спускöвöй крючок, и «дегтярев» мöдöдис смерть вайысь лöдзьяс...

Ме аддзи, кызди öти бöрся мöд гылалисны немецъяс, найö заводитисны кыскыны волокушасö уймөн, а бöрьяясыс тойлалисны лызь бедьяснас. Ешö здук — и волокуша немецъяскöд тшöтш вошас кустъяс сайö...

— Прöстит менö, всканöй... Прöстит...— И ме вештышти «дегтяревлысь» мушкасö сылань, кöни колö лоны Геналөн юрлы, морöслы...

Кустъяс пиысь воча сярöбтисны некымын немецкöй пулемёт. Сотыштитис пельпомöс, веськыд киöй лётмунис-усис спускöвöй крючок вылысь... Но мем ставыс нин вöли веськодь.

Синъяс водзö сувтис ныв. Сэтшöм тöдса чужöмыс: веськыд да дженьыдик, керыштöмкодь ныр, водзлань быйкнитчöм руд дивитысь синъяс, на весьтын зарни кодь венеч, кодöс вöчöма кöсаясысь... Мыйла нö сийö? Мыйла эз мöд, гимнастёркаа, звездаа берета, кирзöвöй сапöгъяса?

Фронтөвөй олөмысь

Шойчигон

Шензьодана асывводз. Август пом. Гожөмлөн мичлуныс лаймалө, кылыштө нин арлөн лов шы. Ывла выв синлы төдчытөг вежө рөмсө: сылөн нюдзвиж кышодас тыдовтчөны бисер кодь кельывиж да гөрд чутъяс. Со кызды вылысь лэбзис кольквиж рөма кор да бергалитыр усис узысь боецлөн плащ-палатка вылө, а вот эсийө гөрд рөмаыс оз на лөсьөдчы усьны, дыр на шпорөдчас кокныдджык төвру улын. А сынөдыс кутшөм! Енэжыс! Тайөс вермас гөгөрвоны морт, кодлы удайтчывлис узьны вөрын, водз арся енэж улын. Но тайө мичыс вөлі веськодь узысь салдатъяслы, кодъяс сьөкыд марш бөрын шойччисны пу вожъяс улын.

Шондикөд тшөтш увтас местаясысь заводитис кыпөдчыны черань вез кодь ру. Вочасөн сийө сукмис, төбис пуяс и кустъяс, кыссис вывтасинө, көні шойччисны салдатъяс. Став сертиыс төдчис, мый луныс лоө шондия да жар. Плащ-палаткаяс да шынельяс улын өта-мөд динас топөдчөм йөз пиысь садьмис том боец. Виччысьөмөн, медым не пальөдны өртъяссө, чеччис, очсалис. Сийө кыліс горулын шорлысь тельгөм и окота лоис мыськыны ньылөмсө. Од найө төрыт сэтшөма мудзисны, мый унмовсисны весиг ужнайттөг. Боец тэрыба мөдіс шорлань, а кор матыстчис сы дорө, джөмдіс виччысьтөмторсьяс...

Неыджыд руд из вылын пукаліс ныв. Сылөн кокъясыс вөліны ваын. Ныв видзөдчис неыджыд йирө зеркалөө моз да лөсьөдышталіс юрсисө. Сийө пукаліс боецлань мышкөн. Но мыгөр, челядьлөн кодь ичөтик княс да лөсьыдик кокъяс серти позис чайтны, мый сылөн и

чужо́мыс сѡстѡм... Орчѡн куйлысь гимнастѣрка, защитной рѡма юбка, салдатской пилотка серти во́ли гѡгѡрвоана, мый тайѡ нылыслѡн профессияыс медся сѡкыдыясысь ѡти. Сѡмын тай пельпом вылас шавмунѡм рудов рѡма сук юрсиыс эджык лѡсяв салдат-фронтовиклѡн паськѡмлы.

Ок, кутшѡм мича юрсиыс! Сидзи и окота инмѡдчывны сы динѡ. Акань кодъ тайѡ нылыслы ѡмой эз сюр мѡд места? Мыйла сийѡ орчѡн йѡзкѡд, кодъяс восьлалѡны юр усян туйтѡ? Эз ѡмой сюр тайѡ лѡсьыдиник кокъяс вылас бурджык кѡмкот, чорыд да ыджыд кирза сапѡг кындзи? Ѳд татшѡм нывъяслы местаыс рѡднѡй семьяын, мам дорын, ѣртъяс дѡнын, а абу вѡръясын да нюръясын. Дзик на челядь. Видзѡд, кутшѡм нем тѡждыстыѡг бызѡдчѡ кокъяснас, кутшѡм тешкодя видзѡдѡ ваѡ, велѡдчысь моз лѡсьѡдлѡ юрсисѡ. Тайѡ здукас, тыдалѡ, вунѡс, мый сыкѡд орчѡн туфлияс пыдди гырысь сапѡгъяс, шѡвк чувки пыдди нямѡдъяс. Код тѡдас, мый йылысь ѡни мѡвпалѡ тайѡ нывкаыс, страналѡн кутшѡм пельѡсын ветлѡны сылѡн думъясыс. Да, танѡ он дыр пѡжасъя унтѡ, абу мамыдлѡн небыд вольпасыс. Лоѡ чеччыны боецъясысь водз, а водны сѣрѡнджык. Мѡд ног ѡд оз вермы овны нывка либѡ нывбаба мужичѡйяс пѡвстын.

Том салдат эз лысыт весиг пыдѡджык лолыштны, медым не торкны нывкалысь мѡвпъяссѡ. Бур, мый оз адзы сийѡс. А казялас кѡ? Бытьѡ кыйѡдчѡм лоѡ. Абу лѡсьыд. Салдат кѡсийс нин здоровайтчыны ли, шыасыны ли, но мыйлакѡ эз кывзысьны кывйыс ни вомыс. Со нывка неуна бергѡдыштіс юрсѡ. Том боец эз ылав: чужѡмыс сѡстѡм, весиг мича. Неыджыд ныр, вѡсныдик чорыд вом доръяс. Неуна гожъялыштѡма. Тайѡ вѡчис чужѡмсѡ верстыѡджыкѡн да ѣна лѡсяліс шавъялысь мича юрсиыслы. Места вылас кымѡм том салдатѡс мездісны ѣртъясыс. Пуяс сайысь юрѡбтісны гора гѡлѡсъяс. Кодъяскѡ тѣрыба локтісны талань. Нывка сайкаліс, тѣрыба чеччис, кватитіс моздорас кѡлуйсѡ да бытьѡ зверѡн повзыѡдѡм кѡза вошис кустъяс да пуяс сайѡ.

МЕЗДѡМ СИКТЫН

Сотчѡны вѡр и нюр. Курыд руд тшын кысьѡ вутшьяс весытті. Кажитчѡ, бытьѡкѡ ставыс гѡгѡрбок кывтѡ. Друг тшын занавесыс вешйѡ, син водзын сотчѡны гы-

рысь гөлөвня кодь керьяс. Повзьёдчысь кодьось саёс-сьом пачьяс, быттьо повзьом турьяс нюждөдмны вывлань голя кодь трубаяссө. Тані вөлі сикт. Тані олісны йөз. На пиысь быдөнлөн вөлі аслас төждлун, аслас удж, водзө вылө аслас надея. А өні тані сотчөмин. Лөнь. Ни өти шы, не кө артавны гөлөвняслысь гора трачкакы-лөмсө...

Сапёрьяс тувьялөны сюръя. Сы вылын пөв. Гижөма: Л. сикт. Сөмын җайө и кольөма коркө дзоридзалысь сиктысь.

Сотчөм кер помын пукалө нывбаба. Сылысь арлыд-сө төдмавны он вермы. Пергамент кодь виж чужөмыс быттьо кымөма. Чусмөм синьясыс оз аддзыны немтор. Шог да лөглун пөдтөны сійөс. Но колө терпитны. Быть. Мортлөн сьөлөм абу из, оз пот.

Со сійө ньөжйөник заводитө кыпөдчыны, быттьо полө, мый эбөстөм кокьясыс кусыньтчасны. Боецьяс отсыштөны сылы. Со нывбаба мыджсьө том салдат пельпомө, зумыда сувтө кок йылас. Ньөжйөник кыпөдө кисө, индө, кодарлань рытъясын пуксьө шонді.

— Пиян, кыланнөд, пиян, эн лэдзөй миян му вылысь найөс ловйөн. Эн лэдзөй! Мед налысь лысьөмсө кокаласны катша-ракаяс...

А сы дінті восьлалөны боецьяс сылань, кытчө индө нывбаба кинас. Мунөны рытыввывлань. Зумыш чужөмьяс вылысь он аддзы синва. Салдат — сійө салдат.

...Сапёр пидзөс вылын пукалө ар 7—8 зонка. Киас сьөд нянь тор да бусөссьөм сакар. Сійө сөйингмозыс мыйкө тэрыба висьталө сьөд уска сапёрлы, коді гаддьөс чорыд кияснас небыдика малалө зонкалысь важөн нин шырлытөмысла да сынавтөмысла гынмөм юрсисө.

Орччөн ичөтджык нывка. Тыдалө, чойыс. Сьөдасьөмысла лөсталысь орьясьөм платтьө пырыс тыдалө нэриник вир-яйыс. Сылөн гырысь ва войт кодь синьясыс шензьөмөн видзөдөны горша сөйысь зонка вылө.

Мукөд сапёрьяс вөзйөны нывкалы нянь, трофейнөй галетьяс, сукарьяс, сьөдасьөм сакар торьяс, но нывка оз весиг видзөдлы налань. Сөмын нюшкө нырнас да корсюрө ниртыштлө синьяссө няйт кулакнас.

— Төданныд, мыйла сійө оз босьт?— шыасьө зонка.— Полө, мый бөрыннас кутад нөйтны. Сідзи фрицьяс вөчлісны. Первой сетасны нянь кусөк, а сөсся бөр мырддясны. Либө нөйтасны. Шуасны, гусяліс пө. На пиысь өти чужйыліс, мый өдва сайксяліс.

— Зверьяс, урөдъяс...

— Вернө, вернө, дядя. Сійö тiянöс, тыдалö, фашистъясöн чайтö.

Зонка чеччис уска сапёр пидзöс вылысь, матыстчис нывка дiнö:

— Валя, тайö абу фрицъяс. Тайö дядьöясыс миян красноармеецъяс. Фрицъяслөн шынелыс турунвиж, а миян руд. Тэ сюсьджыка видзöдлы.

Зонкалөн гөлöсыс вöли сэтшöм мелi да корана, мый нывка кутiс дзоргыны боецъяс вылö, сылөн видзöдла-сыс котралiс быд боец вывтi юрсяныыс да кок улöдзыс.

— Помнитан, Валя, ме тэныд висьтавлi,— водзö ну-öдiс зонка,— мый локтасы миян руд шынельясаöсь, гöрд звездаясаöсь. Помнитан, ме рисуйтлi найöс бумага вылö? Миян пап татшöм жö, вот тайö красноарме-ецъяс кодыс. Звездаа, руд шынеля...

— А папа воас?— друг юалiс нывка.— Сiйö мем ва-яс жö няньсö?

— Папаыд быть воас,— радпырысь шыасисны боецъ-яс,— сiйö тэныд кампет да печенньö ваяс.

А уска сапёр друг бергöдчис йöзлань мышкөн...

— Папа тани?— индiс нывка туй кузя сьöкыда вось-лалысь боецъяслөн колонна вылö.— Сiйö звездаа?

— Воас, Валя, воас,— шыасисны бара боецъяс.— Сöмын сёрöнджык. А öни — на сёйышт. Ок öд чöскыд галетыс.

Нывка век на неуна полiгтыр нюжöдiс кисö...

* * *

Сöмын на эштiс сьöкыд бой. Медбөръя граната по-тöмлөн шыыс разалiс вөр-ваö. Лөнъ. Матыстчис поход-ной кухня. Быгалöмысла пöшти еджыд гимнастёркаа боецъяс босьтöны сiйöс кытшö. Сэсся тыр пöртъясöн меститчöны кодi кытчö кужö. Выть вылö некод оз но-рась. Зэвтчöм нервъяс личалöны, йöз вочасөн сайка-лöны. Кылöны гажа гөлöсыяс, кутшöмсюрö чужöмъяс вывтi котöртö нюм. Нуръясысь боецъяс аддзöны теш-кодъ серпас. Пуджöм сосьяса кык здоровöй фрицöс колльöдö тылö нэриник, неыджыд тушаа томиник боец. Дженъыда шырöм юрсисö вевттьöм пыж кодъ пилоткаыс öтарö лэччö ныр вылас. Штыка винтовкаыс ассьыс кузь-джык. Воысалöма пельпом вылас. Став сертныс тöд-чö: сöмын на пополнениеысь воём боец.

— Эй, Иван, гормодчантö босьт киад, а то пышьясны, лыйнды он удит,— горöдис кодкö сёйысьяс пиысь.

Боец кывзысьомöн босьтö оружиесö киас, штыксö тшукöдö бöрынджык восьлалысь фриц мышкö. Мöдыс öддзöдö воськовъяссö.

— Кынöмыд сюмалö, кöнкö, нурьясь,— шыясис тöждысьысь старшина.— Найöс удитан на нуöднды.

— Менам пöртйыс абу,— гажтöма нурбыльтис конвоир.

— Пуксьы ме дорö.

Конвоир сёйигмозыс сюся да стрöга видзöдлывлö пленнöйяс вылö, кодъяс педзöны места вылас. Налöн, тыдалö, сюмалö жö кынöмыс. Синьясыс горша кодзлалöны.

— Мый, Гитлер капут?— юалö старшина.

Öти пленнöйыс радпырысь гогйöдлö юрнас, мöдыс зумыша ньылалö дувласö.

— Жуглиннды Ленинград, и öни ковмас кирпичөн кирпичөн чукöртны,— шуö старшина.— Кынöмыд сюмалö?

Пленнöйяс гогйöдлöны юрнас. Старшина тшöктö пöварлы вердны найöс. Пöвар вайö пöрт тыр госа рок. Пленнöйяс шемöс видзöдöны сы вылö. Сэсся öтиыс босьтö пöртсö, пуксьö вутш вылö, заводитö горша сёйны, а мöдыс сулалö.

— А тэ мый он сёй? Сэсся öд татшöм вөлөгатö он аддзылöй кисьтöм карьястö стрöитигад,— сералöны боецьяс. Немец, тыдалö гөгөрвоö. Мыйкö шуалö ас ногыс. Сержант, кодi кужö на ног, висьталö ёртъясыслы:

— Салдатлы пö öти дозйысь сёйны офицеркöд оз позь.

Боецьяс скöра видзöдöны азыма лöпатитысь пленнöй офицер вылö, тшыг салдат вылö.

— Кык синмад уна яндзим оз тöр.

— А ötлайн воуйтöны, öти смерть улын ветлисны.

Пленнöй салдатлы сетöны мöд пöрт. Сийö юалö офицерлысь, сэсся пуксьö неуна бокö да заводитö горша панясьны.

ЛЕНА ВÖСНА

Ладожскöй ты лунвывладорса вөрьяс да нюрьяс. 1942 вося гожöм. Неуджыд кушин. Гөгöрыс шпорöдчöны корьяснас пипуяс. Кушин шöрас «КВ» танк. Ыдж-

ыд, вынйора. Сылон шоналыштөм броняыс сцена пыдди. Сэсянь сьылөны, лыддьөны кывбуръяс Ленинградысь воём артистыяс. А машина гөгөр пукалоны танкистыяс, кывзöны найöс. Шоча овлө фронт вылад татшөм дивöыд. Уна лунъяс чöж тышкасигөн, смертькөд орччөн восьлалигөн боецъяс вунөдисны нин, мый көнкө эмось йоз, кодъяс вермөны на сьывны, гажөдны йөзöс, кыпöдны чужөм вылө гажа нюм. И нимкодъ салдатъяслөн сьөлөм вылын: сідзкө, эм на миян вын-эбөсным, сідзкө, тырмас на сямным да удаллунным пасьвартны Ленинлысь карсө джагпетляөн шыртыштысь вөрөгөс. Аддзöны, Ленинград эз вунөд найöс...

Матыстчө рыт. Передөвöйладорын кутисны швачкакывны-потласьны минаяс. Кузь öчередьясөн эргöны пулеметьяс. Заводитчө быд рытя «зарядка». Но тайöс некод оз пыдди пукты: велалөма, быд лунъятор. Боецъяс оз вештывны синьяссö танк вылысь, олөмаясджыклөн ыркмунлө сьөлөмыс, топалө дойысла, томджыкъяс ещö сюсьджыка чошкөдöны пельяссö, оз вермыны дзёбны шензьёмсö. Танк вылын сулалө ар дас вит-дас квайта ныв. Нэриник. Леторос кодъ. Төв кө пöльыштас — синсяс. Голяыс вöсньыдик, а киясыс быттьö сартасьяс. Кыз сийö кутö морöс вылас сьökыд аккордеонсö? Тайö нывкаыс кө вöлі бур бать-мам борд улын да эз тшыгъяв, дерт, эз вöv татшөм нэр да кельыд, эз эськө туша-рожа пырыс лун югыдыс тыдав.

Танкистыяслысь мөвпьяссö орөдöны аккордеонлөн кыпид шыяс, а сэсся юрөбтö нывкалөн лэчыд да мыла гөлöсыс. Сийö юралө гораа, лада, йиджтысьö йоз сьөлөмъясö. И оз эскыссы, мый тайö нылыслөн сэтшөм ён гөлöс. Танкистыяс вунөдöны ставсö, найöс кытчökө ас бөрсяыс чуксалө нывлөн гөлöс, нүдö, корö, тшөктö... Салдатъяс син водзö сувтö серпас: öружие кузя ёртъясыс — морской пехотинецъяс, калугаса да костромаса кык зон — венласьöны гундыр-вөрөгкөд. И со на пысь öтисö уськөдö кок йывсьыс снарядлөн торпыриг...

Сьыланкыв эз вермы не вөрзьөдны сьөлөмъяс, öд тайö серпасыс вöлі тöдса быд боецлы.

Танк вылысь лэччысь нывкаöс босьтöны уна зумыд кияс.

— Кыз тэнö шуöны?

— Кутшөмджык öні Ленинград?

— Көні бать-мамыд? Эм абу чой-вок? — быттьö потөм мешökысь анькытш, киссьöны юасьёмъяс.

— Шуоны Ленаон,— вочавидзис ныв.— Ленинград доймалёма, но важкодъыс мича да гордой. Батьос станок дорас виис бомба. Мам кулис тшыглы таво, тулысьявылыс. Ичот вокос эвакуируйтисны кольом ар кытчоко.

— А тэно мыйла эз?

— Верми омой ме кольны Ленинград?— строга юалис Лена.

И боецъяслы быть лонс согласитчыны ськод. Госнечысь Лена откажитчис.

— Ти фронт вылынось, а ми тылад кызко-мыйко олам нин... Они паек содтисны да асланым градъяс вылын урожай воо...

Некымын лун мысти танковой бригада пырис тышлон био. Грозной машинаслон уна башняс вылын тыдалисны еджыд краскаоң гижом кык кыв: «Лена вoсна».

ВОЙСЯ ГОЛОС

Виль вося вой. Кодзыдысла ывлао коть нырто эн мыччы. А землянкаын жар. Бензин бочкакысь вочом пачлон бокъясыс омидз ромаось. Шутка радейтысь ефрейтор ноксьо наръяс косто сувтодом елка дорын: ошло лыс лапъяс выло патронъяс, тыртом гильзаяс, запалтом гранатаяс. На костын бовьялоны пуом вов яй торъяс. (Неважон орча батареякысь мина торпыриг виис ен меринос.)

Сержант кистало кружкакысь наркомовской се грамм. Талун сийо кык-куим пов унджык. Праздник кузя тождысьысь старшина судзодома. Закуска пидди вов яй.

— Татшом елкато сесся одвако удайтчас корко адзывны...

— Ай да ефрейтор!

— Матыстчыллой,— коро ставнысо сержант.— Юам, медым Гитлерлон соп гаддыс потас...

— Медым Геббельслон лек кокыс музгыльтчас.

Серам. Гаж. Кодко заводито сывны, кодко вожйо лыддыны мусуксяныс воом юор. Сэки землянкао чепсийо ывлаын ветлодлысь патрульной.

— Эй ти, славяна, ныв сьыло!

Боецъяс тшокмуноны. Здук мысти найо пасяось да маскхалатаось нин. Ыжъяс моз гузгысьоны ывлао. Голубой лым вылын куйлоны пемыдлоз вуджоръяс. Пуяс

да понольяс быттьо ризіасьомаось: лым чирьяс ворсод-
чоны толысь югорьяскөд. И сэтшөм лөнь, сэтшөм лөнь...
Весиг передөвйысь оз кыв ни өти лыйом шы. Збыльысь
мойдын кодь. Сэтчө жө быттьо небесаянныс кылө эзысь
тельган кодь ныв гөлөс. Сійө пыр матысмө и матысмө.
Туй кузя дышеника рөдтіс рөзвалля вөв. Додь нырас
пукаліс олөма ездөвй, а додь бөрас еджыд пася да
пеля шапкаа медсанбатса сестра либө жө связь ротаса
радикта. Но лыжи вылын сулалысь боецьяслы сійө
вөлі мойдса Елена Прекраснаяөн, ылө гортө кольөм
мусукөн... Сылөн эзысь гөлөсыс пөкөртіс налысь сьө-
лөмьяс, кыскис ас бөрсяыс.

Вөв рөдтіс, ездөвй вуграліс, ныв дзользис-сьыліс.
И дерт, эз чайт, мый сійөс кодкө кывзө. Но та могысь
колө сөмын вөлі бергөдны юрсө вөр стенлань, пуяс
костті вуджрасьысь шытөм еджыд мыгөрьяслань. А ещө
бурджык лои, кодкө кө видліс өбидитны сійөс. Сэки эсь-
кө сьылысь ныв шемөсмис сыысь, тыдавтөм кутшөм эс-
корт, вөлөмкө, колльөдө сійөс.

МЕД ОЗ КУТ ТӨДНЫ

Көдзыд төв. Взводө вайисны ылі тылысь воөм пө-
даркияс. Ставөн чукөртчисны неыджыд ящикьяс гөгөр.
Взводса командирлы отсасьысь старшөй сержант видз-
чысьөмөн восьталіс найөс. Мыйыс сөмын эз вөв тайө
ящикьясас: вурун носкияс и кепысьяс, пуөм колькьяс
и кын шаньгаяс, чериняньяс и еджыд сукар. Öти ящик-
ысь гажа серам шы улө старшөй сержант кыскис ве-
сиг пшеничнөй водка сулея. Ставсө юкисны вокьяс моз.
Заводитчис пируйтөм. И, дерт жө, на вөсна төждысьысь
мелі киа аньясөс казтьылөм.

Но старшөй сержант эз төд, кодлы сетны махорка
тыра көшель. Сэтчө вөлі шөвк сунисөн вышивайтөма:
«Боецлы, кодлөн сьөлөмас абу полөм». Старшөй сер-
жантлы отсөг вылө воис взводса медыджыд арлыда бо-
ец — Матвейч. Тшөктіс сетны көшельсө томиник боец-
лы, коді сөмын талун на воис пополнениекөд.

— Мыйла?— чуймис старшөй сержант.

— Миян сьөлөмьяс эз нин өтчыд повзыывны. А вот
сылөн сьөлөмыс тайө чувствосө оз на төд и мед оз кут
төдны.

Төлка Матвеевичкөд быдөн сөгласитчисны.

ИНТЕРНАЦИОНАЛ

Ставон тодисны, мый регыд заводитчас наступление. Рыт. Пыдö, му пытшкö вöчöм ыджыд землянкаö, кодi передöвöйсянь 4—5 километр сайын, лыжнöй батальонса штаб дорын, чукöрмисны коммунистьяс да комсомолецьяс. Пукалöны лабичьяс вылын винтовкаяс да ручнöй пулеметьяс пидзöсьяс костас кутiг. Лолалигас пуркiйö ру. Сёрнитö батальонса комиссар, валегиа, пася. Шапкаыс куйлö пызан вылас. Сiйö висьталiс, мый лыжникьяс водзö сувтöдöма кыв кутана мог.

— И тайö тышас,— шуис комиссар,— медводзынöсь лоам ми — коммунистьяс да комсомолецьяс. Миянлы ковмас ышöдны да нуöдны ас бöрсяным мукöд ёртьясöс.

Ставон гөлöсуйтöны та вöсна.

И сэки залын пукалысьяс пиысь кодкö кыпöдчис местасьяс, ён да зумыд гөлöс поткöдiс сынöдсö. Тайö гөлöс дорас öтлаасис мöд, коймöд, витöд, дасöд... И со ставныс кысисны öтлаö, юрöбтiсны «Интернационалөн» сьёлöмтö вөрзьöдана шыяс...

Кодкö восьтiс öдзöс. Гимнысь лонс жар сьёлöмьяслы, йöз петисны ывлаö, вылисянь дзирыда югьялысь кодзувьяс улö, лымйөн вевттысьсöм пожöма вөрö. Со сьылö пельпомьяс вылас еджыд пасьсö павкнитöм комиссар, олöма мужичöй, сьлөн гөлöсыс абу ён, нэриник, но сьылö сiйö став сьёлöмсяньыс, тöдö, мый отсаласны мукöд. Ськöд орччөн томник сержант. Сiйö сьылö став эбöссьяс да вынсьяс, быдтор йывсьяс вунöдöмөн. Сьыланкывлөн горыс шымыртiс сылысь сьёлöмсö — чуксалö, нуöдö нин врагкöд бөрья тышö. Чорыд косьлысь шыяссö кылö и со эсiйö олöма пулемётчикыс, кодi эз нин öтчыд кутчысьлы морöс на морöс вөрöгкöд да пыр на вермывлiс. Та йылысь висьталö сьлөн зумыш да стрöг чужöмыс, код вылын пытшкөсса биён яра ломалöны öзйысь синьяс. А сьыланкыв юралö и юралö. И код тöдас, кымынөн лооны ловьяёсь аски, тайö жö кадас, тайö сьылысьяс пövстысь.

ПОЛИТРУКЛÖН НЮМ

Рота сунгысис лымйö дзик чуткасьяс сутугаысь потшöс водзын. Водiс и сорласис лымйыскöд: боецьяс вöлины еджыд маскхалатабсь. Бөрвылын — мина во-

ронкаяса да саёссьом лымъя эрд. Сэни и тани куй-
лоны ёртъяслон шойяс. Водзвылын враглон траншея-
ёдз некымын дас воськов. Но он тай босьт, он тай
которт: пулемётъясысь да автоматъясысь киссьысь
свинеч шер топодё боецъясёс лымъя му бердё. Кы-
пёдчыны эськё, уськёдчыны водзё, но мешайтё уна
пövста сутуга потшöс.

И друг кодкё казяліс сэтысь розь, кыті позьö
кыссьыны потшöс сайö, фашистскöй траншеяяслянь.
Вөрзис öти боец, мёд, коймёд... И лымйыс быттьö
ловзис. Зонъяс кысисны и кысисны водзё, ас бөр-
сяяс джуджыд бөрöздаяс колигтырйи.

Медводзын уйысь лыжник сутуга потшöс пыр пись-
көдöм туй бокысь адзис друг куйлысь мортöс, код-
лөн чужöмыс да синъясыс ышöдана нюмъялісны. Бы-
дөн тöдісны ротаса политрук Медведевöс-Медвежоно-
кöс, кызди ас костаныс сійöс меліа нимтісны лыжникъ-
яс. Но кызди сійö татчö веськаліс? И медся водз?
Боецъясёс сотіс яндзим: кор да кызди ордйис найöс
Медвежонок? Öні кыссьысьыд вöлі шоч нин. Прöтив-
никлөн би улын зонъяс прöйдитісны сутуга потшöсын
вöчöм розь пыр ньövьяс моз. А найöс колльöдіс по-
литруклөн ышöдана, ошкана да аслас быдтасъясөн
гордитчана нюм.

МОРТ ЖÖ ÖД

Лыжникъяс сöмын на босьтісны гитлеровецъяслысь
медбөръя, коймёд траншея. Враг эргигтырйи бöрынът-
чис. Рёмдыны заводичигөн батальон муніс шойччы-
ны. А мёд часть вотödз рубежсö видзны колісны
отделение да пулемётной расчёт.

Боецъяс овмөдчисны вöвлөм офицерскöй блиндаж-
ын. Нуръясисны трофейной консервьясөн, галетъя-
сөн. Окота лоис юны, но ва эз вöv. Сэки кыкөн мө-
дөдчисны траншеясянь неылö гитлеровецъясөн кодйөм
юкмöс дорö.

Рытъявылыс ещö на көдздөдіс. Веж мороз. Пы-
дöстөм енэжын кодзувъясыс быттьökö матысмисны,
сэтшөм гырысьöсь да ярьюгыдöсь вöліны найö.

Траншея пыдöсын туплясисны гитлеровецъяслөн
шойяс, быттьö кын кражъяс. Невöляысь лон восьлав-

ны на вывті. Шойяссö джынвийö тыртöма лымйөн, лыаөн. Чорыда уджалöмабсь мян артиллеристьяс да миномётчикьяс. Немтор он шу. Но эм тани пайыс и налөн, лыжникьяслөн.

Водзын мунысь олöмаджык боец друг джёмдiс, бергöдчис ёртланьыс:

— Тайö, тыдалö, ловья...

— Кодi?— эз гөгөрво мöдыс.

— Со, видзöд. Шойыс абу кын, небыд...

Кыкнанныс копытчисны. Кымыньөн куйлысь немец вöли сыв. Но кепысьтöм кисьыс чуныясыс вöлины нин лы кодьöсь, весиг эз куснясьны.

Бергöдiсны мыш вылас. Еджыд юрсиа, том на.

— Ар дас көкъямыс, дас öкмыс,— ышловзис олöмаджыкыс.

— Меным тшöтшья,— содтiс мöдыс.— Чорыда доймöма. Садьтöм. Ранаыс со морöсас...

Олöмаджык боец олис чöv. Сэссия кыскис пурт да лажынътчис немецкöд орччөн. Но сийö эз сутшкы гитлеровецлы, медым помавны сылысь мучитчöмсö, суйис пурт йывсö немецлы пиньяс костас, калькöдыштiс найöс:

— Кисьтышт сорлалöм спирттö!

Том боец тэрыба перйис тасмаас крепитöм фляж-касö, но век жö шуис:

— Вельшөрö зiлям. Кынмас...

Олöмаыс стрöга видзöдлiс сы вылö:

— Шоныдинö кыскам. Көть вөрög, но морт жö öд...

НАРОДЛÖН ЭМБУР

Лёня Огнев, лыжнöй батальонса боец, сотiс валегисö. Мый сэссия вöчан, тадзи артмис да. Чишкасьöма пыдöсыс, а шöрас ки пыдöс пасьта розь, весиг нямöдыс тыдалö. Көть бöрд, көть серав. А шензыныс оз и ков. Январь, көдзыдыс градус комынöдз вöлö, а лыжникьяс узьлöны лыс лапьясысь вöчöм чомйын. Шöрас ичөтик көрт пач лöсьöдiсны, ведраысь. Пестасны би, водаласны, а кокьяссö нюжөдöны пачлань. Юрид гыөртö көдзыдысла, а кокьясыд валеги пырыс неуна кылыштöны шоныдсö.

Öд регыд бара бой либö враг тылö рейд. А сэни

землянкаясад он кут красуйтчыны. Со и велөдöны лыжникъясöс. Ставыс öнөдз вöли бур и Лёня Огнев-лөн, кызди и отделениеса мукөд боецъяслөн. И со на тэныд. Колö жö лоны тадзи. Матөджык пач дорас коксö нюжөдсьöма. Öнi пыдöстөм валегинад он ис-лась. А кытысь выльыс фронт вылад сюрö?

Боецъяс видзöдiсны майшасъысь Лёня вылö да гажаа нюмъялисны. Сержант, отделениеса командир, мунiс висътавны ротаса старшиналы. А старшиналысь оласногсö быдөн тöдöны, оз öд весьшөрö нимтыны сийöс командир-пилаөн. Ок, и кужö сийö плитнытö да вуштыны сiмтö. Оз тэрмась, ньöжйөнник, лабутнöя. Велалöма гортас, колхозад председателялигад.

Кылис тэрыб кок шыяс улын лым дзуртöм. Боецъяс петiсны шалашысь. Кыссис на бöрся и Огнев. Му-сяньыс тэчөм тушаа старшина вылын паськöмыс пука-лис мичаа, бытгö ставсö вурöма сы серти: пась, шо-ныд гач, валеге и пеля шапка. Сийö стрöга видзöдлис Огнев вылö да корис пöрччыны тшыкөдөм валегисö. Лёня сулалис лым вылын нямөд кежсьыс да видзöдiс, кызди старшиналөн кыз да ён чуньясыс видлалöны валеге пыдöссö.

Некод весиг оз лолав. На пиысь öти, дерт, полөм вöсна, а мукөдлы окота вöли тöдмавны, кызди мөдас плитны Лёняöс колхозса вöвлөм председатель.

— Кызди кутан воюйтны?— сувтöдiс синсö старши-на.— Нöшта сетлисны награда... Ме весиг ог тöд, кы-зди накажитны тэнö...

— Старшина ёрт, ыстöй пусъысь дорö, медым кар-тупель весалас,— висъталiс кодкö.

— Татшөм кöдзыднас картофель? Тэ мый, тöлысь вылысь усин? Öнi шыдöс да макарон колö, а тэ — картофель. Вöли кö сийö, эськö весавнысö тэ кодъ ве-жöраöс и индi. Вот шондöдыштас, сэки и видзöдлам, кызди сямман.

— Старшина ёрт, тi Огневöс велөдöй, мыжмис сийö, а эг ми,— шуыштiс сержант.

Старшина торкнитiс кöрт кодъ чорыд чунь гыжнас валеге бөрö да ёсь синъяснас сатшкысис йöжгыльт-чыштöм Огнев чужöмö.

— Кымын лун колö уджавны тылын мортлы, ме-дым тэнö, боец Огнев, пасьтöдны, кöмөдны, вердны да юктавны, сетны киад оружие? А? А тэ чик — и сотiн! Чик — и вай выль валеге! Йöзыс олөмсö пук-

тöны, оз жалитны немтор, мед тэд — вöли шоныд, — старшина пыркöдiс валеги пöвнас Огнев ныр улын, — мед вöли рушкуыд тыр! А тэ кызди видзöдан народнöй добра вылас? А?

Лёня Огнев, томиник боец, лöсялис старшиналы пи пыдди. Сийö сулалiс вомсö неуна калькнитöмөн да чöла видзöдiс скöрысла пуысь командир вылö. И друг эз вермы терпитны:

— А ме, старшина ёрт, ковмас кö, олöмöс жö пукта...

— Этийö валеге вöснаыс? — друг шпыньмунiс старшина.

Гөгөр серöктiсны. Но шöйöвошöм Огнев, тыдалö, эз гөгөрво шмонитöмсö, вочавидзис:

— А мый кöть! Народлөн добра...

— Вернö, пиук... — дзик ас морт моз вочавидзис старшина да перыйс ён шöрта ем. — А öни видлам дöмны сийöс.

Сьöкыд вöли шуны, кодi боецъяс водзын: командир-пила или тöждысьысь старшина.

ЮРИНДАЛЫСЬ

Югыд лунъяс	3
Менам другъяс йылысь повесть	80
Фронтёвöй оломысь	163
Шойччигöн	163
Мездöм сиктын	164
Лена вöсна	167
Войся гöлöс	169
Мед оз кут тöдны	170
Интернационал	171
Политруклöн нюм	171
Морт жö öд	172
Народлöн эмбур	173

Для среднего и старшего школьного возраста

Александр Алексеевич Лыуров

НЕЗАБЫВАЕМЫЕ МГНОВЕНИЯ

Повести и рассказы

На коми языке

Рисунок на обложке С. Козлова

Редактор *В. И. Трошева*. Художественный редактор *В. Б. Осипов*.
Технический редактор *А. Н. Вишнева*. Корректоры *Т. А. Гудырева*,
М. М. Дейнега.


ИБ № 1228

Сдано в набор 07.04.88. Подписано в печать 03.06.88. Ц01099. Формат
84×108^{1/32}. Бумага № 1. Гарнитура «Литературная». Печать высо-
кая. Усл. печ. л. 9,24; усл. кр.-отг. 9,66; уч.-изд. л. 9,65. Тираж 2500.
Заказ № 4551. Цена 60 к. Коми книжное издательство, 167610,
Сыктывкар, ул. К. Маркса, 229.

Республиканская типография Государственного комитета Коми
АССР по делам издательств, полиграфии и книжной торговли.
167610, Сыктывкар, ул. Первомайская, д. 70.



60 к.

ШКОЛЬНИКЛӨН  БИБЛИОТЕКА

А. А. Льюров чужис 1923 воын Сыктывдинскöй районса Зеленеч сиктын. Том зонмөн мунис Великöй Отечественнöй война вылö, дорйис Ленинград, вöли на лыдын, кодъяс ордисны сылысь блокада.

Литературнöй уджö босьтчис война бöрын, пырис коми литератураö 1951 воын «Прöстöй йöз» повестьöн. Сы бöрти йöзöдис «Зарни кияс» (1956 во), «Лена» (1964 во), «Эн вунöдöй найöс» (1974 во) да мукöд книгаяс. Сидзжö писательлөн повестьяс да висетьяс петавлисны Москваын «Современник» да «Советская Россия» издательствоясын.

А. А. Льюров 1957 восянь Писательяслөн союза член.

КОМИ КНИЖНÖЙ ИЗДАТЕЛЬСТВО 1988